

ও শ্রীশ্রীগুরবে নমঃ

যোগ জীবন

শ্রীশ্রীশ্রীতোষ চট্টোপাধ্যায় প্রণীত

৩মহাষ্টমী ২৯শে আশ্বিন

১৩৪১ সাল

প্রাপ্তিস্থান

শ্রীশ্রীশচন্দ্র যুখোপাধ্যায়

পোঃ বলাগড়, জেলা হুগলি।

মূল্য ১।০ এক টাকা চারি আনা।

প্রকাশক
শ্রীঈশানীতোষ চট্টোপাধ্যায়
৩নং দক্ষিণাহাটা ষ্ট্রীট
কলিকাতা ।

প্রাপ্তিস্থান---
শ্রীঈশানীতোষ চট্টোপাধ্যায়
৩নং দক্ষিণাহাটা ষ্ট্রীট
কলিকাতা ।

নিউ যমুনা প্রেস্
১৭৫নং বহুবাজার ষ্ট্রীট
শ্রীজ্ঞানেন্দ্রনাথ সূত্রকার
কর্তৃক মুদ্রিত ।

ওঁ নমঃ শ্রীশ্রীগুরবে

নিবেদন

বহুদিন হইতে আমার মনে মদীয় পূজাপাঃ ঈশ্বরের সংক্ষিপ্ত জীবনকথা প্রকাশের তীব্র আকাঙ্ক্ষা ছিল। পূজনীয় ঈশ্বরের অসম্মতিতে আমার ও অগ্যাণ্ড বহু উদ্যোগী ভ্রাতার এই মহৎ সংকল্প বহুদিন যাবৎ কার্যে পরিণত হইতে পারে নাই।

আজ আমার বহুদিনের সঞ্চিত আশা সফলতার পথে চলিয়াছে : অপূর্ণ লীলাসম্বারে সুসজ্জিত করিয়া আমার পরম পূজা ঈশ্বরের জীবনী ও বাণী জনসাধারণের করকমলে উৎসর্গ করিয়া নিজেবে ধনাত্তান করিতেছি। আশাকরি, এই পুস্তক সকলের আনন্দ বর্ধন করিবে ; ভগবানের রূপায় আমার প্রাচেষ্টা জয়প্রযুক্ত হইবে।

অनावশ্যক পুস্তকের কলেবর বৃদ্ধি না করিয়া, ঈশ্বরের শ্রীমুখ নিঃসৃত তদীয় জীবনের অলৌকিক ঘটনাবলী যেরূপ কথাচ্ছলে আমার নিকট গল্প করিয়াছিলেন, অবিকল সেইরূপ উদ্ধৃত হইল, আমার নিজের কোনরূপ ভাষা এই পুস্তকের মধ্যে না দিয়া সহজগমা ও সরল ভাষায় সংক্ষেপে বিবৃত করা হইয়াছে। ইহার মধ্যে আমার নিজের কোনরূপ ভাষার ভাব-সঞ্চারণ করিয়া অনধিকার চর্চায় ধৃষ্টতা প্রকাশ করি নাই। ইহার পরিশেষে, আধ্যাত্মিক মহাভারত ও শারীরিক বৈজ্ঞানিক ধর্মপ্রণালী সম্বন্ধে বিবিধ জ্ঞাতব্য তথ্য সন্নিবিষ্ট হইয়াছে। ভাষা ও ভাবের সূচু ও মধুর সমাবেশ সকলক্ষেত্রে সম্ভব হয় না। সহৃদয় পাঠক পাঠিকাগণের নিকট

আমার বিনীত অনুরোধ, তাঁহারা যেন ভাষাদৌর্ভাগ্যজনিত যাবতীয়
দোষ ও ত্রুটি মাফ করেন।


এই পুস্তক মুদ্রণে, ক্রিয়ান্বিত শ্রাতৃগণের উৎসাহ ও উচ্চ
প্রশংসনীয়। তাঁহাদের মধ্যে অনেকে আর্থিক ও কার্যিক সাহায্য
করিতে সকলের কৃতজ্ঞতাভাজন ও ধন্যবাদাত হইয়াছেন।

আশা করি, জনসাধারণের মধ্যে এই অমূল্য চরিত-কথার বহুল
প্রচার হইবে। সাধারণে যাহাতে আনন্দ-সুধাপানে বঞ্চিত না হন,
তজ্জগৎ এই পুস্তকের যথাসম্ভব মূল্য হ্রাস করা হইয়াছে।

সত্যের অবতার-ধর্মের মানসপুত্র-মানবতার প্রতীক-মর্দায়
পরম পূজাপাদ গুরুদেবের অশেষ মহিমা প্রচারে সকলের মিলিত
চেষ্টা ও যত্ন প্রার্থনা করি। সকলের শুভাকাঙ্ক্ষা আমার জয়-
যাত্রার পাথেয় হউক।

ভ্রমপ্রমাদ মানুষের ধর্ম। বাধাবিলম্ব ও সময়ের অল্পতা হেতু
যাবতীয় দোষ ও ত্রুটির জন্য সর্বদান্তঃকরণে সকলের নিকট ক্ষমা
ভিক্ষা করিতেছি।

পরিশেষে আমার বক্তব্য এই যে, সকলে সাধ্যমত এই
পুস্তক ক্রয় করিয়া দেশে আধ্যাত্মিকতার প্রচারে সহায়তা করুন।
এই পুস্তকের শেষভাগের আধ্যাত্মিক মহাভারত শারীরিক
বৈজ্ঞানিক ধর্ম, ৯ নং পঞ্চানন ঘোষ লেনস্থ কলিকাতা
ওরিয়্যান্টাল প্রেসে শ্রীযুক্ত রঘুনাথ শীল বি, এ, কর্তৃক মুদ্রিত
হইয়াছে।



পাঁওত ৬পঞ্চানন ভট্টাচার্য্য



ডাঃ শ্রীশ্রীশচন্দ্র মুখোপাধ্যায়

বাল্য জীবন

সন ১২৬৬ সালের আশ্বিন সংক্রান্তি রবিবার দিবসে হুগলি জেলার অর্গত গুপ্তিপাড়া গ্রামের মিড্‌ডাঙ্গা পল্লীতে, মাতামহ আশ্রমে আমার জন্ম হয়। বলাগড় নিবাসী শ্রীশ্রীনাথ মুখোপাধ্যায় আমার পিতা। আমার জ্ঞান হওয়ার পরে জানিতে পারিলাম আমার নাম শ্রীশ্রীশচন্দ্র মুখোপাধ্যায়, কিন্তু পাড়ার সমবয়স্ক বালকেরা এবং আমার নিকট-আত্মীয়গণ রাগান্বিত হইলে আমাকে শিরুশে বলিয়া ডাকিতেন। আমার জননী নাম নিস্তারিণী দেবী, ৩কাশীখর বন্দ্যোপাধ্যায় মহাশয়ের কন্যা। কৌলিগ্র প্রথার নিয়মামুসারে আমার মাতাঠাকুরাণী আজীবন পিত্রালয়ে থাকিতে বাধ্য হইয়াছিলেন। যখন আমার পিতার বিষয় জিজ্ঞাসু হইয়াছিলাম, তখন পরিজ্ঞাত হইলাম, যে কৌলিগ্র প্রথার শেষ সীমায় পদার্পণ করিয়া আমার পিতা দেশত্যাগী হইয়াছেন। যে সময়ে আমার বয়স ১ বৎসর কি, তদুর্দ্ধ ঐ সময়ে খুব সম্ভব পশ্চিম দেশাভিমুখে গমন করিয়াছেন। অনেক অনুসন্ধান করিয়াও কেহই তাঁহার অনুসন্ধান পান নাই। মাতামহাশ্রমে মাতাঠাকুরাণীর পিসীমাতা ভিন্ন আর কেহই ছিলেন না। আমার যখন জ্ঞানাকুর দিন দিন বর্দ্ধিত হইতেছিল, তখন পর্য্যন্তও পিতার স্নেহ কি প্রকার, তাঁহাকে কি প্রকার ভালবাসিতে হয়, সে বিষয়ে আমি সম্পূর্ণ অনভিজ্ঞ ছিলাম। আমি আমার মাতার একমাত্র সন্তান ছিলাম; সুতরাং বলাবাহুল্য আমি আলালের ঘরের দুলাল ছিলাম। আমি আমার দিদিমাতাঠাকুরাণীর প্রাণের গোপাল ছিলাম। প্রকৃত পক্ষে তিনিই আমাকে লালনপালন করিয়াছিলেন। পাড়ার

সমবয়স্কদিগের সহিত কেবল আনন্দে ৬ বৎসর বয়স্ক পর্য্যন্ত খেলিয়া বেড়াইতাম। আমার মাতামহের দ্বিতল ইষ্টক নির্মিত অট্টালিকা বাটী, বাহিরে স্তম্ভমণ্ডপ। আমার স্বরণ হয়, ৭ বৎসর বয়স্ককালে দিদিমাতার নিকট শয়ন করিয়া কত প্রকার উপাশ্রবণ করিতাম। বাল্যকালে আমি বড় অনুকরণপ্রিয় ছিলাম। যদিচ সকলেই অবগত অছেন, সকল মনুষ্য অনুকরণের আদর্শ তন্মধ্যে আমার একটু বাড়াবাড়ি ছিল। যখন যেটি দেখিতাম, তখন সেটা না করিলে মনেতু যেন শাস্তি পাইতাম না। আমার বয়স যখন ৮৯ বৎসর, গুপ্তিপাড়ার একজন লোক বহুদূরপ সাজিয়া প্রতিদিন নানা প্রকার মূর্তি দেখাইয়া বেড়াইত। আমি আমার একজন প্রিয় বয়স্ক শ্রীশচন্দ্র বন্দ্যোপাধ্যায়ের সহিত নানা প্রকার মূর্তি ধারণ করিয়া রাস্তায় রাস্তায় বাড়ী বাড়ী দেখাইয়া বেড়াইতাম। পাড়ার লোকও সম্ভ্রষ্ট হইয়া আমাকে উৎসাহ দিতেন। আবার এক সময়ে একজন পুতুলনাচওয়াল আসিয়া অনেক স্থানে নাচ দেখাইত। আমিও তথায় যাইয়া উপস্থিত। তাহার কৌশল কোন প্রকারে অবগত হইয়া মৃত্তিকার পুতলিকা নিজ হস্তে প্রস্তুত করিয়া সূতা দ্বারা ঠিক ঐরূপভাবে পাড়ায় পাড়ায় নাচাইতাম। এই সকল উদ্দেশ্যে আমার সমবয়স্ক অনেক বালক আসিয়া মিলিত। এই সময়ে আমার সকল আনন্দ যেন অন্ধকারে মিশিয়া গেল; কারণ আমার দিদিমাতাঠাকুরাণী আমাকে স্থায়ীরূপে ঠাকুরপাড়ায় গোবিন্দ সরকারের পাঠশালায় পাঠাইতেন; ঐ সরকারের বহির্বাটীর সম্মুখে একটি বিন্দুবৃক্ষ ছিল। কতক ছাত্র ঐ বৃক্ষের চতুর্দিকে “পাততাড়ি” বিছাইয়া লেখাপড়া করিত। আমিও তাহাদিগের সঙ্গী হইলাম। গুরুমহাশয়ের ভাবগতিক দেখিয়া অন্তর অহরহ কাঁপিত; অতি সামান্য কারণে তাঁহার বেত্রের সহিত হাতদিগের পৃষ্ঠের সহিত সৌহৃদ্য হইত। অনেক সময়ে আমারও ঐরূপ দশা হইত। যদি কোন দিন কোন গতিক

বাল্য জীবন

পাঠশালায় অনুপস্থিত থাকিতাম, অমনি গুরুমহাশয়ের প্রেরিত অর্দেশ-
বহনকারী আমার সমপাঠীগণ আমাকে ধরিতে আনিত ; কিন্তু
তাহাদিগের হস্ত হইতে রক্ষা পাওয়া বড়ই দুষ্কর। বলিতেছি—শমনের
দুতের তুল্য তাহারা কাহাকেও অক্ষিপ করিত না। আমি তখন
দিদিমাতাকে পরমেশ্বরী তুল্য জ্ঞানিতাম। তাই দৌড়াইয়া কাহার
পশ্চাতে লুকাইতাম। ছাত্রগণ দিদিমার কথা অগ্রাহ করিয়া শূন্যে শূন্যে
তাহাদিগের স্কন্ধে করিয়া “গুরুমহাশয়, গুরুমহাশয়, তোমার পোড়ো
হাজির। হাজির না করিতে পারি দশ বেতের বাড়ি।” এই বচন
আওড়াইতে আওড়াইতে আমাকে স্কন্ধে বহন করিয়া লইয়া যাইত।
অবশ্য ঐ সময়ে তাহাদিগের হস্ত হইতে পরিত্রাণ পাইবার জন্ত ফিকির
চালাকি করিলেও কখনো মনোরথ হইয়া আতঙ্কে হৃদয় দূর দূর করিতে
থাকিত ; ভাবিতাম অচিৎ আমার জীবনের শেষ হইবে। দিদিমাতা
রক্ষা করিল না ; তবে কি গুরুমহাশয় রক্ষা করিবেন ? এইরূপ ভাবিতে
ভাবিতে পাঠশালায় উপস্থিত। অমনি “শিরশে, অর্থাৎ তোমার স্কন্ধে
নাই” বলিয়া অঙ্গে নির্দয়রূপে বেত্রাঘাত করিতেন। তাহাতে
তাঁহার ব্রাহ্মণ্যদেব শীতল হইত না। আমাকে ইটে খাড়া করিয়া
দিতেন ; মূল কথা,—“গোপাল” হইতাম। অপর বালককে ধরিয়া
আনিতে যাইয়া আমার পূর্ব সাধ মিটাইতাম। ইহাভিন্ন আরও নানা
প্রকার শাস্তি পাইতে হইত। গুরুমহাশয়ের এবং তাঁহার অমৃতীয়ার
নানা প্রকার হুকুম পাঠশালার ছাত্রদিগের তামিল করিতে হইত।
গুরুমহাশয়ের গৃহকার্যের জন্ত প্রতি ছাত্রকে বিভিন্ন প্রকারের কার্য
করিতে হইত। কেহ কেহ গুরুমহাশয়ের গোয়াল পরিষ্কার, কেহ কেহ
বৃক্ষে উঠিয়া কাষ্ঠাহরণ, কেহ কেহ হাটবাজার করন, কেহ কেহ পুষ্প
চয়ন, তামাক সাজা, পক্কেশ উৎপাদন ও ব্যঞ্জন করা ইত্যাদি কার্য
করিতে প্রস্তুত হইত ; অর্থাৎ সকল কার্যের ভার ছাত্রদিগের উপর

হস্ত ছিল। আমরা প্রাতে চাউল দাজা ও গুড় কাপড়ে বাঁধিয়া পাঠশালায় আসিতাম। প্রাতঃকালে বেলতলায় পাটি কিছাইয়া লিখিতে কসিতাম। সন ১২৭৪ সালে আমি কলাপাতায় লিখিতাম। আমাদিগের সহিত বৈষ্ণব বংশীয়া কয়েকটি বালিকাও পড়িত। সময়ে সময়ে আবার তাহাদিগের কোমল হস্ত আমাদের কর্ণদেবে পতিত হইয়া কি অপূর্ব শোভা হইত ও কেমন রক্তবর্ণ ধারণ করিত। নন্দোৎসবের সময় গুরুমহাশয়কে পৃথক পার্বণী দিতে হইত। ঐ সময়েই দুই দিন মাত্র গুরুমহাশয়ের হাশু বদন দেখিতাম; আমার মনে হয় না যে তিনি অন্য সময়ে হাসিতেন। গুরুমহাশয় ব্রাহ্মণ ছিলেন, বলা বাহুল্য—আমি যখন পাঠশালায় যাতায়াত করি, ঐ সময়ে আমার খেলা আরম্ভ হয়। আমি প্রথম হইতেই বড় অনুকরণপ্রিয়; আমি যাঁহা দেখিতাম তাহা না করিড়ে মন যেন কিস্তুতকিমাকারভাবে তোলাপড়া করিতে থাকিত। আমাদিগের গ্রামে ঠাকুরপাড়ার বৃন্দাবনচন্দ্র ইত্যাদি দেবালয় ছিল। তাঁহার সময়ে যেরূপ নীলা হইত, তাহা দেখিয়া আমি ঠাকুর ও রথ ইত্যাদি লইয়া খেলা করিতাম; যে সময়ে যেরূপ পূজা, ঠিক সেইরূপভাবে পূজা করিতাম। বলা বাহুল্য, এই সময়ে আমার বয়ঃক্রম চার বৎসর। আমার উপায়ন হয় নাই। পূজার সময় আমার সহচরগণ একত্রে বৈকালী সংগ্রহ করিতে প্রতি পাড়ায় পাড়ায় পূজার বাটিতে যাইতাম। গুপ্তিপাড়ার রথ বড় বিখ্যাত; অনেক লোকের সমাগম হইত। আমিও নূতন কাপড় চাদর পরিধান করিয়া রথ দেখিতে অতি প্রসূর্ধে বহির্গত হইতাম। মনে কত আনন্দ, উদ্দেশ্য আর কিছুই নহে। কোন্ সুযোগে রথে চড়িব, হয়ত এত চেষ্টা করিয়াও রথে চড়া হইল না—কোন কোন বৎসর চড়িলুম; সোজা ও উল্টা রথের মধ্যে যে ছয় দিবস রথ গুঞ্জবাটিতে থাকিত। আমার ১০ বৎসর বয়ঃক্রমকালে রথের মধ্যে “লুকোচুরি” ক্রীড়া করিতে করিতে পদস্থান হইয়া চাকার

উপরে পতিত হই এবং একটি নোহ শলাকা আমার গলদেশে বিধিয়া যায় ও ভয়ানক রক্ত পড়ে। আমার এই অবস্থা দেখিয়া আমার সমবয়স্কগণ পলায়ন করে; একজন লোক (কে তাহা স্বরণ নাই) আমাকে লইয়া বন্দাবনচক্রে পুষ্করিণীতে যাইয়া রক্ত ধৌত করিয়া দেন; অতি কষ্টে জীবন রক্ষা হয়। এই সময়ে আর একটি বিষয়ে আমার মন দিবানিশি নৃত্য করিত। অবসর সময়ে অগ্ন্যাগ্ন বালকগণের সহিত বনে বনে পক্ষী ধরিয়া এবং তাহাদের শাবক আনিয়া খেলা করিতাম; কিন্তু আমার অদৃষ্টবশতঃ যেদিন যে সকল পক্ষী আনিতাম পরদিবস প্রাতে দেখিতাম পিঞ্জরে পক্ষী নাই। কোন কোন পক্ষীর মাথা নাই, কোন পক্ষীর বা পা নাই, এইরূপ করিয়া ইহুরে বা অন্য কোন জন্তুতে ঐ পক্ষীদিগকে নষ্ট করিও; তাহা বলিয়া শাবক আনিতে ক্ষান্ত হইতাম না। কোন পক্ষী আর বাদ ছিল না; যতদূর আমার স্বরণ হয়, কেবল কাক ও শকুন পক্ষী আমার পিঞ্জরে আসে নাই। এই সময়ে আমার পিতার কথা স্মৃতিপথে আরুঢ় হয়। তাহাতে জানিতে পারিলাম, আমার পিতার চারি বিবাহ; আমার তিন বিমাতা ঠাকুরাণীর মধ্যে একজনের একটি পুত্র ও একজনের একটি কন্যা সন্তান। কোথায় আছেন এবং আমার আত্মীয় লোক বলিয়া বিশ্বাস না হওয়ায় তাহাদিগের বিষয় আর অনুসন্ধান করিতাম না। কিছুদিবস পরে আমার মাতা-ঠাকুরাণী কোন পার্কন উপলক্ষে ত্রিবেণীতে গঙ্গাস্নান করিতে যান; তথায় আমার একজন বিমাতার সহিত সাক্ষাৎ হওয়ায় জানিতে পারিলাম, যে, উল্লিখিত আমার ভ্রাতা ও ভগ্নী পরলোকগমন করিয়াছেন। আমাদের কল্পিত সংসার চলিত এই কথা জিজ্ঞাসা করিলে তাহার এই উত্তর করা যায়, আমার মাতামহের কিছু ভূমি সম্পত্তি গুপ্তিপাড়া ও অগ্ন্যাগ্ন নিকটবর্তী স্থানে প্রজাদিগের মধ্যে বিলি ছিল। তাহার খাজানা এত অল্প যে অতি কায়ক্লেশে জীবনযাত্রা নির্বাহ হইত।

আমার মনে হয় সময়ে সময়ে পদব্রজে গুপ্তিপাড়া ও অগ্রাণ্ড নিকটবর্তী স্থানে দিদিমাতা ও মাতাঠাকুরাণীর সহিত গুরুমহাশয়ের নিকট হইতে একবেলা আধবেলা বিদায় লইয়া উক্ত স্থানে খাজানা আদায় করিতে যাইতাম। রাণাঘাটের অন্তর্গত ঘোলা নামক স্থানেও আমার মাতামহের বিষয় ছিল। ঐ স্থানে বাৎসরিক ১২/২০ টাকা খাজানা পাওয়া যাইত। তাহা ভিন্ন চাউল, দাইল ইত্যাদি অনেক বিষয় আমাদের সংসারের সাহায্য হইত। উক্ত ঘোলার দিদিমাতাঠাকুরাণী বৎসরের মধ্যে দুইবার খাজানা আদায় করিতে যাইতেন। আমার যখন ১০/১১ বৎসর বয়ঃক্রম তাবৎ আমার অদৃষ্টে ভালরূপ কাপড়-ইত্যাদি অঙ্গ উঠে নাই। এমন কি জামা পর্যন্ত শরীরে ধারণ হইত না, বিনামার কথা স্বতন্ত্র। তবে পক্ষী খরিদ ইত্যাদি ভাল কার্যে পয়সা খরচ বন্ধ ছিল না। যখন পয়সা সহজে মাতাঠাকুরাণী ও দিদিমাতার নিকট হইতে আদায় করিতে অপারগ হইতাম, তখন চুরি বিঘা দ্বারা অর্ধাঙ্গীতে পরিকা বাক্স হইতে বাহির করিতাম। যখন তাহাও সুবিধা না হইত, তখন পুরাকালীন পিতল কাসার জিনিষপত্র যাহা পাইতাম ঐতি গোপনে গোপলা ধোবার বাটিতে ঐ জিনিষ দিয়া তৎপরিবর্তে পক্ষী আনিতাম। সেই ধালকটি আমাকে পক্ষী ও শাবক দিত। এই সকল কার্যে আমার মাতাঠাকুরাণীর নিকট হইতে উত্তম মধ্যম প্রকারের প্রহার খাইতাম।

এই সময়ে গ্রামের অপর পাড়ার একটি নীচ জাতীয় লোক কৃষ্ণ যাত্রার দল খুলিল। আমি প্রথম হইতে স্বভাবসিদ্ধ গান করিতাম, তাহা আমাদের পাড়ার লোক জানিত। উহাদিগের মধ্যে একজন নীচ জাতীয় লোক আমাকে ঐকদিন সন্ধ্যার সময়ে যাত্রার মহলা দিবার স্থানে লইয়া যায়। অনেক লোক এক স্থানে সমবেত হইয়া গান করিতেছে ইহা দেখিয়া আমার গায় বালকের মন দ্রবীভূত হইল। সেই দিন

হইতে বিনা বেতনে ঐ পেঘাদার দলে নাম লিখাইলাম। তখন হইতে প্রত্যহ সন্ধ্যার সময়ে ঐ দলে যাত্রার মহলা দিতে যাইতাম। হাতে মাতা ও দিদিমাতাঠাকুরাণী কত রাগ করিতেন কিছুতেই এই গুণধর পুত্রকে সুপথে আনিতে পারেন নাই। আমার রোদনে তাঁহারা বড়ই দুঃখিত হইতেন, আমিও সময় বুঝিয়া কোপ মারিতাম, ক্রন্দন করিয়া জয়ী হইতাম। আমি কংশবধ পালায় কুষ্ণের বিষয় অভিনয় করিতাম, সে সময় আমাকে ধড়া-চূড়া মোহন বাঁশী সকল ধারণ করিতে হইত এবং কালীও মাথিতে হইত, তখন বর্তমানের মত ভাব ছিল না।

টাকা বারনার পূজার সময় হাটকান্দা রুকুশপুরে বাবুদিগের বাড়িতে যাত্রা করিবার নিমিত্ত নিমন্ত্রণ হইয়াছিল। পঞ্চমীর দিন ঐ দলই সকল লোক পদব্রজে উক্ত বাবুদিগের বাড়িতে যাইবার জন্য প্রস্তুত হইয়া আমাকে তথায় যাইতে অনুরোধ করার অতি গোপনে এক বস্ত্রে তথায় চলিয়া যাই। বলাগড়ের যে বাড়ীতে আমার পরে বিবাহ হয় সেই বাড়ির নিকট দিয়া রাস্তা; ঐ রাস্তায় আমরা সকলে গমন করি। তখন হয়ত আমার প্রথমা স্ত্রীর জন্ম হয় নাই। দেখিবেন পাঠক কি প্রকারে ভবিষ্যতে আমার ঐ বাড়ির একটি কন্যার সহিত বিবাহ হইবে। উক্ত দলে সকলেই নীচ জাতীয় লোক ছিল কেবল ১টি মাত্র ভদ্র সন্তান ছিলেন। তখন ভদ্রলোকে যাত্রার দলে থাকিতে লজ্জিত হইতেন; এখন যেন উহা সত্যতা প্রযুক্ত নবদ্বীপের ভট্টাচার্য মহাশয় পর্যন্ত দল করিতে বা দলে থাকিতে শ্লাঘা মনে করেন না। সময়ে কি না হইতেছে, কালের মহিমা বুঝা ভার। ঐ ২১টি ভদ্রলোকের রূপায় সে যাত্রা অনেক কষ্টে রক্ষা পাই। তথায় যাইয়া আমার ক্রন্দনই সার হইয়াছিল। যে বাবুদিগের বাড়িতে যাত্রা হইয়াছিল তাঁহাদিগের মধ্যে একজন বাবু আমাকে ভদ্রসন্তান বিবেচনা করিয়াই হউক অথবা আমার প্রতি রূপা করিয়াই হউক আমাকে আদর করিতেন। যে স্থানে ভদ্র

সন্তানগণ যাত্রা শুনিতে বসিতেন তথায় আমাকে আহ্বান করিয়া লইয়া যাইতেন। ঠাঁহাদিগের নিকট রাত্রির কিয়দংশ সময় অতিবাহিত করিতাম, বলিতে কি—আমি ভিন্ন ঐ দলের কোন বালক সুন্দর ছিল না। পূর্বেই বলিয়াছি নীচ লোকের দল। আবার আমার দুর্দৃষ্টের কথা শুনুন, বিনা পরসর পেষাদারি যাত্রার দলে যাত্রা করিতে গিয়া নবমী-রাত্রে উক্ত দলের অধিকারী আমার তন্দ্রা আসিবার কারণে—বেহালার ছড় দ্বারা আঘাত করে; স্মৃতরাং ক্রন্দনের উপর ক্রন্দনই আমার সার হইল। বাটি অসিয়া ঐ দলকে নমস্কার করিয়া ঐ কার্য পরিত্যাগ করি। বেহালার ছড়ের দ্বারা আঘাতপ্রাপ্ত হইয়া যাত্রাদলের খেয়াল নষ্ট হইল। গুরুমহাশয়ের নিকট মার খাইয়া ঐ বৎসরই পাঠশালা পরিত্যাগ করিয়া গ্রামস্থ ইংরাজী বিদ্যালয়ে ভর্তি হই। এই বৎসরে আমার মাতাঠাকুরাণীর আত্মীয়ের পুত্রের বিবাহ উপলক্ষে কোড়লা গ্রামে মাতাঠাকুরাণীর সহিত যাই এবং ঐ বৎসরের মধ্যেই আমার দিদিমাতা পরলোকগমন করেন। স্মৃতরাং দিদিমাতার অভাবে আমি মাতাঠাকুরাণীর সহিত ঘোলা গ্রামে খাজানা আদায় করিতে গমন করি। রাণাঘাটে এই সময় আমার প্রথম বাষ্পীয়-শকট দর্শনলাভ ঘটে, ইহার পূর্বে আমি দেখি নাই। ঘোলা একটি কৃষকের গ্রাম; কয়েক দিবস তথায় থাকিয়া গুপ্তিপাড়ায় প্রত্যাগমন করি; সেই বৎসর পরেই আমার উপনয়ন কার্য শেষ হয়। ঐ কার্য নির্বাহোপযোগী অর্থ সংস্থান না হওয়ায় গুপ্তিপাড়ার জমিদার বাবু বেণীমাধব মজুমদার মহাশয়ের নিকট সাহায্য প্রার্থনা করি তিনিও কিছু সাহায্য করেন। অতি কষ্টে আমার উপনয়ন কার্য শেষ হইল। এই সময় হইতে মাতাঠাকুরাণী অসহনীয় কষ্টে আমাকে লইয়া কালযাপন করিতে থাকেন। এত দিবস পরে আমার ১২ বৎসর বয়ঃক্রম হলে আমার অঙ্গে জামা ও জুতা উঠে। দিদিমাতার মৃত্যুর পরে প্রতি বৎসর পুজার সময় মাতাঠাকুরাণী আমাকে

লইয়া উলার বাবুদিগের বাটিতে যাইতেন। উলার ঈশান ও মহেশ বাবু মাতাঠাকুরাণীর সম্বন্ধে জ্যেষ্ঠতাত ছিলেন। এই সময় ভয়ানক ঝড় হয়, আমি অতি কষ্টে জীবন রক্ষা পাই। আর কিছু দিবস পর্যন্ত গুপ্তিপাড়ায় ইংরাজী বিদ্যালয়ে ফাষ্টবুক পড়ি। এই সময়ে আমাদিগের সংসারযাত্রা নির্বাহ হওয়া কঠিন হইল, কারণ মাতাঠাকুরাণীর বৈমাত্রেয় ভ্রাতা শ্রীযুক্ত হরিদাস বন্দ্যোপাধ্যায় মাতাঠাকুরাণীর দখলি সম্পত্তিতে হস্তক্ষেপ করিলেন, তাহাতে আয় অতিকম হইল। মাতাঠাকুরাণীর এক পিসি-পুত্র ধনি ও জমিদার, নাম শ্রীগঙ্গাচরণ মুখোপাধ্যায় যশোহর জেলার অন্তর্গত নলডাঙ্গায় বাস করিতেন। আমাদিগের অবস্থার বিষয় জানাইয়া পত্র লিখেন, তথা হইতে আমার সম্বন্ধে মাতুলমুহাশয় আমাদিগকে নলডাঙ্গায় লইয়া যাইবার জন্ত লোক পাঠান। যে সময় লোক আসে তৎকালীন আমার বয়ঃক্রম ১৪ বৎসর। যে দিবস লোক আইসে তৎপর দিবস বেলা ২টার সময় আমার জন্মভূমি ও সহপাঠীদিগকে ত্যাগ করিয়া মনের আনন্দে গুপ্তিপাড়ার ঘাটে পার হইয়া শান্তিপুর হইতে ঘোড়ার গাড়ীতে রানাঘাট যাত্রা করি। এই আমার প্রথম ঘোড়গাড়ী আরোহণ, মন কত উৎসাহান্বিত। সন্ধ্যার সময়ে আমরা রানাঘাটের পদ্মলোচন ভট্টাচার্য্যের বাটিতে উপস্থিত হই। বাড়ীতে মাতাঠাকুরাণীর মাসিমাতা বাস করিতেছিলেন ঐ বাটি মাতার মাসীর বাড়ী। কত আনন্দ—রেলের গাড়ীতে চড়িয়া নলডাঙ্গায় যাইব। এই জন্ত যেন রাত্রি প্রভাত হয় না। প্রভাত হইবামাত্র আহাৰাদি কার্য সম্পন্ন করিয়া ষ্টেশনভিমুখে আমরা তিন জনে যাত্রা করিলাম। মনে কত আনন্দ—মনে এই হইতেছিল যেন হ্রত আর কখনও গাড়ী চড়িতে পাইব না। এইরূপ অসীম আনন্দের সহিত ষ্টেশনে পৌঁছিলাম; বেলা ৯ ঘটিকার সময় ষ্টেশনে গাড়ী আসিয়া উপস্থিত। টিকিটপত্র পূর্বেই লওয়া হইয়াছিল। পরম আনন্দের সহিত আমরা

তিন জনে দাঁড়া-শ্রেণীর গাড়ীতে উঠিলাম। কতক্ষণ গাড়ী চলিতে শুরু করিবে, এই বিষয়ে অধীর হইয়া পড়িলাম। ঐ বৎসর বর্ষার সময়ে আমরা যাইতেছিলাম। বগুড়া ও আড়ংঘাটের মধ্যবর্তী রেল রাস্তার উপর পর্য্যন্ত জল উঠিয়াছিল। গাড়ী যখন জলের উপর দিয়া চলিতে শুরু করিল, তখন আমার কত আনন্দ ভগবানই জানেন। আহ্লাদ আর মুখে ধরে না কারণ মাতুল বাড়ী যাইতেছি, তথায় লেখাপড়া শিখিব। লেখাপড়ার বিষয় কিন্তু মনে অহরহ জাগরুক ছিল। মাতা ভিন্ন ইহ-সংসারে আর একজন যে আত্মীয় আছেন ইহা শ্রুত হওয়া অবধি সেই মাতুলকে দেখিব এই আনন্দে গুপ্তিপাড়ার সকল সহচরকে ভুলিয়া যাইলাম। দুই ষ্টেশন পরেই আমাদের নির্ধারিত কৃষ্ণগঞ্জ ষ্টেশনে গাড়ী আসিয়া দাঁড়াইল; এত শীঘ্র যে গাড়ী হইতে অস্তরণ করিতে হইবে, এই কথা শুনিয়া বড়ই বিরক্ত হইলাম। নলডাঙ্গার লোক আমাদেরকে দোকড়ি বিশ্বাসের দোকানে লইয়া উপস্থিত হইল। তখন আর কোন চিন্তা নাই কেবল নলডাঙ্গা যাইবার জন্ত মন উদ্বিগ্ন হইল। আমি কখনও গো-শকটে চড়িয়া কুত্রাপি যাই নাই, শুনিলাম আমাদের সঙ্গে যাইতে হইবে, শুনিয়া মনে বড়ই আনন্দ হইল। ঈশ্বরও যাক্তি অল্প সময়ের মধ্যে আমার দুঃখে দুঃখিত হইয়াই যেন একখানি গাড়ী ঐ দোকানির দ্বারাই মিলাইয়া দিলেন। আমাদেরকে লইয়া ক্যাচ কোঁচ করিতে করিতে কত গ্রামের মধ্য দিয়া গাড়ী চলিতে আরম্ভ করিল এবং সময়ে সময়ে চালক বলদদিগকে কতই মধুর ভাষায় আপ্যায়িত করিতে লাগিল। আমার চক্ষু কিন্তু গাড়ীর ভিতরে নাই, বাহিরের পথ-পার্শ্বস্থ প্রাম দেখিতে দেখিতে চলিতে আরম্ভ করিলাম। আমরা রাত্রিতে ৯ ঘটিকার সময় মাতুল মহাশয়ের তালুক জালিনা গ্রামে উপস্থিত হইলাম। সেই গ্রামে তৎকালীন মাতুল মহাশয়ের উপস্থিত ছিলেন। ঐ সময়ে আমার সর্বাঙ্গে তন্নানক খোস-পাঁচড়া ছিল, তজ্জন্ত আমাকে ব্যঞ্জন বর্ণের “দ”য়ের

মত হইয়া চলিতে হইত। একটী কথা বলিয়া রাখি—মাতাঠাকুরাণীর নিকট জ্ঞাত ছিলাম যে, আমার যখন ১৩ দিবস মাত্র, বয়ঃক্রম' ঐ সময় হইতে ঐ ব্যাধিতে বড়ই কষ্ট পাইয়াছিলাম। মাতুল মহাশয় কি প্রকার, তাঁহাকে দেখিবার নিমিত্ত পূর্ব হইতেই যেমন মন অস্থির ছিল, বিধি তাঁহাকে ঐ গ্রামের কৰ্ম্মকারের বাড়ীতেই দেখাইয়া দিলেন। যতদূর মনে ধারণা ছিল, তত দূর নহেন; তিনি দেবতা নহেন—মানুষ, তবে দেখিতে সুপুরুষ, বয়ঃক্রম আন্দাজ ৩০ বৎসর। আমাদিগকে তিনি কতই যত্ন আদর করিলেন। রাত্রে আমাদিগের আহার তথায় নিকাছু হইল। আহারান্তে মাতুল মহাশয় আমাকে লইয়া কাছারিতে শয়ন করিতে যাইলেন। মাতাঠাকুরাণী ঐ কৰ্ম্মকারের বাটীতে শয়ন করিলেন। পরদিবস প্রাতঃকালে আমরা নলডাঙ্গায় যাত্রা করিলাম। মাতাঠাকুরাণী ডুলিতে যাইতে লাগিলেন, আমার অদৃষ্টে কিছুই হইল না। যদিচ কাছারিতে একটী পায়রা রংয়ের ঘোড়া ছিল; আমি অতি গর্ব্বিত, ঘোড়ায় চড়িতে অপারগ এবং তাহা ভিন্ন খোসে সৰ্ব্ব শরীর জর্জরিত, ঘোড়ায় চড়িবার বা চেষ্টা করিবার সাহস করিলাম না। তবে একবার ডুলি চড়িতে বড়ই ইচ্ছা হইল, এ আবার কেমন চলে সুতরাং মাতাঠাকুরাণী সে সাধ হইতে বঞ্চিত করিলেন না। ডুলি যখন চলিতে আরম্ভ করিল প্রথমে কতই আনন্দের সহিত চড়িলাম। এক রসি পথ যাইতে না যাইতে আমার সৰ্ব্ব শরীর যেন ভগ্ন হইবার উপক্রম হইল এই জন্ত তাড়াতাড়ি করিয়া উক্ত ডুলি হইতে অবতরণ করিতে বাধ্য হইলাম। বেলা ১০টার সময় নলডাঙ্গার মাতুল বাটীতে উপস্থিত দেখি প্রকাণ্ড বাটী, দ্বারে সিংহ বিরাজমান, অনুর ও বাহিরে পুষ্করিণী লোকজন চাকরবাকরে বাটীটী যেন পরিপূর্ণ, দেখিয়া মনে কত আনন্দ হইল পাঠককে তদ্বিনয়ে কি বলিব। আমার অদৃষ্টে মাতুল ভিন্ন আরও কয়েক জন আত্মীয়ের সহিত ভগবান সাক্ষাৎ করাইয়া দিলেন। ইহার

২১৩ দিবস পরেই মাতুল মহাশয়ও নলডাঙ্গায় প্রত্যাগমন করিলেন। মাতুল মহাশয়ের ১ পুত্র ও ১ কন্যা এবং আমার মাতুলানী সকলেই তখন বাটীতে ছিলেন, আমাকে বড়ই আদর করিতে আরম্ভ করিলেন। আমার মাতুল পুত্রের নাম ভোলা ওরফে কালীপ্রসন্ন ও মাতুল কন্যা গিরিবালা ইহারা অতি শিশু। বাটীতে একজন মুহুরি কার্যকারক ছিলেন। ইহা ভিন্ন মাতুলের ২টা নীলের কুঠি ও জমিদারিতে নায়েব গমস্তা অনেক ছিল। ইহার জমিদারীর আয় ২,০০০ টাকা ছিল। ইহা ভিন্ন নীল-কুঠির আয় পৃথক ছিল। এই গ্রামে অনেক ভদ্রলোকের বাস। সকলেই রাজা মহাশয়দিগের কুটুম্ব ও স্ববংশীয়; মূল কথা সকলেই ধনি। প্রধান রাজা মহাশয় নিজ নলডাঙ্গা হইতে অর্ধ মাইল ব্যবধানে গুঞ্জনগরে বাস করিতেছিলেন। তথায় একটা ইংরাজী মধ্যম শ্রেণীর স্কুল, রাজার নিজ ব্যয়ে প্রতিষ্ঠিত ছিল; কিন্তু নলডাঙ্গা গ্রামখানি গুপ্তিপাড়ার মত তর্ক বড় নহে, ভাল রাস্তাঘাটও ছিল না। একটা বাজার গ্রামের প্রান্তে ছিল। এ দেশের লোকের কথা শুনিয়া আমি আর হাসিয়া বাঁচি না। আমাকে দেখিয়া আবার ঐ দেশের লোকেরাও হাসিয়া ব্যাকুল। তাহারা বলেন, আমার কথা কেমন ব্যাকা ব্যাকা। এই কথা শুনিয়া আমি ধারণা করিতে পারিলাম না; কোন্ কথা ভাল ও কোন্ কথা মন্দ। আমার মাতুল মহাশয় বলরাম ঠাকুরের সন্তান অর্থাৎ আমার স্বজাতি অথচ মাতুল। ইহার পিতামহ ৬কৃষ্ণচন্দ্র মুখোপাধ্যায় মহাশয় রাজবাটীতে কুলভঙ্গ করিয়া রাজকন্যাকে বিবাহ করেন। তৎকারণ রাজার এই সকল সম্পত্তি প্রাপ্ত হন। ঐ স্থানে ২১১ দিবস আসিবার পরে একটা অভাব হইয়া পড়িল অর্থাৎ খেলা করিবার সাধি পাই না তাহাতে মনোকষ্ট হইল। এই গ্রামে সপ্তাহে ২ দিন বৈকালে হাট হইয়া থাকে। আমি একদিন হাট দেখিতে যাই, হাটটা ভাল বলিয়া বোধ হইল না কারণ হাটে ইষ্টক নির্মিত একটাও ঘর দেখিলাম না। তৎপর দিবস প্রাতঃকালে আমি একটা ধানের

মাথার উপর হইতে পারাবতের শাবক পাড়িতে উদ্ভূত হইয়াছি, পাড়ার আমার একটা সমবয়স্ক বালক নিম্নে দাঁড়াইয়া খিল খিল করিয়া হাসিতেছে। তাঁহাকে দেখিয়া মন এতাদৃশ আনন্দরসে আপ্নত হইল যে, পারাবত পাড়িবার কথা বিস্মৃত হইলাম। নিম্নে নামিয়া তাঁহার সহিত বহুক্ষণ আলাপ করিয়া তৃপ্তি হইল না, তিনি আমাকে তাঁহার বাটিতে লইয়া গেলেন। তাঁহার বাটি আমার মাতুল বাটির অতি সন্নিকট। তিনি আমার নলডাঙ্গার প্রথম ও প্রধান সহচর, তাঁহাকে পাইয়া আমি কতই কৃতার্থ হইলাম। তিনি গ্রাম সম্বন্ধে আমার মাতুল, নাম লালু ওরফে শ্রীযুক্ত বাবু লালমোহন চট্টোপাধ্যায়। নলডাঙ্গা গ্রামে প্রায় অধিকাংশ পুরুষ আমার মাতুল সম্বন্ধীয় ও স্ত্রীলোক মামী ও মাসি সম্বন্ধে ছিলেন। আমরা দুই জনে দিবারাত্রি এক স্থানে থাকিতাম কিন্তু তিনি আমাকে পূর্ব গুরুমহাশয়ের মত সময়ে সময়ে প্রহার করিতে ছাড়িতেন না, আমার অপরাধ এই যে তাঁহার মত বাঙ্গাল সুরে কথা কহিতে পারিতাম না। যাহা হউক এত প্রহার খাইয়াও তাঁহার সহিত পৃথক স্থানে থাকিতাম না।

ছাত্র জীবন

কয়েক দিবস এইরূপে গত হইলে পর, মাতুল মহাশয় একদিন আমাকে রাজবাটির ইংরাজী বিদ্যালয়ে ভর্তি করিয়া দিলেন। ইংরাজী প্রথম ভাগ পুস্তক গুপ্তিপাড়াতে শেষ করিয়া আসি, এখানে সেকেন্ড বুক পড়িতে আরম্ভ করি। নলডাঙ্গার তিন আনা মোল কড়ার রাজার দত্তক-পুত্র কুমার সৌরেশচন্দ্র দেবরায় মহাশয়ের বাড়ীতে রাজবাটির স্কুলের প্রধান শিক্ষক থাকিতেন; তাঁহার নাম শ্রীযুক্ত বাবু বিষ্ণুচরণ গুপ্ত, তাঁহার

নিকট গ্রামের যত ছাত্র প্রাতঃকালে যাইয়া পাঠাভ্যাস করিত। সূতরাং আমিও তথায় যাইতাম। এই সময়ে আমার প্রথম ও প্রধান বাল্যবন্ধু শ্রীযুক্ত বাবু লালমোহন চট্টোপাধ্যায় মহাশয়, নলডাঙ্গার নিকট ছাঁছড়া গ্রামের তালুকদার মহাশয়ের বাটীস্থ স্কুলে পড়িতে যান। আমার চারটা নূতন সহচর জুটিল। সময়ে সময়ে মাষ্টার মহাশয়ের তালপত্র নির্মিত পাখা দ্বারা আমাদিগের পৃষ্ঠদেশ আরক্তিম হইত। নলডাঙ্গায় সমবয়স্কদিগকে পাইয়া গুণ্ডিপাড়ার বাল্যবন্ধুদিগকে ভুলিয়া গেলাম। ইংরাজী সেকেণ্ড বুক পুস্তক শেষ করিয়া ডবল প্রমসন পাইয়া সেকেণ্ড ক্লাসে উঠি ও রুভিমেন্টস্ অব্ নলেজ্ পড়িতে আরম্ভ করি। অতিরিক্ত এক বৎসর ঐ পুস্তক ও অগ্রাণ্ড বাঙ্গলা পুস্তকাদি পাঠ করিয়া ১৮৭৫ সালে মাগুরায় মাইনর পরিক্ষা দিতে ঝিনাইদহ হইতে নৌকা যোগে আঠরখেদা মাষ্টার মহাশয়ের বাড়ী পৌছাই। তিন আনার রাজামহাশয়ও আমাদিগের সহিত পরিক্ষা দিতে তথায় যান। মাষ্টার মহাশয়ের অসীম যত্নে ও পরিশ্রমে অনেকেই পরীক্ষায় উত্তীর্ণ হন। আমি তৃতীয় শ্রেণীতে পাশ হই।

এই ডিসেম্বর মাসে ইংলণ্ড রাজেশ্বরীর মহামাণ্ড প্রথম পুত্র প্রিন্স অ্যালেক্সান্ডার কলিকাতায় আগমন করেন। আমাদিগের ভাগ্যে কলিকাতায় মাষ্টার মহাশয়ের আতঙ্কে যাওয়া হইল না। আমাকে কলিকাতায় পড়াইতে মাতুল মহাশয়ের অভিপ্রায় হওয়ায় ঐ সনে শীতকালে গোপীনাথপুর হইয়া ডুলিযোগে চুয়াডাঙ্গায় যাই, তথা হইতে কলিকাতায় একাকী একজন বাদুর বাসায় রাত্রি ৮টার সময় পৌছাই। শিয়ালদহ ষ্টেশনে পৌছিয়া নানা প্রকার দৃশ্য দৃষ্টিগোচর হওয়ায় হতভম্ব হইয়া পড়ি। বলা বাহুল্য এইরূপ হইবারই সম্ভব; এমত সহর কখনও দেখি নাই। নলডাঙ্গায় আসিয়া আমার সুখ-সূর্যের উদয় হয়; বলা বাহুল্য মাতুল মহাশয় যাতাঠাকুরাণীকে ১০০ টাকা আয়ের ভূমি-সম্পত্তি প্রদান করেন।

গুপ্তিপাড়ার যে সম্পত্তি ছিল সকলই মাতাঠাকুরাণীর বৈমাত্রেয় ভ্রাতা দখল করিয়া বিক্রয় করেন। আমরা নলডাঙ্গার মাতুল মহাশয়ের এক সংসারে কালযাপন করিতে থাকি। এই সময়ে নীল কুঠির কার্যের ক্ষতি হওয়ায় মাতুল মহাশয়ের ঋণ হয়; তজ্জন্ত তালিনা গ্রামখানি পত্তনি দিয়া কতক ঋণদায় হইতে মুক্ত হন, কিন্তু একেবারে মুক্ত হইলেন না। এদিকে আমি কলিকাতায় বিদ্যাত্যাস করিতে থাকি। প্রতি মাসে কলিকাতায় ১০।১২ টাকা করিয়া খরচ হইত। কলিকাতায় আমার উদরদেবকে অনেক প্রকার মিষ্টান্ন দ্বারা পরিতৃপ্ত করিতাম। পরমেশ্বরের অনুকম্পায় আমার সকল কষ্ট দূর হইল, মাতাঠাকুরাণী সুখী হইলেন। এই সময়ে নলডাঙ্গার রাজা প্রমথভূষণ দেবরায় মহাশয়ের পিসি-পুত্র বাবু হুরভূষণ গঙ্গোপাধ্যায় মহাশয় একটা অবৈতনিক যাত্রার দল গঠন করেন; ঐ দলে ব্রাহ্মণ ভিন্ন অন্য জাতি ছিল না, তুরগীসেন-বধ পালা অভিনয় হইত। আমি রামের অংশ অভিনয় করিতাম। ইহার দলের ধরণ নূতন প্রকার ছিল অর্থাৎ কনসার্ট বাজ ছিল।

ইহার কিছু দিবস পরে নলডাঙ্গা রাজমুন্সির পুত্র সরোজনাথ মুখোপাধ্যায় পাণ্ডবদিগের স্বর্গারোহণ পালা প্রস্তুত করেন। কলিকাতা হইতে অবকাশ কালীন নলডাঙ্গায় আসিয়া ঐ দলে অর্জুনের অভিনয় করিতাম এবং তালিম হইতে আমাকে কিন্তু কোন স্থানে অভিনয় করিতে হয় নাই। এই দলটাও অবৈতনিক। কলিকাতায় থাকিতেই তামাকে সেবন অভ্যাস হয়। কলিকাতার বিখ্যাত মহাত্মা বাবু কেশবচন্দ্র সেন মহাশয়ের এন্ট্র্যান্স স্কুলে তৃতীয় শ্রেণীতে পড়িতে আরম্ভ করি। ঐ স্কুলে মহেন্দ্র নামক একজন অধিক বয়স্ক বালক পাঠ করিত। তাহাকে মহেন্দ্র ষণ্ডা বলিয়া সকলেই আছ্যান করিত। ঐ লোকটা পণ্ডিত মহাশয়ের মস্তকে প্রতিদিনই বেঞ্চি বসিয়া লোষ্ট্র নিক্ষেপ করিত কিন্তু পণ্ডিত মহাশয় অতি শাস্ত প্রকৃতির লোক, কিছুই বলিতেন না। অঙ্ক বিদ্যার শিক্ষক যখন

আমাদিগকে অক্ষয়শাস্ত্র শিক্ষা দিতে আসিতেন ঐ সময়ে শিক্ষক মহাশয়ের কাঠাসনে খুঁখু ফেলিয়া রাখিত, তিনি আসিয়া ভয়ানক প্রহার করিতেন। আমরা ৩য় শ্রেণীতে প্রায় ৬০ জন বালক ছিলাম। পড়াশুনা মন্দ হইত না তবে ঐ দুই বালকটির জন্ত অনেক সময় শিক্ষকের নিকট উপদেশ শুনা কঠিন হইত। এই সময়ে কলিকাতার নিকটবর্তী টালিগঞ্জ চৈত্রমাসে রাস হইত। আমাদিগের উড়েপাড়া ৮নং বাসার সকল ছাত্র সমবেত হইয়া রাত্রি ৮।০ ঘটিকার সময় আহাৰাস্ত্রে রাস দেখিতে নৌকাযোগে গমন করি। নৌকাতে ডুগি-তবলা ও তাস খেলিবার আয়োজন ছিল, আমরা আমোদ করিতে করিতে অর্ধ ঘটিকার মধ্যে গঙ্গায় পড়িলাম। সে সময়ে তাঁটা পড়ায় নদীস্থ জল কিছুমাত্র না থাকায় জোয়ারের প্রত্যাশায় একস্থানে নৌকা রক্ষা করিয়া তাস খেলা ও গান প্রভৃতি শুলিতে লাগিল। আমি নৌকার উপরে বসিয়া শোভা সন্দর্শন করিতেছিলাম। আনাজ ১৫ মিনিট পরে দূরে ঝড়ের গায় একটা গৌ গৌ শব্দ শ্রুতিগোচর হওয়ায় অনুসন্ধানেক্ষু হইয়া জিজ্ঞাসা করায় জানিতে পারিলাম, বড় গঙ্গায় জোয়ার আসিয়াছে; ক্ষণকাল মধ্যে কাটি গঙ্গায় জোয়ার হইবে। এই কথা শুনি নৌকায় মাল্লাগণ শিকল হস্তে জলে লাফাইয়া পড়িল। দেখিতে দেখিতে জোয়ারের জল অর্ধ-চন্দ্রাকারে নদীর দুই কিনারা সমান হইয়া জল আসিতে জ্যেৎমালোকে স্পষ্ট প্রতীয়মান হওয়ায় আমরা নৌকার ছাদ হইতে লাফাইয়া পড়িয়া নৌকার ভিতরে ভয়ে সবল-হস্তে কাঠাসন ধারণ করিয়া রহিলাম; দেখিতে দেখিতে নৌকাকে একবার উর্ধ্ব একবার নিম্নগামী করিয়া—আমাদের মস্তক কথঞ্চিৎ আঘাতীত করিয়া—নক্ষত্র বেগে জল চলিয়া গেল এবং নৌকাখানি যেমন নদীর তলদেশে পূর্বে ছিল এখন উর্ধ্ব উঠিল। এই দৃশ্য এই আমার প্রথম দৃষ্টিগোচর হইল। আমাদিগের নৌকার অতি নিকটে আর একখানি নৌকা জোয়ারের প্রতীক্ষায় অপেক্ষা করিতেছিল; কিন্তু মাঝি খুব সতর্ক না থাকায় জলের

জোরে তীরবৎ উড়াইয়া লইয়া গেল, কিন্তু আহ্লাদের বিষয় ঐ নৌকা রক্ষা পায়, কারণ আমরা টালিগঞ্জে পৌঁছিয়া সেই নৌকা দেখিতে পাইলাম। টালিগঞ্জের ঘাটে যাইয়া দেখিলাম, শত শত নৌকাতে এক অপূর্ব শোভা বিস্তার করিয়াছে। মণ্ডল মহাশয়দিগের দুইটা বাটীতে রাসের যাত্রা সন্দর্শন করিয়া ঐ রাত্রের মধ্যেই কলিকাতায় প্রত্যাগমন করিলাম। আমি যে বাসায় ছিলাম তথায় আমাপেক্ষা অধিক বয়স্ক নলডাঙ্গা নিবাসী শ্রীযুক্ত বিহারীলাল দত্ত ডাক্তারী স্কুলে পড়িতে ছিলেন। একদিন তাঁহার সহিত রাসায়নিক বিদ্যার বক্তৃতা শুনিতে শিয়ালদহ ক্যাথোলিক স্কুলে যাই; নানা প্রকার রাসায়নিক বিদ্যার পরীক্ষা ও বক্তৃতা শ্রবণ করিয়া মন আনন্দ-সাগরে নিমজ্জিত হইল। তৎপর দিবস মনে মনে দৃঢ় প্রতিজ্ঞা করিলাম যে, ডাক্তারী বিভাগে পড়িতেই হইবে। মাতুল মহাশয়কে কোনরূপ সংবাদ না দিয়াই ১/১৫ সম্বল লইয়া নলডাঙ্গায় রওনা হইলাম। আমার পাঠ্যকালে ই, বি, রেলওয়ে দাঁড়া-শ্রেণীর বা চতুর্থ শ্রেণীর গাড়ী ছিল। কলিকাতা হইতে কৃষ্ণগঞ্জ পর্য্যন্ত ঐ শ্রেণীর ভাড়া ১৫ নির্ধারিত ছিল সুতরাং একখানি টিকিট খরিদ করিয়া প্রাতঃকালের গাড়ীতে রওনা হইলাম। কৃষ্ণগঞ্জে প্রায় ১১টা বেলার সময়ে গাড়ী হইতে অবতরণ করিলাম; ঐ সময়ে আমার বয়স আনুমানিক ১৫।৩০ বৎসর।

গ্রীষ্মকাল—ঘটনাক্রমে ছাত্র-দত্তটা পর্য্যন্ত কলিকাতায় ফেলিয়া আসিয়াছি; এদিকে পথ-সম্বল ১/১০ পরমা, কৃষ্ণগঞ্জ হইতে ১৬ ক্রোশ পথ যাইতে হইবে। ষ্টেশনে নামিয়া হতভম্ব হইয়া পড়িলাম; এতদূর পথ যাইতে মনে এক প্রকার ভয়ের সঞ্চার হইতে লাগিল—কি প্রকারে এত দূর পথ চলিব—উদরকে কি দিয়া শাস্ত করিব—এতদ্বির দারুণ রোদ্রে কি উপায়ে পথ চলিয়া যাইব, এইরূপ নানা ভাবনায় মন ম্রিয়মান হইতে লাগিল। আবার মনের স্বধর্ম—প্রবোধ আসিয়া সকল ঝড় উড়াইয়া দিল। তখন কলিকাতার প্রতিজ্ঞা মনে জাগরুক হওয়ার মনকে দৃঢ় করিয়া-

ফেলিলাম। তথায় যৎকিঞ্চিৎ জলযোগ শেষ করিয়া চলিতে লাগিলাম ; রাত্রি ৯ ঘটিকার সময়ে কোটচাঁদপুরের অতি নিকট হুধসরে উপস্থিত হইলাম। যে সময়ে তথায় উপস্থিত হই, তাহার প্রায় ১ ঘণ্টা পূর্বে হইতেই ভয়ানক ঝড়, বৃষ্টি এবং মেঘ গর্জন করিতেছিল। বলা বাহুল্য, আমার পরিধেয় বস্ত্র জলে সিক্ত ও ভয়ে অতিশয় ভীত হইয়াছিলাম। এই গ্রামের ১ মাইল পশ্চিমে বারমাসের খাল এবং তাহার প্রকাণ্ড সেতু ভূতের আবাসভূমি এইরূপ কিম্বদন্তি ছিল। যে সময়ে আমি ঐ স্থানে উপস্থিত হই, প্রাণে যে কি আতঙ্ক হইয়াছিল তাহা অস্তুর্য্যামী ভগবানই জানেন। রাত্রে উল্লিখিত গ্রামের জনৈক কুম্ভকারের বাড়ীতে আশ্রয় গ্রহণ করিলাম। ১০ ক্রোশ পথ চলিয়া আমার পদ ক্ষীত, বেদনাযুক্ত ও শরীর ক্ষুৎপিপাসায় কাতর হইয়াছিল; মোটকথা, শরীর একেবারে ক্লান্ত হইয়া পড়িয়াছিল। উক্ত কুম্ভকারের বাড়ীতে একটা অধিক বয়স্ক বৃদ্ধা আমাকে পুত্রবৎ যত্ন করিতে লাগিলেন; ঐ রাত্রে চিড়া ও গুড় সঞ্চল করিলাম। আহারান্তে তাহাদের প্রদত্ত শয্যায় শয়ন করিয়া অল্প সময়ের মধ্যে নিদ্রাভিত্ত হইলাম। বৃদ্ধাটী অনেক রাত্র পর্যন্ত আমার বেদনাযুক্ত পদদ্বয়ে তৈল মর্দন করিয়া দিয়াছিলেন। পর দিবস, প্রাতে প্রায় ১০ ঘটিকার সময়ে নলডাঙ্গায় হঠাৎ আমাকে উপস্থিত দেখিয়া সকলে আশ্চর্য্যান্বিত হইলেন। অসময়ে আসার কারণ জিজ্ঞাসা করায় এই উত্তর প্রদান করিলাম—“৮ স্বরস্বতী দেবীর স্বপ্নাদেশ হওয়ায় ইংরাজী পড়া বন্ধ করিয়াছি এবং আগামী জুন মাসে ডাক্তারী স্কুলে ভর্তি হইব।” ইহা শ্রবণ করিয়া আমার মাতাঠাকুরাণী এবং মাতুল মহাশয় অনেক প্রকার সঙ্কপ্দেশ প্রদানপূর্বক পুনরায় ইংরাজী পড়িতে বিশেষরূপে জেদ করিলেন। গ্রামস্থ অপরাপর ভদ্রলোকও আমাকে বারংবার ইংরাজী পড়িতে অনুরোধ করিলেন কিন্তু কিছুতেই আমার প্রতিজ্ঞাচ্যুত করিতে পারিলেন না।

শীতকাল—মাতুল মহাশয়ের সহিত কলিকাতায় গমন করিয়া ডাক্তারী প্রথম পুস্তক “ভৈষজ্য রত্নাবলী” খরিদ করিয়া নলডাকায় প্রত্যাগমন করিলাম। জুন মাসে মাইনর পরীক্ষোত্তীর্ণ প্রশংসা-পত্র খশোহরের ডেপুটি-ইনেস্পেক্টর মহাশয়ের নিকট দাখিল করিয়া ডাক্তারী স্কুলে ভর্তি হই। যতদিন বাটীতে ছিলাম ততদিন ডাক্তারী পুস্তকখানি মনোযোগের সহিত পড়িয়াছিলাম সুতরাং কলিকাতায় স্কুলে ভর্তি হইয়া আপনার শ্রেণীতে পড়িতে মোটেই বেগ পাইতে হয় নাই। প্রথম বর্ষের ও দ্বিতীয় বর্ষের পরীক্ষার ফল সন্তোষজনক হওয়ায় যথাক্রমে ২৫ ও ৭৫ টাকা বৃত্তি পাইয়াছিলাম। এই সময়ে আমার মাতুল, মাতুলানি এবং মাতাঠাকুরাণী প্রভৃতি সকলেই কলিকাতায় বায়ু পরিবর্তন মানসে আগমন করেন। ২০ নং রাজার লেনে তাঁহাদের বাসা নির্ধারিত হয়। আমি ইহার পূর্বে ৪ নং রাজার লেনস্থ ছাত্রাবাসে থাকিতাম। মাতুল মহাশয় এখানে আগমন করায় আমি ছাত্রদিগের বাসা পরিত্যাগ করিলাম কিন্তু পড়াশুনা পূর্ববৎ তথায় চলিতে লাগিল। যৌবন কালের প্রারম্ভে নানারূপ বিল্প আসিয়া পড়াশুনার ব্যাঘাত ঘটায় কিন্তু জগদীশ্বরের রূপায় ততদূর উৎপাত পরিলক্ষিত হয় নাই। এই সময়ে আমার মাতাঠাকুরাণী এবং মাতুল মহাশয় আমাকে উদ্বাহ-শৃঙ্খলে আবদ্ধ করিতে চেষ্টিত হন এবং আমাদিগের বাসার অতি নিকটে হেয়ার স্কুলের প্রধান শিক্ষক শ্রীযুক্ত বাবু কৃষ্ণচন্দ্র রায় মহাশয়ের কন্যার সহিত সন্ধন স্থির করিলেন। কিছু দিবস পরে মাতুল মহাশয় কৃষ্ণ বাবুর আন্তরিক মতলব পরস্পর জানিতে পারেন যে,—“বিবাহান্তে তাঁহার কন্যাকে নলডাকায় না পাঠাইয়া কলিকাতায় বাটী করাইয়া দিবেন এবং কন্যা জামাতা নিকটে রাখিবেন।” ইহা শ্রবণ করিয়া গোপনে অগত্রে সন্ধন স্থির করিতে লাগিলেন। এদিকে যে কোন ভ্রমলোক কৃষ্ণ বাবুর বৈঠকখানায় আসেন, আমাকে ভবিষ্যৎ-জামাতা ধার্য্য করিয়া সকলকে দেখাইতে লাগিলেন।

মূল কথা—কৃষ্ণ বাবু এবং তাঁহার স্ত্রী আমাকে জামাতা-জ্ঞানে ভালবাসিতে আরম্ভ করিলেন। গোপনে মাতুল মহাশয় কলিকাতার অনেক স্থানে সঞ্চয় উত্থাপন করিতেছিলেন। এই সময়ে মাতুল মহাশয় এবং মাতাঠাকুরাণী ৬ বৈষ্ণনাথ-তীর্থ দর্শন অভিপ্রায়ে আমার উপর কলিকাতার সংসারের ভার অর্পণ করিয়া চলিয়া যান।

এমন সময়ে গোস্বামী মালপাড়া হইতে ইঞ্জিনিয়ারিং কলেজের ৩য় শ্রেণীর ছাত্র রাবু গোপালচন্দ্র বন্দ্যোপাধ্যায় মহাশয়ের পিতৃদেব আমার বিষয় অবগত হইয়া সুযোগক্রমে কলিকাতায় ৪নং রাজার ঝিনু ভবনে আসিয়া উপস্থিত হইলেন এবং আমাকে ডাকিয়া বলিলেন যে,—“আমার একটি অনুরোধ তোমায় রাখিতে হইবে।” আমি সরলভাবে প্রতিশ্রুতি হইলে তিনি বলিলেন,—“আমার একটি অদত্তা সুন্দরী কন্যা আছে, তাহাকে তোমার বিবাহ করিতে হইবে। কন্যাটী মনোনীত না হইলে তোমার বিবাহ করিবার দরকার নাই সুতরাং অদ্যই তুমি আমার সঙ্গে মালপাড়া চল। কুলীনের বিবাহের বিশেষ করিয়া দিন দেখিবার দরকার নাই; ২১ দিনের মধ্যেই যে দিন পাওয়া যাইবে সেই দিনে বিবাহ করিয়া চলিয়া আসিবে। কিছু নগদ টাকা পাইবে তাহা তোমার নিজের থাকিবে, মাতুলকে দিবার দরকার নাই।” আমি শুনিয়া অবাক হইলাম, আমি কহিলাম, নিজে স্বাধীন নহি যে স্বৈচ্ছায় বিবাহ করিতে পারিব। বিশেষতঃ, এই কলিকাতায় আমার বিবাহের পাকা বন্দোবস্ত হইয়া গিয়াছে সুতরাং আপনার অনুরোধ রাখিতে আমি অক্ষম; এ বিষয়ে আমাকে মার্জনা করুন। ইহা শ্রবণ করিয়া ব্রাহ্মণ কুশলচিত্তে চলিয়া গেলেন।

মাতাঠাকুরাণী ও মাতুল মহাশয় ২১ দিনের মধ্যে কলিকাতায় প্রত্যাগমন করিলেন কারণ—পাশ্চিমঘ্যে ভয়ানক গরম অনুভব হওয়ায় তাঁহাদিগের অদৃষ্টে তীর্থ দর্শন হইল না। আমি পাচক ব্রাহ্মণের দ্বারা

উল্লিখিত বিবাহ সম্বন্ধীয় কথা অবগত করাই কিন্তু মাতুল মহাশয় তাহাতে
 'ক্রম্পু করিলেন না। ধন্য প্রজাপতির নির্বন্ধ! বলাগড় নিবাসী
 শ্রীশ্রীকৃষ্ণচন্দ্র বন্দ্যোপাধ্যায় মহাশয় আমাদের বাসার অতি নিকটে
 বাস করিতেন; তিনি কোন ব্যাঙ্কে কার্য করিতেন। তাঁহার
 সন্তিত মাতুল মহাশয়ের পরিচয় হওয়ায়, তাঁহার সম্বন্ধে ভ্রাতা
 বলাগড় নিবাসী শ্রীযুক্ত নন্দলাল বন্দ্যোপাধ্যায় মহাশয়ের কণ্ঠ্য
 সহিত আমার বিবাহের পাকা বন্দোবস্ত হইল। কণ্ঠ্য পিতী বলাগড়
 স্কুলের তৃতীয় শিক্ষক। এই সম্বন্ধের বিষয় আমি কিছুই জানিতাম না।
 যে দিবস গাত্র-হরিদ্রা ঐ দিবস জ্ঞাত হইলাম আমার বিবাহ। এই সময়ে
 আমার পিতার কুশপুত্রলি দগ্ধ করিয়া শ্রাদ্ধকার্য সম্পন্ন করা হয় এবং
 আমার বিবাহের দুই দিবস পূর্বে আমার মাতুল-পুত্র শ্রীমান কালীপ্রসন্ন
 যুগোপাধ্যায়ের শুভ উপনয়ন কার্য কালীবাটে ৬ কালীমাতার মন্দির
 সম্মুখে সম্পন্ন করা হয়। রাজার লেনস্থ ভদ্রমহিলাগণ আমার বিবাহের
 এবং শ্রীমান ভায়ার উপনয়ন উপলক্ষে স্ত্রী-আচার ইত্যাদি সম্পন্ন করেন
 কিন্তু এই কার্য এত গোপনভাবে করা হয় যে, কৃষ্ণ বাবুর আত্মীয়স্বজন
 কেহই কিছু জানিতে পারিলেন না। আমার বিবাহ হইবে তাহাতে আমার
 মনে যে আনন্দ হইয়াছিল তাহা বোধ হয় সুস্বসিদ্ধ। বিবাহের দিবস
 প্রাতঃকালে নলডাঙ্গাস্থ কয়েকজন ভদ্রলোকসহ আমরা পাকী ও অশ্বঘানে
 শিয়ালদহ ষ্টেশনে পৌঁছিলাম। প্রাতের গাড়ীতে রওনা হইয়া বেলা ৯
 ঘটিকার সময় চাকদহ ষ্টেশনে অবতরণ করিয়া তথায় আহারাঙ্কে বলাগড়
 অভিমুখে পদব্রজে সকলে যাত্রা করিলাম। আমি যৎকিঞ্চিৎ জলপানাঙ্কে
 পাকীতে চড়িয়া জশড়ীর ঘাটে পৌঁছিলাম, তথায় আমাদের জন্ম বলাগড়
 হইতে নৌকা আসিয়াছিল; তাহাতে বৈকালে রওনা হইয়া শ্রদ্ধার
 প্রাকালে নির্ধারিত ঘাটে পৌঁছিলাম। ঘাট হইতে ভাবি-শুভরাময়
 অধিক দূর ছিল না। রাস্তার পার্শ্বস্থ বাটী দেখিয়া একটা পূর্ব স্থিতি

মনে উদয় হইল। পাঠক ! মনে কুরিয়া দেখুন, এই রাস্তা দিয়া হাট-কাঁদা কুকুশপুরে একবার পূজার সময়ে যাত্রা করিতে গিয়াছিলাম।

রাত্রে বিবাহ কার্য শেষ হইলে পরদিন বলাগড়ে থাকিয়া তৃতীয় দিবসে কলিকাতায় আমরা সকলে প্রত্যাগমন করিলাম ; তথায় আসিয়া মহাগোলযোগ দেখিলাম, কারণ আমার বিবাহ সংবাদ কৃষ্ণ বাবুর কর্ণ-গোচর হওয়ায় উক্ত বাবুর একজন পরিচারিকা আর্জনাৎ করিতে করিতে ঐ সময়ে উপস্থিত হইল। এমন সুখের দিনে এরূপ ক্রন্দনের রোল বড়ই অশান্তিজনক। উক্ত দিবসে আমার নব-স্ত্রীসহ মাতাঠাকুরাণী এবং লীলু মামা প্রভৃতি নলডাঙ্গাভিমুখে যাত্রা করিলেন। যখন সকলকে শিয়ালদহ ষ্টেশনে পৌঁছাইতে যাই, তখন আমার নব-স্ত্রীর প্রতি একটু মায়ার সঞ্চার হৃদয়ে অনুভূতি হইল। কয়েক দিবস পরে নলডাঙ্গার পত্রে জ্ঞাত হইলাম, কৃষ্ণগঞ্জ হইতে যাইবার সময় ঘোড়ার গাড়ী পশ্চিমধ্যে উলটিয়া পড়িয়াছিল ; তাহাতে অনেক কষ্টে সকলে রক্ষা পায় তবে সকলেই কিছু না কিছু আঘাত প্রাপ্ত হইয়াছিলেন। আমি এদিকে মলঙ্গা লেনে দুইটা সমপাঠিসহ একটা বাসাতে পরীক্ষার পুস্তকাদি মনো-যোগসহ পঢ়ে করিতেছিলাম। যথা সময়ে পরীক্ষা দিয়া চিকিৎসা-তত্ত্বে 'বিফল মনোরণ' হইয়া অশান্তি-সাগরে ভাসিতে লাগিলাম। চিকিৎসা-তত্ত্বের প্রধান অধ্যাপকের অনুরোধে বড় কলেজের প্রধান ডাক্তার সাহেব আমাকে পুনরায় পরীক্ষা করিলেন ; এবারে সন্তোষজনক ফল প্রাপ্ত হইয়া পরীক্ষায় উত্তীর্ণ হইলাম।

সাংসারিক জীবন

কিছুদিন পূরে নলডাঙ্গার বাটীতে আসিয়া স্বাধীনভাবে ঔষধালয় খুলি। নলডাঙ্গাস্থ তিন আনার রাজা সৌরেশচন্দ্র দেবরায় মহাশয়ের নিকট হইতে ১০০ টাকা কর্জ লইয়া কলিকাতা হইতে ঔষধ প্রভৃতি আনিয়া ব্যবসায় করিতে লাগিলাম। ব্যবসায় দিন দিন উন্নতি হইতে লাগিল কিন্তু বিলাসিতায় উপার্জিত অর্থ নষ্ট করিতে লাগিলাম। যাহা আয় হইতে লাগিল তাহা ক্রমে ক্রমে নিঃশেষ হইল কিন্তু মহাজনের টাকা পরিশোধ করিতে পারিলাম না। ঐ সময়ে মাতুল মহাশয়ের বাটীর অতি নিকটে একটা কাঁচা বাটী প্রস্তুত করিলাম; ইহাতে মাতুল মহাশয় আশ্চর্যকৃত হইলেন এবং রাগান্বিত হন। আমি বাটী প্রস্তুত করিয়া সস্ত্রীক বাস করিতে লাগিলাম। এই সময়ে আমার স্ত্রীর বয়ঃক্রম ১১ বৎসর মাত্র। নলডাঙ্গাস্থ যে সকল ভদ্রলোকের নিকট দর্শনী এবং ঔষধের মূল্য বাকী পড়িল তাহা আর ওয়াশীল হইল না। প্রতিদিন প্রাতঃকালে গ্রামস্থ লোক ও অপরাপর স্থানীয় লোককে দাতব্য ঔষধ দিতে হইত। তজ্জগৎ অল্পদিনের মধ্যেই ঔষধগুলি নিঃশেষ হইয়া গেল। ইহার ফলে আমার চিকিৎসা কার্য একবারে অচল হইয়া পড়িল; তবে এই সময়ে একখানি কাঁচা বাটী যে করিয়াছিলাম তাহাই যাহা লাভ। একদিন মাতাঠাকুরাণীর সহিত সামান্য বচসা হওয়ায় বাটী হইতে বহির্গত হইবার মনস্থ করিলাম এবং মনে মনে স্থির করিলাম কলিকাতা যাইয়া যে কোন স্থানে চাকরী স্বীকার করিয়া চলিয়া যাইব।

কিছুদিন পরে কলিকাতায় আসিয়া ইষ্ট ইণ্ডিয়ান রেলওয়ের সেক্রেটারী এবং প্রধান ডাক্তার সাহেবের নিকট চাকরী-প্রার্থী হইয়া আবেদন করিলাম। চাকরীর বাজার পূর্বাপর প্রায় সমভাবেই ছিল। আবেদনের উত্তর পাইলাম—আপাততঃ খালি নাই। কোন লোকের পরামর্শে ঐ কোম্পানীর প্রধান কেরাণীবাবু রাজেন্দ্রলাল বন্দ্যোপাধ্যায় মহাশয়কে পূজা দিবার কথা উত্থাপন করিলাম। ইহা শ্রবণ করিয়া তিনি ভয়ানক ক্রুদ্ধ হইলেন; পরে জ্ঞাত হইলাম, এইটা তাঁহার ঋাতিক্ ভাব। পরক্ষণেই আমার প্রতি সদয়ভাব প্রকাশ করিয়া পর দিবস প্রাতে তাঁহার বাটীতে সাক্ষাৎ করিতে কহিলেন। আমি তদনুসারে পর দিবস প্রাতে তাঁহার প্রকাণ্ড বাটীতে সাক্ষাৎ করিয়া দেখিলাম, গজ-রাজকে দুইজন কিল্লুর তৈল মর্দন করাইতেছে। আমার প্রতি এই আদেশ হইল যে, আমি যেন ঋণকালের জন্ত তাঁহার নিম্নতলস্থ বৈঠকখানায় অপেক্ষা করি। আমি তাহাই করিলাম,—কিছুক্ষণ পরে আমাকে আহ্বান করিলেন; তাঁহার নিকটস্থ হইলে, কত টাকা পূজা দিতে সক্ষম হইব জিজ্ঞাসা করিলেন। লজ্জায় আমার বাক্য নিস্বরণ হইল না, শেষে প্রকৃতিস্থ হইয়া বিনীতভাবে কহিলাম,—১০০ টাকা পর্য্যন্ত ধার করিয়া দিতে পারি। বাবুর যাহা লাভ এইটা মনে করিয়া কহিলেন,—“ডাক্তারী চাকরী প্রথম খালি হইলেই তুমি পাইবে।” এই কথোপকথনের পরে আমাকে বলিলেন, মাঝে মাঝে তুমি আমার সহিত অফিসে সাক্ষাৎ করিও। আমিও কয়েক দিবস হাটাছাটি করিলাম কিন্তু আমার ও বাবুর অদৃষ্ট মন্দ বশতঃ আর চাকরী খালি হইল না। এদিকে কেবল এই বাবুর উপর নির্ভর না করিয়া অনেক স্থানে চাকরীর অনুসন্ধান করিতে লাগিলাম। পরম্পর জ্ঞাত হইলাম, বামালরি কোম্পানীর আসামস্থ চাবাগানের জন্ত একটা ডাক্তারের পদ শূন্য হইবে;

তাহা শ্রবণ করিয়াই আবেদন করিলাম। ঐ কোম্পানীর এজেন্ট সাহেব বাহাদুর আমার ডিপ্লোমাখানি দেখিয়া কহিলেন যে,—“তুমি যদি তোমার অধ্যাপকের নিকট হইতে প্রশংসা-পত্র আনিতে পার তাহা হইলে এই চাকরী পাইতে পার।” তদনুসারে আমি ডাক্তার কানাই লাল দে রায় বাহাদুর, ডাক্তার দয়ালচন্দ্র সোম, অস্ত্র-চিকিৎসক ডাক্তার জহরুদ্দিন সাহেব এবং সুবিখ্যাত ডাক্তার জগবন্ধু বসু মহাশয়দিগের নিকট হইতে পৃথক্ পৃথক্ উত্তম প্রশংসা-পত্র সংগ্রহ করিয়া উল্লিখিত বামার কোম্পানীর অফিসে উপস্থিত হইলাম। সাহেব বলিলেন, “যে ডাক্তার বাবুটি কার্য্য পরিত্যাগ করিবেন লিখিয়াছিলেন, তিনি এখন ছাড়িবেন না অতএব আপনার চাকরীর আশা এখানে নাই।” আমি নিরাশ হইয়া অদৃষ্টকে ধিক্কার দিতে দিতে বাসায় ফিরিলাম। এত কষ্ট ও তোষামোদ করিয়া প্রশংসা-পত্রগুলি সংগ্রহ করিলাম, সকলই ব্যর্থ হইল। যাহা হউক, পরিশেষে উইলিয়ম্‌স্ মেজর কোম্পানীর তেজপুরের অন্তর্গত একটা চা বাগানের ডাক্তার হইয়া এক বৎসরের চুক্তিতে ৫০০ টাকা বেতনে নিযুক্ত হইলাম। এজেন্ট সাহেব এক মাসের বেতন অগ্রিম দিয়া আমার জামিন স্বরূপ ডিপ্লোমা ও প্রশংসা-পত্রগুলি হস্তগত করিলেন। এই নিয়োগ-পত্র পাইয়া বাসায় ফিরিলাম।

আমি ২।৪ দিবস মধ্যে সপরিবারে আসামে রওনা হইব। এই মানসে নলডাঙ্গায় রওনা হই। আমার অতি শীঘ্রই নলডাঙ্গায় প্রত্যাগমন এবং অনেক দূর দেশে চাকরী হওয়া সংবাদে সকলেই দুঃখিত হইলেন। আমি আমার বালিকা স্ত্রী এবং মাতুল-পুত্র শ্রীমান কালীপ্রসন্ন ভায়াসুহ সপ্তমী পূজার দিন গো-যানে চুয়াডাঙ্গা রেলওয়ে স্টেশন অভিমুখে রওনা হইয়া অষ্টমী পূজার দিন বৈকালে আমরা চুয়াডাঙ্গা হইতে গোয়ালন্দ অভিমুখে বাম্পীয়-শকটে রওনা হইলাম। এই সময়ের ৫।৬ বৎসর পূর্বে উত্তর-বঙ্গ রেলপথ সাজা হইতে খোলা হইয়াছে। আমরা

অপরাহ্ন ৫ ঘটিকার সময় গোয়ালন্দ পৌঁছলাম। হায় আমার কপাল! ষ্টেশনটি দেখিয়াই আক্কেল গুড়ুম্ কেননা পূর্ব হইতে আমার এইরূপ ধারণা ছিল যে রেলওয়ের প্রথম এবং শেষ এই দুইটা ষ্টেশন খুব বড় এবং সজ্জিত হইয়া থাকে কিন্তু ধারণার বিপরীত দেখিলাম,—খড়ের দুইখানি সামান্য ঘর এই পূর্ব-বঙ্গ রেলওয়ের শেষ ষ্টেশন। যাহা হউক আমরা ঐ ষ্টেশনে গাড়ী হইতে অবতরণ করিয়া নৌকাযোগে ষ্টামার ঘাটের অতি নিকটে একটা বাসা ভাড়া করিলাম। পাঠক! আমাদের অদৃষ্ট উপলব্ধি করুন, বাঙ্গালী জাতির ধনী, নিধনী, সকলেই এই মহামায়ার পূজার সময়ে বিদেশ হইতে নিজ নিজ আবাসে আগমন করিয়া—সকল বহুবান্ধব সমবেত হইয়া—সংসার দুঃখ বিষ্মত হইয়া—কত আনন্দে এ কয়টা দিন অতিবাহিত করিয়া থাকেন। আজ আমি একজন বাঙ্গালী হ'য়ে দাসখত লেখাইয়া গোলামী করিতে সূদূর দেশে আসিয়া অষ্টমীর দিবস মহাভয়ঙ্কর পদ্মা নদীর তীরে একখানি পর্ণ কুটিরের নিজের অদৃষ্টের উপর ধিকার দিতেছিলাম। আমরা যে দিবস গোয়ালন্দে পৌঁছলাম ঐ দিবসই বাখরগঞ্জ হইতে উক্ত স্থানে কুরুগড়ের ষ্টামার আসিবার কথা; ঐ ষ্টামারে যাইবার আমাদের দ্বিতীয় শ্রেণীর পাশ ছিল; কিন্তু ঘটনাক্রমে উহা আসিতে ৩৪ দিন বিলম্ব হইয়া পড়িল।

উক্ত বৎসর অর্থাৎ ১৮৮২ অব্দে বিজয়া দশমীর দিবস তয়ানক ঝড় বা খণ্ড-প্রলয় হইবার কথা পত্রিকাতে লিখিত ছিল। পত্রিকাতে ইহাও লিখিত ছিল যে, মহাভারতের কুরুগণ যে দুঃসময়ে কুরুক্ষেত্রে যুদ্ধযাত্রা করেন, ঠিক ঐ নক্ষত্র দোষ এই বিজয়ার দিবসে পতিত হইয়াছিল; ইহাতে তয়ানক দুর্ঘটনা হইবার কথা। আমি গোয়ালন্দের কুটিরের বসিয়া এইরূপ ভাবিতেছি যে, মহামায়ার বিজয়ার সহিত আমাদেরিগেরও না হয় বিজয়া হউক তাতে ক্ষতি কি? কিন্তু পরক্ষণেই আর এক

চিন্তায় হৃদয় আন্দোলিত করিতে লাগিল যে, যদি মহামায়া তাঁহার সহিত আমাদিগকে গ্রহণ করেন তাহা হইলে তো মনের আনন্দে ভবধাম পরিত্যাগ করিতে পারিব না, কারণ ভবিষ্যতে আমা বিহনে দুঃখিনী মাতাঠাকুরাণীর দশা কি হইবে? তিনি যে আমা বিহনে এক দণ্ড জীবনধারণ করিতে পারিবেন না; যদিও এই পৃথিবী পরিত্যাগ না-ই করেন, তবে ভবিষ্যতে তাঁহার দশা কি হইবে? দ্বিতীয় কথা, বালিকা স্ত্রী এত অল্প বয়সে পিতামাতা পরিত্যাগ করিয়া সুদূর অসাম দেশে আমার সহিত যাইতেছে; আমার সহিত ভবধাম পরিত্যাগ করিলে তাহাতে তাহার ঞ্জয়তঃ ও ধর্মতঃ পুণ্য হইবে কিন্তু এই নিদারুণ সংবাদ যখন তাহার পিতামাতার কর্ণগোচর হইবে তখন তাঁহারা মনে কি দারুণ শোক পাইবেন! বিশেষতঃ তাহার পিতার প্রথম পক্ষের স্ত্রী ও পুত্রগণ ভাগিরথীতে অকালে নৌকাডুবি হইয়া মৃত্যুমুখে পতিত হইলেন, তাহাতে তিনি জীবনে মৃতবৎ হইয়া রহিয়াছেন। এই সংবাদে পূর্ব শোক স্মৃতিপথে আরুঢ় হইলে হয়ত জীবন ত্যাগও হইতে পারে। তৃতীয় কথা,—শ্রীমান কালীপ্রসন্ন বালক, আমার মাতুল মহাশয়ের একমাত্র পুত্র; তিনিও পুত্র বিচ্ছেদে জীব-লীলা সাক্ষ করিতে পারেন। আমার মনে ইহাও উদয় হইল যে, এ পর্যন্ত দুঃখে কাল কাটাইলাম, এখন পর্যন্তও সুখের লেশমাত্র অমুত্তর করিতে পারি নাই; যদিও অনেক কষ্টে যে টুকু বিদ্যা উপার্জন করিলাম কথঞ্চিৎ ধন উপার্জন করিয়া জীবনের কতক অংশ সুখে কালযাপন করিতে পারিব এবং দুঃখিনী মাতাঠাকুরাণীকে সুখী করিব, সুতরাং মরিব কেন? পরিশেষে মনে মনে এই স্থির করিলাম, জন্ম মৃত্যু আমার করতলগত, মরা হইবে না। যদি খণ্ড-প্রলয়ই উপস্থিত হয় প্রাণ বাঁচাইতে চেষ্টা করিব। আমি রক্ষা পাইলে কি হইবে, যদি আমার সঙ্গীদিগের জীবন রক্ষা করিতে না পারি তবে বাঁচিয়া সুখ

কি ? এইরূপ চিন্তা করিতেছি ক্রমে বেলা অবসান প্রায়, সঙ্গে সঙ্গে যুহু যুহু বাতাস বহিতে লাগিল, বিপরীত পাড়ে ২১১ খানি প্রতীমা নদীবক্ষে অস্পষ্ট দেখা যাইতে লাগিল, আমরা তাহা অতি কষ্টে অনুমান করিলাম ; বার্তাবহ বায়ু বিপরীত পাড়স্থ বাস্তবনিও কর্ণকুহরে প্রদান করিতে লাগিল। আমারও হৃদয় একটু উদ্বিগ্ন হইল কারণ তখন পূর্বে বাড়ের কল্পনা করিতেছিলাম। এই সকল মনের কল্পনা আমার বালিকা স্ত্রী অথবা আমার ভ্রাতা কালিপ্রসন্নকে কিছুই বলি নাই ; কারণ তুহাদিগকে বলিয়াই বা ফল কি বরঞ্চ তাহারা ইহা শ্রবণ করিয়া ব্যাকুল হইতে পারে। মহামায়া আমার মনের দুঃখে দুঃখিনী হইয়াই যেন ক্রমে ক্রমে শাস্ত প্রকৃতিস্থা হইয়া মনের আনন্দে মৌপিন ঋগুরালয়ে গমন করিলেন ; বাড়ও ক্রমে ক্রমে নিস্তব্ধতায় পরিণত হইল এবং তরঙ্গমালা শাস্তমূর্তি ধারণ করিল। সূর্য্যদেবও মহামায়াকে আরতি প্রদান মানসে নদীবক্ষে লীন হইলেন ; আমরাও স্তব্ধ হইলাম। ঐ দিবসও জাহাজ দর্শন দিলেন না, আমিও মনের দুঃখে অদৃষ্টকে কটু-কাটব্য বলিতে বলিতে ম্রিয়মান হইলাম। তখন মনে ইহাও উদয় হইল যে, পূর্বে যদি জানিতে পারিতাম, জর্জি 'গোয়ালন্দ আসিতে এত বিলম্ব হইবে, তবে দেশে পূজা দেখিয়া আসিতে পারিতাম। এরূপ ৩৪ দিবস অনর্থক জাহাজের প্রত্যাশায় নদীতীরে বাস করিতে লাগিলাম।

এই সময়ে গোয়ালন্দের চাউলঘাটের নিকট ২৫১৩০ জন কাবুলি একটা গেদ-হত্যা করে। এই সংবাদ বাজারের মহাজনেরা শ্রবণ করিয়া ১০০ শত জন লাঠিয়াল পাঠাইয়া উক্ত কাবুলিদিগকে নির্দয়রূপে প্রহার করে। ইহাতে কয়েকজন কাবুলি সাংঘাতিকরূপে আঘাতিত হয় যদিও কেহই কার্যক্ষেত্রে বৃত্ত্যমুখে পতিত হয় নাই। ঐ সাংঘাতিক আঘাত, তাহাতে ২১৩ জন লোকের জীবন-সংশয়

হইয়াছিল। মোকদ্দমার সংবাদ বলিতে পারিলাম না, কারণ যে দিবস ঐ ঘটনা হয় তাহার পরদিবস আমাদের নির্দিষ্ট জাহাজখানি সন্ধ্যার সময়ে ঘাটে আসিয়া নোঙ্গর করিল। ষ্টীমার আগমনে অবশ্য কথঞ্চিৎ আনন্দিত হইলাম; কিন্তু পরমুহূর্ত্তে শুনিলাম একদিন একরাত্র এই ঘাটেই জাহাজখানি অবস্থিতি করিবে কারণ বাথরগঞ্জের নিকট বিজয়া দশমীর দিবস ভয়ানক ঝড়ে জাহাজের কল-কজা বিকল হওয়ায় অতি ধীরে ধীরে গোয়ালন্দ পর্য্যন্ত আসিয়াছে। এখন ঐ জাহাজের প্রধান ইঞ্জিনিয়ার সাহেব কোন কলের জন্ত অল্প রাত্রেই কলিকাতায় যাইবেন এবং পরদিবস প্রত্যাগমন করিয়া মেরামতান্তে জাহাজ অসাময়িক অতিমুখে যাত্রা করিবে।

আমি জাহাজ ছাড়িবার পূর্বে দিবস পরিবারকে পান্নি করিয়া দ্বিতলার ডেকে উপস্থিত হইয়াই একটা কামরা পাইলাম। আমরাদিগের সহিত পাক পরিবার কোন জিনিস না থাকায় কিছু মিষ্টান্ন বেশী করিয়া ক্রয় করিয়া লইলাম। মেথরের সহিত বন্দোবস্ত করিলাম, তেজপুর পর্য্যন্ত প্রতিদিন দুইবার কামরা পরিষ্কার করিবে এবং বাতিওয়ালার সহিতও ঐরূপ করিলাম। পায়খানার ব্যবস্থা প্রথমেই করিলাম বটে কিন্তু পায়খানা যাইবার পূর্বে উপকরণের সহিত খোঁজ খবর নাই। পরদিবস ষ্টীমার চলিতে আরম্ভ করিলে আমরাও মাদ্রাস প্রকার প্রান্তর ও গ্রাম দেখিতে দেখিতে গভীর জলের উপর দিয়া যাইতে শুরু করিলাম। ঐ দিবস বৈকাল বেলায় একজন ভদ্র আসামি-সাহেবের সহিত আলাপ হয়; আমরাদিগের ক্যাবিনের অল্প দূরে অল্প একটা কাঁচুরায় তিনি ছিলেন। ঐ সময়ে আমি নদীর তীরভিত্তিতে লক্ষ্য করিয়া ধূমপান করিতেছিলাম; তিনিও ঐরূপ নদীর শোভা দেখিবার জন্তই হটুক বা আমার সহিত ছল করিয়া আলাপ কবিবার জন্তই হটুক, একখানি

কাঠামনে বসিয়াছিলেন। আমার ধূমপানাশ্বে প্রিয় সঙ্গী হাঁকাটিকে রাখিতে উদ্বৃত্ত হইয়াছে, এমন সময়ে বাঙ্গালা ভাষায় আমার নিকট হইতে কলিকাটি প্রার্থনা করিলেন। আমি মনে মনে ধারণা করিলাম, তবে কি ইনি চুরুটের ধূমে সন্তোষ নহেন? আজকাল অনেক স্থানে সাহেব ও মেমদিগকে ফুরসিতে ধূমপান করিতে দেখিয়াছি ইনিও বোধ করি সেই ভাবাপন্ন হইবেন। বলা বাহুল্য, আমি সেই মুহূর্ত্তেই কলিকাটি তাঁহার হস্তে হাত বাড়াইয়া দিলাম; তিনি কলিকারূপে তামাক সেবন করিতে করিতে আমার সহিত আলাপ করিতে লাগিলেন। পরিশেষে অবগত হইলাম, তিনি সাহেব বা ফিরিঙ্গি এ দুইটির কোনটিই নহেন, নাম জিজ্ঞাসা করায় জানিলাম, তাঁহার নাম জি, সি, বড়ুয়া। এ আবার কোন দেশীয় নাম কিছুই প্রথমে ঠিক হইল না। তিনি আমাকে তাঁহার কামরায় যাইতে অনুরোধ করিলেন। সন্ধ্যার পূর্বে তাঁহার ক্যাবিনে যাইয়া দেখিলাম তিনি ভোজনে বসিয়াছেন এবং কাঁটা চামচ দ্বারা আহার করিতেছেন। আহারান্তে তাঁহার সহিত আলাপ পরিচয়ে জানিতে পারিলাম—তাঁহার নাম গোপাল চন্দ্র বড়ুয়া, নিবাস ডিব্রুগড় জেলায়। সিমলায় বড় লাট সাহেবের অফিসে কার্য করিতেন, সুপারিশের বলে ডিব্রুগড়ে একট্রা এসিস্টেন্ট কমিশনার হইয়া যাইতেছেন। বাবুটী খৃষ্ট-ধর্ম গ্রহণ না করিয়াই ইংরাজের আচার ব্যবহার শিক্ষা করিয়াছেন। ষ্টীমারের কোন সাহেবই তাঁহার চাতুরি ধরিতে পারেন নাই; কারণ তিনি এমন পরিষ্কার ইংরাজী টোনে কথা বলেন যে, কাহার সাধ্য তাঁহাকে অন্ততঃ এ দেশ-জাত ইংরাজ না খলিয়া থাকিতে পারে। তিনি হাঁকা কলিকার সাহায্যে তামাক সেবন পূর্ব হইতেই অভ্যস্ত ছিলেন সুতরাং চুরুট পাইলে সম্পূর্ণ পরিভূক্ত হইতেন না; তজ্জন সময়ে সময়ে আমার নিকট হইতে কলিকা লইয়া

তামাক খাইতেন। দুঃখের স্বাদ কি ঘোলে মিটে? বোধ হয়, তিনি আমার সহিত বাঙ্গালা ভাষায় আলাপ করিয়া কথঞ্চিৎ তৃপ্ত হইলেন। আমাদের তিন দিবস একরূপ আহার নাই কারণ যে মিষ্টান্ন গোয়ালন্দ হইতে খরিদ করিয়া আনিয়াছিলাম, তাহা দুর্গন্ধ ও অব্যবহার্য হওয়ায় ব্রহ্মপুত্রনদের জল-জন্তুগণকে দান করিতে বাধ্য হইয়াছিলাম। প্রতিদিন সন্ধ্যার সময় জাহাজখানি কিনারায় নোঙ্গর করিত; জাহাজস্থ সকল যাত্রিগণ দ্রুতপদে সেই সময় কিনারায় অবতরণ করিয়া কাষ্ঠ আহরণ করতঃ পাক করিয়া আহারাদি করিত। আমাদের সহিত পাক করিবার পাত্রাদি থাকিলে বোধ হয় আমরাও সে সুখে বঞ্চিত হইতাম না। আমাদের যৎকিঞ্চিৎ 'চিপিটক' গুড় ব্যতীত আর কোন উপায় ছিল না; অজ্ঞ কেবল বড়ুয়া মহাশয় আমাদের আহারাদির বিষয় শ্রুত হইয়া, আমাদের দুঃখে দুঃখিত হইলেন এবং জাহাজের ইংরাজী হোটেলে খাইতে বারণার অনুরোধ করিতে লাগিলেন। আমি ততদূর ইংরাজিতে সুবিজ্ঞ হই নাই, যাহাতে আমার মন ঐরূপ আহারের জন্য লালায়িত হইবে। সকলের ভাগ্যে ঐরূপ আহারের সুখ ঘটিয়া উঠে না, সুতরাং আমরা উহাতে বঞ্চিত রহিলাম। কালিপ্রসন্ন ভায়া ক্ষুধার জ্বালায় অস্থির হইয়া একদিন বলিল যে "দাদা, অগ্রে জীবন রক্ষা করা কর্তব্য অতএব অনুরোধ করিলে আমি যাইয়া তথায় আহার করি"। আমার রাগতভাবে দেখিয়া বালক সাহস করিয়া আর কিছুই করিতে পারিল না। আসামের অনেক সংবাদ গোপাল বাবু প্রমুখাত শ্রবণ করিতে করিতে চলিলাম; তথাকার ভাষা, আচরণ, পোষাক-পরিচ্ছদ, বিশেষরূপে অবগত হইলাম। আমরা দিন দিন কত প্রান্তর, মাঠ, গ্রাম, পর্বত পশ্চাতে রাখিয়া যাইতে লাগিলাম তাহার ইয়ত্তা নাই। জাহাজখানি মধ্যে মধ্যে ছোট ছোট ঝেঁপনগুলিতে দাঁড়াইয়া আরোহী উঠায় ও নাবায়

কিন্তু দুঃখের বিষয় কোন ঠেশনে ভালরূপ জলখাবার দৃষ্টিগোচর হইল না। কেবল চিড়া ও গুড় আরোহীগণ খরিদ করিতে পারে, আমিও মধ্যে মধ্যে তাহাই লইতে বাধ্য হইলাম। ক্ষুধার কষ্ট বড়ই অসহনীয়, ক্ষুধা সাম্য না হইলে মনকে তৃপ্তি রাখা দুঃস্থ কিছু উপায় নাই,—আমার সঙ্গীদিগের যে কি কষ্ট অনুমান করিয়া লউন। গোয়ালন্দ হইতে যাত্রা করিবার তৃতীয় দিবসে, আমি তৃতীয় শ্রেণীর ডেকের উপর বেড়াইতেছি, এমন সময় মৈমনসিং জেলাস্থ কয়েকজন বঙ্গজ কায়স্থের সহিত পরিচয় হইল; তাহাদিগের মধ্যে বয়ঃজ্যেষ্ঠ লোকটী আমাদের আহারাদি কিরূপ হইতেছে জিজ্ঞাসা করিলেন এবং আমরা তিন দিবস অন্নবর্জিত শ্রবণ করিয়া, অতিশয় দুঃখিত হইলেন। দয়াময় ঈশ্বর যেন তাহাদের হৃদয়ে প্রকাশিত হইয়া আমাদের দুঃখে সহানুভূতি প্রকাশ করিয়া কহিলেন, “আমাদের নিকট পাক করিবার পাত্রাদি, চাঁউল, ডাউল, আলু প্রভৃতি আছে অতএব আপনি অল্প সন্ধ্যার সময়ে ঈশ্বরের কিনারায় লাগিবামাত্র তীরে নামিয়া কাষ্ঠ আহরণ পূর্বক আমাদের সহিত মিলিবেন; আমরা আপনাদের আহারাদির সকল আয়োজন করিয়া রাখিব।” ইহা শ্রবণ করিয়া বড়ই আনন্দ অনুভব করিলাম এবং ঈশ্বরকে শত শত ধন্যবাদ প্রদান করিয়া তাহাদিগকে যথোচিত সৎকার্যের প্রশংসা করিতে লাগিলাম। সন্ধ্যার সময়ে শ্রীমান কালিপ্রসন্ন ভায়াকে কামরায় রাখিয়া আমি জাহাজ হইতে অবতরণ পূর্বক তাহাদিগের সহিত মিলিত হইলাম। গত তিন দিবসের মধ্যে পদস্থয় মৃত্তিকা স্পর্শ করে নাই, তীরে নামিয়া কথঞ্চিৎ সুস্থ হইলাম। কাষ্ঠ আহরণান্তে স্বহস্তে পাক করিয়া সঙ্গীগণকে এবং আমি মা লক্ষীকে লাদরে গ্রহণ করিলাম—আমাদের শরীরে পুনঃ শক্তি সঞ্চারিত হইয়া মন ও হৃদয় বলবতী হইল। সপ্তম দিবসে অপরাহ্ন চার ঘটিকার সময়ে আমরা আসাম প্রদেশের প্রথম জেলা—খুবড়ি পৌঁছিলাম।

সন্ধ্যার সময়ে ধুবড়িস্থিত বাঙ্গালী ব্রাহ্মণের হোটেলে বাঙ্গালীর প্রধান খাদ্য—চাউল, ডাউল, মৎস্য প্রভৃতি উদরকে প্রদান করিয়া গত কষ্ট ভুলিলাম এবং সন্ধ্যার সময় জুতা গীমার ঘাটে অন্নব্যঞ্জন স্বহস্তে আনিয়া দিয়া তাহাদের ক্ষুৎপিপাসা নিবৃত্তি করাইলাম। সকলই দয়াময়ের অল্পকম্পায় সংঘটিত হইল। এই জাহাজ অতি মহৎগতিতে গমন করে বলিয়া গোপালবাবু ধুবড়ি হইতে ক্রতগামী জাহাজে চলিয়া গেলেন। একজন সঙ্গী ছিলেন; তিনিও পৃথক জাহাজে চলিয়া যাওয়ায় ডিব্রুগড়ের রেলওয়ের এজেন্ট শ্রীযুক্ত নারায়ণচন্দ্র বন্দ্যোপাধ্যায় মহাশয়কে পরম-দয়াল পরমেশ্বর আমাদের জাহাজে মিলাইয়া দিলেন। ইহার সহিত ধুবড়ির হোটেলে সাক্ষাৎ হয়, পরিচয়ে জ্ঞাত হইলাম,—ইনি একজন সংবংশীয় কুলীন ব্রাহ্মণ-সন্তান; কলিকাতায় বহুবাজারের দেওয়ান বাবুর বাটীতে বিবাহ করিয়াছেন। নারায়ণবাবু গোপালবাবুর কামরা দখল করিলেন। নদীর উত্তর তীরে কত পাহাড় সুন্দররূপে প্রতীয়মান হইতে লাগিল। প্রকৃতির শোভা দেখিতে দেখিতে আমরা গৌহাটী অভিমুখে চলিলাম। হাতীসুড়রী পাহাড়টা দেখিয়া মনে হইল যেন একটা প্রকৃত হস্তী গমন করিয়া আছে। সেটা একটা মনোমুগ্ধকর দৃশ্য, তাহাতে সন্দেহ নাই। নারায়ণবাবুর সহিত তাঁহার কামরায় বসিয়া নানা প্রকার আলাপ হওয়াতে তাঁহাকে একজন জ্ঞানবান লোক বলিয়া অনুমিত হইল। একদিবস পরে যখন সন্ধ্যার সময়ে জাহাজখানি তীরে লাগিয়াছে, তখন নারায়ণবাবুকে কহিলাম—“আজ্ঞা, তীরে নামিয়া আহারাদির আয়োজন করা যাক”। তিনি কহিলেন—“আমি আজ কিছু আহার করিব না; আগামী পাকের উৎসুক ভিনিক-পত্র লইয়া ধান এবং আহারাদি করুন।” তখনও পর্যন্ত আমি তাঁহাকে গোড়া হিন্দু বলিয়া জানিতাম,—যাহা বলাকরিত। আমি একাকী তাঁহার

জিনিষ-পত্র লইয়া পাক করিতে নামিলাম না। পরদিবস প্রাতে নারায়ণবাবুর কামরায় বাইয়া যাহা দেখিলাম, তাহাতে আমি স্তম্ভিত, লজ্জিত এবং জ্ঞানবুদ্ধিহীন হইয়া জড়রং তাঁহার আহারের টেবিলের পার্শ্বে দাঁড়াইয়া রহিলাম ; মুখ হইতে বাক্য নিঃসরণ হইল না। কিছুক্ষণ পরে, প্রকৃতিস্থ হইয়া দেখিলাম, আমাদের কামরায় যে মেথরের কার্য করে, সেই লোকটা চাপকান ও পাগড়ি পরিয়া বাবুর খানা আনিয়া দিয়া এবং কিয়দূরে আজ্ঞা প্রতিপালনার্থ দণ্ডায়মান রহিয়াছে। বাবু কাঁচামচ ব্যবহার করিয়া অখাদ্য উদরকে দান করিতেছেন। এই বীভৎস-ব্যাপারদর্শন করিতে অপাবগ হওয়ায় আমি স্থান পরিত্যাগ করিলাম। পরে আরও জ্ঞাত হইলাম জাহাজের যাত্রি-সাহেবদিগের ভুক্তাবশিষ্ট জিনিষগুলি হোটেলের খানসামাগণ নদী-গর্ভে নিক্ষেপ না করিয়া এইরূপ গৌরাজের প্রসাদ-প্রার্থীগণকে ষৎ-সামান্য মূল্যে বিক্রয় করে। নারায়ণবাবু দেশ-মাণ্ড কুলীন সম্মান হইয়া স্নেহ-ভুক্তাবশিষ্ট খাদ্য অন্নানবদনে আহার করেন। ইহা অপেক্ষা দেশের যে আর অধিকতর কি দুর্গতি হইতে পারে তাহা সহজেই হৃদয়ঙ্গম করা যায়। যে হিন্দুধর্ম সকল ধর্মের শীর্ষস্থান অধিকার করিয়াছে, সেই ধর্মের কিয়দংশ "সারবান" বলেঃ পাশ্চাত্যবিৎ পণ্ডিতগণ স্নেহ ভাবাপন্ন হইয়াও শতমুখে প্রশংসা করিয়া থাকেন। যে ধর্মের কিয়দংশ ম্যাডাম ব্যাডাভান্ডি ও কর্ণেল অন্কট্ পাইয়া আজকাল পৃথিবীর অনেক সভ্যদেশে ওতোপ্রতো-ভাবে পরিচালনা করিয়া আপনাদিগকে ধন্য মনে করিয়া থাকেন, সেই ধর্ম কিনা আমরা অবলীলাক্রমে পরিত্যাগ করিয়া স্নেহভাবাপন্ন হইবার জন্য লালায়িত হইয়া থাকি। আমরা হিন্দুধর্মের সৎপুত্র বলিয়াই এক্ষণ ধর্মকে হৃদয়ে রাখিতে পারিতেছি না। উক্ত দিবস হইতে নারায়ণবাবুকে অল্প চক্ষে দেখিতে লাগিলাম এবং তাঁহার ক্যাবিনে যাওয়া বন্ধ করিয়া দিলাম। আমি তাঁহাকে ব্রাহ্মনোচিত

কার্য পরিত্যাগ করায় ২৪টি কথা প্রয়োগ করাতে তিনি আমার প্রতি ভয়ানক কুপিত হইয়াছিলেন। জাহাজখানি কামরূপের মুহকুমা মঙ্গলদহ পরিত্যাগ করিয়া খুবড়ি হইতে ৩য় দিবসের উষাকালে কামরূপের কালভৈরব মন্দিরকে লক্ষ্য করাইয়া ৮ ঘটিকার সময়ে গোহাটী বন্দরে নোঙ্গর করিল। গোহাটীতে জাহাজখানি অবস্থিতি করায় আমি মাতুল মহাশয়ের নামীয় পত্র ডাকঘরে দিতে সহরে চলিলাম। সহরটী খুবড়ী অপেক্ষা যে ভাল তাহা অল্পমিত হইল। অনেকগুলি বাঙ্গালী বাবু তথায় কার্যোপলক্ষে ছিলেন। ঐ দিবস গোহাটীর হাট সূতরাং জাহাজে প্রত্যাগমন কালীন দেখিলাম, হাটে আসাম দেশীয় স্ত্রীলোকের সংখ্যাই অধিক। পোষাক পরিচ্ছদ ও তাহাদের ভাষা গোপালবাবু যদ্রূপ বলিয়াছিলেন, তদ্রূপই পরিলক্ষিত হইল। হাটের মধ্যে অনেক স্ত্রী ও পুরুষের গোদ ও গলগণ্ড দৃষ্টিগোচর হইল। আমি অপরাহ্ন ৪ ঘটিকার সময়ে ব্রহ্মপুত্র নদীর তীরে পাক করিয়া সকলকে ভোজন করাইলাম। মনে মনে স্থির করিয়াছিলাম তৎপর দিবস জাহাজখানি তথায় থাকিলে আমরা মহামায়া দর্শন করিয়া আসিব কিন্তু অদৃষ্ট মন্বশতঃ পরদিবস অতি প্রত্যুষে জাহাজ ছাড়িয়া দিলুঃ ব্রহ্মপুত্র নদীর বেলা ভূমিতে অনেক কুস্তির শায়িত অবস্থায় দৃষ্টিগোচর হইল। সাহেব আরোহীদিগের মধ্যে কেহ কেহ উহাদিগকে লক্ষ্য করিয়া গুলি চালাইলেন কিন্তু একটাও মরিতে দেখিলাম না। আমরা যতই উত্তর-পূর্বাভিমুখে চলিলাম, জলের স্রোত ততই বেগবতী সূতরাং জাহাজস্থ হইখানি ক্রাট লইয়া যাওয়া অসম্ভব দেখিয়া একস্থানে একখানি ফেলিয়া যাইতে ক্যাপটেন সাহেব বাধ্য হইলেন। একটা নির্দিষ্ট স্থানে পৌঁছিয়া সংলগ্ন ক্রাটখানিকে রাখিয়া পরিত্যক্ত ক্রাটখানিকে নিয়া, আসিতে আমাদের একদিন বিলম্ব হইল। এইরূপ মহর গতিতে জাহাজখানি চলিয়া আমাদের একদিন বিলম্ব হইতে ৭ম দিবসে

তেজপুর বানরাজার রাজধানীতে পৌঁছাইয়া দিল। এইবার আমরা কতকটা নিশ্চিত হইলাম।

এই তেজপুর সহরটা গোহাটীর জায় নহে ; ইহা অতি সংকীর্ণ স্থান। তেজপুরের মধ্যে একটি মাত্র ভাল রাজপথ, তাহার দুই পার্শ্বে ২।৪ খানি দোকান মাত্র। ঘাটে উপস্থিত হইয়া ডেকাজুলিবাগান হইতে কোন গো-শকট আসিয়াছে কি না জিজ্ঞাসা করায় শুনিলাম,— ২ খানি গাড়ী ২।৩ দিবস অপেক্ষা করিয়া পুনরায় প্রত্যাগমন করিয়াছে। অজ্ঞানিত স্থানে পৌঁছিয়া গাড়ী ফেরত গিয়াছে শুনিয়া বড়ই বিপদে পড়িলাম। ভগবান সকলের সহায় এবং সখল, কাজেই, অল্পকণের মধ্যে ২ খানি গো-শকট মিলাইয়া দিলেন। আমরা আহাজ হইতে অবতরণ করিয়া আহারাশ্বে বাগানাভিমুখে রওনা হইলাম। দোকমুখে জানিতে পারিলাম উক্ত বাগিচা তেজপুর হইতে ১২।২০ মাইলের কম হইবে না ; শুনিয়াই আশ্চর্য্যস্থিত হইলাম। কলিকাতা হইতে জাদিতে পারিয়াছিলাম, উক্ত বাগান তেজপুরের অতি নিকটে। যা'হোক, যে কোন উপায় অবলম্বন পূর্বক গন্তব্য স্থানে যাইতেই হইবে। আমরা অস্বাভাবিক ৩টার সময়ে তেজপুর ত্যাগ করিলাম। পথ এত দুর্গম এবং রাস্তার দুই কিনারায় এত নিবীড় জঙ্গল যে তাহা জীবনে কখনও দেখি নাই। মধ্যে মধ্যে এক একখানি গ্রাম পরিলক্ষিত হইল। কাঁচা রাস্তা তাহাও অসমান স্থানের উপর দিয়া গিয়াছে ; সর্ব স্থানেই অসমান জমি তজ্জন্মই বোধ করি এ প্রদেশের নাম আসাম হইয়াছে। যাহা হউক ভাগ্যক্রমে কোন হিংস্র জন্তুর সহিত পৃথিব্যে দেখা সাক্ষাৎ হয় নাই। আমরা পরদিবস অপরাহ্ন ৩ ঘটিকার সময়ে সিরাজুলী বাগানে পৌঁছিলাম। কলিকাতার এজেন্ট সাহেবের একখানি পত্র নিয়া ম্যানোজার সাহেবের কুটিতে চলিলাম। সাহেবকে সন্তোষণ করিয়া পত্রখানি তাহার হস্তে দিলে তিনি আমাকে অনেকগুলি কথা জিজ্ঞাসা করিলেন কিন্তু

তখন ইংরাজী ভাষায় ব্যুৎপত্তি না থাকায় সাহেবের সকল কথা বুঝিয়া উঠিতে পারিলাম না। সাহেব আমার বিজ্ঞাবুদ্ধির পরিচয় পাইয়া তৎক্ষণে বাগানের বড় মুহুরী পোয়ারাম কোঁচকে ডাকাইয়া আদেশ করিলেন যেন আমাদের কোনরূপ কষ্ট না হয়। বাসোপযোগী কোন ঘর তৈয়ারী না থাকায় অতি ক্ষুদ্র একখানি ঘর কিছুদিনের জন্য নির্ধারিত হইল। আমরা ঐ ঘরে প্রবেশ করিয়া রান্নার বন্দোবস্ত করিয়া লইলাম। দোকান অতি নিকটেই ছিল সুতরাং সকল সংগ্রহ করিয়া আহারাশ্বে নিজার ক্রোড়ে শয়ন করিয়া রজনী যাপন করিলাম। ঐ বাগানের ২ জন আসামী মুহুরী আমাকে বথেষ্ট সাহায্য করিয়াছিলেন। ২।৪ দিবসের মধ্যে অতি সামান্য ভাবে দো-চালা ঘর এবং তদুপযুক্ত রান্নাঘর প্রস্তুত হইল। আমরা নূতন বাটীতে গমন করিলাম।

প্রতিদিন প্রাতে কুলি লাইনে কুলিদিগকে দেখিতে যাইতে হইত এবং এই বাগানের অর্ধ ক্রোশ দূরে ডেকাকুলি নামক এই কোম্পানীর আর একটি বাগান ছিল (তথায়ও ২ জন মুহুরী প্রভৃতি ছিল) তাহাও একদিন অস্তর দেখিয়া আসিতে হইত। সাহেবটি অতি ভদ্রলোক; আমার প্রতি অকপট দয়া প্রকাশ করিতেন। ইংরাজী বলিতে বা বুঝিতে যে অপারগ ছিলাম তাহা তিনি হৃদয়ঙ্গম করিয়া আমাকে ইংরাজী ভাষা নানা প্রকারে শিখাইতে লাগিলেন। আমি অতি যত্নের সহিত শিখা করিয়া অল্প দিনের মধ্যেই ইংরাজীতে কথা বলিতে এবং বুঝিতে সক্ষম হইলাম। হুই বাগানে ৩০০ শত কুলি ছিল; তন্মধ্যে প্রায় ২৫০ জন ছোটনাগপুর অঞ্চলের এবং বাকি আসাম দেশীয় কাছাড়ি কুলি। পাঠক! ইহার কাছাড় দেশের অধিবাসী নহে; এই আসামেই তাহাদের বাস অথচ তাহাদের ভাষা আসামী নহে অর্থাৎ অনার্য জাতির ভাষা। হিন্দুস্থানের বহুপূর্ব কালের পার্বত্য জাতির

মধ্যে ইহারাও এক জাতি। চা বাগানের কুলির প্রতি অত্যাচার “সঞ্জিবনীতে” অনেকবার দেখিয়াছি কিন্তু এ বাগানে তাহার কিছুই পরি-লক্ষিত হইল না। এ বাগান খুব পুরাতন, ইহাতে অনেকদিন হইতে কুলিরা কার্য্য করিয়া আসিতেছে; এক একজন কুলি যথেষ্ট টাকা সঞ্চয় করিয়াছে দেখিলাম। বাগানের চতুর্দিকে ভয়ানক নিবীড় জঙ্গল; তাহার যে সীমা কোথাও শেষ হইয়াছে তাহা কেহ ভালরূপে বলিতে পারে না। ঐ জঙ্গলে ব্যাঘ্র, ভল্লুক, বানর, বন্য-কুকুর, বরাহ, বন্য-মহিষ, গণ্ডার ও হরিণ বিচরণ করিত্ত্ব ইহা অনেকের দৃষ্টিগোচর হইয়াছে। শীতকালে ব্যাঘ্রের বড়ই দৌরাখ হইত,, রাত্রে বাসার চতুর্দিকে গর্জন শুনা যাইত। দেশ প্রথামুসারে রাত্রে ঘরের মধ্যে অগ্নি রাখা হইত এবং তিন বাজাইয়া ঐ জঙ্ককে তাড়াইতে হইত এবং ভল্লুকের রবও প্রায়ই শ্রুতিগোচর হইত। হস্তীগণ দলবদ্ধ হইয়া এক এক দিন রাত্রে চা গাছ ভাঙ্গিয়া চলিয়া যাইত। এইরূপ স্থান হইতে যে প্রাণ লইয়া দেশে প্রত্যাগমন করিব, এরূপ আশা মোটেই করিতাম না। অতি অল্প দিবসের মধ্যে আমি সাহেবের সু-নজরে পড়িলাম কারণ ঐ সাহেব আসাম দেশীয় একটা উপ-পক্ষী রাখিয়াছিলেন। ঐ স্ত্রীলোকটা আমার স্ত্রীকে ধর্ম্মকন্ঠ্যরূপে আশ্রয় করিতেন। এই কারণেই হউক বা অদৃষ্ট সু-প্রসন্ন বশতঃই হউক সাহেব আমাকে বিশ্বাস ও ভালবাসিতে আরম্ভ করিলেন। আমার বিশ্বাস, ইহা স্বার্থের সহিত জড়িত কারণ আমি এই বাগানে আগমন করার সাহেবের যাবতীয় কার্য্য আমাকেই করিতে হইত; তাঁহাকে আর অধিক কিছুই দেখিতে হইত না। ক্রমে ক্রমে আমি সকল কার্য্য শিখা করিয়া ফেলিলাম; মাসিক খরচের টাকা, হিসাব-পত্র প্রভৃতি সকলই আমাকে করিতে হইত। ক্রমে ক্রমে আমি আমার কর্তব্য কার্য্য ভিন্ন প্রধান কেরানীর কার্য্য, চা ঘরের পরিদর্শক এবং বাগানের কার্য্যের তত্ত্বাবধান কার্য্য করিতাম। আসাম দেশীয়

একজন যুবক আমার সহকারীরূপে নিযুক্ত হইলেন; তিনি ইংরাজী ভাষারূপে জানিতেন। কোম্পানীর মাসিক খরচের টাকা আমার নিকটেই থাকিত। কুলিদিগের মাসিক বেতন দিবার সময়ে উভয় বাগানে আমাকেই উপস্থিত থাকিতে হইত। ক্রমে ক্রমে আমার বেতন ৭৫ টাকা পর্য্যন্ত ২ বৎসরের মধ্যে হইল। ওদিকে মাতাঠাকুরাণী আমাকে ছাড়িয়া একাকিনী নলডাঙ্গায় থাকিতে অশক্ত হওয়ায় একজন জানিত ভদ্রলোকের সহিত আসামে পৌঁছিলেন। তাহাকে পাইয়া আমি যেন হস্তে স্বর্গ পাইলাম। কিছু দিবস পরে শ্রীমান্ কালীপ্রসন্ন ভায়া ঐ লোকের সহিত নলডাঙ্গায় চলিয়া আসিলেন। এদিকে সাহেবের মেম আমার বাসায় আসিয়া আমার পত্নীকে কার্পেটের কার্য শিক্ষা দিতে লাগিলেন। সাহেব আমাকে বাগানের প্রত্যেক কার্যেই সম্পূর্ণ কর্তৃত্ব প্রদান করিলেন। তখন মেজাজও ঘোর সাহেবী ধরনের অর্থাৎ কোট প্যান্ট তো আছেই, তাহা ভিন্ন খ্যাট লেগিং পর্য্যন্ত পরিধান করিয়া সং সাজিয়া বেড়াইতাম। একটি বড় ঘোড়াও খরিদ করিয়া সাহেবের আস্তাবলে রাখিলাম; যখন দরকার হইত তাহাতে চড়িয়া ডেকাজুলি এবং সমস্ত বাগান পরিদর্শন করিয়া বেড়াইতাম। ব্রহ্মপুত্র নদীর তীর, সিরাজুলি হইতে দক্ষিণে কোশ দূরত্ব হইবে। শিঙ্গাড়ি গ্রামে এই কোম্পানীর একটা চা বাগানের গুদাম ছিল; প্রতিদিন যত বাগ চা প্রস্তুত হইত, উহা ঐ গুদামে যাইয়া মজুত হইত; সপ্তাহে ২ দিন ঐ সকল বাগ লইয়া মঙ্গল-দহিতে ঈশ্বার ঘাটে নৌকা করিয়া লইয়া যাইত, বর্ষায় সময়ে গুদাম পরিদর্শনে তথায় আমাকে গো-শকটে একবার যাইতে হইয়াছিল। ভীষণ অরণ্যের মধ্য দিয়া কাঁচা পথ সিঙ্গাপুরি গিয়াছে; ৩৪ কোশের মধ্যে লোকজনের বসতি নাই। পথিমধ্যে নানা প্রকার বস্তু জন্তুর চিহ্ন পরিদৃশ্যমান হওয়াতে মনে ভয়ানক আতঙ্ক উপস্থিত হইল।

অতি কষ্টে আমি ও কয়েকজন লোক সিঁকাড়ি পৌঁছাই। এ স্থানে একটা পাহাড় আছে, ঐ পাহাড়ের শিখরদেশে গোপেশ্বর দেবের মন্দির। মহামুনি ঋষিশৃঙ্গ তথায় বাস করিতেন এইরূপ কিম্বদন্তি ছিল এবং তাঁহারই স্থাপিত ঐ গোপেশ্বর মহাদেব। প্রদেশীয় গবর্ণমেন্ট ঐ ঋষি বংশীয় ব্রাহ্মণকে বিনা রাজস্ব জমি প্রদান করিয়াছেন। ঐ দেশের যাত্রা বা ভাওনা শুনিতে বাগানের সন্নিকটস্থ সিঁকাড়ুলি গ্রামে রাত্র ৯ ঘটিকায় দীর্ঘনাথ ও সাহেবসহ উপস্থিত হইলাম। এ দেশের এই রীতি যে যদি কেহ নিমন্ত্রিত হইয়া কাহারও বাটী বা সভাতে উপস্থিত হন, তবে গৃহস্থারী বা সভাপতি এক কাঁদি কাঁচা সুপারি এবং একগোছ পান খর্গাঙ্গুলক ভদ্রলোককে প্রদান করিয়া তাঁহার সম্মান রক্ষা করেন। আমাদের ভাগ্যেও তাহাই হইল। আসামস্থ কোচ সম্প্রদায়ের এই নিয়ম যে,—যদি কেহ যাত্রা শুনিতে উপস্থিত হইলেন, তাঁহাকে বসিবার জন্য এক আঁটি বিচালী ভিন্ন আর কিছুই দেওয়া হয় না; তবে যিনি বসিবার আসন সঙ্গে করিয়া লইয়া আসেন, তাঁহার কথা সত্য। আমরা এই রীতি পূর্বে জ্ঞাত থাকায় বসিবার আসন সঙ্গে আনিয়াছিলাম সুতরাং যাত্রা হইবার সমুখস্থ স্থানে মণ্ডল মহাশয় আমাদিগকে বসাইয়া দিলেন এবং সাহেব বাহাদুরও আপন কাষ্ঠাসনে আমাদিগের নিকট বসিলেন। কিছুকণ পরেই সাজ-ঘরে অনেক খোলের ও করতালের গর্জনে কর্ণ প্রায় বধির হইল। বাদকগণ বাগরা পরিধান করিয়া এবং পায়ে ঘুমুর লাগাইয়া তাহাদের দেশীয় নানা প্রকার ভাব-ভঙ্গিতে নাচিতে ও অস্থান প্রায় ৩০ খানি খোল ও ১৫ জোড়া করতাল দ্বারা বাজাইতে বাজাইতে আসরে আসিয়া উপস্থিত হইল। দেখিয়া শুনিয়া অবাক! আসামের অনেকাংশে স্ত্রী-স্বাধীনতার দেশ, যাত্রার আসরে বিচালি আসনে অনেক স্ত্রী-পুরুষ একত্রে বসিয়া যাত্রা শুনিতেছে। মূল কথা,—আসাম অর্ধ-সভ্য দেশ ইহা বলিলেও অত্যাঙ্গিত হয় না।

এ দেশে যাহারা সভ্য হুইয়াছেন, তাহারা বাঙ্গালীর স্থায় প্রকাশ্য স্থানে পরিবারবর্গকে পাঠান না। ঐ দিবস উম্মাহরণ পালার অভিনয় হইতেছিল; দেখিয়া শুনিয়া বিরক্ত হওয়ায় ২।১ ঘণ্টা পরেই বাগানে প্রত্যাগমন করিলাম। পৃথিবীর মধ্যে নারীজাতি ধর্ম প্রিয় স্মৃতির্যং এখানেও তাহাই পরিলক্ষিত হইল। আমার আসামে অবস্থিতি কালীন হিমালয় পর্বতবাসী আকাদিগের সহিত ইংরাজের সংঘর্ষ হয়; কারণ আকাগণ পর্বত হইতে অবতরণ করিয়া ইংরেজ রাজ্যের প্রজাদিগের প্রতি অত্যাচার করিত। এই ভয়ে অধিকাংশ লোক সন্ধ্যার পূর্বে আহালাদি সম্পন্ন করিয়া পরিবারবর্গসহ জঙ্গল মধ্যে রাত্রি অতিবাহিত করিত। আমাদিগের সাহেবও রাত্রে লাইনে কুলি পাহারার বন্দোবস্ত করিয়াছিলেন। এই সময়ে আসাম প্রদেশের প্রধান কমিশনার সাহেব যুদ্ধের বন্দোবস্ত জন্ত ডেকাজুলি সরকারি বাঙ্গালায় কয়েক ঘণ্টা অবস্থিতি করিয়া তেজপুর গমন করেন। আমাকে বাগানের জন্ম-মৃত্যু তালিকা প্রতি মাসে মাসে প্রধান কমিশনার অফিসে পাঠাইতে হইত; ইহা চা বাগান মাত্রেরই নিয়ম। ইহার কয়েকমাস পরে নিয়মানুযায়ী তেজপুরের ডেপুটি কমিশনারও পুলিশ সাহেব বাগান পরিদর্শন করিতে আসিয়া কুলিদিগের হিসাব দেখিতে চাহিলে আমি সকল হিসাব বুঝাইয়া দিলাম।

সন. ১৮৮৩ সালের ভাদ্র মাসে কুলিরা বাগানের কার্য্য করিতে অস্বীকৃত হওয়ায় তাহাদের বিরুদ্ধে একটা মোকদ্দমা দায়ের করা হয়। ঐ মোকদ্দমায় আমি ফরিয়াদীরূপে তেজপুরে গমন করি; কারণ যে সময়ে কুলীরা কার্য্য করিতে অস্বীকার করে, সেই সময়ে আমি বাগানের ম্যানেজারের অস্থপস্থিতিতে তাহার কার্য্য করি; তজ্জন্ত আমিই ফরিয়াদী হইতে বাধ্য হইয়াছিলাম। সেই সময়ে আমার পত্নী সন্তান সন্তাবিতা ছিলেন। বাসায় লোকজন ঠিক করিয়া আমি ৩।৪ দিবসের জন্ত

তেজপুরে গমন করি। তেজপুর হইতে প্রত্যাগমন করিতে আমার আরও ২।৩ দিবস বিলম্ব হয়। এই সময়ে আমার মাতাঠাকুরাণী আসামে ছিলেন না। প্রায় ৫।৬ মাস পূর্বে তাঁহার মারাত্মক ব্যাধি হওয়ায় তাঁহাকে দেশে পাঠান হয়; সুতরাং তেজপুর যাইবার কালীন বাসার পরিচারিকা ও ২।১ জন ভৃত্য ব্যতীত নিজের লোক কেহই ছিল না। আমার তেজপুর হইতে প্রত্যাগমন করিতে বিলম্ব হওয়ায় আমার পরিবার দিন রাত্রি রোদন করিতেন। বালিকা স্ত্রী আমাকে আশ্রয় করিয়া পিতা মাতাকে ভুলিয়া এত সুদূর দেশে ছিল। আমি হঠাৎ স্থানান্তরে যাওয়ায় একাকিনী হইয়া মনঃকষ্ট হইবারই সম্ভাবনা। আমি বাসায় না থাকায় নিজের জন্ত আহারাদিরও অত্যাচার হইয়াছিল। আমি বাগানে প্রত্যাগমন করিয়া দেখি,—তিনি রক্ত আমাশা ব্যাধিতে কষ্ট পাইতেছেন। আমাকে দেখিয়া তাহার যেন সকল ব্যাধি দূরীভূত হইল। আনন্দে হস্তে যেন স্বর্গ পাইলেন। তাহার ব্যাধি আরোগ্যের জন্ত অনেক চেষ্টা করিলাম কিন্তু হয় সকলই বিফল হইল। দিন দিন শরীর জীর্ণ-শীর্ণ হইতে লাগিল। এমত স্থানে ছিলাম যে তাহার ১০।১২ ক্রোশের মধ্যে অল্প কোনরূপ চিকিৎসক পাইবার উপায় নাই যে তাহার চিকিৎসা ভালরূপ করাইতে পারি। একদিন রাত্রে আমাশয়ের বেগে একটি পুত্র সন্তান প্রসব করিলেন। যদিও ঐ সময়ে হিন্দুস্থানী ধাত্রী পাইয়াছিলার কিন্তু প্রসবের অর্ধ ঘণ্টা পরে অকালে আমাকে ছুঃখ-মাগরে নিক্ষেপ করিয়া তাহার পিতা মাতাকে অসহনীয় শোক প্রদান করতঃ স্বামী পুত্রকে রাখিয়া জঙ্গলময় স্থানে জীবনীলা শেষ করিলেন। তৎপর দিবস প্রাতে শ্রীহট্ট দেশীয় কয়েকজন ব্রাহ্মণ দ্বারা ডেকাজুলি নদীতে দাহকার্য শেষ করা হয়। তখনও পর্যন্ত নব প্রসূত কুমার জীবিত ছিল এবং লক্ষ্মণিয়া পরিচারিকা তাহার শুশ্রূষা করিতেছিল। সকলের বিশেষ

অনুরোধে আমি পুত্র মুখ দর্শন করিলাম। পুত্রটি অতি সুন্দর হইয়াছিল কিন্তু দেখিয়াই অনুমিত হইল তাহার জীবনী শক্তি বড়ই কম ; অল্প সময় মধ্যেই তাহারও জীবন মাতৃসন্নিধানে গমন করিবে, ঠিক তাহাই হইল ; ২১ ঘণ্টার মধ্যেই তাহারও জীবনীলা শেষ হইল। আমার মনের অবস্থা যে কিরূপ হইয়াছিল তাহা আর লিখিয়া ব্যক্ত করিবার নহে। কয়েক দিবস পর্যন্ত অস্বাভাবিক মস্তিষ্ক বিকৃত ভাব হইল। যে স্থানে প্রণয়িনীকে দাহ করা হয়, আমি সেই স্থানে যাইয়া স্মৃষ্কগ পাইলেই পাগলের গায় বসিয়া থাকিতাম। চক্ষু হইতে জলবিন্দু বহির্গত হইত না সত্য—সে ভাব যাহার হইয়াছে তিনি তির আর কাহারও উপলক্ষি করিবার সাধ্য নাই। এই ঘটনায় দীননাথ ভট্ট এবং সাহেব বাহাদুর আমার বন্ধুচিত কার্য করিয়া আমাকে প্রকৃতিস্থ করেন। প্রদীপ নির্মাণ হইল। আমার জীবন-বন্ধকে আশ্রয় করিয়া একটি কণ্টক-হীন লতা পরমানন্দে বেষ্টন করিয়া উঠিতেছিল ; কিন্তু আদিত্য দেখিলে খরতর কিরণে অকালে শুষ্ক হইয়া বৃক্ষের শোভা হীন করিল। ইহার পূর্বে শোক যে কি পদার্থ জ্ঞাত ছিলাম না কিন্তু এই ঘটনায় শোকে দেহস্থিত মনকে জর্জরিত করিল। হায় ! আমি স্ত্রী-হত্যা পাণ্ডে জড়িত হইলাম। সুদূর জঙ্গলাকাণ দেশে অল্প বয়সে স্ত্রী লইয়া কি আসিতে হয় ? আর যখন সম্ভান সম্ভাবিতা হন তখন কেন না আমি তাহাকে দেশে পাঠাইলাম। এখন এইরূপ কত নিজের ক্রটি মনেতে তোলা-পাড়া করিতে লাগিল। চোর পালালে বুদ্ধি বাড়ে, আমারও তাহাই হইল। মৃত্যুর ২৩ দিবস পরে আমার স্বপ্নে মহাশয়কে মলাগড়ে এই সংবাদ প্রেরণ করিলাম।

আমার মাতাঠাকুরাণী পুত্র-বধুর প্রসবকাল অতি নিকট বিবেচনা করিয়া মৃত্যুর ১০ম দিবস অপরাহ্নে আসাম আসিয়া উপস্থিত হইলেন। পশ্চিমধ্যে এই সর্বনাশের সংবাদ শ্রবণ করিয়া

ভয়ানক-শোক-সন্তপ্ত হৃদয়ে আর্তনাদ করিতে করিতে সিরাজুলি পৌঁছিলেন। যদিও যৎকিঞ্চিৎ শোক বেগ প্রসমিত হইয়া আসিতে ছিল কিন্তু মাজার করুণ রোদনে উহা পুনরোদীপ্ত হইল, তিনি তাঁহার নব পৌত্রের জন্ত খেলনা, কাজল-মতা প্রভৃতি আনিয়াছিলেন, সকলই বিফল হইল। তৎপর দিবস কোন প্রকারে শ্রাদ্ধ কার্য সম্পন্ন করা হয়। বলাগড় হইতে স্বশুর মহাশয়ের আক্ষেপযুক্ত পত্রের উত্তর পাইলাম, পত্রের ভাব এই—

“তুমি বুঝা পুরুষ শীঘ্রই বিবাহ করিতে হইবে এবং তাহা আমারও মত কিন্তু তোমার প্রতি আমাদের অতিশয় স্নেহ থাকায় আমার এই শেষ অনুরোধ যে, আমার বিনা অনুমতিতে যেন বিবাহ কার্য সম্পন্ন করা না হয়।”

আমি তাহার পত্রের নিম্নরূপ উত্তর প্রদান করি,—“বিবাহ করিব না এইটা স্থির জানিবেন; যদি ভবিষ্যতে বিবাহ করিতে ইচ্ছা হয় আপনার বিনা অনুমতিতে সে কার্য করিব না।”

শ্রাদ্ধের পর পুনরায় বাগানের কার্য করিতে আরম্ভ করিলাম। আমি আর বিবাহ করিব না এই কথা মাতাঠাকুরাণী শ্রবণ করিয়া অত্যন্ত দুঃখিত ও ফাতর হইলেন। মাতুল মহাশয় আমার পত্নী বিয়োগ সংবাদ পাইয়া নলডাঙ্গা হইতে একখানি পত্র লেখেন যে, “কুড়ালগাছি গ্রামে একটা পাত্রী দেখিয়া পছন্দ হইয়াছে; অতএব এই বিবাহই শ্রেয়। এদিকে বলাগড় নিবাসী শ্রীযুক্ত বিষ্ণুচন্দ্র মুখোপাধ্যায় আমাকে একখানি পত্র দ্বারা জানাইলেন, তাঁহার এক আত্মীয় পাত্রী আছে তাঁহাকে বিবাহ করিলে তিনি বিশেষ বাধিত হন। বলাগড় নিবাসী শ্রীযুক্ত বাবু হরিন্দাস বন্দ্যোপাধ্যায় যিনি আসামের চিফ কমিশনার কাছের একজন প্রধান কেরাণী তিনি এই সংবাদ শ্রবণ করিয়া তাঁহার ভয়িক বিবাহ করিবার জন্ত বিশেষরূপে অনুরোধ করিয়া পত্র লিখেন

ও বলাগড় নিবাসী শ্রীযুক্ত বাবু দেবেন্দ্রনাথ বন্দ্যোপাধ্যায় মহাশয় (পূর্ব সম্বন্ধে আমার শ্যালক ছিলেন, তিনি জামালপুরে রেলওয়ে অফিসে কার্য করেন) আমাকে অনুময় করিয়া পত্র লিখেন যে, তাঁহার একটি অদত্তা স্নানরী কণ্ঠা আছে ; বাঙ্গালা লেখাপড়া ভালরূপ শিখিয়াছে, সম্ভবতঃ গহনা এবং পণ দেওয়া যাইবে । আমি যেন উহাতে অমত প্রকাশ না করি । এই সকল পত্রের উত্তর এইরূপ প্রদান করি যে, বলাগড় নিবাসী শ্রীযুক্ত নন্দলাল বন্দ্যোপাধ্যায় মহাশয় আমার ঋণের তাঁহাকে এ সম্বন্ধে লিখিয়া ফলাফল জানিতে পারেন, তবে এ পর্যন্ত জানিয়া রাখুন, আমি বিবাহ করিব না ; তবে ভবিষ্যতে একান্তই যদি বিবাহ করিতে হয়, তাঁহার বিনা অনুমতিতে আমি এ কার্য করিব না ।

কিছু দিগ্গ পরে সাহেব আমাকে বিনা বেতনে ৪ মাসের বিহার মজুর করিলেন । আমি ও মাতাঠাকুরাণী ১৮৮৪ সালের ১লা নভেম্বর তারিখে বেলা ১ ঘটিকার সময়ে তেজপুর অভিযুখে গো-শকটে রওনা হইলাম । বাগান পরিত্যাগের সময়ে মনে যে কি শোক উদয় হইয়াছিল তাহা লেখা বাহুল্য । সমস্ত রাত্র চলিয়া পরদিবস আনুমানিক ১০ ঘটিকার সময় তেজপুরে পৌঁছিলাম । মাতাঠাকুরাণী ষ্টামার ঘাটে গো-শকটে গমন করিলেন ; আমি তেজপুরের ব্রাদার কোম্পানীর বাবুদিগের বাসায় আহার করিয়া মাতাঠাকুরাণীর সহিত ষ্টামার ঘাটে একত্রিত হইলাম । ঘাটে যাইয়া দেখি, জাহাজ অপেক্ষা করিতেছে ; অতি সম্বর টিকিট খরিদ করিয়া ম্যাকলিন কোম্পানীর ক্রতগামী ডাকের জাহাজে উঠিলাম । দেখিতে দেখিতে পৌ পৌ করিয়া জাহাজ ছাড়িয়া দিল । ঐ দিবস সন্ধ্যার সময়ে গোহাটী পৌঁছিয়া রহিলাম । জাহাজের ডাক্তার বাবুটি অতি ভদ্রলোক, তিনি একজন নেটিভ ডাক্তার ; কলিকাতা হইতে উদ্ভূত হইয়াছিলেন । ১০০ শত টাকা বেতনে এই জাহাজে কার্য করিতেন উপরন্তু জাহাজের সাহেব বাবুদিগের

ভোজনাদির খরচ পত্রের হিসাবও তাঁহাকে রাখিতে হইত। তৎপর দিবস সন্ধ্যার সময়ে জাহাজখানি ধুবড়ি পৌঁছিল। শ্রীযুক্ত মাতাঠাকুরাণী গত ২ দিবসের মধ্যে উদরে জলবিন্দু পর্যন্ত দেন নাই কারণ জাহাজে তিনি কিছু খান না। গত দিবস সন্ধ্যার সময়েও কিছুই আহাৰ সংগ্রহ হয় নাই। ধুবড়ীতে জাহাজ পৌঁছিলে জাহাজ হইতে অবতরণ করিয়া নদীর তীরে জল পান করিলেন। আমি ধুবড়ীতে কোন ভদ্রলোকের বাঁটাতে আহার করিয়া আসিয়া ঐ রাত্রে ডাক্তার বাবুর কামরায় মাতাঠাকুরাণীর সহিত শয়ন করিয়া রহিলাম। তৎপর দিবস আর একখানি জাহাজ ধুবড়ি হইতে যাত্রাপুর পর্যন্ত যাইবার জন্ত ৮ টার সময়ে ছাড়িল; ঐ জাহাজে আমরা যাত্রা করিলাম। ঠিক বেলা ১২।০ ঘটিকার সময়ে গঙ্গাব্য স্থানে পৌঁছিলাম; তথায় দক্ষিণ (Northern) বেঙ্গল রেলওয়ের গাড়ী জাহাজের ডাক ও যাত্রি লইবার জন্ত একটি নদীর অপর পারে অবস্থিতি করিতেছিল। আমরা সেই গাড়ীতে উঠিলাম এবং ঠিক সন্ধ্যার সময়ে কাউনিয়া ষ্টেশনে পৌঁছিলাম। কাউনিয়া স্থানটা মন্দ নহে, তথায় অনেকগুলি দোকান সংযুক্ত একটি বাজার এবং ভদ্রলোকদিগের বসতবাটাও দৃষ্টিগোচর হইল। সন্ধ্যার পরে আহারাদি সম্পন্ন করিয়া ই. বি. রেলওয়ের গাড়ীতে কলিকাতা অভিমুখে রওনা হইলাম। কোন সময়ে আমরা পার্বতীপুর জংসন ষ্টেশনে পৌঁছাইলাম এবং কাউনিয়ার গাড়ীগুলি কর্তন করিয়া দার্জিলিং ডাক-গাড়ীতে জুড়িয়া লইয়া কলিকাতাভিমুখে রওনা হইল, নিজায় অচেতন থাকায় তাহা কিছুই জানিতে পারি নাই। প্রাতে দেখিলাম নাটোর ষ্টেশনে গাড়ি লাগিয়াছে। তথায় উদরকে শীতল করিবার জন্ত উত্তম সুবিখ্যাত নাটোরের মণ্ডা খরিদ করিয়া কুৎপিপাসাকে শান্ত করিলাম। বেলা ৮ ঘটিকার সময়ে সাঁড়া ষ্টেশনে অবতরণ পূর্বক জাহাজে পার হইয়া পরপারে দামুন্দিয়া ষ্টেশনে পুনরায় গাড়ীতে উঠিলাম। আত্মশাসনিক

বেলা ১০ ঘটিকার সময়ে আমাদের নির্ধারিত ষ্টেশন চুয়াডাঙ্গায় অবতরণ করিয়া আহািরাদি করিলাম। তথা হইতে গো-শকটে রওনা হইয়া, পরদিবস প্রাতঃকালে নলডাঙ্গায় পৌঁছিলাম। আমার পত্নী-বিয়োগ সংবাদ পূর্বেই সকলে শুনিয়াছিলেন; তাঁহারা তজ্জন্তু দুঃখ প্রকাশ করিতে লাগিলেন। ঐ সময়ে নলডাঙ্গার রাজা প্রমথভূষণ দেবরায় মহাশয় অনেক অর্থব্যয় করিয়া ৩টা বিধবার বিবাহ দেওয়াইয়া ছিলেন এবং সেই সময়ে ২৩টা বিধবা পাত্রীও নলডাঙ্গায় উপস্থিত ছিল। আমার স্ত্রীর মৃত্যু সংবাদ শ্রবণ করিয়া রাজা বাহাদুরের এরূপ মনে ধারণা হইল যে আমি উহাদিগের মধ্যে একটিকে বিবাহ করি। তজ্জন্তু আমাকে তিনি অনুরোধ করিলেন কিন্তু সম্ভোষণক উত্তরে বঞ্চিত হইলেন।

আমি আসাম হইতে আমার স্বস্তর মহাশয়কে এইরূপ পত্র লিখিয়া, রওনা হই যে,—২৫শে নভেম্বর তারিখে বলাগড়ে আপনাদের সহিত সাক্ষাৎ করিব। কারণ গত দুর্ঘটনায় তাঁহার মনের শান্তি নষ্ট হইয়াছে। আমাকে দেখিলে তাঁহাদের শোক অনেক প্রশমিত হইবে। নলডাঙ্গায় সকলে বলাগড় যাওয়ার সংবাদ জ্ঞাত হইয়া আমাকে তথায় যাইতে পুনঃ পুনঃ নিষেধ করিলেন কিন্তু সকলের কথা অগ্রাহ করিয়া কয়েক দিবস পরে আমি বলাগড় রওনা হইলাম। চাকদহ ষ্টেশনে পৌঁছিয়া সন্ধ্যার প্রাক্কালে জশড়ার ঘাটে যাইতে যাইতে মন যে কিরূপ শোক-সাগরে নিমগ্ন হইল তাহা ব্যক্ত করা দুঃস্বপ্ন। জশড়ার ঘাটে উপস্থিত হইয়া একখানি নৌকা ঠিক করতঃ বলাগড়াভিমুখে রওনা হইলাম। নৌকা চলিতে আরম্ভ করিলে মনও নৈরাশ্যে ভাসিতে লাগিল। এই জশড়ার ঘাট হইতে কত আনন্দের সহিত ২ বৎসর পূর্বে নৌকাযোগে বিবাহ করিতে আগমন করি, সে আনন্দের সীমা কোথায় আর যাহার সহিত উদ্বাহ শৃঙ্খলে আবদ্ধ হইতে যাওয়ায় মন কিরূপ সুখের সাগরে ভাসিয়াছিল আজ কি না সেই স্বপ্নের স্মৃতিস্রাবী দেবীকে আসামের

নিবিড় জঙ্গলে রাখিয়া একাকী তাহার পিতা মাতার সহিত সাক্ষাৎ করিতে যাইতেছি। ঈশ্বরের লীলা-খেলা বুঝা ভার যে-স্থানে অপরিমিত আনন্দে এক সময়ে গিয়াছি, আবার ঠিক সেই স্থানে অপরিমিত শোক লইয়া যাইতেছি। এইরূপ ভাবিতে ভাবিতে অতি অল্প সময়ের মধ্যে নৌকাখানি বলাগড়ের ঘাটে পৌঁছিল। আমি একজন মাঝিকে সঙ্গে লইয়া রাত্রি ৮।০ ঘটিকার সময়ে খণ্ডরালিয়ে পৌঁছিলাম। সদর দরজা বন্ধ ছিল, বারংবার আঘাত করিয়া কাহারও কোন উত্তর পাইলাম না; পরিশেষে আমার শ্যালক শ্রীযুক্ত পূর্ণচন্দ্র বন্দ্যোপাধ্যায় দরজা খুলিলেন। আমি আসিয়াছি এই সংবাদ শুনার মহলে পৌঁছিলে আমার স্বস্তি মাতাঠাকুরাণী রোদন করিতে লাগিলেন। ঐ ক্রন্দন শ্রবণ করিয়া আমার পূর্ব শোক উবেলিত হইয়া উঠিল। আমি অতি কষ্টে ধীরে ধীরে বৈঠকখানায় যাইয়া বসিলাম। পূর্ণ ভায়া তাঁহার ভগ্নির মৃত্যু বিবরণ শ্রবণ হইয়া ক্রন্দন করিতে লাগিলেন। বলা বাহুল্য তাঁহার মাতাঠাকুরাণী অন্তরালে মৃত্যু বিবরণ সকল আত্মপূর্বিক শ্রবণ করিয়া বাম্পাকুল লোচনে ক্রন্দন করিতে লাগিলেন। এমত সময়ে আমার স্বস্তির মহাশয় পাড়া বেড়াইয়া বাটা আসিলেন; আমাকে দেখিয়া তিনি ততদূর হাঁ-হতাশ কটিলেন না, বোধ করি এই শোক তাহার মনকে ততদূর দ্রবীভূত করিতে পারে নাই কারণ প্রথম পক্ষীয় পরিবারের সম্মানগণের গঙ্গায় নৌকাডুবি হইয়া যে সর্বনাশ সাধন হইয়াছিল তাহার নিকট এটি কিছুই নহে। আমি মনঃখে ও পথকষ্টে বড়ই কাতর হইয়া পড়িয়াছিলাম। কিছুই আহার করিলাম না, পূর্ণ ভায়ার শয্যা শয়ন করিলাম সত্য কিছু রাত্রি ১টা পর্যন্ত নিজাদেবীর কোনরূপ অনুসন্ধান পাইলাম না। রাত্রি আনুমানিক ১২টার সময়ে আমার স্বস্তির মহাশয় তাঁহার শয়ন কক্ষ হইতে আমাকে আহ্বান করিলেন, আমি তাঁহার ঘরে উপস্থিত হইয়া দেখিলাম, স্বস্তির মহাশয় ও মাতাঠাকুরাণী ঘরে বসিয়া

আছেন। খাণ্ডি মাতাঠাকুরাণী আমার হস্তধারণ করিয়া কহিলেন—
 “তোমাকে অপরের জামাতা হইতে দিব না”। অনেকেই আমাদের
 কণ্ঠার সহিত তোমার বিবাহ দিতে উৎসুক হইয়াছেন। অতএব
 আমার কনিষ্ঠা কন্যা সুকুমারীকে বিবাহ কর। (পাঠক ! তখন
 সুকুমারীর বয়ঃক্রম ২১০ বৎসর মাত্র) আমি শুনিয়া অবাক।
 কারণ এই বালিকার পিতামাতা হইয়া কেমন করিয়া তাহার অকল্যাণ
 সূচক বাক্য প্রয়োগ করিলেন। আমার বয়ঃক্রম তখন ২৫ বৎসর—
 এই সম্মিলন কি সম্ভব হইতে পারে। আমি তাহা শুনিয়া কহিলাম,
 আমি যে আর বিবাহ করিব না তাহা আমার পত্রে আপনারা জ্ঞাত
 হইয়াছেন তবে কেন আমাকে অসম্ভব অনুরোধ করিতেছেন ; বিশেষতঃ
 বালিকা বিবাহ ১৯০০ শতাব্দীর মতে গর্হিত। আপনি একজন বিজ্ঞ
 হইয়া কেমন করিয়া এইরূপ বাক্য প্রয়োগ করিতেছেন ? আমাকে
 ক্ষমা করুন। আমি এইরূপ বিবাহে রাজি হইতে পারি না। বিশেষতঃ
 আমার তত্ত্বাবধায়ক আমার মাতুল মহাশয় ও মাতাঠাকুরাণী বর্তমান
 রহিয়াছেন, তাঁহাদের বিনা অনুমতিতে বিবাহ করা উচিত কি ? তাহা
 শুনিয়া আমার স্বশুর ও খাণ্ডি মাতাঠাকুরাণী কহিলেন,—আমাদিগের
 কণ্ঠার অদৃষ্টে যাহাই থাকুক না কেন, তোমার তাহাতে আপত্তি কি ?
 তোমার গত পরিবারের ভগ্নীকে স্ত্রীরূপে পাইলে পূর্ব পরিবারের অনেক
 অঙ্গসৌষ্ঠব ইহাতে থাকায় তোমার ভগ্ন মনকে অনেক পরিমাণে শান্ত
 করিতে পারিবে। তোমাকে পুত্রবৎ ভালবাসি ও স্নেহ করি বলিয়াই
 আমাদিগের এইরূপ ইচ্ছার কারণ। এই বিবাহ বন্ধনে আবদ্ধ করিতে
 পারিলে তুমি আমাদিগের পর হইবে না। আমি কহিলাম,—সে কিরূপ
 স্নেহ ও ভালবাসা ? যদিও আপনাদের কন্যা পরলোক গমন করিয়াছে,
 কিন্তু আমি যাবজ্জীবন আপনাদিগের স্নেহ ও ভালবাসা হইতে বঞ্চিত হইব
 না। স্বার্থ ভালবাসা পরিত্যাগ করিয়া নিঃস্বার্থ ভালবাসাকেই হৃদয়ে ধারণ

করুন। তাঁহারা আমার সকল কথা উড়াইয়া দিয়া পুনঃ পুনঃ তাঁহাদিগের শিশু কন্যাকে বিবাহ করিতে জেদ করিতে লাগিলেন এবং আমাকে বলপূর্ব্বক বিবাহ করাইবেন তাহা স্পষ্টই প্রকাশ করিলেন। আমার মাতা ও মাতুল মহাশয়কে পত্র না লিখিয়া ২।৩ দিবসের মধ্যে কার্য্য সমাধা করিবেন এইরূপ সঙ্কল্প করিলেন। তাঁহাদিগের ভাবগতিক দেখিয়া আমার মন দ্রবীভূত হইল, আমি ইহার প্রকৃত উত্তর ঐ রাত্রে দিতে পারিলাম না; করিলাম পর দিবস প্রাতে ইহার ষথার্থ উত্তর পাইবেন। সমস্ত রাত্রে মধ্যে নিদ্রার লেশ মাত্র হইল না। প্রাতে উঠিয়া কৰ্ত্তা জিজ্ঞাসা করিলেন এখন কি প্রশ্নের উত্তর দিবে? আমি জড়িত স্বরে করিলাম, এই বিবাহ করাই স্থির কবিয়াছি। ইহা শ্রবণ করিয়া তাঁহারা যারপর নাই আনন্দিত হইলেন। আমার শশুর মহাশয় কহিলেন,—অন্য এখনই কলিকাতায় চল, তথায় আমার ভ্রাতা শ্রীকৃষ্ণ বন্দ্যোপাধ্যায় আছেন, তাঁহার একবার মত লওয়া দরকার। যদি ইহাতে সকলের মত হয় তবে আর আপত্তি কি? এই সঙ্কল্প করিয়া অল্প সময়ের মধ্যেই আমরা রান আহার সমাপনাশ্চে বেলা ৮ ঘটিকার সময়ে কলিকাতার ষ্টীমারে রওনা হইলাম। ঐ দিবস শান্তিদেবী এক মুহূর্ত্তের জন্তও হৃদয়ে উদ্ভিত হইতেন না। আমি লজ্জিত এবং ত্রিয়মান হইলাম আমার মাতা থাকিতে কিনা আমি তাঁহার বিনা অনুমতিতে ২।০ বৎসরের শিশু কন্যাকে বিবাহ করিতে উদ্বৃত্ত হইয়াছি? থিক্, আমার জীবনে! বৃদ্ধ বয়সে আমার মাতার সেবা ও শ্রমা করিবার জন্ত কোথায় আমি বয়স্ক কন্যাকে বিবাহ করিব তাহা না করিয়া বিপরীত ভাবাপন্ন হইলাম। এই কথা শ্রবণ করিয়া আমার হৃঃখিনী মাতাঠাকুরাণী ও মাতুল মহাশয় কি বলিবেন? কি মন্দ অদৃষ্ট লইয়াই এই ভারতে জন্ম গ্রহণ করিয়াছি? বাল্যকাল হইতে এ পর্য্যন্ত একদিনের জন্তও নির্মল মানস জরাজব করিতে পারিলাম না। এইরূপ চিন্তা করিতে করিতে

জাহাজখানি ভাগীরথির উপর দিয়া শব্দ করিতে করিতে ত্রিবেণী বাশবেড়ে, হুগলী অতিক্রম করিয়া ফরাশডাকায় পৌছিল। গঙ্গার পশ্চিম পার্শ্ব গ্রামে অট্টালিকা শ্রেণীর সৌন্দর্য্য দর্শন করিতে করিতে আমার ত্রিয়মান মন অন্য ভাব ধারণ করিল। গ্রামস্থ অবলাগণ গঙ্গাজলে গাত্র মার্জন করিতেছে, কত যাত্রি লইয়া নৌকাসকল গমনাগমন করিতেছে। এই সকল শোভা দর্শন করিতে করিতে ঠিক সন্ধ্যার প্রাকালে কলিকাতায় আহিরীটোলার ঘাটে জাহাজখানি নোঙ্গর করিল। আমরা টিকিট দিয়া তীরে উঠিলাম। পদব্রজে রাত্রি ৮ ঘটিকার সময় রাত্রির লেনস্থ শ্রীকৃষ্ণ বাবুর বাটীতে পৌছিলাম। আমাকে দেখিয়া সকলেই অবাক! সংক্ষেপে খণ্ডর মহাশয় সৰ্ব্ব বিবরণ কহিলেন; তাহাতে সকলেই আনন্দিত হইলেন। আমার সম্বন্ধে একজন শ্রমী আমাকে নজরবন্দীভাবে রাখিলেন,—যেন পাখী উড়িয়া না পালায়। পরদিনস প্রাতে বড় রড় বাবু মহাশয়ের আসিয়া এই বিবাহ উপস্থাপন এবং সঙ্গত কিনা কথোপকথন করিতে লাগিলেন। একজন পুরোহিত আসিয়া গাত্র হরিজ্ঞা ও বিবাহের দিবস নির্দ্ধারিত করিয়া চলিয়া গেলেন।

কিছুক্ষণ পরে খণ্ডর মহাশয় আমাকে কহিলেন,—“আমীর এক মাতুল কণ্ঠা জুনাহদাহে আছে, সে সুকুমারীকে সম্প্রদান করিতে পূৰ্ব হইতেই ইচ্ছুক, অতএব তাহাকে বলাগড়ের বাটীতে আসিতে পত্র লিখিতে পারি কি?” আমি মত প্রকাশ করিলে সেই দিনই পত্র লেখা হইল। এই দিবস হইতেই খণ্ডর মহাশয় বিবাহের জিনিষ পত্র খরিদ করিতে লাগিলেন। আমরা কহিলাম, মলডাকার তিন আনিয়র রুজা সৌরেন্দ্রচন্দ্র দেবরায় আমার বাচ্য সুচর বর্ষনামে ৫০নং হরিতকী বাগানে সম্পরিবারে বায়ু পরিবর্তন জন্ত বাস করিতেছেন; অসুস্থ হইলে রোগ বাইরা তাহার সহিত গালাগ করিতে পারি এবং বলাগড়

যাইবার পূর্ব সময় পর্যন্ত তথায় থাকিতে ইচ্ছা করি। স্বশুর মহাশয় কহিলেন,—“যখন এই বিবাহে তোমার কোন আপত্তি নাই তখন সেখানে তুমি অনায়াসে থাকিতে পার তবে তোমার গাত্র হরিদ্রার এক দিবস পূর্বে তোমাকে হরিতকী বাগান হইতে আমার একজন ভাগ্নে.. বলাগড়ে লইয়া যাইবে। আমি তাহাতে রাজি হইলে অপরাহ্নে ৪ ঘটিকার সময়ে তিন আনার রাজার বাসাবাটীতে উপস্থিত হইলাম। সৌরেন্দ্রচন্দ্র অমেক দিবস পরে আমাকে সন্দর্শন করিয়া পরম আনন্দিত হইলেন। আগার পক্ষীর মৃত্যু সংবাদ আমার আসামের পত্রে জ্ঞাত ছিলেন। আমি তাহার দ্বিতল বৈঠকখানায় উপবেশন করিয়া এই বালিকা বিবাহের বৃত্তান্ত বিবৃত করিলাম। তিনি ইহার পূর্বে স্থির করিয়া রাখিয়াছিলেন যে, তাহার আপন ভগ্নির সহিত আমার বিবাহ দিবেন। ইহার জন্মস্থান বর্ধমান জেলার অধীন মশাগ্রাম নামক গ্রামে। নলডাকায় পোষ্যপুত্ররূপে রাজবাটীতে গৃহিত হইলেন। আমি তাহার ভগ্নির বিবাহের সম্বন্ধের কথা শুনিয়া আশ্চর্যান্বিত হইয়া হস্ত করিতে লাগিলাম এবং কহিলাম,—আমি যে প্রতিজ্ঞাপাশে বদ্ধ হইয়াছি, ইহা শ্রবণ করিয়া আমাকে এই বিবাহ করিতে বারণার নিষেধ করিতে লাগিলেন। অুম্মি তাহার বাসায় কাল কাটাইতে লাগিলাম ও নির্ধারিত দিন উপস্থিত হইলে বলাগড়ে যাইব। এইটী মনে মনে স্থির করিয়া রাখিলাম। আমার স্বশুর মহাশয়ের আত্মীয় যে দিবসে আমাকে বলাগড়ে লইয়া যাইবার জন্ত এই বাটীতে আসিবার কথা ছিল, সে দিবসে কেহই আসিলেন না। পরে পরস্পর জানিতে পারিলাম বলাগড় নিবাসী শ্রীযুক্ত কালীকিশোর বাবু আমাকে লইতে আসিয়াছিলেন কিন্তু রাজা সৌরেন্দ্রের পরামর্শে তাহার দারোয়ান বলিয়াছিল যে,—“আমি এই স্থান হইতে চলিয়া গিয়াছি”। তিনি ভয়-মনোরথ হইয়া চলিয়া যান। এই দিবসে রাজা সৌরেন্দ্র আমার অজ্ঞাতে নলডাকায় আমার মাতুল

মহাশয়কে সর্ব বিষয় খুলিয়া পত্র লিখেন। বলাগড়ে যাইবার দিন অতিবাহিত দেখিয়া আমি শুরুর মহাশয়কে একখানি পত্র লিখি এবং ডাকঘরে ফেলিয়া দিতে উহাদিগকে বারবার বলিয়াছি, কিন্তু আশ্চর্যের বিষয় ঐ পত্রের শিরনামা ছিন্ন ভিন্নরূপে পাইখানায় পতিত দেখিয়া রাজার চাতুরী হৃদয়াক্রম করিতে পারিলাম। পাইখানায় ঐ ছিন্ন ভিন্ন শিরনামা পত্রখানি দেখিয়া আশ্চর্য্যান্বিত হইয়া রাজার চাতুর্যের বিষয় মনে মনে চিন্তা করিতেছিলাম, সেই দিন অতি প্রত্যুষে পূজার দালানে মাতুল মহাশয়ের কণ্ঠস্বর শ্রুতিগোচর হওয়ায় ভাবিলাম এই মাত্র তিনি প্রাতে যশোভূরের গাড়ীতে কলিকাতায় আসিয়াছেন। আমি হাত ছাড়া হইয়াছি কিনা, রাজাকে জিজ্ঞাসা করিলেন আমি অন্তরাল হইতে এই 'সকল কথা প্রবণ করিতে লাগিলাম। লজ্জায় ও স্বণায় মন কিছুৎ-কিমাকার হইতে লাগিল এবং অদৃষ্টকে শত শত ধিকার দিতে দিতে মাতুল মহাশয়ের নিকট গিয়া তাঁহাকে প্রণাম করিলাম। তিনি আমাকে আশীর্বাদ না করিয়া বরং বিপরিত কটু-কাটব্য ভাষায় আমাকে তিরস্কার করিতে লাগিলেন। আমি নিস্তব্ধভাবে দাঁড়াইয়া রহিলাম নলভাকার রাজা কমলেন্দ্র দেবরায়, বাবু কালীদাস দেবরায় এবং আমার বন্ধু বাবু কেশবচন্দ্র দেবরায় মহাশয়দিগের হস্ত লিখিত আমার নামীয় কয়েকখানি পত্র মাতুল মহাশয় আমাকে প্রদান করিয়া আমার মত জিজ্ঞাসা করিলেন। ভাবুক মহোদয়গণ এই সময়ে আমার মনের ভাবের প্রতি লক্ষ্য করিলেই হৃদয়াক্রম করিতে পারিবেন যে, তাহা কত দূর অশান্তি পূর্ণ মনে হইতে লাগিল যত্নই যেন শ্রেয় কারণ এক দিকে সত্য কড়ারে আবদ্ধ, অপরদিকে পরম পুণ্যদিগের সম্পূর্ণ অসম্মতি, আমি কি করি কিছুই ভাবিয়া স্থির করিতে না পারিয়া নিস্তব্ধ হইয়া রহিলাম। কণকাল পরে অকুট স্বরে কহিলাম—'যখন সত্য কড়ারে আবদ্ধ হইয়াছি তখন এই বিবাহ করা কি শ্রেয় নহে?' মাতুল মহাশয় ইহা প্রবণ করিয়া

রাগান্বিত হইয়া সকল কথা উড়াইয়া দিলেন। স্নান আহার সমাপনান্তে মাতুল মহাশয় রাজার অধীনে রাখিয়া জামালপুরের শ্রীযুক্ত বাবু দেবেন্দ্র বন্দ্যোপাধ্যায় মহাশয়ের কন্ঠার সহিত আমার বিবাহ নির্ধারণ মানসে ২৥০ ঘটিকার লুপ মেলে জামালপুর রওনা হইলেন। আমি কারাগার স্বরূপ রাজার বাসায় অবস্থিতি করিতে বাধ্য হইলাম। মনে মনে অদৃষ্টকে ধিক্কার দিতে লাগিলাম। মাতুল মহাশয় জামালপুর হইতে উল্লিখিত বিবাহ সঙ্ঘ পাকা করিয়া রাজার বাসায় প্রত্যাগমন করিলেন। রাজা সৌরেন্দ্রচন্দ্রের ভগ্নির সহিত বিবাহে বিঘ্ন পড়িল। এই সময়ে এই মহানগরীতে দেবেন্দ্র বাবু অর্থাৎ আমার ভাবী স্বশুর মহাশয় কলিকাতায় আসিয়া অর্শ ভগ্নের পীড়ার চিকিৎসার জন্য মেডিকেল কলেজের হাসপাতালের একটা কামরা লইয়া বাস করিতেছিলেন। মাতুল মহাশয় আমাকে সঙ্গে করিয়া তাঁহার সহিত সাক্ষাৎ করিলেন। আমি মন্ত্রমুগ্ধের ন্যায় তাঁহার সহিত যাইতে বাধ্য হইলাম। কারণ তিনি আমার সহিত কর্তৃপক্ষ, তাঁহার আদেশ লঙ্ঘন করা আমার সাহসে কুলাইল না। আমি এই ঘটনায় সম্পূর্ণ দোষী, কেননা আমার বয়ঃক্রম হইয়াছে এবং বিবেচনা শক্তি যে ছিল না তাহাই বা কি করিয়া বলি; যদি ধর্মের দিকে এক একজন ব্রাহ্মণের মনকষ্ট নিবারণ করিতে চেষ্টিত হইতাম, তাহা হইলে কি আমাকে আমার মাতুল মহাশয় অবশ করিয়া কাষ্য করিতে পারিতেন? তবেই দেখুন, আমিই প্রকৃত পক্ষে দোষী এবং একজন ব্রাহ্মণের মনকষ্টের প্রধান কারণ কি না?

এই সময়ে মনের অশান্তি ভাব ক্রমে ক্রমে তিরোহিত হইতে লাগিল। দেবেন্দ্রবাবু আমাদিগকে সন্দর্শন করিয়া এবং মাতুল মহাশয়ের নিকট সকল সমাচার জ্ঞাত হইয়া বিশেষ আনন্দিত হইলেন। আনন্দের প্রধান কারণ—যে বিবাহের জন্য পত্র লিখিয়াছিলেন তাহা অতি সহজে বিনা বিঘ্নে নিশ্চয় হইবার সম্ভাবনা হইতেছে। তিনি

ধিকৃষ্টি না করিয়া कहিলেন—“শুভ কার্য্য শীঘ্রই সম্পন্ন করুণ আমার ইহাতে কোনরূপ আপত্তি নাই।” এই মাঘ মাসের মধ্যেই উদ্ধাহ কার্য্য সম্পন্ন হউক।” তিনি পূর্বেই অস্ত্র প্রয়োগ সংবাদ পাইয়া ভয়ানক ভীত হইয়াছিলেন এবং সুযোগ মত চিকিৎসালয় হইতে বহির্গত হইবার উপায় উদ্ভাবন করিতেছিলেন। এখন এই ঘটনায় আর কাল বিলম্ব না করিয়া ২।১ দিবসের মধ্যেই প্রধান অস্ত্র চিকিৎসকের নিকট হইতে বিদায় গ্রহণ করিলেন এবং আমাদিগকে সঙ্গে করিয়া কলেজের রাস্তায় একটা বাটাতে গমন করিয়া জলপানের আয়োজন করিলেন। আমরা অল্প সময় তথায় অতিবাহিত করিয়া হরিতকী বাগানে রাজার বাসায় প্রত্যাগমন করিলাম। ২।১ দিবসের মধ্যে তিনি রাজার বাসায় আসিয়া আমাকে মোহর দিয়া আশীর্বাদ করিয়া গমন করিলেন। মাতুল মহাশয় এই পল্লীর একজন পুরোহিতের দ্বারা বিবাহ ও গাত্র হরিদ্রার দিবস নির্ণয় করিয়া লইলেন। বিবাহের তিন দিবস পূর্বে আমাকে লইয়া জামালপুর রওনা হইবার দিন স্থিরীকৃত হইল। নির্দ্ধারিত দিবসে বেলা ১টার সময়ে একখানি ভাড়াটিয়া অশ্ব শকট রাজার বাসায় আসিল; মাতুল মহাশয় আমাকে এবং রাজার একজন সহোদর ভ্রাতা সমভিব্যাহারে হাওড়া ষ্টেশনে রওনা হইলেন। হাওড়ার বিখ্যাত গঙ্গার পুল পার হইয়া ষ্টেশনে গাড়ীখানি দাঁড়াইলে আমরা সকলে অবতরণ করিয়া টিকিটাদি লইয়া বেলা ২।০ ঘটিকার লুপ ডাক গাড়ীতে জামালপুর রওনা হইলাম। যথা সময়ে গাড়ী হাওড়া ত্যাগ করিয়া উর্দ্ধ্বাসে ছুটিতে লাগিল; ঐ সময়ে আমার মন সুখ এবং দুঃখের মধ্যস্থল দিয়া যাইতে লাগিল। মনুষ্যের স্বভাব বিবাহ করিতে যাইবার সময়ে এক প্রকার আনন্দে উৎফুল্ল হইয়া উঠে, আমার কিন্তু সে ভাব নহে। পূর্ব পল্লীর চিন্তায় মনকে আচ্ছন্ন করিয়া ফেলিল; তাহার পরিবর্তে আর একজন ঐ স্থান অধিকার করিলে হয় তো পূর্ব আনন্দ কিয়ৎ পরিমাণে

উপলব্ধি করিতে পারিব মনে এইরূপ তোলা পাড়া করিতে লাগিলাম।
ক্রমে সে ভাব একেবারে হৃদয় হইতে অর্ন্তহিত হইয়া প্রকৃতির শোভার
দিকে ধাবিত হইল। ইতি পূর্বে আমি মাহেশ্বের রথের সময়ে শ্রীরামপুর
পর্যন্ত এই লাইনের গাড়ীতে আসিয়াছিলাম তাহার পশ্চিমে আর কখন
গমন করি নাই, সুতরাং শ্রীরামপুর ত্যাগ করিয়া যখন গাড়ীখানি পশ্চিম
দিকে যাইতে আরম্ভ করিল তখন মনের আনন্দে নূতন নূতন প্রকৃতির
শোভা গন্দর্শন করিতে করিতে বিহ্বল হইলাম। ক্রমে ছর্গলী চন্দননগর
ইত্যাদি সুসজ্জিত স্টেশন পরিত্যাগ করিয়া সন্ধ্যার সময়ে বর্ধমান স্টেশনে
পৌছিলাম। বর্ধমান স্টেশনটি অতি সুন্দর সজ্জিত, বৃহৎ স্টেশন ও
যাত্রিতে পরিপূর্ণ। বর্ধমানের রাজবাটী দেখিবার জন্য বহুকাল হইতে
মনের আবেগ ছিল কিন্তু দেখা আর হইল না। সীতাভোগ, মিহিদানা
প্রভৃতি উৎকৃষ্ট মিষ্টান্ন এখানে সকল সময়েই পাওয়া যায়। আমরা উক্ত
মিষ্টান্ন খবিদ করিতে স্টেশনের এক ধারে একটি কামরায় যাইয়া উপস্থিত
হইলাম; আরোহীগণ ভয়ানক ব্যস্ত হইয়া দোকান ঘরের বহির্ভাগে
নাড়াইয়া চিৎকার করিতেছে। একটি দরজায় শত শত লোকে জমাট
ধাধিয়া গিয়াছে; এখানে অর্দ্ধঘণ্টা পর্যন্ত গাড়ী অবস্থিতি করিবে ইহা
সকলেই জানে তত্রাচ সকলেই ব্যস্ত। জনতার হ্রাস হইলে আমিও
খাই খাই করিয়া দোকানে পড়িব এইরূপ কল্পনা করিতেছিলাম কিন্তু
দেখিলাম জনতা হ্রাস না হইয়া বরং বৃদ্ধি পাইতে লাগিল। তখন
কল্পনা ত্যাগ করিয়া রাত্রের আহারের সামগ্রী সংগ্রহ করিতে ব্যস্ত
হইলাম। অতি কষ্টে দোকানদার মহাশয়কে শতবার অনুরোধান্তে
মিষ্টান্ন দ্বারা আমার হস্ত শোভিত হইল। তথা হইতে গাড়ীতে আসিয়া
উপস্থিত হওয়ামাত্র গাড়ী ছাড়িয়া দিল। ক্রমে ক্রমে বর্ধমান স্টেশন
পরিত্যাগ করিয়া কাছু জংশন স্টেশনে গাড়ী আসিয়া পৌছিল। এস্থান
হইতে রেলওয়ে লাইনটি দুই ভাগে বিভক্ত হইয়া গিয়াছে, আমাদের

গাড়ী পূর্বাভিমুখে চলিতে শুরু করিল। লুপ লাইনের প্রথম স্টেশনে গাড়ী আসিয়া পৌঁছিলে দেখিলাম এই দিকের স্টেশনগুলি তত ভাল নহে। ক্রমে ক্রমে সকল স্টেশনগুলি পরিত্যাগ করিয়া রাত্র ৩ ঘটিকার সময়ে বুরিয়ারপুর স্টেশনে গাড়ী পৌঁছিল। গাড়ীখানি উক্ত স্টেশনে পৌঁছিবামাত্র আমার নিদ্রা ভঙ্গ হইল, কিছুক্ষণ পরে জামালপুরের নিকটবর্তী হইলে দেখিলাম আমাদিগকে লইয়া পূর্বত মধ্যে গাড়ীখানি প্রবেশ করিল। গাড়ীতে যে আলো ছিল তাহা কিছু মিট জ্বলিতেছিল, পাহাড়ের গহ্বরে প্রবেশ করিবামাত্র গাঢ় অন্ধকারে পরিণত হইল। আর যে লোক দর্শন ঘটবে এরূপ মনে হইল না, কিন্তু আরোহীদিগের উদ্ভিগচিত্তকে প্রসমিত করিবার জন্তই যেন অতি সত্বরেই দয়াময় হরি আমাদিগকে জ্যোৎস্নার আলোক প্রদান করিলেন। দেখিতে দেখিতে জামালপুর স্টেশন নিকটবর্তী হইল এবং জামালপুর, জামালপুর শব্দ কর্ণগোচর হইতে লাগিল। আমরা সকলে গাড়ী হইতে অবতরণ করিলাম। জামালপুর স্টেশনে আমাদিগকে লইতে একজন ভদ্রলোক আসিয়াছিলেন। আমি পাকীতে, মাতুল মহাশয় এবং রাজার ভ্রাতা পদব্রজে গমন করিতে লাগিলেন। রাত্রে জামালপুরের দৃশ্য ততদূর পরিদর্শন করিতে পারিলাম না। আমার ভ্রাতৃ মহাশয়ের বন্ধু শ্রীযুক্ত অন্নদাপ্রসাদ চট্টোপাধ্যায় মহাশয়ের বৈঠকখানায় পূর্ব হইতেই আমাদিগের বাসা ঠিক করা ছিল সুতরাং আমরা তথায় যাইয়া উপস্থিত হইলাম। অন্নদাবাবু একজন বিজ্ঞ বিদ্বান ভদ্রলোক, এই নিশিত রাত্রে আমাদিগের জন্ত বৈঠকখানায় অপেক্ষা করিতেছিলেন। আমরা উপস্থিত হইলে আমাদিগের সহিত অতি ভদ্রচিত্তভাবে অলাপ করিতে লাগিলেন এবং ঐ সময়ে আমার ভ্রাতৃ মহাশয়ও তথায় উপস্থিত হইলেন। আমরা ২।১ ঘণ্টার জন্ত বিশ্রাম লাভ করিলাম।

অন্নদাবাবু ৬কেশবচন্দ্র সেন মহাশয়ের একজন বন্ধু ছিলেন। পূর্বে তিনি ইন্ডিয়ান মিবার কাগজে অনেক বিষয় লিখিতেন। সেই সময়ে তিনি ব্রাহ্ম ভাবালম্বী ছিলেন। নদী যেরূপ পর্বত হইতে বহির্গত হইয়া পরিশেষে স্থির মহান সমুদ্রে নিপতিত হয়, তেমনি ইনি ব্রাহ্মণ বংশে জন্মগ্রহণ করিয়া অশ্রান্ত ধর্ম যাজকের সহিত মিলিত হইয়া সেই ধর্মের আশ্বাদে পরিতৃপ্ত না হইয়া পুনর্বার সনাতন আৰ্য্য ধর্মের বশতাপন্ন হইয়া এখন ইনি হিন্দু ধর্মের নেতারূপে পরিচিত। ইনি আমার স্বশুর মহাশয়ের অফিসের বড় বাবু তজ্জন্ম সৌহৃদ্যতা পূর্ব হইতেই সমভাবে আছে। আমাকেও তাঁহার জামাতার গ্যায় দেখিতে লাগিলেন। এক্ষণে নিজে আমার স্বশুর মহাশয়ের সম্বন্ধে কিছু বলিব।

প্রথমে ইহার অবস্থা তত ভাল ছিল না। ইংরাজী প্রবেশিকা পরিক্ষায় উত্তীর্ণ হইয়া রংপুরে বিদ্যালয়ের শিক্ষকরূপে কার্য্য করিতেন পরে কাঁচড়া পাড়ার স্কুলের দ্বিতীয় শিক্ষকের কার্য্য করেন, পরিশেষে শরীর অসুস্থ হওয়ায় জামালপুরে জলবায়ু পরিবর্তন মানষে আগমন করিয়া তথায় সকলের যত্নে জামালপুর ইংরাজী বিদ্যালয়ের দ্বিতীয় শিক্ষক রূপে কয়েক বৎসর কার্য্য করেন। এডুকেশন লাইনে উন্নতির আশা কম দেখিয়া, ইষ্ট ইন্ডিয়ান রেলওয়ের লোকোমটিভ অফিসে কার্য্য করিতে শুরু করেন, সাহেব তাঁহার কার্য্য তৎপরতার জন্য সুনজরে দেখিতেন ক্রমে ক্রমে তাঁহার ৬৫ টাকা বেতন বৃদ্ধি হয়। এক্ষণে তিনি ৭৫ টাকা বেতন পাইয়া থাকেন।

পাঠক মহাশয়, একবার কষ্ট স্বীকার করিয়া অন্নদাবাবুর বৈঠকখানায় চলুন, এই যে দেখিতেছেন কয়েকটি বালিকা পরস্পরে কি কহিতেছে,—
“উহারা কে জানেন? উহারা আমার ভাবি স্থালী।” তাহাদিগের বড় আনন্দ কারণ তাহাদিগের দিদির বর দেখিতে আসিয়াছে এবং মিটি মিটি হাসিতেছে; উহাদিগের বয়ঃক্রম ৭।৮ বৎসরের উর্দ্ধ হইবে না।

আমাকে নাম জিজ্ঞাসা করিতে আরম্ভ করিলে আমি প্রথমে বিরক্ত হইলাম এবং ভাবিলাম এই সকল বালিকাকে আমার কি নাম বলিব? তাহারাও ছাড়িবার পাত্রি নহে, সময় গতিকে বয়স্ক হইয়াও বিবাহের পাত্র চোরের তুল্য হইয়া থাকে। আমি এখন সেই ভাবাপন্ন হইয়াছি। নাম কহিতে বাধ্য হইলাম। সমস্ত রাত্রি নিদ্রা হয় নাই অথচ ইহারা অনর্থক বিরক্ত করিতেছে, আমার কিছুই ভাল লাগিতেছে না। অল্পদা বাবু তাহাদিগকে কৌশলে বিদায় করিয়া দিলেন। আমরাও হস্ত মুখ প্রক্ষালন পূর্বক আঙ্গিক ক্রিয়া সমাপন করিয়া উত্তম প্রকারের মিষ্টান্ন দ্বারা উদরকে শীতল করিয়া নিদ্রাভিভূত হইলাম। তৎপর দিবস আমরা অপরাহ্নে জামালপুরের দৃশ্য সন্দর্শন করিতে বাসা হইতে বহির্গত হইলাম। জামালপুর একটা সহর বিশেষ; ২৩টা বাজার ৪টা পুলিশের ফাঁড়ি, পোষ্টাফিস, মিউনিসিপ্যালিটির বন্দোবস্ত মন্দ নহে, রাস্তাগুলি প্রশস্ত, একটা ভাল ইংরাজী বিদ্যালয়, ইহা হইতে প্রতি বৎসর অল্পে ছাত্র পরীক্ষায় সম্ভোষজনক ফল প্রাপ্ত হইয়া উত্তীর্ণ হইয়া থাকে। ইংরাজ টোলাটা অতি পরিষ্কার, জাঁক-জমক বিশিষ্ট; অনেক স্থান ইহার পূর্বে আমি দেখিয়াছি কিন্তু জামালপুরের ইংরাজ পরীটা সকলকে পরাস্ত করিয়াছে। মুগ্ধাধিক ৬৭ শত ইংরেজ রেলওয়ের কার্ফ উপলক্ষে বাস করিয়া থাকে। জামালপুরের ইংরেজ টোলার পূর্বদিকে পাহাড়ের অতি নিকটে খোলা ময়দান, তথায় ইংরাজ সৈন্যের সৈনিকগণ প্রতি শীতকালে যুদ্ধ বিদ্যা শিক্ষা করিয়া থাকেন। ঐ স্থানটী আরও মনোরম। প্রত্যহ অপরাহ্নে কত শত বাঙ্গালী বাবু ও ইংরেজ স্ত্রী পুরুষ তথায় বায়ু সেবনার্থ বিচরণ করিয়া থাকেন। ঐ পাহাড়ের শিখর দেশে একটি কালীর মন্দির বিরাজিত কিন্তু দুঃখের বিষয় তাহা আমার অর্গ্যে দর্শন লাভ হয় নাই। পর দিবস প্রাতে আমার গাত্র হরিজ্ঞান স্মৃতরাং আমাকে ভাবি শব্দে বাটা লইয়া গেল; তথাকার স্ত্রীলোকগণ

হরিদ্রা মার্জন করিতে লাগিলেন, । কোথায় নিজ বাটিতে গাত্র হরিদ্রা হইবে তাহা না হইয়া শ্ৰুতির বাটিতে হইতেছে, ইহার মূলীভূত কারণ আমি নিজেই ।

বিবাহ রাত্রে স্থানীয় বহু ভদ্রলোকের সমাগম হয়, সন্ধ্যার সময়েই যে লগ্ন ছিল সেই লগ্নে ৪।৫ বৎসর বয়সের একটি পাত্রীর সহিত আমার বিবাহ কার্য্য সুসম্পন্ন হইয়া গেল । পূর্বে শুনিয়াছিলাম ইহার বয়ঃক্রম ১০ বৎসর, কিন্তু অনৈক্যতা দেখিয়া অবাক হইলাম । মনে মনে এই স্থির করিলামঃ প্রবন্ধন! এ স্থানে আসিতে পারে না তবে বোধ করি পাত্রীটি খর্ব্ব হইবে । তাহার পর মনে হইল, যখন মাতুল মহাশয় পাত্রী দেয়িয়া বিবাহ স্থির করিয়াছেন তখন খর্ব্ব বা বামন কি করিয়া হইতে পারে ? যাহা হউক বাসর ঘরের নানারূপ অত্যাচার সহ করিয়া শেষ রাত্রে ২।১ ঘণ্টার জগ্ন বিশ্রাম লাভ করিতে পারিয়াছিলাম । পর দিবস প্রাতে পুনর্বিবাহ কার্য্য সম্পন্ন হইয়া পড়িয়াছিল । যে পুরোহিত বিবাহের এবং পুনর্বিবাহের মন্ত্র পাঠ করিয়াই ছিলেন, তিনি জ্ঞানী, আমাকে মন্ত্রগুলির ব্যাখ্যা বিশদরূপে বুঝাইয়া দিয়াছিলেন । ঐ দিবস বর-ভোজন মহা সমারোহে সম্পন্ন হইল । অপরাহ্নে রেলগাড়ী যোগে অল্প সময়ের মধ্যেই মুন্সের পৌঁছিলাম । ইহা অতি পুরাতন সহর, প্রায় ৬০।৬৫ হাজার লোকের বসতি । ইহা এক কালে জরাসন্ধের রাজধানী ছিল । মুন্সেরে একটি দুর্গ আছে তাহার ৩টি ফটক কতকাংশ ভগ্ন অবস্থায় পরিণত হওয়ায় ইংরেজ রাজ ভগ্ন সংস্কার করাইতেছেন । মুন্সেরের পূর্বতম ধনি ইংরাজ সদাগর ডিয়ার সাহেব একটি প্রকাণ্ড টাওয়ার যুক্ত ঘড়ি একটি ফটকে নির্মাণ করাইয়া দিয়াছিলেন উহা একটি দেখিবার জিনিষ । এতদ্ব্যতীত হাসপাতাল অতি মনোরম তৈয়ারী করাইয়া দিয়া সুকীর্্তি ঘোষণা করিতেছেন । দুর্গের এক কিনারায় প্রসিদ্ধ কষ্ট হারিনার ঘাট ; এই স্থানে গঙ্গামাতা উত্তর-

বাহিনী হইয়াছেন ; এখানে অনেক সাধু সন্ন্যাসীর সমাগম হয় এবং প্রতিদিন প্রাতে জামালপুর ও মুঙ্গেরের নর-নারীগণ স্নানান্তে সকল কষ্ট মাতাকে দিয়া নিজ নিজ আবাসে গমন করিয়া থাকেন । এই সমস্ত দৃশ্য দেখিয়া মনে আমরা কথঞ্চিৎ শান্তি পাইলাম । আমার স্বশুর মহাশয়ের একজন বন্ধুর ভাণ্ডে আমরাদিগকে সহরের অনেক স্থান দেখাইলেন । মুঙ্গেরের দুর্গমধ্যস্থিত একটি সুসজ্জিত দ্বিতল অট্টালিকা অতি উচ্চতম প্রদেশে অবস্থিত দেখিয়া আমরা জিজ্ঞাসা করিলাম এই বাটীটিতে কে বাস করেন ? তিনি বলিলেন এই স্থানটির নাম চুপড়া ; পূর্বে কালে দাতাকর্ণ এই স্থানে তপস্যা করিতেন ; ঐ বাটীটি মুরশিদাবাদের প্রসিদ্ধ জমিদার শ্রীযুক্ত আশুতোষ রায় ইংরাজ রাজের নিকট হইতে ক্রয় করিয়া বাস করিতেছেন । মুঙ্গেরের ১ ক্রোশ ব্যবধানে পীর পাহাড় ; ঐ পাহাড়ের শিখর দেশে একটি প্রকাণ্ড অট্টালিকা দৃষ্টিগোচর হইল । শুনিলাম, ইহা কলিকাতার ঠাকুর বাবুদিগের বাটী ; ইহাও একটি মনমুগ্ধ কর স্থান । আমরা দূর হইতে তাহার শোভা দেখিয়া মোহিত হইলাম । মুঙ্গেরের ২ ক্রোশ ব্যবধানে সাতাকুণ্ড তীর্থ ; শুনিলাম, তথায় একটি গরম জলের নিষ্কার আছে ; অথচ চাউন নিক্ষেপ করিলে তাহা সিদ্ধ হয় না । উহা এতাদৃশ উষ্ণ যে কাহারও হস্তে জল সংলগ্ন হইলেই দগ্ধ হয় । দিবা রাত্রি জল ক্ষুণ্ণিত হইতেছে এই দৃশ্যটি আমাদের দর্শন লাভ হয় নাই । মুঙ্গেরে ২।৩ ঘণ্টা অতিবাহিত করিয়া জামালপুরে প্রত্যাগমন করিলাম । তৎপর দিবস কেশবপুর পর্লীস্থিত একজন সমবয়স্কের সহিত জামালপুরের টানেল দেখিতে গমন করি । আমরা অতি প্রত্যুষে পাহাড়ের নিম্নদেশে পৌছিয়া দেখিলাম রেল কোম্পানী অতি পরিষ্কার রূপে পাহাড়টি কাটিয়াছে । রেলওয়ে রাস্তার দুই পার্শ্বে লোকজন গমানাগমন করিবার জন্য পরিশর স্থান রাখা হইয়াছে । তবে আমার বিশ্বাস গাড়ী উহার

মধ্যে প্রবেশ কালীন ভিতরে লোক থাকিলে ইঞ্জিনের আবদ্ধিত ধূম দ্বারা লোকের শ্বাসরোধ হইয়া মৃত্যু হইবার সম্ভাবনা এবং ঐ খিন্খিনের ছাদ হইতে দিবা রাত্রি টুপ-টাপ করিয়া জল পতিত হইতেছে। তৎপরে আমরা টানেলের উপরিভাগে অতি কষ্টে উঠিলাম। তাহার উপরি ভাগে টেলিগ্রাফের তারের ধাম রহিয়াছে। টানেলের নিকটবর্তী স্থান বক্র বলিয়া ঐ স্থানে একজন পরিদর্শক রহিয়াছে, ঐ লোক উভয় দিকের গাড়ি, টেলিগ্রাফিনা বিদ্যে সঙ্কেৎ দ্বারা চালিত করাইয়া থাকে। পাহাড়ের উপরিভাগে ছোট ছোট বৃক্ষ ভিন্ন বড় বৃক্ষের লেশ মাত্র নাই। এই পাহাড় হইতে জামালপুর সহরটি অতি সুন্দর ভাবে দৃষ্টি গোচর হয় এবং ষ্টেশনে, রেলওয়ের বৃহৎ কারখানা এবং ইংরেজ পরীক্ষিত অটালিকা স্বেণীর সুন্দর সৌন্দর্য্যতায় আমরা মোহিত হইলাম। সূর্যের খরতর কিরণে ক্লাস্ত হইয়া আমরা পাহাড় হইতে অবতরণ করতঃ দ্রুতপদে জামালপুরাভিমুখে রওনা হইলাম। বেলা আনুমানিক ১০।০ ঘটিকার সময়ে আমরা পৌঁছিলাম। ঐ রাত্রে ফুলশয্যা সমপনাস্ত্রে পর দিবস রাত্রি ৯।০ টার ডাক গাড়ীতে কলিকাতায় রওনা হইয়া তৎপর দিবস প্রাতে ১০।০ ঘটিকার সময়ে কলিকাতায় পৌঁছিয়া আমরা হরিতকী বাগানস্থিত "তিন" আনা রাজা মহাশয়ের বাসায় যথা সময়ে উপস্থিত হইলাম। রাজার বাসার মহিলাগণ নববধুকে বরণ করিয়া লইলেন।

এক দিবস পরে ই. বি. রেলওয়ের প্রাতঃকালের গাড়ীতে রওনা হইয়া ১০।০ ঘটিকার সময়ে কৃষ্ণগঞ্জ ষ্টেশনে পৌঁছিলাম। কৃষ্ণগঞ্জ হইতে একখানি ঘোড়ার গাড়ীতে রওনা হইয়া রাত্রি আনুমানিক ৯ টার সময়ে নলডাঙ্গায় উপস্থিত হইলাম। কোন তারিখে আমরা নলডাঙ্গায় পৌঁছিব সে সংবাদ পূর্বে না দেওয়াতে অন্ধরের ঘাটে নৌকা ছিল না। ঘোড়া হটক অতি অল্প সময়ের মধ্যে একখানি নৌকা ঠিক করিয়া আমরা বাটা পৌঁছিলাম। বাটাতে পৌঁছিবামাত্র মাতাঠাকুরাণী আনন্দে

উন্নতা প্রায় হইয়া তাঁহার সাধের সামগ্রী নববধুকে ক্রোড়ে করিলেন ; তাঁহার যে কত আনন্দ তাহা আর কি বলিব—তাঁহার হারানিধি যেন পুনরায় ফিরিয়া পাইলেন । সেই মুহূর্ত্তে পাড়া প্রতিবাসিনীগণ আগমন করিয়া বরনাদি কার্য সম্পন্নান্তে দক্ষিণ হস্তের ব্যাপার মহা আনন্দে সম্পন্ন করাইলেন । নব বধুর সহিত একজন পরিচারিকা জামালপুর হইতে আসিয়াছিল, তাহার আধা-বাজলা আধা-হিন্দী ভাষায় কথা শুনিয়া প্রতিবাসিনীগণ হাসিয়া ব্যাকুল হইলেন । পাড়া প্রতিবাসিগণ পর দিবস নববধু দেখিয়া যাহার যেরূপ অভিপ্রায় ব্যক্ত করিয়া গমন করিলেন ।

এক মাস পরে শ্বশুর মহাশয়ের যৎপরোনাস্তি অনুরোধে আমি নববধু ও পরিচারিকা সমভিব্যাহারে অশ্ব শকটে যশোহর যাত্রা করিলাম । এই সময়ে যশোহরে গাড়ী খুলিয়াছে । নুতন লাইন নুতন বন্দোবস্ত স্মতরাং গাড়িখানি বড়ই টিমা গতিতে যাইতে লাগিল । যাহা হউক অতি কষ্টে, কায়ক্লেশে আমরাগকে টানিয়া লইয়া ঠিক উষা কালে কলিকাতায় উপস্থিত হইল । আমরা শিয়ালদহ হইতে সরাসরি অশ্বশকটে ৬।০ ঘটিকায় হাওড়ায় পৌঁছিলাম । তথায় যাইয়া দেখি ইংরেজ সৈনিকে স্টেশন-প্রাঙ্গণ পরিপূর্ণ । যাহা হউক অতি কষ্টে জামালপুরে তারে সংবাদ প্রেরণ করিয়া প্রাতে লুপুষাত্রি গাড়ীতে রওনা হইলাম । এই গাড়ীতে দূর দেশে যাইতে হইলে বড়ই কষ্ট অনুভব হয় । কলিকাতায় থাকা অন্তর্বিধা হওয়ায় আমরা বাধ্য হইয়া এই গাড়ীতেই রওনা হইলাম । ইহাতে আমাদের যথেষ্ট কষ্ট হইয়াছিল সত্য, কিন্তু আমার একটা মনোভিলাষ পূর্ণ হইল, কারণ দুখন-বিবাহ করিতে জামালপুর যাই তখন রাত্র থাকায় পশ্চিমস্থিত স্থানগুলি দেখা ঘটে নাই । এখন দিবালোকে সকল স্থানগুলি দেখিয়া যাইতে পারিব । এই গাড়ীখানিও মহুর গতিতে চলিল কিন্তু যশোহর লাইনের গাড়ীর

গতি অপেক্ষা দ্রুতবেগে চলিতে লাগিল। বর্ধমান ষ্টেশনে পেট পূজা দিয়া নবশক্তি সঞ্চয় করিয়া লইলাম। বেলা ২।৩ টার সময়ে প্রকৃতপক্ষে আমাদের বিশেষতঃ বালিকা বধুর বড়ই কষ্ট হইতে লাগিল। তিন পাহাড় ষ্টেশনটা পাহাড়ের গাত্র-সংলগ্ন-দৃশ্য অতি চমৎকার দেখিলাম। অনেক কষ্টভোগ করিয়া রাত্রি ১১ ঘটিকার সময়ে জামালপুরে পৌঁছিলাম। ষ্টেশনে পালকী উপস্থিত ছিল তাহাতে নববধু এবং খুল্লতাত স্বশুর মহাশয়দিগের সহিত আমি যথা সময়ে স্বশুর বাটী পৌঁছিলাম। তথায় ৩।৪ দিবস অতিবাহিত করিয়া কর্ড লাইন দিয়া কলিকাতায় যাত্রা করিলাম। গাড়ীখানি পশ্চিমধ্যে বিলম্ব হওয়ায় লক্ষ্মীসরাই ষ্টেশনে পৌঁছিবার পূর্বেই পশ্চিমের যাত্রী-গাড়ী উক্ত স্থান ত্যাগ করিয়া চলিয়া যায়, অজানিত ষ্টেশনে পৌঁছিয়া এই সংবাদ শ্রবণ করিয়া আকুল হইলাম। ষ্টেশনের একটা বাবুর নিকট অবগত হইলাম—গভীর রাত্রে আমার একখানি গাড়ী আসিবে। কি ভাবে অপরিচিত স্থানে এত দীর্ঘ কাল অতিবাহিত করিব এইরূপ চিন্তা করিতেছি এমন সময়ে একখানি গাড়ীর—ঘণ্টা হইল। জানিতে পারিলাম পশ্চিম হইতে ডাকগাড়ী আসিতেছে। কিছুই স্থির করিতে না করিতে গাড়ী ষ্টেশনে আসিয়া দাঁড়াইল; আমিও হঠাৎ মৃত্ত পরিবর্তন পূর্বক এই গাড়ীতেই যাওয়া স্থির করিয়া মধ্যম শ্রেণীর গাড়ীতে উঠিলাম; এই গাড়ীতে তৃতীয় শ্রেণীর গাড়ী থাকে না কিন্তু আমার নিকট তৃতীয় শ্রেণীর টিকিট আছে। আমি এই ভরসায় উঠিলাম যে কলিকাতায় পৌঁছিয়া অতিরিক্ত ভাড়া দিলেই নিষ্কৃতি পাইব। কিন্তু তাহা হইলেও গার্ড সাহেবকে জানাইয়া উঠা আমার উচিত ছিল। যাহা হউক মধ্যম শ্রেণীর ২টা বাঙ্গালী ভ্রমলোক কলিকাতা যাইতেছিলেন আমি সকল বিষয় বিবৃত করিলে তাহারা আমাকে ভরসা দিয়া কহিলেন, কলিকাতায় যাইয়া আমরা সাক্ষ্য দিব যে আপনি লক্ষ্মীসরাই হইতে মধ্যম

শ্রেণীতে উঠিয়াছেন। ইহাতে খুব সম্ভব অতিরিক্ত ভাড়াটি দিলেই চলিবে।

অতি প্রত্যুষে আমরা হাওড়ায় পৌঁছলাম এবং বক্রি ভাড়ার টাকা দিয়াই নিষ্কৃতি পাইলাম। আমি শিয়ালদহের হিন্দু-আশ্রমে দুই দিন অবস্থিতি করিয়া নলডাঙ্গায় গমন করিলাম। কিছু দিবস নলডাঙ্গায় থাকিয়া চাকুরীর চেষ্টায় পুনরায় কলিকাতায় আসিলাম। এই সময়ে যবর্ণমেন্টের চাকুরী প্রার্থনা করি, কিন্তু ২৫ বৎসরের উর্দ্ধ বয়ঃক্রম হওয়ায় তাহা হইল না। ক্যান্সেল স্কুলের অধ্যক্ষ ডাক্তার সাহেব মহাশয়ের নিকট কন্মপ্রার্থী হওয়ায় তিনি দয়া করিয়া কলিকাতায় কিং হ্যামিংটন কোম্পানীর প্রধান সাহেবের নামে আমার নিকট একখানি পত্র দিলেন। আমি উক্ত সাহেবকে পত্র প্রদান করিলে, তাহাদের জলপাইগুড়ি জেলার অধীনে হিমালয় পর্বতের তলদেশে কালাগতি নামক একটি চা বাগানে ৪০০ বেতনে আমাকে নিযুক্ত করিলেন। আমি তথায় যাইবার জন্য ২।৩ দিবসের মধ্যেই প্রস্তুত হইলাম। যাইবার নির্দ্ধারিত দিবসে দার্জিলিং ডাক গাড়ীতে ২-২৫ মিনিটের সময় শিয়ালদহ পরিত্যাগ করিয়া সন্ধ্যা ৭ টার সময়ে দামুকদিয়া ষ্টেশনে উপনীত হইয়া, তথা হইতে ষ্টীমারে পার হইয়া রাত্র ৮ ঘটিকার সময়ে সাতা পৌঁছলাম। ষ্টেশনে যাইয়া দেখি, ভয়ানক গোলযোগ, ভারতবর্ষে এইরূপ কিছুতকিমাকার বন্দোবস্তের ষ্টেশন দেখিতে পাওয়া যায় না; কারণ প্রতি গাড়ীর শীর্ষদেশে বিভিন্ন বিভিন্ন লাইনে যাইবার সাঙ্কেতিক চিহ্ন আছে; অর্থাৎ এই স্থান হইতে “আসাম” “দিনাজপুর-পূর্ণিয়া” ও “দার্জিলিং-শিলিগুড়ি” এই তিনখানি ষ্টেশনকে এক ইঞ্জিনে লইয়া রওনা হয়। গভীর রাত্রে যখন সকল যাত্রীগণ নিদ্রায় অভিভূত থাকে, তখন প্রথমোক্ত দুইখানি ষ্টেশনকে তাদের বদলী যাত্রীগণ যথাক্রমে কাটিয়া রাখিয়া

শেষোক্ত “দার্জিলিং-শিলিগুড়ি’র ট্রেনখানিকে লইয়া সরাসরি উত্তরাভিমুখে চলিয়া যায়। যদি কেহ ভুলবশতঃ দিনাজপুরের গাড়ীতে না উঠিয়া অন্য কোন গাড়ীতে উঠেন, তবেই তাহাকে লাঞ্ছনা ভোগ করিতে হয়। এইরূপ কত লোকের কত কষ্ট হইয়া থাকে তাহার ইয়ত্তা নাই। যাহা হউক, আমি যৎকিঞ্চিৎ ইংরাজী জানি বলিয়া নির্দিষ্ট ট্রেনের মধ্যম শ্রেণী দেখিয়া লইলাম। গাড়ীগুলির গঠন মধ্যম প্রকারের, গাড়ীর মধ্যে পাইখানার বন্দোবস্ত আছে। পার্শ্বতীপুরে রাত্রি ১টার সময়ে পৌঁছিলে, অগ্নাগ্র লাইনের যাত্রীতে আমাদের ‘গাড়ীখানি বোঝাই হইয়া গেল। মধ্যম শ্রেণীর ১ খানা গাড়ী, তাহাতে এত লোক হইল যে, তজ্জগ্ন আমাদের কষ্টভোগ করিতে হইল। সমস্ত রাত্রি চলিয়া অতি প্রত্যুষে হলদিবাড়ী স্টেশনে গাড়ী লাগিলে ঐখান হস্ত-মুখ প্রক্ষালন করিয়া লইলাম। তথা হইতে হিমালয় পর্বতের ধ্বলগিরি শৃঙ্গ স্পষ্ট প্রত্যয়মান হইতে লাগিল। এই দৃশ্যে বড়ই আনন্দিত হইলাম। বেলা ৯।০ ঘটিকার সময়ে আমরা নির্ধারিত শিলিগুড়ি স্টেশনে পৌঁছলাম। এই স্টেশনটা সজ্জিত এবং প্রথম শ্রেণীর স্টেশন। প্লাটফর্মের উপরিভাগে লোহার ছাদ; এই স্টেশনের একপার্শ্বে দার্জিলিং-হিমালয় রেলওয়ের অতি ক্ষুদ্র আকারের গাড়ীগুলি দণ্ডায়মান রহিয়াছে। এত ছোট রকমের গাড়ী পূর্বে কখনও আমার দৃষ্টিগোচর হয় নাই। এখান হইতে উত্তরাভিমুখে প্রথম স্টেশন স্ককনা পর্যন্ত সমতল ভূমি থাকায় দ্রুতগামী চলে, কিন্তু তাহার পরেই সম্মুখ ও পশ্চাতে ইঞ্জিন লাগাইয়া মন্থরগতিতে আঁকিয়া বাঁকিয়া পর্বতের উপরিভাগে উঠিতে থাকে; সে এক চমৎকার দৃশ্য তাহাতে আর সন্দেহ নাই। শিলিগুড়ি হইতে দার্জিলিং ৪৮ মাইল কিন্তু ট্রেনখানি ৬ ঘণ্টার কমে পৌঁছিতে পারে না। স্থানে স্থানে এত মন্থরগতিতে চলে যে যাত্রীগণ অনায়াসে গাড়ী হইতে অবতরণ করিতে এবং উঠিতে সক্ষম হয়।

শিলিগুড়িতে অবতরণ করিয়া বাজারের দিকে যাইতে দেখি, ক্ষুদ্র ক্ষুদ্র গাড়ীগুলিকে লইয়া ক্ষুদ্র ইঞ্জিন দার্জিলিং অভিমুখে ছুটিয়াছে। শিলিগুড়ি বাজারে ঢাকা জেলার জনৈক ভদ্রলোকের বাসায় উপস্থিত হইলাম। আমি অপরিচিত হইলেও তিনি বিশেষভাবে আমাকে যত্ন করিলেন। আমি তাঁহার বাসাতে স্বহস্তে রন্ধন করিয়া পরিতৃপ্ত হইলাম। আহাৰান্তে একখানি গো-শকটে বাগান অভিমুখে অর্থাৎ আমার গন্তব্য স্থানে রওনা হইলাম। তথা হইতে ৯ ক্রোশ উত্তরে যাইতে হইবে শুনিয়া অবাক হইলাম। কারণ কলিকাতার আফিসের সাহেব আমাকে বলিয়াছিলেন; শিলিগুড়ি হইতে ২।৩ ক্রোশের মধ্যেই বাগান। এখন বুঝিতেছি, সাহেব মিথ্যা বাক্য প্রয়োগ করিয়াছেন। শিলিগুড়ি হইতে ৪ ক্রোশ পথ অতিক্রম করিয়া অতি কষ্টে রাত্রি ৭।।০ ঘটিকার সময়ে তিস্তা নদীর কুলে উপস্থিত হইলাম। নদীর খরতর শ্রোত দেখিয়া মনে বড়ই ভয়ের সঞ্চার হইল—কি উপায়ে ভয়ানক দুস্তর নদী পার হইব। যাহা হউক, গাড়ীসহ জোড়া নৌকায় বিনা ক্লেশে নদী পার হইলাম। নদীর কুল হইতে গাড়ীখানি অর্ধক্রোশ পথ অতিক্রম করিয়া আমার গন্তব্য স্থান কালাগতি বাগানে সাহেবের বাঙ্গালায় উপস্থিত হইল। ম্যানেজার সাহেবের সহিত সাক্ষাৎ করিয়া এজেন্ট সাহেব-প্রদত্ত পত্রখানি প্রদান করিলে তিনি আমাকে পূর্বের ডাক্তার-বাবুর বাসায় পাঠাইয়া দিলেন। ম্যানেজার সাহেবের নাম ক্রেমিং,—তিনি সপরিবারে তথায় ছিলেন। ইনি আমার সহিত প্রথমে ভালরূপ ব্যবহার করিলেন, কিন্তু ১ মাস পরে বিষবৎ ব্যবহার করিতে লাগিলেন এবং আমিও তাঁহার সহিত ব্যবহারোপযোগী ব্যবহার করিতে লাগিলাম। বাগানের বড় বাবু শ্রীযুক্ত জহরলাল সিংহের সহিত প্রথম হইতেই মাখামাখি আলাপ হইল। তিনি প্রথমে ১০০ টাকা বেতনে নিযুক্ত হইয়া ক্রমশঃ উন্নতিকরতঃ এখন বেতন ৪০০ টাকা পাইতেছিলেন।

তাঁহার জনৈক আত্মীয় তাঁহার অধীনে মুন্সী ছিলেন। ইংরাজী শিক্ষা করিয়া ইংরেজের অধীনে কার্য্য করিয়াও নিজের দেশীয় রীতি-নীতি পূর্ব্ব-বৎই বজায় রাখিয়াছিলেন। পূর্ব্বের ডাক্তার বাবু যে বাসায় থাকিতেন তাহা একটা টিলার উপরে অবস্থিত—নিম্নে বাগানের দৃশ্য অতি সুন্দর। একখানি দোচালা ঘর, তাহাতে পাক হয় আর চারিদিকে বেড়া দিয়া ঘেরা একটা ক্ষুদ্র বাঙ্গালা তাহাতে ২টা কামরা আছে। এই বাসার অতি নিকটে জুহর বাবুর বাসা, তিনি খুব ভদ্রলোক; কোম্পানীর দৈনিক কার্য্যান্তে আমরা ঐভাবে একত্রে থাকিতাম। সাহেবের পাকা বাঙ্গালা এবং চা ঘর আমাদের বাসার বেশী দূর নহে। প্রতি বৎসর ২ হাজার মণ চা এই বাগান হইতে রপ্তানি হইয়া থাকে। শ্রীগোবিন্দচন্দ্র দত্ত নামক একজন ঠিকাদার এই বাগানে বাস করিতেন। বাগানের চতুঃপার্শ্বে কোম্পানীর অনেক চা বাগান—প্রতি বাগানেই নেপালি কুলির সংখ্যা অধিক। এতদ্বির ছোট নাগপুরের কুলিও যথেষ্ট ছিল। নেপালি পুরুষেরা জাঁটা পায়জামা ও মেরজাই ব্যবহার করে এবং স্ত্রীলোকেরা ঘাগড়ার জায় কাপড় পরিধান করে—গায়ে জামা, কটাদেশে লাল বর্ণের রুমাল, বেলীতে কৃত্রিম ফুল ব্যবহার করিয়া থাকে। অধিকাংশ স্ত্রী-পুরুষ গৌর বর্ণ কিন্তু স্ত্রীলোকদিগের নাক খাঁদা। ইহাদিগের সমাজে স্ত্রী-স্বাধীনতা বিদ্যমান। স্ত্রীলোক ইচ্ছা করিলে বিবাহিত স্বামী পরিত্যাগ করিতে পারে, তবে বিবাহের খরচ যৎ-সামান্য দিলেই সকল গোল মিটিয়া যায়, কিন্তু যদি পুত্র সন্তান থাকে, তবে তাহা পূর্ব্ব স্বামীর প্রাপ্য মাত্র। এই আইনের আদেশ ইংরেজ রাজ্যে প্রতিপালিত হয় না।

এই বাগানের উত্তরে ওয়াসাবাড়ী, পূর্বে ফুলবাড়ী, পশ্চিমে এলেন-বাড়ী। এই সকল বাগানে আঘাদিগের দেশীয় অনেক লোক কাজ করিতেন। প্রতি রবিবারে ফুলবাড়ীর হাটে বাগানের বাসুগণ সমবেশ হইতেন। ফুলবাড়ীর পোষ্ট মাষ্টার বাবু হরিদাস মুখোপাধ্যায়

মহাশয়ের সহিত অতি অল্প দিনের মধ্যেই সৌহৃদ্যতা হইয়াছিল। ফুল-বাড়ী বাগানের মতিলাল রায় এবং নবীনচন্দ্র কন্যোপাধ্যায় মহাশয়দ্বয় বহুদিন পর্যন্ত তথায় কার্য্য করিতেছিলেন; তাঁহাদিগের সহিতও বিশেষরূপ আলাপ পরিচয় হইল। প্রথম হাট দেখিতে যাইবার দিন যশোহর জেলা নিবাসী বাবু শ্রীকৃষ্ণ মুখোপাধ্যায় বাগ্রাকোট বাগানের প্রধান কেরাণী এবং পূর্ণচন্দ্র মল্লিক সহকারী কেরাণীর সহিত, ভালরূপ আলাপ হইয়াছিল। তাঁহারা আমার মাতুল মহাশয়ের দেশীয় লোক; মধ্যে মধ্যে আমাদের পরস্পরের বাসায় নিমন্ত্রণ হইত। কয়েক মাস পরেই জামালপুর হইতে পরিবার লইয়া যাই। আমার স্ত্রীকে যিনি, বাল্যকালে প্রতিপালন করিয়াছিলেন, তিনিও সঙ্গে গিয়াছিলেন। ঐ সময়ে আমার স্ত্রীর বয়ঃক্রম ১১ বৎসর মাত্র। এদিকে আমার মাতাঠাকুরাণী মাতুল মহাশয়সহ কালাগতি আসেন। মাতুল মহাশয় কয়েক দিন পরেই মাতাঠাকুরাণীকে রাখিয়া নলডাঙ্গায় প্রত্যাগমন করিলেন। কয়েক মাস মাতাঠাকুরাণী তথায় অবস্থিতি করিয়া নানাবিধ অসুবিধা ভোগ করতঃ নলডাঙ্গায় প্রত্যাগমন করিলেন। জহর বাবুর স্ত্রী অনেক সময়েই আমার স্ত্রীর সহিত একত্রে থাকিতেন। এদিকে সাহেবের সহিত আমার গোলযোগ হইতে লাগিল। কলিকাতার সাহেব আমাকে এই ভাবে নিয়োগ-পত্র দিয়াছিলেন এবং মৌখিক বলিয়াছিলেন যে,—“এক মাসের মধ্যে তোমার কার্য্যের উন্নতি দেখাইতে পারিলে ৫০ টাকা বেতন বৃদ্ধি করিয়া দেওয়া হইবে।” এক মাসান্তে ম্যানেজার সাহেবকে বলায় এবং আবেদন করায় পাগল সাহেব তেলে-বেগুণে জলিয়া উঠিলেন। ঐ সময়ে কার্য্য ত্যাগ করিবার সম্পূর্ণ ইচ্ছা ছিল কিন্তু বন্ধু-বান্ধবের অনুরোধে নিরস্ত হইলাম।

আমি প্রতিদিনই জুতা পায়ে দিয়া ম্যানেজার সাহেবের বাঙ্গালার বাঁহিতাম; তাহাতে তিনি আমার প্রতি সন্তুষ্ট ছিলেন না। সাহেব

আমাকে জুতা খুলিয়া তাঁহার বাঙ্গালায় যাইতে বহুবার তাঁহার লোক দ্বারা জানাইয়াছিলেন কিন্তু তাহা আমি গ্রাহ্য করি নাই ; এই কারণে এজেন্ট সাহেব এখানে আসিলে আমার বিরুদ্ধে উক্ত সাহেব নানারূপ দোষারোপ করায় আমার চাকুরী যায় । সাহেবের সহিত প্রথম হইতেই নানারূপ মনোমালিন্য ঘটিয়াছিল, এমন কি ঐ চাকুরী পরিত্যাগ করিতে আমিও বারম্বার চেষ্টিত হইয়াছিলাম কিন্তু জহর বাবুর অনুরোধে এতদিন ছাড়িতে পারি নাই । যাহা হউক, জহর বাবুকে কাঁদাইয়া আমরা যথা সময়ে নলডাঙ্গায় পৌঁছিলাম ।

আমরা বাদী আসিয়া জানিতে পারিলাম, মাতুল মহাশয়ের অধিকাংশ বিষয়-সম্পত্তি দেনার দায়ে বিক্রয় হইয়া গিয়াছে ; এমন কি তেজাসন পর্যন্তও নিলাম হইয়া যায়-যায় । ডিগ্রীদার অতি অল্প মূল্যে খরিদ করিয়াছিলেন । আমি নলডাঙ্গায় যাইয়া মাতুল মহাশয়ের বহির্বাটীর কিয়দংশ ডিগ্রীদানের নিকট হইতে ৩৬০ টাকা মূল্যে খরিদ করি এবং তাহার ভগ্ন-সংস্কার করতঃ বাসোপযোগী করিয়া সপরিবারে কিছু দিবস তথায় বাস করি । এই বাটী বাসোপযোগী ওয়ায় মাতুল মহাশয়, মামিমাতা, মাতুল-পুত্র ও কন্যা সকলেই উহাতে বাস করিতে লাগিলেন ।

এক বৎসরান্তে আমার খুলতাত শংকর মহাশয় নলডাঙ্গায় আসিয়া আমার স্ত্রীকে জামালপুরে লইয়া যান । ইহার কয়েক মাস পূর্বে পরিচারিকাকে জামালপুরে পাঠান হইয়াছিল । আমার স্ত্রী জামালপুর যাইবার দুই মাস পরে কলিকাতায় পুনরায় চাকুরীর চেষ্টায় গমন করিলাম । এই সময়ে নলডাঙ্গার তিন আনার রাজা সৌরেন্দ্রচন্দ্র দেব-রায় মহাশয় সপরিবারে বামাপুকুরে বাস করিতেছিলেন ; তাঁহার বিশেষ অনুরোধে তাঁহার বাসায় থাকিয়া চাকুরীর চেষ্টা করিতে লাগিলাম । কলিকাতার প্রধান পাখোয়াজ বাস্তকর পেন্সন্ প্রাপ্ত বাবু মুরারীধর

সেন মহাশয়ের নিকট তিনি বাণ্য শিক্ষা করিতেছিলেন। এই সময়ে ক্যাশেল স্কুলের অধ্যক্ষ ডাক্তার সাহেবের নিকট চাকুরীর আবেদন করার আমাকে ৪ মাসের জন্য কলিকাতা মিউনিসিপ্যালিটির অধীনে একটা চাকুরী দিতে রাজী হইলেন, কিন্তু অস্থায়ী কার্য বলিয়া তাহা গ্রহণ করিলাম না। পুনরায় উক্ত ডাক্তার সাহেব বর্ষান্তে ৮০ টাকা বেতনে একটি কার্য করিয়া দিতে মনস্থ করেন। কিন্তু এত দূরদেশে যাইতে স্বীকৃত হইলাম না। এই ডাক্তার সাহেবের নিকট হইতে একখানি সুপারিশ-পত্র ইষ্ট-ইণ্ডিয়ান রেলওয়ের সেক্রেটারী সাহেবের নিকট লইয়া যাই, কিন্তু দুঃখের বিষয় চাকুরী খালি না থাকায় কার্য হইল না। একদিন হেয়ার ষ্ট্রীটে বেড়াইতেছি, পশ্চিমধ্যে হঠাৎ একটি অপরিচিত ডাক্তার বাবুর সহিত সাক্ষাৎ হইল; পরিচয়ে জ্ঞাত হইলাম, ইনি এলাহাবাদে ই, আই, রেলওয়েতে ডাক্তার গ্রিফিথ সাহেবের অধীনে কার্য করিতেন, সম্প্রতি কার্য ত্যাগ করিয়া আসিয়াছেন এবং এ পর্যন্ত ঐ পদ শূণ্য আছে। তিনি আমাকে কহিলেন—“যদি তথায় কার্য করিতে ইচ্ছুক হইয়েন, অবিলম্বে উক্ত ডাক্তার সাহেবকে আবেদন করুন”। আমার প্রশংসা-পত্রের অনুলিপি সহ তথায় কর্ম প্রার্থিত হইয়া দুঃখান্ত করিলাম কিন্তু দুঃখের বিষয় তাহার এই উত্তর পাই যে—“একজন ডাক্তার আসিবার সব ঠিক হইয়া গিয়াছে, উপস্থিত কার্য খালি নাই; তোমার প্রশংসা-পত্রগুলি ভাল, আমি তাহা ফেরত পাঠাইলাম।”

শ্রীরামপুর মিউনিসিপ্যালিটির অধীন সাহেবের ডিসপেন্সারীর জন্য একটা পদ শূণ্য আছে সংবাদ পাইয়াই তথায় আবেদন করিলাম এবং শ্রীরামপুরের সুবিখ্যাত এসিষ্ট্যান্ট সার্জন ও চেয়ারম্যান কেদার বাবুর সহিত সাক্ষাৎ করিয়া প্রশংসা পত্রগুলি দেখাইলাম পরিশেষে আমাকে মনোনিত করিয়া নিয়োগ পত্র দিয়াছিলেন

কিন্তু ঐ কার্যের বেতন অতি সামান্য মাত্র ২৫ বালিয়া গ্রহণ করিলাম না।

কিছুদিন পরে হেয়ার ষ্ট্রিটের একটা চা-করের এজেন্ট অফিসে ৬০ টাকা বেতনে ১ বৎসরের এগ্রিমেন্টে একটা চাকুরী ঠিক হইয়াছিল; এমন কি ২।৪ দিবসের মধ্যে সেখানে যাইবার জন্য বাসায় প্রত্যাগমন করিয়া দেখি, একখানি পত্র আসিয়াছে। পত্রখানি খুলিয়া দেখিলাম, বাগ্রাকোর্টে চা কোম্পানীর বড় বাবু শ্রীকৃষ্ণ মুখোপাধ্যায় তাঁহাদের বাগানে আমার জন্য একটা ডাক্তারি চাকুরী ঠিক করিয়া পত্র লিখিয়াছেন—“পত্র-পাঠ চলিয়া আসিবে, তোমার এই বাগানে কার্য হইবার অধিক সম্ভাবনা।” পত্র পাঠ করিয়া আমি ঐ দিবসের অপরাহ্নে দার্জিলিং ডাক গাড়ীতে বাগ্রাকোর্টে গিয়া যাত্রা করিলাম। পরদিন অপরাহ্নে পদব্রজে শিলিগুড়ি হইতে বাগ্রাকোর্টে পৌঁছিলাম। তৃতীয় দিবস প্রাতে বাগানের বড় সাহেব ডবলিউ এম্ নর্থ সাহেবের সহিত সাক্ষাৎ করিলাম। তিনি আমার সমস্ত প্রশংসা-পত্রাদি দেখিয়া ৪৫ টাকা বেতনে ১৮৮৫ সালের ১লা জানুয়ারী হইতে কার্য করিবার জন্য নিযুক্ত-পত্র প্রদান করিলেন। নভেম্বর মাসে নিয়োগ-পত্র প্রদান করেন সুতরাং কার্যে বসিবার অনেক বিলম্ব দেখিয়া কলিকাতায় প্রত্যাগমন করি এবং তথা হইতে আবশ্যকীয় জিনিষপত্র খরিদ করিয়া ২৬শে ডিসেম্বর বাগ্রাকোর্টে পুনঃ উপস্থিত হই। বাগ্রাকোর্টের প্রধান কেরানী বাবু শ্রীকৃষ্ণ মুখোপাধ্যায় এবং ঝিনাইদহর অস্ত্রগত রামনগর নিবাসী বাবু চন্দ্রভূষণ চট্টোপাধ্যায় সহকারী-রূপে কার্য করিতেছিলেন। আমিও তাঁহাদের সঙ্গে যোগ দিয়া ১লা জানুয়ারী হইতে কোম্পানীর কার্য করিতে আরম্ভ করিলাম। মনোজ্ঞ বা সুপারিন্টেন্ডেন্ট সাহেবটি বড়ই নম্র প্রকৃতির। কুলির প্রতি এ বাগানে কোনরূপ অত্যাচার ছিল না।

ডবলিউ এম্ নর্থ সাহেবের পিতা বহু পূর্বে দার্জিলিং সহরে কার্যোপলক্ষে আসিয়া তথায় একটা ভূটানীর সহিত তাঁহার প্রণয় হয়। উক্ত ভূটানীর গর্ভে এই সাহেব জন্ম গ্রহণ করিয়াছিলেন। যথা সময়ে ইহার পিতা ইহাকে তথাকার ইংরাজী বিদ্যালয়ে ভর্তি করিয়া দেন। তাহার কিছু দিবস পরে এই সাহেবের পিতা স্বদেশে গমন করেন। শুনিতে পাই, ইহার পিতা অদ্যাপি বিলাতে জীবিত আছেন। বিলাত যাত্রার অব্যবহিত পূর্বে দার্জিলিংয়ের একজন পাদ্রি সাহেবের হস্তে পুত্রকে সমর্পণ করিয়া যান। বিদ্যালয়ে কথঞ্চিৎ পাঠ করিয়া অতি অল্প বয়সে পাদ্রি সাহেবের উদ্যোগে উহার নিয়ুটবর্তী কোন চা বাগানে ৫০ টাকা বেতনে কার্যকরতঃ নিজ কার্য-দক্ষতা দেখাইয়া ক্রমে ক্রমে উন্নতি করিতে থাকেন। পরিশেষে ইনি এই কোম্পানীর এজেন্ট সাহেব কর্তৃক ৪০০ টাকা বেতনে এই বাগানে নিযুক্ত হইলেন। ইনি অতিশয় কষ্ট স্বীকার করিয়া এমন কি অনেক সময়ে কুলিদিগের কুটিরে আহার করিয়া—নানা উৎপাত সহ করিয়া—এই প্রকাণ্ড বাগান নিজ হস্তে প্রস্তুত করেন। ইহার দক্ষতা দৃষ্টে এজেন্ট সাহেবেরা ইহাকে আরও ২০।২৫টি বাগান প্রস্তুত করিবার ভার দেন। ইনি স্বনামধন্য রূপে অনেকগুলি বাগান প্রস্তুত করিয়া এই বাগানের ম্যানেজার এবং এই কোম্পানীর আরও কয়েকটি বাগানের পরিদর্শকের কার্য করেন। ইহার মাসিক আয় ১৫০০ টাকা এবং প্রতি বাগানে যথেষ্ট পরিমাণে অংশ আছে। ইনি বড়ই দয়ালু কিন্তু ভয়ানক রূপণ বলিয়া এ দেশে প্রকাশ। ইনি যথেষ্ট টাকা উপার্জন এবং সঞ্চয় করিয়া বিলাতের একজন ধনবানের কন্যাকে বিবাহ করিয়াছিলেন। এই বাগানের উত্তরে হিমালয় পর্বতের ছোট ছোট শৃঙ্গ তন্মধ্যে বিগুন নামক একটি পাহাড়ের শৃঙ্গের উপরিভাগে ইহার একটা প্রকাণ্ড বাঙ্গালা; অনেক সময়ে তথায় যাইয়া বিশ্রাম লাভ করেন। পূর্বে যে কষ্ট পাইয়াছিলেন তাহার

কৃতিপূরণ স্বরূপ তথায় নিভৃত ঐ প্রকাণ্ড সুসজ্জিত বাঙ্গালায় বাস করিয়া এবং তথা হইতে প্রকৃতির শোভা সদর্শন করিয়া পূর্বের দুঃখময় জীবন ভুলিয়া হৃদয় শীতল করিয়া থাকেন। এই বাঙ্গালাটা বাগান হইতে এক ক্রোশ দূরে অবস্থিত। যখন সাহেব তথায় অবস্থিতি করেন, তখন দূরবিক্ষেপ যন্ত্রের সাহায্যে বাগানের কার্য তথা হইতে দৃষ্টিগোচর করেন। এই সাহেবটি বাঙ্গালা, হিন্দি, নেপালি, ভূটিয়া, গ্রাপচা এবং কোল ভাষায় বেশ কথা কহিতে পারিতেন। আমি প্রায় ৪ বৎসর তাঁহার বাগানে কার্য করিয়াছি, কখন কাহাকেও একটি কু-ভাষায় গালি দিতে শ্রবণ করি নাই। বাগানে সর্ব মোট প্রায় ২০০ কুলি ছিল। বাগানের কার্য পরিদর্শন জন্য দুইজন ভূটে মুন্সী ছিল। প্রতি বৎসর ৫,০০০ হাজার মণ চা এই বাগান হইতে কলিকাতায় পাঠান হইত। চা ঘর সুবৃহৎ; অনেক প্রকারের কল ছিল এবং তাড়িত আলোকের ব্যবস্থা ছিল। অন্যান্য বাগানের এবং এই বাগানের সমস্ত সাহেবদিগকে নিয়ন্ত্রণ এবং জবাব দিবার অসীম ক্ষমতা এজেন্ট সাহেব ইহাকে দিয়াছিলেন। আমিই এই সুবৃহৎ বাগানের প্রথম ডাক্তার নিযুক্ত হই এবং চা ঘরের অন্তর্গত একটি কামরা ঔষধালয়ের জন্য পাইলাম। চা বাগানের নিয়মানুসারে প্রতিদিন আমাকে কুলি লাইনে একজন ঔষধি-বাহক সঙ্গে লইয়া রোগী দেখিতে যাইতে হইত। বর্ষাকালে এই বাগানের নেপালি ও ছোটনাগপুরের কুলিগণ তাহাদিগের কুটিরের সম্মুখস্থ জমিতে মকাই রোপন করিত, তাহা বৃদ্ধি পাইয়া জঙ্গলে পরিণত হইত। আমাকে ঐ জঙ্গলের মধ্য দিয়া প্রতিদিন যাতায়াত করিতে হইত। ঐ মকাই বৃক্ষে ভয়ানক জেঁক বেড়াইত, এত সাবধান হইয়া যাওয়া সবেও অলক্ষিত ভাবে জেঁকগণ আমার পোষাকের মধ্যে প্রবেশ করিয়া শরীরের রক্ত শোষণ করিত। কালাগতি বাগানে কাজ করিবার সময় যে সকল বন্ধুবান্ধব পাইয়াছিলাম, কেবল জহর বাবু

ব্যতীত (কারণ তিনি ইহার কিছু দিবস পূর্বে দেশে যাইয়া মানবলীলা সম্বরণ করিয়াছিলেন) অগ্ৰাণ্ণ সকলকেই পাইয়াছিলাম । প্রতি রবিবারে সমস্ত সঙ্গীগণ একত্রিত হইয়া ফুলবাড়ী হাটস্থিত পোষ্টাফিসে কিংবা বাগ্রাকোর্টের পশ্চিমাংশে চুনভাটীতে গোকুল বাবুর ফরেষ্ট রেঞ্জারের বাগালায় যাইয়া বেড়াইয়া আসিতাম । রবিবারে চা বাগানের সাহেবেরা বাবুদিগকে একটু দয়া করিয়া বিদায় দিয়া থাকেন তজ্জন্ম সকলের সহিত দেখা সাক্ষাৎ হইত । গোকুলবাবু সপরিবারে তথায় বাস করিতেন তজ্জন্ম মধ্যে মধ্যে আমার দক্ষিণ হস্তের ব্যাপাক্কু তথায় হইতে । কারণ তাঁহার সহিত আমার ভালবাসার পরিমাণ একটু অধিক মাত্রায় ছিল । এই বাগ্রাকোর্ট ইংরেজ রাজ্যের বাগালা প্রদেশের সমতল ভূভাগের উত্তর সীমানা কারণ ইহার উত্তরেই হিমালয় পর্বত আরম্ভ হইয়াছে ; এই বাগানের উত্তরাংশ দার্জিলিং এবং দক্ষিণাংশ জলপাইগুড়ি জেলার অন্তর্গত । বাগ্রাকোর্টের পশ্চিম সীমায় খরতর লীষ নদ । এই বাগানে প্রায় ৪ বৎসর কার্য করিয়াছি তন্মধ্যে ২ বার ঞ্চাপচার স্বক হইতে ঐ নদের জলে পতিত হইয়া অনেক কষ্টে জীবন লাভ করিয়াছি । হাঁটুর একটু উপরে জল উঠিলে আর পার হইবার উপায় ছিল না কারণ শ্রোতের বেগে পাথরের উপর আঘাত লাগিয়া প্রাণনাশ হইবার অধিক সম্ভাবনা ।

বাগ্রাকোর্টে কার্য করিবার ৩৪ মাস পরে ৮ দিবসের বিদায় লইয়া জামালপুর হইতে পত্নীকে তথায় আনয়ন করি । বাসাবাটা ভাল ছিল না তজ্জন্ম কিছুদিন কষ্টে কালাতিপাত করিতে হইয়াছিল । এই বাগানের ইঞ্জিনিয়ার সাহেব এ্যাণ্ডারসন্ বিধুচিকা রোগে মৃত্যুমুখে পতিত হন । চা সুন্দরদায়ের ইংরেজ ডাক্তার হকিন্স ও আমি উভয়ে মিলিত হইয়া তাঁহার চিকিৎসা করি কিন্তু মৃত্যুর ঔষধি নাই । ফুলবাড়ী বাগানের ম্যানেজার মিষ্টার ভিক্টর ডি, সেতি'র

সহিত আমাদের ম্যানেজার নর্থ সাহেবের বড়ই সৌজন্যতা ছিল। উক্ত বাগানের একজন সহকারি সাহেব সুরাপানে অত্যন্ত অভ্যস্ত ছিলেন ; একদিন সুরা না পাইয়া ডাক্তারখানায় যাইয়া অধিক পরিমাণে অহিফেণের আরোক সেবন করিয়া বিষে জর্জরিত হইলেন। আমাদের বড় সাহেব এই সংবাদ শ্রবণ করিয়া তাঁহার চিকিৎসার জ্ঞান আমাকে লইয়া যান। উক্ত সাহেবের প্রস্রাব বন্ধ হইয়াছিল এবং বিষ-লক্ষণ সকল প্রকাশিত হইয়াছিল। শলা দ্বারা প্রস্রাব করাইয়া এবং বিষনাশার্থ অণ্ডাণ্ড ঔষধি ও প্রক্রিয়া দ্বারা উক্ত সাহেবকে প্রকৃতিস্থ করিয়া নিজ বাগানে প্রত্যাগমন করি। আর এক সময়ে পূর্বে লিখিত 'বাগানের' একটি নেপালি কুলি কল-ঘরে অসতর্কভাবে কার্য করার ফলে তাঁহার একখানি হস্ত চূর্ণ বিচূর্ণ হইয়া বাহু হইতে হস্ত পৃথক হইয়া পড়ে ; যদিও তথায় একজন যুবক ডাক্তার ছিলেন তথাপি তিনি অঙ্গচ্ছেদ করিতে অসম্মত এবং অপারগ হওয়ায় আমাকে সেভি সাহেব আহ্বান করেন। আমি বড় সাহেবের গাড়ীতে তথায় উপস্থিত হইয়া আঘাতিত লোকটিকে মুমূর্ষ অবস্থায় দেখিতে পাই। ইহার পূর্বে আমি কখন অঙ্গচ্ছেদ করি নাই কিন্তু সাহসে নির্ভর করিয়া চিনা-মিস্ত্রীদিগের নিকট হইতে কাষ্ঠ কৰ্ত্তনের করাত দ্বারা তাহার অঙ্গচ্ছেদ করি এবং অল্পদিবসের মধ্যে সেই লোকটি আরোগ্য লাভ করে। সকলই ভগবানে কৃপা।

প্রতি পূজার সময়ে ৩ সপ্তাহের বিদায় পাইতাম সুতরাং প্রতি বৎসর দেশে আসিয়া পূজা দেখিতাম। আমি যে বৎসর এই বাগানে কাষ্ঠে প্রবৃত্ত হই, তাহার পর বৎসর এই বাগানে ভয়ানক বিষুচিকা ব্যাধির প্রকোপ হয় ; প্রতিদিন ২০।২২ জন এই রোগ দ্বারা আক্রান্ত হইত এবং ১৫।১৬ জন প্রতিদিনে কালগ্রাসে নিপতিত হইত। এই সময়ে আমাকে দিবারাত্র এই রোগের চিকিৎসার জ্ঞান পরিশ্রম করিতে হইত। নেপালি এবং ছোটনাগপুরের কুলিদিগের মধ্যে কাহারও ব্যাধি হইলে

তাহাকে একাকী পরিত্যাগ করিয়া জঙ্গলে আশ্রয় গ্রহণ করিত। পরিত্যক্ত রোগীর মধ্যে কেহ কেহ আরোগ্য হইয়া উঠিয়া পুনরায় তাহার আত্মীয় স্বজনের সহিত মিলিত হইত। কোন আত্মীয় স্বজনের কোন অসুখ হইলে তাহার পরিবার মধ্যে কোথায় সকলে তাহাকে সেবা শুশ্রূষা করিবে, তাহা না করিয়া আপন আপন জীবনের মায়াতে সুবাই ব্যতিব্যস্ত। ইহা যে নিম্নশ্রেণীর লোকের মধ্যে দেখা যায়, তাহা নহে; আমি সত্য শ্রেণীর মধ্যেও এইরূপ অনেক দৃষ্টান্ত দেখিয়াছি। আমরা সত্যজাতি বলিয়া আবার কি না পরিচয় দিয়া থাকি! আমাদের সত্যতায়, বিদ্যা অভিমানে এবং শর্মহীন সমাজে কালের কুটিল গতিতে এই উদাহরণের আর সীমা নাই। এই বাগানে এই ভীষণ ব্যাধিতে প্রায় ৪০০ শত লোকের জীবন সেই বৎসর নষ্ট হয়।

এ দেশে আমাদের দেশীয় যাত্রার দল কখনও যায় নাই সুতরাং এ দেশীয় প্রতিবাসীগণ ইহার অর্থ কিছুই বুঝিত না। আমার বাগানকোটে অবস্থান কালীন জলপাইগুড়ি হইতে একদল যাত্রাপাটি ফুলবাড়ীর বাজারে গিয়া উপস্থিত হয়। আমরা সকল বাগানের বাবুগণ চাঁদা তুলিয়া ঐ যাত্রা দেওয়াই। নেপালি ও ভুটিয়ারা এই সর্ব প্রথম যাত্রা গুলিয়া আহ্লাদিত হয়।

আমার জনৈক সহৃদয় বন্ধু—প্রতাপচন্দ্র চক্রবর্তী ওরফে সাহেব মারা চক্রবর্তী আমাদের বাগানের ৩ ক্রোশ পূর্বদিকে ব্যারণ বাগানে কার্য্য করিতেন। ৬ স্বরস্বতী পূজা উপলক্ষে প্রতাপ দাদা আমাদের বাগানের প্রত্যেক বাবুকে ঐ বৎসর নিমন্ত্রণ করিয়াছিলেন। আমরা অস্বারোহণে ডামড়ির হাটের মধ্য দিয়া ব্যারণ গমন করি। তথায় যাইয়া দেখিলাম, অনেক বাগান হইতে অনেক বাবুর সমাগম হইয়াছে। মস্ত ও মাংসের ছড়াছড়ি দেখিয়া আশ্চর্য্যাবিত হইলাম কারণ কোথায়

বিদ্বানগণ সমবেত হইয়া বীনাপাণির মহাপূজায় নিরামিষ ভোগ দিয়া তৎপ্রসাদ সকলে একত্রিত হইয়া তৃপ্তিপূর্বক ভোজন করতঃ শান্তি-সলিলে ভাসিবে। তাহা না হইয়া কি না ৬মাতার উপাসকগণ মদ্য মাংসের দ্বারা রসনাকে তৃপ্তি করিতেছেন? কাল মাহাত্ম্যে সকলই সম্ভবে। এই অভিসম্পাতে বঙ্গবাসী আজ নামে বিদ্বান কিন্তু কাজে অবিদ্বান হইয়া পূর্বাপেক্ষা শতগুণে ধন উপার্জন করিয়াও স্ত্রী পুত্র লইয়া সুখী হইতে পারিতেছেন না। আমরা এল, এ, বি, এ পাশ করিয়া অহা বিদ্যান বলিয়া পরিচয় দিয়া থাকি কিন্তু পাশ্চাত্য বিদ্যাকে যে ব্যক্তি বিদ্যা বলিয়া গৌরব মনে করেন তিনি বিদ্যা উপার্জন করেন নাই; অবিদ্যাকেই হৃদয়ে পোষণ করিয়া আছেন সুতরাং তাহার ফলে আমরা শ্লেচ্ছভাবে তন্ময় হইয়া এমন কি মহাবৈষ্ণবী স্বরস্বতী দেবীকেও শ্লেচ্ছভাবে ভোগ দিয়া থাকি। ইহাপেক্ষা দেশের অধঃপতন আর কি হইবে জানি না।

প্রতাপ দাদা ব্যতীত অপরাপর বাবুগণ আমাদের সমাদর করিয়া সুরাপান করিতে বারম্বার অনুরোধ করিলেন কিন্তু আমরা সকলেই তাহাতে বঞ্চিত। সন্ধ্যার সময়ে আমরা ব্যারণস্থিত বাগানের কল কারখানা দেখিয়া বাগ্রাকোটে প্রত্যাগমন করিলাম। এই সময়ের কয়েক মাস পরে এই বাগানের বড় বাবু শ্রীকৃষ্ণ মুখোপাধ্যায় কৰ্ম পরিত্যাগ করিয়া দেশে গমন করেন; তাঁহার সহকারী বাবু চন্দ্রভূষণ চট্টোপাধ্যায় মহাশয় তৎপদে বরিত হন এবং তাঁহার নিজ গ্রামস্থিত বাবু কেশবচন্দ্র রায় (আমার পূর্ব পরিচিত) তাঁহার সহকারীরূপে নিযুক্ত হন। এই সময়ে আমাদের বড় সাহেব বিলাত গমন করিয়া ম্যান্নেজিং ডিরেক্টরের কন্যাকে বিবাহ করিয়া বাগ্রাকোটে প্রত্যাবর্তন করেন। নর্থ সাহেব পূর্বে সুরা স্পর্শ করিতেন না কিন্তু বিবাহের ২১২ বৎসর পূর্ব হইতে সঙ্গীদোষে সুরাতে ভয়ানক আসক্ত হইলেন, তাহা

নিবারণের জন্ত মেম্ সাহেব্ আমার নিকট দুঃখ করিতে ক্রটি করেন নাই এবং যাহাতে স্বামীর এই অভ্যাস অন্তর্হিত হয় তিনি সতত তাহার চেষ্টা করিতেন। চা ঘরের পরিদর্শক হোগার্থ সাহেব পরলোক গমন করিবার পরে এসিংটন্ টম্‌সন্ নামক একজন উত্তম ভদ্র ইংরেজ ঐ কার্যে নিযুক্ত হইলেন। তিনি সপরিবারে বাগ্রাকোটে আসিয়া আমাদের আনন্দ বর্ধন করেন। ইনি ইংরেজ বিদেষী ছিলেন। উক্ত স্বভাবের ইংরেজগণ ভারতবর্ষে আসিয়া ভারতবাসীকে অকারণ পীড়ন করে এই কথা মুক্তকণ্ঠে আমার নিকট বলিতেন। খৃষ্টান ধর্ম্মে যে কিছুই নাই, কেবল লোক দেখান ধর্ম্ম—তিনি অনেক সময়ে এই কথাও বলিতেন। তিনি হিন্দু ধর্ম্মের শত শত প্রশংসা করিতেন; ইংরেজ ধর্ম্ম যাজকদিগকে তিনি বিশ্বাস করিতেন না কারণ তিনি বলিতেন, “অনেক ইংরাজ ধর্ম্মযাজকের তাহাদিগের নিজ ধর্ম্মের উপর বিশ্বাস নাই অথচ অর্থ উপার্জনের জন্ত পাদ্রি নামে পরিচিত হইয়া ধর্ম্ম প্রচার করেন।” তিনি বলিলেন যে,—আমি এই কথা একজন শ্রেষ্ঠ গণ্যমান্য পাদ্রির মুখে শ্রবণ করিয়াছি। এই সময়ে কালীপ্রসন্ন ভায়া মাতাঠাকুরাণীকে লইয়া বাগ্রাকোটে উপস্থিত হইলেন এবং কালীপ্রসন্ন ২।১ মাস তথায় থাকিয়া নলডাঙ্গায় প্রত্যাগমন করিলেন। উল্লিখিত টম্‌সন্ সাহেবের তিন কন্যা এবং একটা পুত্র; পুত্রটি সর্ব্ব কনিষ্ঠ, ১ম ও ২য় কন্যার বয়ঃক্রম যথাক্রমে ১২ ও ১৩ বৎসর হইবে। এই সকল বালক স্ত্রীলিঙ্গগণ আমার স্ত্রীর নিকট প্রায় প্রতি অপরাহ্নে আসিত এবং আমাদের দেশীয় মিষ্টান্ন ভোজন করিয়া পরিতৃপ্ত হইত। কোন কোন দিন আমার স্ত্রীর বস্ত্র এবং অলঙ্কার ব্যবহার করিয়া আমোদ আহ্লাদ করিত এবং আমরা স্ত্রীও তাহাদিগকে পাইয়া অনেক সময়ে আমোদে কালাতিপাত করিত। বর্ষাকালে চুনভাটা বাইতে লীন্ নদ পার হইতে হইত কিন্তু সময়ে সময়ে অত্যধিক জল বৃদ্ধি হইয়া পারাপার বন্ধ করিয়া:

দিত ; হয়ত এরূপ হইয়া পড়িত যে, সন্ধ্যার প্রাক্কালে চুনভাটীতে গোকুলবাবুর বাঙ্গালায় বেড়াইতে গিয়াছি—গলে একটু বিলম্ব হইল, এদিকে দেখিতে দেখিতে নদীর জল হঠাৎ বৃদ্ধি হইয়া বাত্রাকোটে আগমন করা ছুরুছ হইত কাঁজই আমাকে অনর্থক ৪।৫ ঘণ্টাকাল তথায় থাকিয়া জল বেগ হ্রাস হইলে গ্ৰাপচারা পার করিয়া দিত । একদিন বাত্রাকোটে আমরা তিনজন বাঙ্গালী বিগুন পাহাড়স্থিত বড় সাহেবের বাঙ্গালায় যাইতে মনস্থ করিয়া বেলা অনুমানিক ৩ ঘটিকার সময়ে পাহাড়ে উঠিতে আরম্ভ করিলাম ; ক্রমে সমতল ভূমি হইতে পর্বতের অসম দেশ অতিক্রম করিয়া লক্রগতিতে উঠিতে আরম্ভ করিলাম । উঠিতে উঠিতে 'পদঠাকুর' মহাশয়ের অসহনীয় কষ্ট হওয়ার শরীরস্থ ব্রহ্মাণ্ডদেবকে কষ্টের কাহিনী জানাইতে লাগিলেন । আমরািগের সকলেরই একরূপ অবস্থা, আমরা ঘুরিয়া ঘুরিয়া কত পর্বতের মনোহর দৃশ্য দেখিতে দেখিতে চলিলাম তাহার ইয়ত্তা নাই এবং সময়ে সময়ে পদঠাকুরকে নিবৃত্ত করিয়া মৃহন পাথরের উপর বসিয়া বিশ্রাম করাইয়া লইলাম । যে পার্বতীয় পথে আমরা যাইতেছিলাম ঐ পথ কালিম্পং পর্য্যন্ত গমন করিয়াছে । দয়াময় যেন পথিকের প্রতি সদয় হইয়া পথ পার্শ্বে ঝর্ণা সৃষ্টি করিয়া রাখিয়াছেন । অতি সুমিষ্ট পরিষ্কৃত জল । আবার পথিকের সুখা নিবৃত্তির জন্য পথি পার্শ্বের কিয়দূর ব্যবধানে বিভিন্ন প্রকারের পার্বতীয় ফল রাখিয়া দিয়াছেন । সুস্থানের জন্য কত প্রকার পার্বতীয় ফুলের এবং কণ পরিভূপ্তির জন্য নানাপ্রকার পক্ষীর সৃষ্টি করিয়া রাখিয়াছেন—সে অতি হৃদয়গ্রাহী দৃশ্য । পাহাড়ে অসংখ্য রস্তাতরু দৃষ্টিগোচর হইল এবং নানাপ্রকারের বানরও দৃষ্টিপথে পতিত হইল । ঐ বানরগণ রস্তা প্রভৃতিতে পরিভূক্ত হইয়া ভগবানের মহিমা প্রকাশ করিতেছে । বাহার যে অভাব তিনি তাহা দিয়া সকলকে সমভাবে প্রতিপালন করিয়া থাকেন ।

আমরা প্রায় এক ঘণ্টাকাল পর্বতশৃঙ্গ অতিক্রম করিয়া নির্দারিত স্থানে পৌঁছিলাম; অনভ্যাসবশতঃ শরীর ক্লান্ত হইয়া পড়িল। যাহা হউক, আমরা বড় সাহেবের বাঙ্গালার সম্মুখের বারান্দায় কাষ্ঠাসনে বসিয়া শরীর এবং পদদ্বয়কে স্ফুট করিয়া লইবার সময় দেখিলাম, যে স্থানে বাঙ্গালাটা নির্মিত হইয়াছে, তাহা বেশ সমতল ভূমি। নিম্নদেশ হইতে বাঙ্গালাটিকে অতি ক্ষুদ্র বলিয়া প্রতীয়মান হইত, এখন দেখিতেছি,—প্রকাণ্ড বাঙ্গালা। বাঙ্গালাটার চতুঃপার্শ্বে নানা প্রকার পুষ্প-রন্ধ্রে সুশোভিত। আমরা বাঙ্গালা-রন্ধকের নিকট হইতে দূরবিক্ষেপ যত্ন লইয়া বাগ্রাকোট কাগুনের শোভা সন্দর্শন করিতে লাগিলাম। সাহেব বাহাদুর এখানে থাকিলে যে স্থান হইতে পানীয় জল গৃহীত হয়, তাহা দর্শন মানসে রন্ধকে বলস্বরে আমাদিগকে বাঙ্গালার অনেক নিম্নে একটি উপত্যকায় লইয়া গেল; তথায় অবতরণ করিয়া দেখিলাম,—কি সুন্দর একটি নিব্বারণী! অনবরত জল পতিত হইতেছে। তন্নিম্নে ক্ষুদ্র নদীর আকারে নির্গত হইয়া গিয়াছে; জল বরফের ঞায় শীতল। ঐ ঞগার চতুর্দিকে দারুচিনী, লবঙ্গ ও রস্তা প্রভৃতি নানা প্রকার রন্ধে পরিশোভিত। তথায় কিয়ৎকাল অতিবাহিত করিয়া বাঙ্গালার পুনরুত্থান করিলাম।

ডেনি সাহেব

এক দিন ড্যাম্‌ডিম্‌ থানার বাঙ্গালী পুলিশ দারোগা মহাশয় পুলিশের পোষাকে এই বাগানের সাধারণের গমনাগমনের রাস্তা দিয়া তিন জন কনেষ্টবল সহ কোথায় যাইতেছিলেন। সেই সময় সহকারী ম্যানেজার ডেনি সাহেব বাগানের মধ্যে কার্য পরিদর্শন করিতেছিলেন। “কালী আদমি” তাঁহার সম্মুখে অস্বারোহণে যাইতেছে দেখিয়া উক্ত দারোগা মহাশয়কে বিশেষরূপে অপমানিত করিয়া অশ্ব হইতে নামাইয়া দেন। দারোগা মহাশয়ের সহিত আমার আলাপ পরিচয় ছিল সুতরাং

আমাকে দেখিয়া তিনি বিশেষরূপে অপ্রস্তুত হন এবং চা-ঘরে বড় সাহেবের নিকট এই ঘটনা প্রকাশ করেন। বড় সাহেব তাঁহাকে শাস্তনা করিয়া বলেন যে, তিনি ঐ অনভিজ্ঞ যুবক সাহেবকে শাসন করিয়া দিবেন।

ইহার ছয় মাস পরে একটি রুগ্ন নেপালি কুলি বিগুণ পাহাড়ের উপরিস্থিত বড় সাহেবের বাঙ্গালার সন্নিকটস্থ পার্কীয় পথ দিয়া কালিংপুন্ম যাইতেছিল। বাঙ্গালা-রক্ষক সামান্য কারণে ঐ রুগ্ন ব্যক্তিকে প্রহার করিয়া পুনরায় তাহাকে সহকারী ম্যানেজার ডেনি সাহেবের নিকট নিয়া যায় এবং তাহার অপরাধ বুঝাইয়া দিয়া সাহেবের অনুমত্যানুসারে প্রকাশ্য স্থানে তাহাকে বার বেত প্রহার করে। রুগ্ন ব্যক্তিটি সেই প্রহায়ে ভূমে পতিত হয় এবং অবসন্ন হইয়া পড়ায় তাহাকে তাহার আঙ্গীয়ের কুটিরে প্রেরণ করা হয়। যে দিবস অপরাহ্নে এই ঘটনা হয় তৎপর দিবস প্রাতে ডেনি সাহেব আমার বাসায় আসিয়া আমাকে বলেন যে, একটা লোক শঙ্কটাপন্ন পীড়িত, চল তাহাকে দেখিয়া আসি। আমি জিজ্ঞাসা করিয়া অবগত হইলাম যে, “পূর্বদিন অপরাহ্নে তাহাকে বেত প্রহার করা হয়, তাহাতে সে ভয়ানক পীড়িত হইয়া পড়িয়াছে।” আমি আর কিছু জিজ্ঞাসা না করিয়া সাহেবের সহিত কুলি লাইনে লাইয়া যাত্রা দেখিলাম, তাহাতে আমি স্তম্ভিত হইলাম এবং উক্ত রোগীর আঙ্গীয়গণকে কহিলাম, “ইহার জীবনের আশা নাই কারণ যে লক্ষণ প্রকাশ পাইয়াছে, তাহাতে ধনুষ্ঠকার ভিন্ন আর কিছুই অনুমিত হইল না।” রোগী দেখিয়া দ্রুত-পদে ঔষধালয়ে আসিয়া তাহার নিদান-কালোপযোগী ঔষধ পাঠাইয়া দিলাম কিন্তু ঔষধ-বাহক রোগীর কুটিরে উপস্থিত হইবার পূর্বেই তাহার প্রাণবায়ু নিঃস্বরণ হইয়া গিয়াছে। উক্ত সাহেব বাহাদুর আমার সহিতই ছিলেন। তিনি রোগীর মৃত্যু সংবাদ শ্রবণ করিয়া আমাকে কহিলেন যে, “তুমি এখানে ইহার মৃত সার্টিফিকেট দাও। আমি মৃত-দেহ লোক হেফাজতে

জলপাইগুড়ীতে ডেপুটী কমিশনর সাহেবের নিকট পাঠাইতে চাহি।” আমি বলিলাম “আমি সরকারী ডাক্তার নহি; আমার সার্টিফিকেটের মূল্য নাই। আপনি পুলিশের আইনের নিয়ম অনুসারে মৃত-দেহ আপনার লোক দ্বারা পাঠাইতে পারেন না বরং স্থানীয় পুলিশ ষ্টেশনে এই সংবাদ প্রেরণ করুন। পুলিশের লোক যাহা করিবার হয় করিবে, অনর্থক অনধিকার কার্যে হস্তক্ষেপ করিবেন না।” তিনি আমার কথা শুনিয়া বিশেষ কুপিত হইয়া কহিলেন “আমি যাহা বলিতেছি তাহাই কর।” ইহা শ্রবণ করিয়া “আঘাত জনিত ধমুষ্ঠকারে রোগীর মৃত্যু হইয়াছে;” এই ভাবে একখানি সার্টিফিকেট দিলাম। তিনি তাহা গ্রহণ করিয়া এবং আনুপূর্বিক সত্য ঘটনা একখানি পত্রে বিবৃত করিয়া ১৫।১৬ জন কুলি দ্বারা ঐ মৃত-দেহ জলপাইগুড়ী পাঠাইয়া দেন।

মৃত-দেহ ড্যাম্‌ডিম্‌ থানার পুলিশ এলাকা অতিক্রম করিয়া ময়নাগুড়ী থানার নিকটস্থ রাজপথ দিয়া যখন লইয়া যায়, তখন পুলিশের লোকের নজরে পড়ে। ঐ সময়ে ড্যাম্‌ডিমের পূর্বলিখিত দারোগা মহাশয় ময়নাগুড়ীতে কার্য করিতেছিলেন। ইনি একজন বিচক্ষণ পুলিশের আমলা; তাহার নিকট এই সংবাদ পৌঁছিলে, তিনি স্বয়ং মৃত-দেহ-বহনকারী লোকদিগের নিকট হইতে উক্ত মাল কাড়িয়া লন এবং ডেনি সাহেবের কীর্তি অবগত হইয়া আনন্দে নৃত্য করিতে থাকেন। পুলিশের লোক দ্বারা ঐ মৃত-দেহ জলপাইগুড়ীতে চালান দিয়া তিনি এবং ড্যাম্‌ডিম্‌ থানার হেড কনেষ্টবল অগ্ৰাঙ্ক কয়েকজন কনেষ্টবল সহ এই মোকদ্দমা তদারক করিতে ঘটনাস্থলে আসিয়া পৌঁছেন। ওদিকে ডেপুটী কমিশনর সাহেব একজন সাহেব আসামী হওয়া সংবাদে পুলিশসাহেব ম্যাডেন ওয়ার্থ এবং ইনস্পেক্টর বাবুকে ঘটনাস্থলে পাঠাইয়া দেন। ইহারা ঘটনার ২।৩ দিবস পরে কার্যস্থলে আসিয়া উপস্থিত হইলেন কিন্তু তৎপূর্বে ময়নাগুড়ীর দারোগাবাবু

প্রভৃতি সাহেব আসামীকে সম্পূর্ণ দোষী নির্ধারণ করেন কিন্তু সাহেবকে ধরিয়া চালান দিতে পারিতেছিলেন না। ডেনি সাহেবকে স্পষ্টই দারোগাবাবু বলেন যে, প্রমাণে আপনাকে প্রকৃত আসামী নির্ধারিত করিয়াছি অতএব আপনি আমাদের আসামী এবং সদরে চালান দিবার উপযুক্ত। এইরূপ ভাবে সাহেবকে নজরবন্দিভাবে রাখিতে ছিলেন। এই ঘটনার সময়ে বড় সাহেব বাগ্রাকোটে ছিলেন না; তিন ৪।৫ দিবস পরে অন্যান্য বাগান পরিদর্শন করিয়া আসিয়া সমস্ত ঘটনা শ্রবণ করতঃ যাহাতে ডেনি সাহেব বিনা দণ্ডে মুক্ত হইয়েন এই উপায় খুঁজিতে লাগিলেন। একদিন আমাকে কহিলেন, “যে কোন উপায়ে অনভিজ্ঞ যুবক ডেনি সাহেবকে এই কঠিন দায় হইতে মুক্ত করিতেই হইবে এবং তোমাকে সরকারী পক্ষ হইতে সাক্ষ্য স্থিরীকৃত করা হইবে; যাহা করিলে নিকৃতি পায় এমত করিবে।”

মোকদ্দমার নির্ধারিত দিবসের পূর্ব দিন অপরাহ্নে ডেনি সাহেব এবং আমি টমটম্ গাড়ীতে শিলিগুড়ী অভিমুখে রওনা হইলাম। শিলিগুড়ীতে পৌঁছিয়া সন্ধ্যার গাড়ীতে পুনরায় রওনা হইয়া রাত্রি আনুমানিক আট ঘটিকার সময়ে আমরা জলপাইগুড়ী পৌঁছিলাম। ডেনি সাহেব আমাকে বাগ্রাকোট বাগানের সুবিখ্যাত উকিল বাবু প্রিয়লাল মুখোপাধ্যায় মহাশয়ের বাসায় রাখিয়া চলিয়া গেলেন। ঐ রাত্রে উক্ত উকিল বাবুর সহিত আর সাক্ষাৎ হইল না; আমি যৎ কিঞ্চিৎ জলযোগ সমাপনান্তে তাঁহার বৈঠকখানায় শয়ন করিয়া রহিলাম। পর দিবস প্রাতে উকিল বাবুর সহিত সাক্ষাৎ করিয়া আনন্দিত হইলাম; বাবুটি অতি অমায়িক এবং নিরহঙ্কারী ভদ্রলোক। স্নান আহার অন্তে আমরা জলপাইগুড়ীর ডেপুটী কমিশনের সাহেবের এজলাসে উপস্থিত হইলাম। দেখিতে দেখিতে এগারটা বাজিল; হাকিম সাহেব এবং ডাক্তার সাহেব এজলাসে বসিয়া আমাদের সাহেবের মোকদ্দমাই প্রথমে ধরিলেন।

আমরা ক্ষিপ্ৰ গতিতে আদালতে উপস্থিত হইলাম। ডেনি সাহেব এজলাসের সম্মুখস্থ বেঞ্চে উপবিষ্ট হইলেন, তাহার জবানবন্দী হইলে আমাকে এই মোকদ্দমা সম্বন্ধে হাকিম সাহেব কতকগুলি প্রশ্ন করিলেন তাহার যথার্থ উত্তর প্রদান করিলাম। ডেনি সাহেব যে আসামী তাহা অনেক পরিমাণে কাটিয়া গেল কিন্তু তিনি ইংরেজ রাজত্বে বাস করিয়া উপরস্থ প্রজা হইয়া রাজার বে-আইনে যে এক জনকে বেত মারিতে আদেশ করিয়াছিলেন তজ্জন্ত হাকিম সাহেব তাঁহার ৪০০ টাকা অর্থ দণ্ড করিলেন এবং ভবিষ্যতে যাহাঁকে এরূপ আদেশ না করেন তজ্জন্ত তাঁহাকে সাবধান করিয়া দিলেন। আমাদের উকিলবাবু জরিমানার টাকা দাখিল করিয়া সাহেবকে লইয়া আদালত গৃহ হইতে বহির্গত হইলেন।

ছোটলাট বাহাদুর

জলপাইগুড়ী সহরটা তত ভাল নহে; মিউনিসিপ্যালিটির বন্দোবস্ত বডই শোচনীয়। সহরের মধ্যস্থল দিয়া একটি আর্জনাঙ্গ অপ্রশস্ত নদী প্রবাহিতা, তাহাতে সৈঁওলা বোঝাই। বাজারে কতকগুলি লোহারছাদযুক্ত দোকান ঘর; সকল জিনিসপত্র তথায় পাওয়া যায় না। সহর পরিদর্শন করিয়া প্রিয়নাথ বাবুর বাসায় আহারাদি সমাপনান্তে যথা সময়ে শয়ন করিলাম। অতি প্রত্যুষে গাত্রোথান করিয়া জলপাইগুড়ী ষ্টেশনামুখে রওনা হইলাম; ষ্টেশনে আসিয়া দেখিলাম, বনাং দ্বারা প্লাটফর্ম বিছান হইতেছে। কমিশনর, ডেপুটী কমিশনর সাহেব সকলেই সেখানে উপস্থিত। শুনিলাম, কলিকাতা হইতে এই গাড়ীতে ছোটলাট বাহাদুর তাঁহার গ্রীষ্মাবাস দার্জিলিংএ যাইতেছেন। বেলা আট ঘটিকার সময় ডাকগাড়ী আসিয়া পৌঁছিলে, কমিশনর সাহেব বাহাদুর স্বর্ণ বাটিতে করিয়া নিজ হস্তে চা লইয়া ছোটলাট বাহাদুরকে

দিলেন। এই রীতি ইংরেজ সমাজে সম্মানসূচক বলিয়া পরিগণিত কিন্তু আমি দেখিলাম এটি ষোল আনা তোষামোদ। যাহা হউক, আমি টিকিট লইয়া গাড়ীতে উঠিয়া বসিলাম কিন্তু আমাদিগের সাহেব আর আসিতে পারিলেন না ; গাড়ী পৌঁ করিয়া ছাড়িয়া দিল। আমি শিলিগুড়ী পৌঁছিয়া গো-শকটে বাগানাভিমুখে রওনা হইলাম। এই মোকদ্দমার সাহেবের পক্ষে দুই-এক কথা বলায় “সঞ্জিবনী” কাগজে আমার কুৎসা প্রকাশ হয়। আসামে যে রূপ মোকদ্দমায় জড়িত ছিলাম, এখানেও তাহাই হইল।

এই সময়ের দুই মাস পূর্বে আমার মাতুল মহাশয় পাবনা জেলার অন্তর্গত কোন এক গ্রামে তাঁহার জনৈক ধনী প্রজার বাটীতে হাঁপানি ব্যাধিতে জীবনীলা সাক্ষ করেন। যিনি এক সময়ে মহাগণ্য-মান্য-সম্ভ্রান্ত তালুকদার বলিয়া লোক সমাজে পরিগণিত হইতেন, তিনি তাঁহার শেষ মুহূর্ত্ত পর্যন্ত সম্পত্তি বিহনে পথের ভিখারী তুল্য হইয়া দেশ বিদেশে পরিভ্রমণ করিতেছিলেন। তাঁহার মৃত্যুতে যদিও আমরা শোকে অভিভূত হইয়াছিলাম কিন্তু আবার মনে ইহাও ধারণা করিয়াছিলাম যে, এই মৃত্যু তাঁহার পক্ষে অতি সন্তোষজনক হইয়াছে। কারণ শেষ জীবন যে কষ্টে অতিবাহিত হইতেছিল তদপেক্ষা মৃত্যুতে শান্তি পাইয়াছেন নচেৎ আরও কিছুকাল সংসারে থাকিলে যে কি অসীম কষ্টে পতিত হইতেন, তাহা কে বলিতে পারে ?

নব-কুমার লাভ

ইহার কিছু দিবস পরে আশ্বিন মাসে আমার স্ত্রীকে নৈহাটীতে শঙ্কর মহাশয়ের নিকটে রাখিয়া নলডাঙ্গায় পূজাদর্শন করতঃ বাগ্নাকোর্টে প্রত্যাগমন করিলাম। এই সময়ে আমার জ্যেষ্ঠ পুত্র জ্যোতিষচন্দ্র আমালপুরস্থ তাহার মাতামহ ভবনে জন্মগ্রহণ করে। এই সংবাদ

শ্রবণ করিয়া মাতাঠাকুরাণী বিশেষ আনন্দিতা হন। উক্ত বৎসর বাগ্রাকোর্টের চতুর্দিকে ইনফ্লুইঞ্জা জ্বরের প্রকোপ হয়। আমিও এই ব্যাধিতে আক্রান্ত হইয়া পড়ি। নিকটবর্তী বাগানের ডাক্তার মহাশয়েরা আমার চিকিৎসা করেন কিন্তু সম্পূর্ণরূপে আরোগ্য করিতে না পারায় নর্থ সাহেবের নিকট হুইতে চির বিদায় প্রার্থনা করিলাম। তাহাতে তিনি কোন আপত্তি না করিয়া একখানি প্রশংসা-পত্র প্রদান করিলেন। কার্য ত্যাগ করিয়া দিনাজপুর অভিমুখে যাত্রা করিলাম। আমার শরীর তখন পর্য্যন্ত খুবই অসুস্থ ছিল; হাঁপানির উপর কুশি ও জ্বর বর্তমান ছিল। বেলা আনুমানিক দশ ঘটিকার সময়ে দিনাজপুর ষ্টেশনে গাড়ী থামিল। ক্রমে ক্রমে অনেক ষ্টেশন অতিক্রম করিয়া পশ্চিমাভিমুখে গাড়ী চলিতে লাগিল। নূতন রেলওয়ে লাইন উপরন্তু বর্ষাকাল—হুই ধারে জলেতে জলময় দৃষ্টিগোচর হইল। দেখিলেই যেন প্রাণে আতঙ্ক উপস্থিত হয় কারণ যদি এই স্থানে গাড়ী লাইনচ্যুত হয়, তবে যাত্রীদিগকে গাড়ী সহ অতল জলে নিপতিত হইতে হইবে। সমস্ত দিবস গাড়ীখানি অবিশ্রান্ত চলিয়া রাত্রি আনুমানিক আট ঘটিকার সময়ে ভাগীরথী তীরস্থ মনিহারি ষাট ষ্টেশনে উপস্থিত হইল। তথায় অবতরণ পূর্বক জাহাজে পার হইয়া লুপ লাইনের সাহেবগঞ্জ ষ্টেশনে জামালপুরের ডাকগাড়ীর প্রত্যাশায় রাত্রি একটা পর্য্যন্ত প্লাটফরমে বসিয়া সময় অতিরাহিত করিলাম। যথা সময়ে কলিকাতা হইতে ডাকগাড়ী উপস্থিত হইলে মধ্যম শ্রেণীর গাড়ীতে আশ্রয় লইলাম। রাত্রি সাড়ে তিন ঘটিকার সময়ে জামালপুরে পৌঁছিলাম। স্বস্তর মহাশয় প্রেরিত পাক্ষিতে আমি এবং মাতাঠাকুরাণী কেশবপুর পাড়াস্থিত স্বস্তরালয়ে উপস্থিত হইলাম। আমাকে এইরূপ রুগ্ন দেখিয়া স্বস্তরালয়স্থ সকলেই হুঃখীত এবং চিন্তিত হইলেন।

আমরা জামালপুরে পৌঁছিয়া নব-কুমারকে সন্দর্শন করতঃ বড়ই আনন্দ সাগরে নিমজ্জিত হইলাম। রেলওয়ের ডাক্তার বাবু কেদারনাথ মিত্র এল, এম, এস মহাশয়ের চিকিৎসাধীনে থাকিয়া অল্প দিবসের মধ্যেই সম্পূর্ণ সুস্থ হইলাম। আমি প্রায় দুই মাস তথায় থাকিয়া শরীর সুস্থ করতঃ সপরিবারে নলডাঙ্গায় রওনা হই। আমরা যশোর হইয়া, অশ্ব-শকটে নলডাঙ্গায় পৌঁছিলাম। নব-কুমার গ্রামস্থ সকল আত্মীয় বন্ধুগণের আনন্দ বর্ধন করিল।

শ্রীশ্বিন মাস—শুভদিন দেখিয়া নব-কুমারের প্রথম-সংস্কার অন্নপ্রাশন কার্য আমার অবস্থার সাধ্যাতীতভাবে সম্পন্ন করা হয়। নলডাঙ্গার চতুঃপার্শ্বস্থ প্রায় ছয়-সাতখানি গ্রামের ব্রাহ্মণ এবং এয়ো-জ্ঞীগণকে পল্লীর ও নানাবিধ মিষ্টান্ন দ্বারা ভোজন করান হয়। ইহাতে সর্ব মোট প্রায় চার-পাঁচ শত লোক নিমন্ত্রিত হইয়াছিলেন। আমার বাল্য বন্ধু বাবু কেশবচন্দ্র দেব রায় তালুকদার মহাশয়ের বিশেষ যত্নে তথাকার প্রধান রাজা প্রমথভূষণ দেব রায় বাহাদুর অন্নপ্রাশন দিবসের রাত্রে প্রায় এক শত আমলা চাকর পরিবেষ্টিত হইয়া নিমন্ত্রণ রক্ষা করিতে আসেন; সকলের উৎসাহে এবং যত্নে তাঁহাদিগকেও তদ্রূপ ভাবেই ভোজন করান হয়। গ্রামস্থ সকল তালুকদার এবং আত্মীয় প্রতিবাসিগণের অসীম দয়া ও সহায়ভূতিতে এই দুরূহ কার্য সম্পন্ন করিতে সক্ষম হইয়াছিলাম। এই কার্যে যদি তালুকদার মহাশয়গণ আমাকে সাহায্য না করিতেন, তাহা হইলে রাজা বাহাদুরকে আমার পর্ণ কুটিরে আনিতে সাহসী হইতাম না।

মাতৃহারা

উক্ত কার্যের অবিশ্রান্ত পরিশ্রমে মাতাঠাকুরাণী ছুরারোগ্য আমাশয় এবং শোথ ব্যাধিতে অল্প দিবসের মধ্যেই শয্যাগত হইলেন।

ইনি গুপ্তী পাড়ায় অবস্থান কালীন প্লীহা রোগে আক্রান্ত হন ; তাহার আয়তন একভাবেই থাকতে শরীরের রক্তানুর বড়ই সন্নতা হইয়াছিল উপরন্তু এই রক্ত আমাশয়ে শরীরের জীবনী-শক্তি অতি অল্প দিবসের মধ্যেই হ্রাস হইয়া পড়িল । নলডাক্তার প্রসিদ্ধ রাজ-কবিরাজ ৩৭রমানাথ কবিরাজের ছাত্র বাবু প্রসন্ন কুমার সেন গুপ্ত এবং রাজ বাটীর ডাক্তার বাবু বিহারীলাল দত্ত মহাশয়দ্বয় মাতাঠাকুরাণীর চিকিৎসায় নিযুক্ত হইলেন কিন্তু দুঃখের বিষয় এখন মহাকাল মুখ-ব্যাদন করিয়া মায়িক জীবকে গ্রাস করিতে উদ্ভূত হন, তখন ঙ্গাহারও সাধ্য নাই যে, সে গতিকে প্রতিহত করে । দুঃখিনী মাতাঠাকুরাণী তাঁহার এই অধম সন্তানের জন্ম কত কষ্টই পাইয়াছিলেন ! আমার বিদ্যা উপার্জনের জন্ম জন্মভূমি পরিত্যাগ পূর্বক সুদূর দেশে আসিয়া—আমাকে যৎকিঞ্চিৎ বিদ্যা উপার্জন করিতে দেখিয়া—ভ্রমিষ্ঠা আশার জন্ম কত আনন্দিতা হইয়াছিলেন কিন্তু চিরকাল কষ্টে কাল কাটাইলেন ; পুত্রের উপার্জিত ধনে সুখী হইতে সক্ষম হইলেন না । বাহ্যিকলতকু তাঁহার মনোবাঞ্ছা পূর্ণ করিলেন না । এই যুক্তিকার-জীব দেহে ষতদিন ভোগ করিবার কথা, তদনুসারে পূজনীয়া মাতাঠাকুরাণী কালের কুঠোর শাসনের অন্তর্ভুক্ত হইলেন । চিকিৎসায় কোনরূপ ফল না হওয়ায় সাধের পুত্র, পৌত্র এবং পুত্র-বধুকে শোক-সাগরে নিমগ্ন করিয়া ৪৮ বৎসর বয়ঃক্রম কালে অমৃতধামে চলিয়া গেলেন । বাল্য কাল হইতে মাতৃ ক্রোড়ে প্রতিপালিত হইয়া পিতৃ শোক ভুলিয়াছিলাম ; এখন আমি ময়-জগতে মাতার স্নেহ হইতেও বঞ্চিত হইলাম । মনের কত দুঃখ হৃদয় রাজ্যে পোষণ করিয়া রাখিয়াছিলাম কিন্তু সকলই মনে কিলীন হইয়া গেল । ৩৭ গুজাতিরে তাঁহার জন্ম হওয়া সত্ত্বেও অকালে গঙ্গাহীন দেশে নলডাক্তার কালিকাতলার দোহায় তাঁহার সংকার কার্য সম্পন্ন হইল ।

এলাহাবাদে

মৃত্যুর কয়েকদিবস পরে আমি ইষ্ট ইণ্ডিয়ান রেলওয়ে হইতে কার্ঘ্যের নিযুক্ত-পত্র প্রাপ্ত হই; তখনও অশৌচাস্ত্র না হওয়ায় শোক-বস্ত্র পরিধান করিঙ্গাই পরমারাধ্যা মাতাঠাকুরাণীর এক খণ্ড অস্থি সংগ্রহ করতঃ প্রাণাধিক শিশু-পুত্র এবং পত্নীকে মাসি-মাতাঠাকুরাণীর নিটক রাখিয়া কলিকাতায় গমন করি এবং ৬গঙ্গা-গর্ভে অস্থি নিক্ষেপ করিয়া যথা সময়ে উক্ত রেলওয়ে সেক্রেটারী ওয়াগ্‌ ষ্টাফ্‌ সাহেবের সহিত সাক্ষাৎ করি। তিনি আমার নগ্ন-পদ ও শোক-বস্ত্র দেখিয়া কারণ জিজ্ঞাস্য হইলেন,—আমি যৎকিঞ্চিৎ কহিলে, তিনি বলিলেন, “এলাহাবাদে তোমার ঠাকুরী হইয়াছে; এই অবস্থায় যাইতে সক্ষম হইবে?” আমি স্বীকৃত হইলে লুপ লাইন হইয়া এলাহাবাদ যাইতে মধ্যম শ্রেণীর পাস্‌ মঞ্জুর করিলেন। উক্ত দিবসে লুপ ডাকগাড়ীতে জামালপুর রওনা হইয়া যথা সময়ে তথায় অবতরণ করতঃ স্বশুরালয়ে উপস্থিত হইলাম। আমার শোক-বস্ত্র পরিধান দেখিয়া আত্মীয়গণ যেরূপ দুঃখিত হইলেন, রেলওয়ে কার্ঘ্য হওয়া সংবাদে তা’র চেয়েও বেশী আনন্দিত হইলেন। পুত্র ও পত্নীকে সত্বর জামালপুরে আনিতে আমার স্বশুর মহাশয়কে বলিয়া তৎপর দিবস অপরাহ্ন সাত্‌ড় পাঁচ ঘটিকার গাড়ীতে এলাহাবাদ রওনা হইলাম। এলাহাবাদে আমার কোন আত্মীয় ও বন্ধু না থাকায় জামালপুর হইতে আমার জনৈক বন্ধু অন্নদাপ্রসাদ চট্টোপাধ্যায় মহাশয়ের জ্যেষ্ঠ পুত্র শ্রীমান জ্যোতিষপ্রসাদ চট্টোপাধ্যায় তাহার জনৈক বন্ধু কালিদাস মজুমদারের নামে একখানি পত্র আমাকে প্রদান করেন; আমি তাহা লইয়া রওনা হইলাম। দেখিতে দেখিতে মোকাম ষ্টেশনে আমাদের গাড়ী পৌছিল। তথায় লুপ লাইন শেষ হইয়াছে সুতরাং গাড়ী হইতে অবতরণ করিয়া কর্ড লাইনের গাড়ীর প্লাট ফরমে গাড়ীর অপেক্ষায় বসিয়া রহিলাম। এক ঘণ্টা পরে কলিকাতা হইতে

পশ্চিমাভিমুখে যাইবার জন্ত যাত্রী-গাড়ী উপস্থিত হইল। মোকামা স্টেশনটী একটা বড় স্টেশন। আমি জিনিষ-পত্র সহ মধ্যম শ্রেণীর গাড়ীতে উঠিলাম। যথা সময়ে গাড়ীখানি মোকামা পরিত্যাগ করিয়া দ্রুতবেগে চলিতে লাগিল। বহু গ্রাম ও প্রান্তর অতিক্রম করিয়া রাত্রি আনুমানিক সাড়ে বার ঘটিকার সময়ে বাঁকীপুর স্টেশনে উপস্থিত হইল; তথা হইতে গয়া ও ছাপড়া লাইন দুই দিকে বহির্গত হইয়া গিয়াছে। এ পর্যন্ত প্রতি স্টেশনে চার পাঁচ জন বাঙ্গালী যাত্রীর মুখ অবলোকন করিতেছিলাম কিন্তু বাঁকীপুর ও দানাপুর অতিক্রম করিবার পরে বাঙ্গালী যাত্রী বিশেষ দৃষ্টিগোচর হইল না। অতি প্রত্যুষে গাড়ীখানি প্রকাণ্ড সুসজ্জিত মোগলসরাই স্টেশনে উপস্থিত হইল। এই স্থান হইতে আউড-রহিল-খণ্ড রেলওয়ে বাহির হইয়া গিয়াছে এবং ইহার পরের স্টেশন মহাতীর্থ কাশীধাম, উক্ত রেলওয়ের প্রথম স্টেশন। উহা আর আমার অদৃষ্টে দর্শনলাভ হইল না। প্রত্যুষে এই মোগলসরাই স্টেশনে যাত্রীগণ প্রাতঃকৃত্য কার্য সমাধা করিয়া থাকে, সুতরাং আমিও প্রাতঃকৃত্য কার্য সম্পন্ন করিয়া লইলাম। লোকে লোকারণ্য—রথ-যাত্রীর ভীড় বলিলেও অত্যাঙ্কি হয় না। হস্ত মুখ প্রক্ষালন স্নানে অল্প সময়ের মধ্যেই গাড়ী ছাড়িল। উভয় পার্শ্বে গ্রাম ও প্রান্তর দেখিতে দেখিতে মৃঙ্গাপুর স্টেশনে পৌঁছিলাম। আসন, গালিচা এবং প্রস্তর-খোদিত জিনিষের জন্ত এস্থান বিখ্যাত। এই স্টেশনে আমার পূর্ব পরিচিত মহেশপুর নিবাসী বাবু নিখুরময় বন্দ্যোপাধ্যায় মহাশয়ের সহিত সাক্ষাৎ হইলে শুনিলাম, ইনি এই রেলওয়ের ডাক্তার। আমাকে পাইয়া বড়ই আনন্দিত হইলেন এবং বারম্বার তথাক্রমে অবতরণ করিতে অনুরোধ করিলেন। তাঁহার নিকট এলাহাবাদের রেলওয়ে-ডাক্তার সাহেবের বিষয় অবগত হইয়া জানিলাম, উক্ত ডাক্তার সাহেবটী বড়ই ছুঁই প্রকৃতির লোক—ডাক্তার বাবুদিগের সহিত বড়ই কু-ব্যবহার করিয়া

থাকেন। আমি এই সংবাদ শ্রবণ করিয়া বড়ই ভীত হইলাম। যাহা হউক, ডাক্তার বাবুর অনুরোধ রক্ষা করিতে সক্ষম হইলাম না। অল্প সময়ের মধ্যেই গাড়ী ছাড়িল এবং দেড় ঘণ্টার মধ্যেই এলাহাবাদের সংলগ্ন প্রকাণ্ড যমুনা নদীর সেতুর উপর দিয়া গাড়ী চলিতে লাগিল; সে অতি মনোরম দৃশ্য। সেতু হইতে অল্প ব্যবধানেই এলাহাবাদের প্রকাণ্ড ষ্টেশনের মধ্যে গাড়ী দণ্ডায়মান হইল। আমি বেলা সাড়ে দশ ঘটিকায় গাড়ী হইতে অবতরণ করিলাম। ষ্টেশনটি অতি সুন্দর এবং সুসজ্জিত; ষ্টেশনের লৌহময় ছাদের নিম্ন দিয়া প্রকাণ্ড একটি সেতু চলিয়া গিয়াছে, তাহাণ্ডে ইংরেজ-পল্লি ও সহর দুই ভাগে বিভক্ত হইয়াছে। আমি ষ্টেশন হইতে নির্গত হইয়া একখানি একা গাড়ী ভাড়া করিয়া শ্রীযুক্ত কালিদাস মজুমদার মহাশয়ের বাসভিট্টমুখে রওনা হইলাম।

একা-চালক যথা সময়ে আমার নির্দিষ্ট স্থানে পৌঁছাইয়া দিল। কালি বাবু তখন বাসায় ছিলেন না; তাহার চাকর আমাকে যথোচিত সন্মান প্রদর্শন পূর্বক বাটীর ভিতরে নিয়া গেল। অল্পক্ষণ পরে কালিবাবু (এলাহাবাদের লোকো ফোরম্যান অফিসের বড়বাবু) বাটী আসিয়া উপস্থিত হইলেন। সেই সময়ে আমি স্ব-হস্তে হবিষ্যার প্রস্তুত করিতে ছিলাম। তিনি আমার দৃষ্টিপথে পতিত হইবা মাত্রই আমি এক অভাবনীয় ভাবে তাহার দিকে দৃষ্টি নিক্ষেপ করিয়া হঠাৎ বলিয়া উঠিলাম, “আমি আপনাকে বিশেষরূপে চিনি, একত্রে গুপ্তীপাড়ায় ইংরাজী স্কুলে পাঠ করিতাম; আমার নিবাস গুপ্তীপাড়ায়।” তিনি আমাকে প্রথমে চিনিতে পারিলেন না; পরিশেষে আমার পরিচয় পাইয়া আনন্দে চীৎকার করিয়া উঠিলেন। ইহার মাতাঠাকুরাণীকে গুপ্তীপাড়ায় কতবার দেখিয়াছি তাহার ইয়ত্তা নাই; কারণ কালিবাবুর ও আমাদের বাটী এক পল্লিতে; আমার মাতাঠাকুরাণীকে বিশেষরূপে জানিতেন। কালিবাবুর মাতাঠাকুরাণী আমার নিকট বসিয়া আলাপ-পরিচয় করিতে লাগিলেন।

আমার মাঠাঠাকুরাণীর মৃত্যু সংবাদ শ্রবণ করিয়া যৎপরোনাস্তি দুঃখ প্রকাশ করিলেন। পাঠক! দেখুন, কালিবাবুর সহিত কিরূপ অভাবনীয়-রূপে সাক্ষাৎ হইল! যিনি আমার বাল্যবন্ধু—ঝাহার সহিত একত্রে পাঠাভ্যাস করিয়াছি—ঝাহার নিবাস আমার জন্মস্থানের অতি সন্নিকটে, তাঁহাকে অপরিচিত লোক ভাবিয়া—সুপারিশ-পত্র লইয়া আসিয়াছিলাম অথচ যিনি সুপারিশ-পত্র দিয়াছিলেন, তদপেক্ষা আমার সহিত অধিক আলাপ পরিচয় ছিল। ঝাহা হউক, পূর্ক-পরিচিত কালিবাবুকে পাইয়া আমার ক্লীষ্ট মনে কতক পরিমাণে শান্তির উদয় হইল। ঝাহার বাসায় হালিসহর নিবাসী নিত্যসখা মুখোপাধ্যায় মহাশয়ও বাস করিতেছিলেন সুতরাং নূতন স্থানে আমাকে চোরের মত চুপ্টি করিয়া বসিয়া থাকিতে হইল না। আমি এলাহাবাদের ডাক্তার হইয়া আসিয়াছি, এই সংবাদ প্রাপ্ত হইয়া শ্রীযুক্ত হেমচন্দ্র গোস্বামী এবং শ্রীযুক্ত সারদাপ্রসাদ রায় রেলওয়ে হাঁসপাতালের ডাক্তার বাবুদ্বয় আমার সহিত সাক্ষাৎ করিবার জন্ত কালিবাবুর বাসায় আসিয়া উপস্থিত হইলেন। তাঁহারা আমার সহিত আলাপ পরিচয় করিয়া যথা সময়ে প্রত্যাগমন করিলেন।

আমি পরদিবস প্রাতঃকালে শোক-বস্ত্র পরিধান করিয়া বিনামা-শূন্য পদে রেলওয়ের প্রধান ডাক্তার গ্রিফিথ সাহেবের সহিত সাক্ষাৎ করিয়া সেক্রেটারী সাহেবের পত্রখানি তাঁহাকে প্রদান করিলে, তিনি আমার বক্ষঃস্থল ও প্লীহা পরীক্ষা করিয়া কহিলেন, “তুমি অল্প হইতে কার্য্য করিতে আরম্ভ কর।” আমি তাঁহার আদেশ মত ঐ দিবস হইতে কার্য্য করিতে লাগিলাম। তিনি আমার শোক-বস্ত্র পরিধানের কারণ জিজ্ঞাসা করিলে, আমি যথাযথ কহিলাম। অশৌচ অন্তের দিবস ডাক্তার সাহেবের নিকট হইতে দুই দিবসের বিদায় গ্রহণ করিয়া কালিবাবুর সাহায্যে প্রয়াগের ৬ বেণীমাধবের ঘাটে কোর-কার্য্য সম্পন্ন করিয়া ঐ

দিবসের সমস্ত কার্য ঘাটে সমাধা করিলাম। পর দিবস শ্রাদ্ধোপলক্ষে আমি ও কালিবাবু প্রাতে অশ্ব-শকটে পুনরায় বেণীমাধবের ঘাটে উপস্থিত হইয়া হিন্দুস্থানী পুরোহিত দ্বারা সমস্ত শ্রাদ্ধকার্য সমাধা করিয়া ভাট ব্রাহ্মণদিগকে জলপান করাইলাম এবং ঘাটে কতকগুলি গরীব লোককে আমার অবস্থানুযায়ী যৎসামান্য বিতরণ করিয়া কালিবাবুর সহিত বাসায় প্রত্যাগমন করিলাম। তৃতীয় দিবসে হিন্দু শাস্ত্রানুসারে জ্ঞাতিকে আমিষ ভোজন করাইতে হয়। এলাহাবাদে আমার জ্ঞাতি কোথায় পাইব? সুতরাং স্ব-গোত্রীয় নিত্যসখা বাবুকে ভোজন করাইয়া কার্য শেষ করিলাম। ওদিকে মলডাঙ্গায় আমার পত্নীও অশৌচান্তে শব-বহনকারী ব্রাহ্মণদিগকে যথাযোগ্যভাবে জলপান করাইয়াছিল।

মাতাঠাকুরাণীর মৃত্যুর চতুর্দশ দিবসে আমি কালিবাবুর বাসা হইতে স্থায়ীভাবে রেলওয়ের ডাক্তার বাবুদিগের বাসায় একত্রিত হইলাম এবং তাঁহাদিগের সহিত আহারাদি করিতে লাগিলাম। তিন জন বন্ধু একত্রিত হইয়া বেশ আনন্দে দিন কাটাইতে লাগিলাম। ডাক্তার হেমবাবু পূর্বে কার্য পরিত্যাগ করিয়াছিলেন সুতরাং আমিই তাঁহার স্থানে কার্য করিতে নিযুক্ত হইয়াছিলাম। কয়েক দিবসের মধ্যে হেমবাবু আমাকে কার্যভার প্রদান করিয়া পূর্ণিয়ার একজন নবাবের অধীনে কার্য পাইয়া এলাহাবাদ পরিত্যাগ করিয়া চলিয়া যান। আমি প্রাতে হাঁসপাতালে সারদাবাবু সহ ডাক্তার সাহেবের আদেশানুসারে কার্য করিতে লাগিলাম এবং নাইনি, সিরাজপুর, মালয়ারি এবং ভাবোয়ারী ষ্টেশনে রোগী দেখিতে মধ্যে মধ্যে যাইতে লাগিলাম। এতদ্বিধা এলাহাবাদ সহরস্থ রেল কোম্পানীর বাবুদিগকে ও অগ্ন্যায় কারখানার লোকদিগকে একত্র করিয়া সহরের বিভিন্ন স্থানে দেখিতে যাইতে হইত। অনেক সময়ে রেল কোম্পানীর ইংরেজ পদ্বিতে সাহেব ও মেমদিগকে প্রায়ই দেখিতে যাইতে হইত। বিশেষতঃ প্রতিদিন

রাত্রেই ইংরেজ পল্লি হইতে ডাক আসিত। প্রতিদিন রাত্রে একজনের যাইতে হইলে অনেক কষ্ট হইবার সম্ভাবনা তজ্জন্ম এক দিবস অন্তর আমরা দুইজন যাইতে আরম্ভ করিলাম। রেলওয়ের হাঁসপাতালটি মন্দ নহে; সাহেব এবং বাঙ্গালীদিগের জগ্গ পৃথক পৃথক ব্যবস্থা আছে। এই স্থানেই ডাক্তার সাহেবের তত্ত্বাবধানে রেল কোম্পানীর ঔষধের প্রকাণ্ড গুদাম; এই গুদাম হইতে সকল স্থানে ঔষধ প্রেরিত হইত। উক্ত গুদামে একজন সাহেব গুদাম-রক্ষক ছিলেন; এতদ্ভিন্ন ডাক্তার সাহেবের অধীনে একজন ইংরেজ কেরানীও ছিলেন।

• কয়েক দিবসের মধ্যে কাটনির ডাক্তারবাবু জঙ্গলপুরে নর্মদা নদীর জল প্রপাত এবং মারবল বক দেখিতে দুই তিন দিবসের জন্ম বিদ্যায় প্রার্থনা করায় ডাক্তার সাহেব তাহা মঞ্জুর করিয়া আমাকে তথায় তিন দিবসের জন্ম উক্ত কার্যভার গ্রহণ করিতে আদেশ করিলেন।

কাটনিতে

নির্ধারিত দিবসের প্রাতের যাত্রী-গাড়ীতে উঠিয়া যমুনা নদীর উপর দিয়া নাইনি স্টেশন হইতে জঙ্গলপুর লাইনের অভিমুখে রওনা হইলাম। দুইধারে ষিক্যাগিরি পর্বত উচ্চ-শির করিয়া দৃশ্যমান; উপত্যকার মধ্য দিয়া জঙ্গলপুর রেল লাইন চলিয়া গিয়াছে। অসম প্রদেশ বলিয়া গাড়ীগুলি মছুর গতিতে চলিতে চলিতে মাণিকপুর স্টেশনে উপস্থিত হইল। এই মাণিকপুর হইতে বাঙ্গালি লাইন-বহির্গত হইয়া গিয়াছে; ইহার তিন চারটি স্টেশন পরেই চিত্রকূট পর্বত।

এই চিত্রকূট পর্বতে শ্রীরামচন্দ্র তাঁহার বনবাসের অনেক সময় কাটাইয়াছিলেন। ইহা আমাদের একটা প্রধান-তীর্থ স্থান। দেশ বিদেশ হইতে অনেক যাত্রী উক্ত তীর্থ স্থানে গমন করিয়া থাকেন। তৎপরেই মাকুণ্ডি স্টেশন।

এই ষ্টেশন পর্যন্ত সাতনার ডাক্তার বাবুর সীমানা। এই ষ্টেশনের অতি নিকটে সিদ্ধ-বাবা নামক একজন সিদ্ধ-যোগীপুরুষ বাস করিতেন। বেলা ১২টার সময় এই লাইনের একটা প্রধান ষ্টেশন সাতনায় গাড়ীখানি উপস্থিত হইল। ষ্টেশনটা বেশ সুসজ্জিত—লোকজনে পরিপূর্ণ। এই ষ্টেশনে প্রত্যেক গাড়ীর গার্ড সাহেব এবং ইঞ্জিন বদল হইয়া থাকে। আমি তথায় পৌঁছিলে সাতনার ডাক্তার ইপতাকায় হোসেন আমার ফাটনি 'বাণেশ্বর' সংবাদ প্রাপ্ত হইয়া তাহার কম্পাউণ্ডার সহ ষ্টেশনে উপস্থিত ছিলেম। এই ডাক্তার বাবুটি এলাহাবাদে স্থায়ীভাবে কার্য করিয়া থাকেন; কিছু দিবসের জন্ত এখানে আসিয়াছেন। আমাকে যথাবিহিত সম্ভাষণ করিয়া আমার জন্ত জল খাবারের আয়োজন করিয়া দিলেন। ষ্টেশন মাস্টার ডাক্তার সাহেবের সহিত আমার আলাপ করাইয়া দিলেন। সময় কাহারও হাত ধরা নহে স্মরণে দেখিতে দেখিতে এক ঘণ্টা কাটিয়া গেল। যথা সময়ে গাড়ী পূর্ন করিয়া ছাড়িয়া দিল। বলা বাহুল্য, আমি মধ্যম শ্রেণীর পাশ পাইয়া খাইতেছি; রেলওয়ের ৭৯ টাকা মাসিক বেতনভুক্ত কর্মচারীগণ মধ্যম শ্রেণীর পাশ পান, তদূর্ধ্ব দ্বিতীয় শ্রেণীর পাশ পান। যাহা হউক, ক্রমে ক্রমে উচৈরা, মাইহারা এবং ভাদনপুর ষ্টেশন উত্তীর্ণ হইয়া কাটনির ডাক্তারের এলাকাধীন ষ্টেশন সমূহ অতিক্রম করিয়া বেলা আনুমানিক পাঁচটার সময়ে কাটনি ষ্টেশনে উপস্থিত হইলাম। এই ষ্টেশনটিতে রেল কোম্পানীর কার্য বড় কম হয় না কিন্তু ষ্টেশনটা ক্ষুদ্র আয়তনের। এই ষ্টেশন হইতে বেঙ্গল নাগপুর লাইন বহির্গত হইয়া বিলাশপুরের সংযোগে মিলিত হইয়াছে। আমি গাড়ী হইতে অবতরণ করিলে ডাক্তারখানার চাপড়াসি আমাকে ষ্টেশনের অতি নিকটস্থ রেলওয়ের ডাক্তারখানায় লইয়া গেল। সেখানকার ডাক্তার বাবুটির সহিত আলাপ হইলে জানিতে পারিলাম, ইহার নাম শ্রীহরিমোহন চক্রবর্তী নিবাস

সন্দননগর, সুবর্ণ-বণিক ব্রাহ্মণ। •বয়ঃক্রম আনুমানিক পঞ্চাশ বৎসর হইবে। তাঁহাকে দেখিলেই বোধ হয়, তাঁহার শরীরে কোন ব্যাধি আছে। ইনি অনেক বৎসর •যাবৎ এই রেল কোম্পানীর কার্য করিতেছেন। প্রথমে ইনি কম্পাউণ্ডার ছিলেন; ডাক্তার সাহেবগণ ক্রমে ক্রমে ইঁহাকে ডাক্তার করিয়া উচ্চ বেতন দিতেছেন; এক্ষণে ইনি ৭৫০ টাকা বেতন পাইয়া থাকেন। ইঁহাকে অনেকে •ব্রহ্মা বলিয়া ডাকিত। পাঠক! অনুমান করিয়া লইবেন; তাহা প্রকাশ করিয়া মুখ কেন কলুষিত করিব? আমি অপরাহ্নের গাড়ীতে পৌঁছিলে আমাকে ডাক্তার খানার যথাযোগ্য ভার দিয়া ঐ রাত্রে ডাক-গাড়ীতে ডাক্তার বাবু জব্বলপুর গমন করিলেন। পর দিবস আহ্নারান্তে অপরাহ্নের গাড়ীতে জব্বলপুরের এক ষ্টেশন পূর্বে ডিউরী ষ্টেশনে রোগী দেখিতে গমন করি। ডিউরী যাইতে দুই ধারে •জঙ্গল, পাহাড় ও যৎসামান্য প্রান্তর ব্যতীত আর কিছুই দৃষ্টিগোচর হইল না। আমি পূর্বে অবগত ছিলাম যে, ডিউরী ষ্টেশন-গাড়ীর বাঙ্গালী ব্রাহ্মণ হইয়া হিন্দুস্থানী একজন গোপ জাতি স্ত্রীলোককে উপপত্নীরূপে রাখিয়া বাস করিতেছিলেন এবং তৎগর্ভে কয়েকটা পুত্র-কন্যাও জন্মগ্রহণ করিয়াছে। বালকগণ বাঙ্গালা ভাষায় কথোপকথন, বাঙ্গালীর গায় বেশ ভূষা এবং বাঙ্গালা পাঠ অভ্যাস করিতেছে। অপরাহ্নে জলযোগ সমাপনান্তে ডিউরিতে যাত্রী-গাড়ীতে যাত্রা করিলাম। যথা সময়ে তথায় উপস্থিত হইলে মাস্টার বাবু আমাকে •আহার করিবার জন্ত বারম্বার অনুরোধ করিতে লাগিলেন। আমি জলযোগ করিয়া আসিয়াছি বলায়, তিনি বোধ হয় আমার মনোগত ভাব •অনুমান করিয়া আর অনুরোধ করিলেন না। রাত্রে রোগী দেখিয়া তৎপর দিবস প্রাতের গাড়ীতে উত্তর পূর্বদিকের ষ্টেশনগুলি পরিদর্শন করিয়া সন্ধ্যার সময়ে কাটনি প্রত্যাগমন করিলাম। উক্ত রাত্রে হরিমোহন বাবু জব্বলপুর

হইতে প্রত্যাগমন করিলে আমিও পর দিবস প্রাতে ডাক্তারখানার তার উক্ত ডাক্তার বাবুকে বুঝাইয়া দিয়া এলাহাবাদে যাত্রা করিলাম। কাটনির ষ্টেশন মাষ্টার বাবু কার্তিকচন্দ্র মুখোপাধ্যায় বড়ই ভদ্রলোক ; তিনি সপরিবারে তথায় বাস করিতেন। ইনি সাহেবদিগের ধনোরঞ্জন করিতে সিদ্ধহস্ত এবং তাঁহার অধীনে দশ এগার জন বাঙ্গালী বাবু কার্য্য করেন।

সাতনাতে

ঐক্ৰান্তি দিবসের সন্ধ্যাকালে এলাহাবাদ সহরে পৌঁছিলাম এবং তৎপর দিবস প্রাতে ডাক্তার সাহেব হাঁসপাতালে আসিয়া আমাকে হঠাৎ স্থায়ীভাবে জব্বলপুর মধ্যস্থিত সাতনা ষ্টেশনে বদলি করিলেন। আমি উক্ত দিবস অপরাহ্ন চার ঘটিকার বোধে ডাক-গাড়ীতে জিনিষ-পত্রসহ সাতনা অভিমুখে রওনা হইলাম। পূর্বেই সাতনার ডাক্তার ইপতাকার হোসেনকে সংবাদ প্রেরণ করি যে, “আমি ডাক-গাড়ীতে সাতনায় যাইতেছি, আমার রাত্রে আহারের বন্দোবস্ত যেন সাতনার কোন রেলওয়ের বাবুর বাসায় ঠিক থাকে।” রাত্র সাড়ে নয় ঘটিকার সময়ে সাতনায় পৌঁছিয়া দেখিলাম, ষ্টেশনে রেলওয়ে ডাক্তার বাবু, কম্পাউণ্ডার এবং চাপরাসিসহ আমার জন্ত উপস্থিত। সকলে আমাকে সাদরে অবতরণ করাইয়া ডাক্তার বাবুর বাসাভিমুখে লইয়া চলিলেন। ষ্টেশনের অনতিদূরে ইংরেজ পল্লীর মধ্যস্থলে প্রকাণ্ড দ্বিতল অট্টালিকায় ডাক্তার বাবুর বাসস্থানে উপস্থিত হইলাম। ঐ রাত্রে আর অশ্রদ্ধে ঘাওয়া হইল না ; যৎকিঞ্চিৎ জলযোগ সমাপনান্তে নিদ্রার কোণ্ডে শয়ন করিয়া দৈহিক ক্লেশ নিবারণ করিলাম। প্রাতে গাত্রোথান করিয়া দেখিলাম,—ডাক্তার বাবুর দ্বিতল অট্টালিকাটি অতি সুন্দর—চতুর্পার্শ্বে বাগান ; ইহার নিম্নতলে অফিস, বাটীর এক পার্শ্বে চাপরাসি ও মেথরের পাকাঘর। বাঙ্গালার চারিদিকে অতি পরিষ্কার

মোরমের রাস্তা ! প্রাতঃকৃত্যাদি সমাপনান্তে উপরতলা হইতে ডাক্তার বাবুসহ অবতরণ করিয়া কোম্পানীর ডাক্তারখানাভিমুখে চলিলাম এবং তথায় উপস্থিত হইয়া ডাক্তারখানার ঔষধ ও অস্ত্রাদি বুঝিয়া লইলাম। কম্পাউণ্ডার আবদুল্লা খাঁ সাহেবের বাসা ডাক্তারখানার সংলগ্ন ; তথায় তিনি সুপরিবারে বাস করিতেছিলেন। ডাক্তারখানার সকল ভার গ্রহণপূর্বক আমরা উভয়ে অফিসে প্রত্যাগমন করতঃ অত্যাণ্ড বিময়ের চার্জ লইয়া ডাক্তার বাবুকে অব্যাহতি দিলাম। তিনি জলযোগ সমাপনান্তে মধ্যাহ্নের যাত্রী-গাড়ীতে এলাহাবাদে গমন করিলেন।

ডাক্তার বাবু এলাহাবাদে রওনা হইবার পরে, খাঁ সাহেব সমিতি-ব্যাহারে সাতনা-সহর পরিদর্শন করিতে চলিলাম। ষ্টেশনের অন্ন ব্যবধান দক্ষিণে রেওয়ার মহারাজের নূতন রাজপ্রাসাদ দৃষ্টিগোচর হইল। এই বাটীতে মহারাজ শীতকালে অবস্থান করিয়া থাকেন। রাজপ্রাসাদের পশ্চিমে সাতনার শাসনকর্তার এবং মুন্সেরিমের আদালত গৃহ ; তৎসংলগ্ন জেলখানাও দৃষ্টিপথে পতিত হইল। শ্রীরাজকুমার চক্রবর্তী নামক একজন বাঙ্গালী সেখানকার শাসনকর্তা। আমার কথ মত খাঁ সাহেব শাসন-কর্তার একলাসে আমাকে লইয়া উপস্থিত হইল। রাজকুমার বাবু আমাকে শিষ্টভাবে সস্তাষণ করিয়া তাঁহার নিকটস্থ কাষ্ঠাসনে উপবেশন করাইলেন এবং অল্প সময়ের জন্য মোকদ্দমা স্থগিত রাখিয়া আমার সহিত আলাপ করিলেন। আলাপে হৃদয়ঙ্গম করিলাম, ইনি একজন উচ্চ হৃদয়বান ভদ্রলোক। তাঁহার নিকট হইতে বিদায় গ্রহণকরতঃ জেলখানা দেখিয়া মহারাজের প্রকাণ্ড হাঁসপাতাল দেখিয়া বাজারে প্রবেশ করিলাম। বাজারটি ইষ্টক ও প্রস্তর নির্মিত অট্টালিকায় পরিপূর্ণ। রাস্তাগুলি অতি সুন্দর ; স্থানে স্থানে পথিকগণের জন্য মলমূত্র ত্যাগ করিবার পায়খানা স্থাপিত এবং

মধ্যে মধ্যে ইন্দারা প্রতিষ্ঠিত। বহু জনতাপূর্ণ বিপনী শ্রেণী বাজারের শোভা বৃদ্ধি করিতেছে। অন্যান্য বিশ হাজার লোক এই সহরে বাস করিয়া থাকে। বিলাতী লবণ এ দেশে অব্যবহার্য; সকলই যেন পবিত্র ভাব। মৎস্য বাজারে অতি কম পাওয়া যায় কারণ এতদেশীয় হিন্দু মাত্রেই তাহা অভক্ষ্য বলিয়া ব্যবহার করে না। বাঙ্গালা দেশের শ্যাম রাস্তায় আলোকেরও ব্যবস্থা আছে।

মহারাজ সাহেবে, অবৈতনিক উচ্চ ইংরাজী বিদ্যালয়ে গমন করিয়া দেখিলাম; অনেক ছাত্র পাঠাভ্যাস করিতেছে। এই বিদ্যালয়ের প্রধান শিক্ষক বাবু আশুতোষ ঘোষ মহাশয় আমাকে সাদর সম্ভাষণ পূর্বক তাঁহার নিকটস্থ কাঠাসনে উপবেশন করাইয়া আলাপ পরিচয় করিলেন। তাঁহার জন্মস্থান ৬কাশিধাম এবং তৃতীয় শিক্ষক লক্ষ্মীকান্ত ভট্টাচার্য মহাশয়ের নিবাস ৬কাশিধামে। ইনিও অতি শিষ্টাচারে আমার সহিত আলাপ করিলেন। এই দুই জন বাঙ্গালী শিক্ষক মহারাজের বিদ্যালয়ে দেখিলাম। প্রথমোক্ত প্রধান শিক্ষক মহাশয় বি, এ, উপাধিধারী। ঐ দিবস আর অধিকক্ষণ থাকা অবিধেয় বিবেচনা করিয়া নিজ বাসায় প্রত্যাগমন করিলাম। রেওয়ার মহারাজ নাবালক, বয়ঃক্রম ষোল্ল বৎসর মাত্র। বাঘেনখণ্ড এজেন্সী সারজন ডাক্তার গিম্লেট সাহেব তাঁহার শিক্ষক। এতদ্বিন্ন তাঁহার আর একজন দেশীয় শিক্ষকও ছিলেন। মহারাজা নাবালক-বিধায় রেওয়া ষ্টেটের সুপারিন্টেন্ডেন্ট (পলিটিকাল এজেন্ট) কর্ণেল বার্টসন কার্য্য করিতেন। মহারাজ সাহেব সাতনা অবস্থান কালীন প্রতিদিন প্রাতে এবং অপরাহ্নে শরীর-রক্ষকসহ অশ্বযানে অথবা অশ্ব-শকটে সহরের রাজপথ দিয়া বায়ু সেবনার্থ ভ্রমণ করিয়া থাকেন। মহারাজার গর্ভধারিনী ভিন্ন তিনটি বিমাতা ছিলেন; সাহেবদিগের বিনা অনুমতিতে পুত্রের সহিত তাঁহাদিগের সাক্ষাৎ করিবার সাধ্য ছিল না।

শ্রীযুক্ত দুর্গাদাস অধিকারী সাতনার মাল গুদামের বড় বাবু ; লোকটা অতি অমায়িক ও সদালাপি । কয়েক বৎসর হইতে সপরিবারে এই ষ্টেশনে কার্য্য করিতেছেন । ইহার বয়ঃক্রম আনুমানিক পঞ্চাশ বৎসর ।

শ্রীযুক্ত হরপ্রসন্ন লাহিড়ী দুর্গাদাস বাবুর সহকারী ; ইনিও সপরিবারে সাতনায় আছেন । এই ষ্টেশনে আরও দুই তিনটা বাঙ্গালী বাবু ছিলেন ; সকল বাঙ্গালী বাবুই আমার আগমনে বিশেষ আনন্দ প্রকাশ করিতে লাগিলেন । এতদ্বিন্ন সাতনায় আরও পাঁচ ছয় জন সন্ত্রাস্ত বাঙ্গালী বাবু ছিলেন, ইহাদিগের মধ্যে বাবু রাজেন্দ্রনাথ মুখোপাধ্যায় পলিটিকেল এজেন্টের বড় বাবু এবং বাবু কালিদাস বন্দ্যোপাধ্যায় এজেন্সী সার্জনের বড় বাবু । ইহাদিগের সহিত আমার বিশেষরূপ বন্ধুত্ব স্থাপন হয় । ইংরেজ পল্লির উত্তর দিকে ইংরেজ রাজের রোসানা অবস্থিত ; তথায় একশত দেশীয় অশ্বারোহী সৈন্য থাকিত, দিবা রাত্র ভেড়ির রবে আমাদিগকে ব্যতিব্যস্ত করিত । পূর্বাংশে ইংরেজ রাজের এজেন্সী অফিস, জেলখানা এবং ইংরেজ সম্রাটের জয় পতাকা দণ্ডায়মান থাকিয়া মিত্র রাজার রাজ্যের মধ্যে সাম্রাজ্যের জয় ঘোষণা করিতেছিল । এজেন্সীতেও একজন হিন্দুস্থানী পুরাতন ডাক্তার ছিলেন । মহারাজের ইঁসপাতালেও একজন হিন্দুস্থানী ডাক্তার বাবু থাকিতেন । সকল ডাক্তারখানায়ই ডাক্তার গিমলেট পরিদর্শক । কেবল রেলওয়ের ডাক্তারখানার উপর তাঁহার কোন আধিপত্য ছিল না । এই এজেন্সীর অধিনে পাঁচটা মিত্র রাজ্য ছিল ; ঐ সকল রাজ্যের মামলা মোকদ্দমা প্রত্যেক রাজার কর্মচারীগণ বিচার করিতেন । রেওয়া ভিন্ন অগ্রাণ্ড রাজ্যের ডাকাতি মোকদ্দমার বিচার পলিটিকেল সাহেবকেই সাতনায় করিতে হইত ।

কম্পাউণ্ডার আবদুল্লা খাঁ কুড়ি টাকা বেতনে কার্য্য করিতেছিলেন । এই লোকটা আমার যথেষ্ট উপকারে আসিত । আমার অধিনে ডাক্তার

বাবুর একজন খাস আরদালি, একজন চৌকিদার এবং একজন মেথর কার্য্য করিত। প্রাতে সাত ঘটিকার সময়ে আমাকে প্রতিদিন ডাক্তার-খানায় যাইতে হইত এবং তথাকার কার্য্যাস্ত্রে সহরে বন্ধু বান্ধবদিগের সহিত দেখা সাক্ষাৎ করিয়া আসিতাম। এই সকল বাঙ্গালী বাবুদিগের সহিত এতাদৃশ বন্ধুত্ব হইয়াছিল যে, যদি কোন কারণে আমি তাহাদিগের সহিত একদিন দেখা করিতে না পারিতাম, 'অমনি' পরদিবস সহরের সকল বন্ধু বান্ধবগণ আমার বাঙ্গালায় আসিয়া খবর লইতেন। পরম্পরের মধ্যে মনো এক ঐক্যতা সূত্রে যেন গাঁথা ছিল। আমি ৭৫ মাইল লাইনের ভার প্রাপ্ত হইয়াছিলাম 'সুতরাং' পূর্বদিকে মাকু'ঙি এবং পশ্চিমদিকে ভাগলপুর স্টেশন; এই মোট সাতটা স্টেশন আমার এলাকাধীন ছিল।

সাতনা হইতে পূর্বদিকে প্রথম স্টেশন জেতোয়ার; এই স্থানে খুব ফসল হইয়া থাকে। তৎপরের স্টেশনের নাম মাজগাঁও। স্টেশনটা 'পাহাড়ের গাত্রে সংলগ্ন; এই স্টেশনের জলবায়ু বড়ই অস্বাস্থ্যকর কারণ এখানকার কূপের জলে এক প্রকার তৈলজ পদার্থ দেখিতে পাওয়া যায়। উক্ত জল পান করিয়াই অনেকের শরীর অসুস্থ হইত সুতরাং এই স্টেশনে আমাকে অধিকাংশ সময়েই আসিতে হইত। ইহার পরের স্টেশন মাকু'ঙি; এখান হইতে পদব্রজে পাঁচ ছয় মাইল দূরত্ব হইবে কিন্তু পার্শ্বীয় রেল রাস্তা এত বক্র গতিতে এবং ঘুরিয়া ঘুরিয়া গিয়াছে যে, উক্ত পাঁচ ছয় মাইলের পরিবর্তে আঠার মাইল ব্যবধানে মাকু'ঙি স্টেশন। ভয়ানক দুর্গম রাস্তা—কেবল পাহাড় জঙ্গল ভিন্ন এই আঠার মাইলের মধ্যে মানুষের বাস নাই। মাকু'ঙি স্টেশনের অতি নিকটে মার্কণ্ডেয় মূনির আশ্রম; আমি ঐ স্টেশনে রোগী দেখিতে যাইয়া স্টেশন মাষ্টারসহ ঐ পবিত্র স্থানে গমন করিয়া দেখিলাম একটি নিরীক্ষিত এক কিনারায় একখানি মন্দির প্রস্তর এবং তাহা

অতি বিকৃত। চতুর্পার্শ্বে অনেক পুষ্প বৃক্ষের শোভা এবং একটি গছবরে একটি মূর্তি দৃষ্টিগোচর হইল। কিন্তু কোন্ দেবতার মূর্তি ঠিক অনুমান করিতে পারিলাম না। তবে স্থানটা বড়ই পবিত্র বলিয়া বোধ হইল। কিম্বদন্তি আছে, এই প্রস্তরাসনে মহামুনি মার্কণ্ডেয় উপবেশন করিয়া ধ্যানে মগ্ন থাকিতেন। পূর্বে উল্লেখ করিয়াছি, একটি নিব্বারিনীর স্তীরদেশে এই প্রস্তরাসন। সম্মুখে আসিয়া দেখিলাম, নিব্বারিনীর জল লালবর্ণ কিন্তু একটু ব্যবধানে আসিয়া দেখিলাম আবু লালবর্ণ জল নাই, স্বাভাবিক বর্ণে পরিণত হইয়াছে। ইহার কারণ কিছুই আমরা নির্ণয় করিতে পারিলাম না। এই মার্কণ্ডেয় উত্তরাংশে মধ্য-হিন্দুস্থান শেষ হইয়া উত্তর-পশ্চিম প্রদেশের বান্দা জেলার সীমানা আরম্ভ হইয়াছে। এই ষ্টেশনের ষ্টেশন-মাষ্টার বাবু গোবিন্দচন্দ্র মিত্র; ইহাকে অধিকাংশ লোকে উন্মাদ বলিত কারণ বয়ঃক্রম অধিক হওয়া সত্ত্বেও ইংরাজী লেখায় হাত পাকা করিবার চেষ্টা করিয়া থাকিতেন। উন্মাদ বলিবার এই কারণটিই আমার দৃষ্টিপথে পতিত হইল। ইনি কোন ইংরাজী বিদ্যালয়ে পাঠ অভ্যাস করেন নাই; ঘরে বসিয়া ইংরাজী শিখা করিয়া একজন ষ্টেশন মাষ্টার পর্য্যন্ত হইয়াছিলেন। অতি সরল ভাবে ইংরাজী লিখিতে, পড়িতে এবং বলিতে পারেন। এখন পশ্চিম দিকস্থ ষ্টেশনগুলির বিষয় বলিব।

সাতনার পশ্চিমদিকের প্রথম ষ্টেশনের নাম উচেরা; এই ষ্টেশনের অর্ধ ক্রোশ উত্তরে নাগোদ রাজ্যের রাজধানী। এখানে একজন মিত্র রাজা সম্মানসূচক তোপ পাইয়া থাকেন। ইহার দেওয়ান একজন কাশি নিবাসী কায়স্থ ভদ্র সন্তান। দুই একবার দুর্গাপূজার সময়ে সিমিত্ত হইয়া নাগোদ রাজধানীতে গমন করিয়াছিলাম। রাজ্যটা একটা ছোট দুর্গের মধ্যে অবস্থিত। রাজা বাহাদুর দিবারাত্র অহিকেনে ভ্রমণ হইয়া থাকেন। তিনি অপুত্রক; রাজ্যের আয় তিন চার লক্ষ

টাকা হইবে কিন্তু ঋণ দায়ে জড়িত। ইংরেজ রাজ তাঁহার সম্পত্তি নিজ হস্তে গ্রহণ করিয়া ঋণ শোধ করিতে মনস্থ করিতেছিলেন। এই উচেরা ষ্টেশনে প্যারীমোহন পালিত নামক একজন ভদ্র কায়স্থ বংশীয় ষ্টেশন মাস্টার ছিলেন। ইহার সহকারি নটবর বন্দ্যোপাধ্যায় নামক একজন কুলিন সস্তান কার্যা করিতেন। ইহাদিগের সহিত বন্ধুত্ব থাকায় অনেক সময়ে উচেরা যাইতে হইত। নাগোদের রাজার পিতা সিপাহী বিদ্রোহের সময়ে ইংরেজ রাজাকে সাহায্য করিয়াছিলেন। ইহারও অনেক ক্ষমতা আছে তবে প্রাণদণ্ড এবং বলাৎকার প্রভৃতি অপরাধের বিচার পলিটিকেল এজেন্ট সাহেব করিয়া থাকেন। একদিন আমি সন্ধ্যার গাড়ীতে ভাদনপুর ও মাইহারা ষ্টেশনে যাইতেছিলাম, দেখিলাম—উচেরা ষ্টেশনে লোকে লোকারণ্য। নাগোদের রাজা প্লাটফরমে বনাৎ বিছাইয়া বহুমূল্য পরিচ্ছদ পরিধান পূর্বক প্রায় শতাবধিক সৈন্য এবং ইংরাজী বাজানা সমাভিব্যাহারে পলিটিকেল এজেন্ট সাহেবের জন্ত অপেক্ষা করিতেছেন। যখন গাড়ীখানি তথায় উপস্থিত হইল, তখন সূর্য্যদেব অস্তাচলে আরুঢ় হইয়াছেন। যে গাড়ীতে আমি যাইতেছিলাম ঐ গাড়ীতেই এজেন্ট সাহেব ছিলেন; তিনি উচেরায় অবতরণ করিবামাত্র চতুর্দিক হইতে দেশীয় এবং ইংলণ্ড দেশীয় বাণ্য বাজিয়া উঠিল। সঙ্গে সঙ্গে অনেক বন্দুকের ধ্বনি এবং চতুর্দিকে আলোক মালায় পরিশোভিত হইয়া এক অপূর্ব শোভা বিস্তার করিল। শুনিলাম, ঐ আলোক রাজবাটী পর্য্যন্ত রাজপথের দুই পার্শ্বে সন্নিবেশিত ছিল। রাজাবাহাদুর অগ্রবর্তী হইয়া সর্দারগণ সহ সাহেব বাহাদুরকে সম্ভাষণ করিলেন; সে এক অদ্ভুত দৃশ্য। সাহেব বাহাদুর শিকারে আসিয়াছেন, এইজন্য এত সমাদর। এজেন্ট সাহেবগণ মিত্র রাজ্যের দণ্ডমুণ্ডের কর্তা, ইহা আমি প্রত্যক্ষ দেখিয়াছি।

এই উচেরা ষ্টেশনের পশ্চিমে মাইহারা ষ্টেশন। এখানেও এক মিত্র

রাজ্যের রাজধানী। এই রাজধানীতে একজন যোগী রাজা রাজত্ব করেন; ইনি ব্রাহ্মণকে বড়ই সম্মান করিয়া থাকেন। ইহার পিতাঠাকুর মহাশয় সিপাহী যুদ্ধের সময় ইংরেজ রাজকে সৈন্য দিয়া যথেষ্ট সাহায্য করিয়াছিলেন। রাজার বাৎসরিক আয়ও তিন চার লক্ষ টাকা হইবে। ইহার রাজধানী মাইহারা—সহরটি অতি সুন্দর; চতুর্দিকে জলাশয়, তৎপরেই চতুর্দিকে দুর্গের প্রাচীর দ্বারা পরিবেষ্টিত। একটি মাত্র সিংহদ্বার: রাত্রি নয় ঘটিকার সময়ে এই সিংহদ্বার প্রতিদিন বন্ধ করা হয়। এই দুর্গের ভিতরে সহর, বাজার, রাজবাটা, পুষ্করিণী, আদালত, ও জেলখানা স্থাপিত। সিংহদ্বার হইতে একটি প্রকাণ্ড পাকা রাজপথ প্রায় অর্ধ মাইল উত্তরাভিমুখে গমন করিয়াছে। উঁচেরার রাজবাটা অপেক্ষা এই রাজবাটাটি মনোহর। আমি কয়েকবার রাজমন্ত্রী অথবা দেওয়ান (বঙ্গদেশীয় সুদোগা প জাতীয় একটি অধিক বয়স্ক বাঙ্গালী বাবু)কে এবং তাঁহার পরিবারবর্গের চিকিৎসার জন্ত তথায় গিয়াছিলাম। মাইহারা ষ্টেশনে সুসজ্জিত পাল্কী এবং শোয়ার আমার জন্ত অপেক্ষা করিত। আমি গাড়ী হইতে অবতরণ করিয়া উক্ত রাজধানীতে গমন করিতাম। এই রাজধানীর ডাক্তার বাবুটি হিন্দুস্থানী বুলিয়াই হউক বা যে কারণেই হউক আমাকেই অনেক সময়ে চিকিৎসা করিতে তথায় যাইতে হইত। এই মাইহারা ষ্টেশনের দুই ক্রোশ ব্যবধানে একটি পাহাড়ের উপরে স্থাপিত ৩সারদা মায়ীর মন্দির। তিনশত সিড়ি অতিক্রম করিয়া মহামায়ার পাদপদ্ম দর্শন করিতে হয়। দুর্ভাগ্য বশতঃ আমার দর্শন লাভ হয় নাই। মনে করিয়াছিলাম, রেলের চাকরী চিরস্থায়ী, যে কোন সময়ে দর্শন করিলেই হইবে কিন্তু তিন বৎসর পরেই মখন স্থান ত্যাগ করিতে হইল, তখন আর মহামায়ার দর্শন লাভ ঘটিল না। এই মাইহারা ষ্টেশনের ষ্টেশন-মাষ্টার একজন ভদ্র কুলীন ব্রাহ্মণ, নাম হরিদাস

বন্দ্যোপাধ্যায়। ইহার সহিত আমার বিশেষ বন্ধুত্ব হয়, এমন কি সাতনায় যাইয়া তিন-চার মাসের মধ্যেই ইহার সাহায্যে পরিবার লইয়া আসি। ইহার সহকারী রাখাল দাস বন্দ্যোপাধ্যায় অতি ভদ্র লোক। ঐ সময়ে আমার প্রথম পুত্র নিলু ওরফে শ্রীমান জ্যোতিষ চন্দ্রের বয়ঃক্রম এক বৎসর দুই মাস।

ইহার পশ্চিমের ষ্টেশনটির নাম ভাদনপুর; অতি ক্ষুদ্র ষ্টেশন। এখানকার ষ্টেশনমাষ্টার কালীপ্রসন্ন বাবু অতি অমায়িক ভদ্রলোক। এই ষ্টেশনে ডাকগাড়ী জল লইয়া থাকে। এ স্থান সম্বন্ধে লিখিবার কিছুই নাই; কেবল ময়দান ধু ধু করিতেছে মাত্র। প্রতিদিনই আমাকে মফঃস্বলে কোন না কোন দিকে যাইতে হইত সুতরাং জামালপুর হইতে পরিবার আনিয়া বাস করিতে লাগিলাম এবং প্রায়ই সাতনায় প্রত্যাগমন করিতাম কারণ সাতনায় অনেকগুলি সাহেব সপরিবারে বাস করিতেন। তাহাদিগের মধ্যে কেহ না কেহ প্রায়ই পীড়িত থাকিতেন। অনেকগুলি গাড়ীর গার্ড এবং ড্রাইভার সাহেবগণ তথায় বাস করিতেন এবং বোম্বাই ডাকগাড়ীর ইঞ্জিন এবং গার্ড সাহেব এই ষ্টেশনেই বদল হইত। এখানকার জল বায়ু অতি স্বাস্থ্যকর। সাহেব ও মেমগণ আমাকে যথেষ্ট খাতির করিতেন এবং নিকটবর্তী সাহেব বাঙ্গালার মেম সকল আমার বাসায় আসিয়া আমার-পত্নীর সহিত সাক্ষাৎ করিতেন। আমার নব-কুমার সাহেব পল্লীর প্রায় সকলেই অতি আদরের হইয়াছিল; এমন কি আমার খাস আরদালি তাহার ভার লইয়াছিল। প্রতিদিন সাহেবদিগের আদেশমত নিলুকে সাহেবদিগের কুটিতে লইয়া যাইত। যদি কোন দিন ভুল বশতঃ বা কার্য্য বশতঃ লইয়া যাইতে না পারিত তবে মেম ও সাহেবেরা দুঃখ প্রকাশ করিতেন।

বৎসরান্তে আমি স্বর্গীয়া মাতৃঠাকুরাণীর সপিণ্ডকরণ কার্য তথায় সমাধা করিবার জ্ঞত বহুগণের পরামর্শ গ্রহণ করিলাম। সকলেই উৎসুক হইয়া ঐ কার্যটি সম্পন্ন করিতে বলিলে, আমি তাঁহাদিগের উপয় নির্ভর করিয়া এলাহাবাদ হইতে বাঙ্গালী পুরোহিত আনয়ন করতঃ উক্ত কার্য সমারোহে সম্পন্ন করিলাম। এই ইংরেজ পল্লীতে আর কোন বাঙ্গালী বাবু ছিলেন না; কেবলমাত্র লোকো ফোরম্যান সাহেবের কেরাণী বাবু পরাণচন্দ্র বসু মহাশয় সপরিবারে থাকিতেন। তাঁহার সহিত পরিচয় হওয়ায় বড়ই সুখী হইয়াছিলাম এবং তিনিও আমাকে ইংরেজ পল্লীতে পাইয়া বড়ই আনন্দিত হইলেন। আমি প্রায় প্রতি সন্ধ্যার সময়ে কালীচরণ বন্দ্যোপাধ্যায় মহাশয়ের বৈঠকখানায় সকল বাবু সহ সমবেত হইতাম এবং নানা প্রকার সদালোচনা করিয়া, রাত্রি নয়টার সময়ে বাঙ্গালায় আসিতাম। এখানে জিনিষ-পত্র অতি সুলভ মূল্যে পাওয়া যাইত। ঘৃত ও দুগ্ধ অতি সুলভ মূল্যে পাওয়া যাইত। যাহা হউক, অতি অল্প দিবসের মধ্যেই শরীর সম্পূর্ণ বলবান হইল এবং শরীরের ভার বুদ্ধি পাইয়া সূলাকায় হইলাম। এক বৎসর পরে ৬দুর্গা পূজার সময়ে সপরিবারে যখন দেশে গমন করি তখন আমার শরীরের পরিবর্তনে অনেকেই আমাকে চিনিতে পারে নাই। প্রায় অধিকাংশ দিনই সন্ধ্যার সময়ে পরাণবাবু এবং আমি আপন আপন যন্ত্র লইয়া আমার বাঙ্গালার নিম্নতলের বারাণ্ডায় ঐক্যতান বাদন করিয়া বিমল আনন্দানুভব করিতাম। আমার তৎকালীন এস্রাজ বাদ্য-যন্ত্র ছিল এবং পরাণবাবু বেহালায় সিদ্ধহস্ত ছিলেন। আমরা দুইজনে এই আমোদে মত্ত হইয়া রাত্রি নয় ঘটিকা পর্যন্ত সুখানুভব করিয়া আপন আপন ভবনে গমন করিতাম। এবং সময়ে সময়ে সহরের বাবুগণ তাঁহাদিগের হারমোনিয়াম, ক্লারিওনেট যন্ত্র আনিয়া আমাদের সহিত ঐক্যতান বাদন করিতেন।

গ্রীষ্মকালে এদেশে প্রাতে নয় ঘটিকা হইতে রাত্র নয় ঘটিকা পর্যন্ত ভয়ানক গরম হাওয়া প্রবল বেগে বহিতে থাকে। বিশেষ প্রয়োজন বশতঃ দিবাভাগে যদি কাহারও বাটীর বাহিরে যাইতে হইত তবে মস্তকে ও কর্ণদেশে কাপড় বন্ধন করিয়া যাইতে হইত, নচেৎ লৃ সংস্পর্শে ব্যাধি হইবার সম্ভাবনা। কয়েকজন নীচ জাতীয় লোককে এই লৃ লাগিয়া মৃত্যুমুখে পতিত হইতে দেখিয়াছি। সুবিধার জন্ত আমাদের ডাক্তার সাহেবকে খস্ খস্ টাট্টির জন্ত লিখায়, তিনি দয়া করিয়া কয়েকখানি পাঠাইয়া দিয়াছিলেন এবং পূর্ব নিয়ম অনুসারে টানা পাখাও অফিসে এবং শয়ন কক্ষে প্রাপ্ত হইয়াছিলাম। নিজ অধীনস্থ লোক দ্বারা পাখা টানাইতে হইত। অফিসে উল্লিখিত খস্ খসের টাট্টি দিয়া জল দেওয়া হইত, তাহাতে অফিস কামরা অতিশয় শীতল থাকিত। মূল কথা অনেক বিষয়ে সাতনার চাকুরী সুখজনক হইয়াছিল। ডাক্তারি পাশ করিয়া রেলের ডাক্তারের পদ গ্রহণ করিতে বড়ই উদ্গ্রীব ছিলাম কারণ গাড়ীতে গাড়ীতে বেড়াইয়া কতই সুগাম্ভব করিব এইটী মনে করিতাম। চাকুরী প্রাপ্ত হইয়া যখন দিবারাত্র গাড়ীতে ঘুরিতে হইত তখন পূর্ব চৈতন্য জাগরুক হইত, শুখন মনে মনে কত আক্ষেপ করিতাম যে এ চাকুরী যেন কোন শত্রুও না করে কারণ দিবা রাত্র গাড়ীতে গাড়ীতে থাকায় মনে নরক যন্ত্রণা সদৃশ অনুভব হইত। সাতনার স্টেশন মাষ্টার ডাক্তার সাহেব অতি ভদ্র ইংরেজ; আমাকে যথেষ্ট খাতির করিতেন। গার্ড সাহেবদিগকে বলিয়া আমার সীমানার মধ্যে আমাকে দ্বিতীয় শ্রেণীতে যাতায়াত করিতে ভূয়ঃ ভূয়ঃ অনুরোধ করিতেন। সময়ে সময়ে তাঁহার অনুরোধ রক্ষা করিয়া তাঁহাকে সম্মানিত করিতাম। অবশ্য আমি মধ্যম শ্রেণীর সম্মাণিক পাশ প্রাপ্ত হইয়াছিলাম। চালক এবং রক্ষক সাহেবগণও আমাকে বারবার দ্বিতীয় শ্রেণীতে ফাইতে অনুরোধ করিতেন। আমার

সুবিধার জন্ম হয়তো কোন কোন দিন বোম্বাই ডাকগাড়ীতে মাকুণ্ডি ষ্টেশনে যাইতে হইত অথচ তথায় ডাক গাড়ী থাকে না। আমার সুবিধার জন্ম ডাকগাড়ীর চালক ও রক্ষক গাড়ী লাগাইয়া আমাকে অবতরণ করাইয়া চলিয়া যাইত ; তাহার কারণ সকলেই আমাকে স্নেহের চক্ষে দেখিতেন। সাতনায় সাহেবদিগের বাঙ্গালায় গমন করিলে, সাহেব ও মেমগণ আমাকে বিশেষ সম্মান পূর্বক উপবেশন করাইয়া তৎপরে আপন আসনে উপবেশন করিতেন। মেম ও সাহেবগণ সময়ে সময়ে আমাকে অর্থ দ্বারা মর্যাদা রক্ষা করিতেন। রেলওয়ের লাইব্রেরীতে সাহেবগণ পরামর্শ করিয়া আমাকে অবৈতনিক সন্ত্যরূপে নিযুক্ত করিলেন। আমি বক মধ্যে হুংসরূপে শোভিত হইতাম। অবসর কালে অধিকাংশ স্বময়ে সাতনায় লোকো ফোরম্যান ইয়ং সাহেবের বাঙ্গালায় নানা প্রকার গল্প করিয়া সময় কাটাইতাম ; সাহেবটী বিশেষ তদ্র এবং বাঙ্গালা ভাষায় উত্তমরূপে কথোপকথন করিতে পারিতেন। এই সাহেবের দুইটি অবিবাহিতা যুবতী কন্যা অনেক সময়ে আমার স্ত্রীকে দেখিতে যাইতেন ; তাঁহাদিগের বাঙ্গালায় আমি গমন করিলে আমার সহিত তাঁহারা বন্ধুচিত্তভাবে আলাপ করিতেন। যদি কোন দিন যাইবার সুযোগ না ঘটিত তবে সাহেবের কন্যাদ্বয় বড়ই দুঃখ প্রকাশ করিতেন।

হাইও হক্ নামক একজন বিলাতী ইংরাজ ডাকগাড়ীর চালক ; ইনি অতিশয় সুরাপায়ী ছিলেন, তবে লোকটি বড়ই আমোদপ্রিয়। ইনি লণ্ডন নগরের একটি যুবতীকে বিবাহ করিয়া এখানে আনয়ন করেন এই সাহেবটি আমার বাঙ্গালার অতি নিকটেই সপরিবারে বাস করিতেন। সময়ে সময়ে বিবাহিতা মেমটিকে বোতল প্রভৃতির দ্বারা তিনি প্রহার করিতেন। মেম সাহেব আমার নিকট স্বামীর যথোচিত কুৎসা করিয়া বলিতেন,—দেশে চলিয়া যাইব, এরূপ স্বামীর

সহবাসে কালান্তিপাত করিব না। প্রকৃতপক্ষে কয়েক মাসের মধ্যেই মেম বিনাতে চলিয়া গেলেন এবং বোর্ড হইতে মাসহারার টাকা কর্তন করিয়া লইতে লাগিলেন। এদিকে সাহেব মনদুঃখে এক দিবস আপন বস্ত্রে অগ্নি সংযোগ করিয়া সাংঘাতিকরূপে দগ্ধ হন। প্রথমতঃ আমি এবং বাঘেনখণ্ড এজেঙ্গীর ডাক্তার গিমনেট উভয়ে রোগীকে দেখিতাম; পরে আমাদিগের সাহেব সংবাদ পাইয়া তাঁহাকে এলাহাবাদ চিকিৎসালয়ে লইয়া যান এবং কিছুদিন পরে তথায় তাঁহার মৃত্যু হয়।

জ্যৈষ্ঠ মাসে ঈশ্বরার দিবস সাতনার পাঁচ ক্রোশ দক্ষিণে তামসী নদীতে আমরা ছয় সাত জন বন্ধু একা-যানে স্নান করিতে গমন করি। স্নান অন্তে নদীর বিপরীত পারে উপস্থিত হইয়া দেখিলাম, নাবালক মহারাজের খুল্লতাত মহাশয়ের দুর্গ অতি সুন্দররূপে শোভা বিস্তার করিতেছে। নদীর নিম্নতল হইতে দুর্গ প্রাচীর উখিত হইয়াছে। আমরা সকলে দুর্গের অধিষ্ঠারী মহারাজের খুড়িমাতাঠাকুরানীর অনুরোধে তথায় প্রবেশ পূর্বক পুরাকালীন দুর্গের কোশল দেখিয়া মুগ্ধ হইলাম। কত প্রকাণ্ড প্রকাণ্ড বাটী তন্মধ্যে রহিয়াছে, তাহার ইয়ত্তা নাই। এই দুর্গে বর্তমান মহারাজ জন্মগ্রহণ করেন। দুর্গের অধিষ্ঠারী আমাদিগের জ্ঞাত তথাকার বিখ্যাত তরমুজ ও অগ্ৰাণ্ড ফল মূল, মিষ্টান্ন প্রেরণ করেন। আমরা তাহা পরিতোষের সহিত জলপান করিয়া অপরাহ্ন চার ঘটিকার সময়ে সাতনাভিমুখে যাত্রা করিলাম এবং যথা সময়ে সাতনায় পৌঁছিলাম।

পান্না রাজ্য বুনেলখণ্ড প্রদেশের অন্তর্গত; সাতনা হইতে ঐ রাজ্য অধিক দূর নহে। উক্ত রাজ্যের আয় তিরিধি লক্ষ টাকা; তথায় অনেক বহুল্য প্রস্তর পাওয়া যায়। ঐ রাজ্যের ডাক্তার বাবু এসিষ্টেন্ট সারজেন্স; আমার বাসায় মধ্যে মধ্যে আসিতেন। এক সময়ে রেওয়ার

মহারাজের জন্মদিন উপলক্ষে রাজ্য বাটীতে পার্শ্ব থিয়েটার হয়। আমরা সকলেই নিমন্ত্রিত হইয়া অভিনয় দেখিতে গমন করি। এই জন্মদিনে পলিটিকেল এজেন্ট রাজ প্রাসাদে উপস্থিত হইয়া নানাপ্রকার বক্তৃতা করেন। দরবার শেষে তোপ-ধ্বনি দ্বারা সম্মান রক্ষা হয়। এই সময়ে নাচ, তামাসা, ঘোড়দৌড় ইত্যাদিতে বহু টাকা নষ্ট হইয়া থাকে। শ্বেত-পুরুষদিগের আহারেও কতকগুলি টাকা এইরূপ ভাবে নিঃশেষ হইয়া থাকে। শ্রাবণ মাসে জব অঙ্গুর হইলে দেশের রীতি অনুসারে মহারাজা প্রায় তিন চার হাজার পদাতিক, অশ্বারোহী সৈন্য, হস্তি, ঘোড়া এবং উষ্ট্র সজ্জিত করিয়া স্বর্ণ সিংহাসনে দুই মাইল ব্যবধানক্ৰমে একটা পুষ্করিণীতে গমন করেন; তথায় খেজুরা পর্ব সম্পূর্ণ করতঃ নানাবিধ অশ্লোক মালায় সুশোভিত হইয়া সহরে প্রত্যাগমন করেন। এই সময়ে মহারাজার সাজ সজ্জা দৃষ্টি করিলে, পূর্বতন হিন্দু স্বাধীন রাজাদিগের কথা স্মরণপথে উদিত হয়। এখানে দোলযাত্রা এবং ৬কালীপূজার সময়ে খুব আমোদ প্রমোদ পূর্বক সমারোহ হইয়া থাকে। আমার সাতনা থাকিবার প্রথম বৎসরের শীতকালে বাঙ্গালী বাবুদিগের তত্বাবধানে শ্রীকৃষ্ণদেবের রাসযাত্রা ধুমধামে সম্পন্ন হয়। এই বারোয়ারিতে সাহেব পাঁচ শত টাকা প্রদান করেন। পলিটিকেল এজেন্ট বাহাদুর নিমন্ত্রিত হইয়া আগমন করেন; শ্রীহাকে ইংরাজী এবং হিন্দিতে অভিনন্দন-পত্র প্রদান করা হয়। প্রথম বৎসর আমাকে মহারাজ সাহেবের অবৈতনিক ইংরাজী বিদ্যালয়ের সভ্য পদে বরণ করেন কিন্তু আমার অবসর বড় অল্প থাকায় উক্ত কার্য ত্যাগ করিতে বাধ্য হইয়াছিলাম। সাতনায় আমাকে অনেক বিষয়ে কার্য করিতে হইত অর্থাৎ জল হাওয়ার দৈনিক রিপোর্ট, স্বাস্থ্য রক্ষকের কার্য এবং টিকা দেওয়ার পরিদর্শকের কার্য করিতে হইত। মোট কথা একজন কেরানীয়ে ঋণ প্রতিদিন লেখা পড়ার কার্য করিতে হইত। চিকিৎসা

বিভাগের খরচ কম দেখাইবার জন্ত আমার কম্পাউণ্ডার আবদুল্লা খাঁর চাকুরী যায়। সাতনার সকল সাহেব, হিন্দুস্থানী এবং বাঙ্গালী বাবুগণ তাহার অবস্থিতির জন্ত আবেদন করিলেন কিন্তু কিছুতেই কিছু হইল না। আমি ডাক্তারখানা বাঙ্গালার নিম্নে আনিলাম এবং আমাকেই ঔষধাদি তৈয়ারী করিয়া দিতে হইত। কোন সাহেব আমার কার্য্য শৈথিল্যতার জন্ত আমার বিরুদ্ধে কিছুই বলিতে পারেন নাই। আমার সময়ে অনেকগুলি কঠিন পীড়া আরোগ্য হয় তজ্জন্ত আমাকে সকল সাহেব ও মেম বড়ই স্নেহের চক্ষে দেখিতেন। এই সময়ে এই রেলওয়ের প্রধান ডাক্তার গ্রিফিথ সাহেব এই নিয়ম করেন যে, নেটিভ ডাক্তার এবং এসিস্টেন্ট সার্জনকে প্রধান ডাক্তার সাহেবের নিকট বৎসরে দুইবার পরীক্ষা দিতে হইবে। উক্ত নিয়মানুসারে ডাক্তার সাহেব আমাকে পরীক্ষা করিতে চাহেন। আমি প্রথমতঃ সম্পূর্ণ অস্বীকার করি; তাহাতে আমার প্রতি তিনি রাগান্বিত হইলেন।

এই ঘটনার কয়েক মাস পরে আমার বেতন বৃদ্ধির সময় উপস্থিত হয়। এজেন্ট পূর্বে নিয়ম অনুসারে আমার পাঁচ টাকা বৃদ্ধি মঞ্জুর করেন কিন্তু ডাক্তার গ্রিফিথ সাহেব তাহা বন্ধ করিয়া দিলেন এবং লিখিলেন “যে পর্য্যন্ত আমি পুনরায় এই বিষয় অনুমোদন না করিব, সে পর্য্যন্ত ইহা বন্ধ থাকুক।” আমি অনেক বার বেতন বৃদ্ধির কথা বলি কিন্তু চোরা না শুনে ধর্ম্মের কাহিনী। এই ঘটনায় মনে ভয়ানক ঘৃণা হওয়ায় কার্য্য ত্যাগ করাই স্থির করিলাম। কিছু দিবস পরে ফলিয়ার সাহেব নামক একজন ডাক-গাড়ীর চালকের বাটীতে তাহার স্ত্রীকে দেখিতে গমন করি। একটি বিলাতী কুকুর আমার পায়জামার উপর দংশন করে। দংশিত স্থানে নানা প্রকার ঔষধ প্রয়োগ করি এবং খণ্ডর মহাশয়কে ইহা জানাইলে তিনি গৌদলপাড়া হইতে ঔষধ আনা ইয়া পাঠাইয়া দেন। ইহার দুই দিবস পরে ডাক্তার

গ্রিফিথ সাহেব পরিদর্শন করিতে সাতনায় উপস্থিত। সাহেবের সহিত
নানা কার্য পরিদর্শন করিয়া বাঙ্গালায় আসিয়া আহায়াস্তে সাহেবের
সহিত পুনরায় সাক্ষাৎ করিতে যাই। ঐ দিন সাহেবের মেজাজ ভাল
বিবেচনা করিয়া আমার বেতন বৃদ্ধির জন্ত এজেন্ট সাহেবকে সুপারিশ
করিতে বিশেষ অনুরোধ করি। সাহেব তাঁহার মেমের সহিত পরামর্শ
পূর্বক আমাকে আবেদন করিতে অনুমতি করিয়া রাত্রে গাড়ীতে
এলাহাবাদ গমন করেন। ইহাতে মনে কিয়ৎ পরিমাণে আশার
সঞ্চার হইয়া পর দিবস বেতন বৃদ্ধির জন্ত আবেদন করিলাম। আমার
পত্র তাঁহার হস্তগত হইবার পূর্বেই আমাকে লিখিয়া পাঠান যে,
১লা সেপ্টেম্বর হইতে তোমাকে অস্থায়ীভাবে এলাহাবাদে বদলি করা
হইল।” আমি পত্র পাইয়া অবাক হইয়া সাতনার সকল বন্ধু-বান্ধবকে
কহিলাম, “এলাহাবাদেই আমার কার্যের শেষ হইবে, সেই মতলবেই
আমাকে এলাহাবাদে বদলি করিয়াছেন।” পাঠক! এ ঘটনার ছয়
মাস পূর্ব হইতেই কোন এক আশ্চর্য ঘটনায় আমার মন দোলায়মান
ধাক্কিত। সেই ঘটনার বিয়য় পরে লিখিব।

এলাহাবাদে

আমি এলাহাবাদে পৌঁছিলে সাহেব আমাকে জব্দ করিবার জন্ত
নানারূপ পরীক্ষা করিতে আরম্ভ করিলেন। মন অশান্তিতে অহরহ
নৃত্য করিতে লাগিল। তিনি আমায় কহিলেন,—“কলিকাতা হইতে
সেক্রেটারী সাহেব কল্যা এখানে আসিয়া পৌঁছিবেন, তাঁহার সমক্ষে
তোমায় পরীক্ষা করিব; বিবেচনা হয় তখন বেতন বৃদ্ধি করা যাইবে,
নচেৎ বেতন বৃদ্ধি একেবারে বন্ধ থাকিবে। ইহাতে আমি এলাহাবাদের
প্রধান পেন্সারের আমার পরিচিত বন্ধুর সহিত পরামর্শ করিয়া মনে
মনে এই স্থির করিলাম যে,—সেক্রেটারীর সম্মুখে আমাকে অনর্থক

অপমান এবং আমি যে এ কাজে সম্পূর্ণ অযোগ্য ইহা সহজেই প্রমাণ করাইবার পূর্বে আমার এই কার্য পরিত্যাগ করা ভিন্ন অন্য উপায় নাই। সাতনা হইতে এখানে আসিবার দুই তিন মাস পূর্বে পরিবারবর্গকে জামালপুরে পাঠাইয়াছিলাম কারণ স্ত্রী তখন সম্ভান সম্ভাবিতা ছিলেন। এখন এলাহাবাদে এই পরামর্শ আঁটিয়া শঙ্কর মহাশয়কে এই ভাবে তারে সংবাদ দেওয়া স্থির করিলাম যে, আমার স্ত্রী ভয়ানক পীড়িতা তিনি যেন আমার এইরূপ ভাবে জামালপুর যাইতে তার করেন। ইহা ভিন্ন পরীক্ষা হইতে অব্যাহতির আর কোন উপায় নাই। এই স্থির করিয়া রাত্রি নয় ঘটিকার সময়ে শঙ্কর মহাশয়কে তারে সংবাদ দিলাম। তিনি তারের মর্মানুসারে পুনরায় আমাকে তার করেন যে,—“তোমার স্ত্রী ভয়ানক পীড়িতা, তুমি প্রথম গাড়ীতেই চলিয়া আইস”। তার প্রাপ্ত হইয়া হাসপাতালে প্রেরণ করি যে,—আমি পদ বেদনায় কাতর, উপরন্তু তারে সংবাদ পাঁইয়াছি যে, জামালপুরে আমার স্ত্রী সাংঘাতিক পীড়ায় আক্রান্ত। সুতরাং আমি হাসপাতালে যাইতে অপারগ। ডাক্তার সাহেব হাসপাতাল পরিদর্শনে আসিয়া যখন এই সংবাদ প্রাপ্ত হন, তখন আমার প্রতি ভয়ানক কুপিত হইয়া ডাকিইয়া পাঠাইলেন। আমি অতি কষ্টে তাঁহার সহিত সাক্ষাৎ করতঃ কার্যে অপারগ প্রকাশ এবং তারের সংবাদ সাহেবের নিকট দিয়া বিদায় প্রার্থনা করিয়া কহিলাম,—“কিছুতেই কার্য করিতে পারিব না, তোমার যাহা খুসী কর।” যদি মঞ্জুর না কর তবে ইহাই আমার কার্যত্যাগের আবেদন পত্র হইবে এইরূপ ভাবে জানাইলাম। তিনি মুক্ত কণ্ঠে বলিলেন—বিদায় দিবও না। জামালপুরের ডাক্তার ক্রক সাহেবকে বিস্মৃত এক তারে সংবাদ জানিয়া পাঠাইলেন যে,—“আমার স্ত্রী ঠিক পীড়িতা কি না? উত্তর যেন শঙ্কর এলাহাবাদে পাঠান হয়।” আমি অপরাহ্নে সাহেবের বাঙ্গালায় উপস্থিত হইয়া ইস্তফা পত্র

প্রদান করি। তাহার মর্মে এইরূপ “আমার শরীর অসুস্থ ওদিকে পরিবার সাংঘাতিক পীড়ায় আক্রান্ত; এই সংবাদে মন বড়ই অশান্তিতে ভাসিতেছে সুতরাং এরূপ অবস্থায় আমার দ্বারা কোম্পানীর কার্য হওয়া একান্ত অসম্ভব। অতএব আমার ইস্তফা মঞ্জুর করা হউক। যদি ছুটি পাইতাম তাহা হইলে সম্ভবতঃ কার্য পরিত্যাগ করিতে হইত না।” পর দিবস প্রাতে কলিকাতার সেক্রেটারীসহ ডাক্তার সাহেব, হাঁসপাতালে উপস্থিত হইয়া আমাকে আহ্বান করিলেন। আমি লাঠির উপর ভর দিয়া অতি কষ্টে তথায় উপস্থিত হইলাম। অমাকে সেক্রেটারী সাহেব কয়েকটি কথা জিজ্ঞাসা করেন, আমিও যথাযথ উত্তর প্রদান করিলাম। ডাক্তার সাহেব কহিলেন—“ইনিই সাতনার ডাক্তার; গতকল্য ইস্তফা পত্র দিয়াছেন; আমি তাহার ইস্তফা মঞ্জুর করিয়াছি।” আমি সেক্রেটারীর নিকট হইতে কয়েক দিবসের বিদায় প্রার্থনা করায় মঞ্জুর হইল। কলিকাতা হইতে যাতায়াতে পাস পাইলে আট দিনের জন্য জামালপুর গমন করিলাম। আমার আত্মীয় স্বজন সকল বিষয় শ্রুত হইয়া ষারপর নাই দুঃখিত হইলেন। আমি জামালপুর হইতে কলিকাতায় যাইয়া সেক্রেটারী সাহেবেব সহিত সাক্ষাৎ করিলাম। ঐ সাহেব বলিলেন,—“যখন গ্রিফিথ সাহেব তোমার উপর কুপিত এবং তুমি কার্যে ইস্তফা দিয়াছ, তখন কোন উপায় নাই। আমরা যদি অগ্রদ্রও তোমাকে নিযুক্ত করি, তবেও ঐ সাহেব তোমার প্রতি অত্যাচার করিয়া তোমার চাকুরী নষ্ট করিবে। যেহেতু তিনি ডাক্তার বিভাগের সর্বময় কর্তা। যথা সময়ে জামালপুরে আসিয়া আমার নামীয় একখানি পত্রে ডাক্তার গ্রিফিথ লিখিয়াছেন,—“তোমার ইস্তফা এজেন্ট সাহেব মঞ্জুর করিয়াছেন সুতরাং এক মাসের বিজ্ঞাপনে তোমাকে কার্য করিয়া একেবারে অবসর গ্রহণ করিতে হইবে।” এরূপ ভারের পত্র পাইয়া যথা সময়ে এলাহাবাদ পৌছিলাম এবং

তথায় এক দিবস অপেক্ষা করিয়া পুনরায় সাতনায় এক মাসের জন্ত চলিলাম।

সাতনায় যাইয়া মহাদুঃখে কালযাপন করিতে লাগিলাম। এতদিন পরে মনে পরিতাপের আবির্ভাব হইল। হায় হায়! কি করিয়াছি! কেন, ইস্তফা দিলাম? যে কার্য গ্রহণ করিবার জন্ত কলিকাতার বড় কাবুকে একশত টাকা পর্য্যন্ত পূজা দিতে উদ্বৃত্ত হইয়াছিলাম—যে কার্যের জন্ত কলিকাতা হইতে গ্রিফিথ সাহেবের নিকট আবেদন করিয়াছিলাম, যে কার্যের জন্ত মাতৃবিয়োগ অবস্থায় শোক-বস্ত্র পরিধান করিয়া কত লোকের উপহাসসম্পদ হইয়া কার্য লইয়া আগমন করিলাম, সেই দুঃখের চাকুরী কিনা সামান্য কারণে পরিত্যাগ করিলাম। আমার অদৃষ্টে কত দুঃখ আছে ভগবানই জানেন।

প্লাগ্‌স্ট কাহিনী

১৮৯৩ সালের জুন মাসে একদিন আমি রোগী দেখিতে মাকুণ্ডি স্টেশনে গমন করি। তথাকার স্টেশন মাষ্টার কালিবাবু আমার হস্তে একখানি বাঙ্গালা সংবাদপত্র প্রদান করিয়া বলিলেন—“দেখুন, ডাক্তার খাবু! প্লাগ্‌স্ট নামক এক প্রকার ভৌতিক-যন্ত্র আবিষ্কৃত হইয়াছে, তাহাতে মন সংযম করিয়া কোন প্রশ্ন জিজ্ঞাসা করিলে হস্তস্থিত পেন্সিল দ্বারা নিম্নস্থিত কাগজে উত্তর প্রাপ্ত হওয়া যায়। ইহা অতি অদ্ভুত নহে কি? আমি প্রথমে ইহা শুনিয়া হাসিয়া উড়াইয়া দিলাম এবং বলিলাম,—ইহা অসম্ভব কারণ কাষ্ঠ-ফলক আপনি চলিয়া নিম্নস্থিত কাগজে কি প্রকারে উত্তর প্রদান করিবেন। যাহা হউক, কাগজখানি লইয়া সাতনায় যাইয়া বহু ব্যক্তিবর্গকে দেখাইলাম। তাঁহারাও সম্পূর্ণ অবিশ্বাস করিলেন কিন্তু আমার অনুরোধে দুই তিন জন একত্রিত হইয়া কলিকাতায় একটি প্লাগ্‌স্টের জন্ত লিখিলাম। যথা সময়ে

আমরা ইহা প্রাপ্ত হইয়া প্রথম দিবস তিন চার জন বন্ধু একত্রিত হইয়া কালীবাবুর বৈঠকখানায় ঐ যন্ত্র ধরিলাম। টেবিলের উপর কাগজ রক্ষা করিয়া আমরা চার জন কাষ্ঠ-ফলকের উপর হস্ত লাগাইয়া বসিয়া রহিলাম; অল্পক্ষণ পরে কাষ্ঠ চলিতে আরম্ভ করিল। ক্রমে ক্রমে প্রশংসারী বাবুগণ প্রশ্ন করিতে আরম্ভ করিলে সংক্ষেপে তাহাদের উত্তর হইতে লাগিল। ঐ দিবস মহারাজা নন্দকুমার রায়ের আত্মার আবির্ভাব হয়। কতক উত্তর ঠিক কতক বা মিথ্যা হইতে লাগিল এমন কি অবশেষে কাগজে নানাপ্রকার গালি লিখিতে লাগিল। অনেকের অল্প অল্প বিশ্বাস হইল, আবার অনেকের ধারণা হইল আমরা হস্তের সাহায্যে লিখিয়া উত্তর দিতেছি। এক ঘণ্টা পরে আমরা স্বপ্ন নাম ভবনে চলিয়া গেলাম। তৎপর দিবস পুনরায় ধরা হইল ঐ দিবস আরও স্পষ্ট অভাবনীয়ভাবে উত্তর হইতে লাগিল। একজন ওভারসিয়ার বাবু (অপরিচিত ভদ্রলোক) তথায় উপস্থিত ছিলেন, তিনি কয়েকটা প্রশ্ন করেন; তাহার যথার্থ উত্তর পাইয়াছিলেন। ইহাতেও অনেকের ততদূর বিশ্বাস হইল না বরং কেহ কেহ বলিলেন অনর্থক অর্থব্যয় করিয়া এই যন্ত্র আনা গর্হিত হইয়াছে। আমি ভাব গতিক বুঝিয়া ঐ যন্ত্রটা খরিদ করিয়া আপন করিয়া লইলাম।

সাতনার কেলনার কোম্পানীর ম্যানেজার ম্যাকভিকার সাহেবের সহিত আমার সৌহৃদ্যতা হইয়াছিল। ইনি সম্প্রতি স্কটল্যান্ড হইতে আসিয়াছেন; ইতি একজন প্ৰিচুয়ালিষ্ট। ইনি আমাকে বলিলেন,— জিনিষ ভাল, তুমি নিজে গোপনে গোপনে অভ্যাস করিতে আরম্ভ কর, কখনও পশ্চাৎপদ হইও না। পরে তুমি মিডিয়াম হইয়া এই যন্ত্রের আশ্চর্য ক্ষমতা দেখিয়া মোহিত হইবে। তাহার এই বাক্যে বিশ্বাস করিয়া প্রতিদিন রাত্রে ইহার অভ্যাস করিতে লাগিলাম, কিন্তু কোনই ফল উপলব্ধি করিতে পারিলাম না। উপরোক্ত সাহেবও

মধ্যে মধ্যে আমার নিম্নতলস্থ অফিসে আসিয়া উক্ত যন্ত্র ধরিতেন কিন্তু তিনি বেশ ফল পাইতে লাগিলেন। সাতনায় সকল বাবুই আমার এই যন্ত্র সম্বন্ধে নানারূপ বিক্রম করিতে লাগিলেন, কিন্তু আমার দৃঢ় প্রতিজ্ঞ মন তাহাতে শিথিল হইল না।

প্রথম দিবস আমিও রাজার স্কুলের তৃতীয় শিক্ষক লক্ষ্মীকান্ত ভট্টাচার্য্য প্লাঞ্জেট ধরি; হঠাৎ আশ্চর্য্য ও অভাবনীয়রূপে গাজিপূরের সুবিখ্যাত মৃত উকিল বাবু শিবনানক সিং মহাশয়ের আত্মা আসিয়া উপস্থিত হইল। আমি বা লক্ষ্মী বাবু ঐ আত্মার বিষয় কিছুই অবগত ছিলাম না এমন কি আমি গাজিপুর গমনও করি নাই। আমি প্রথমে অবিশ্বাস করিলে ঐ আত্মা কহিলেন—সাত আট বৎসর পূর্বে তাঁহার বসন্ত ব্যাধিতে দেহত্যাগ হইয়াছে। সাতনার হরপ্রসন্ন লাহিড়ী মহাশয়ের স্বশুরালয় গাজিপুর, তাঁহার নিকট হইতে সঠিক সংবাদ পত্রের দ্বারা জ্ঞাত হইলাম। উক্ত উকিল আট বৎসর পূর্বে বসন্ত ব্যাধিতে মারা যান।

দ্বিতীয় দিবস—গভীর রাত্রে আমি যখন একাকী ঐ যন্ত্র ধরিয়াছিলাম, তখন রামহরি বিদ্যালঙ্কারের আত্মা আবির্ভাব হন; তিনি ক্রমে ক্রমে সকল সংবাদ বলিলেন। ২৪ পরগনা জেলার অধিনে জঙ্গল গ্রামে তাঁহার জন্ম ৬ কাশিতে বিস্মটিকা ব্যাধিতে দেহ নষ্ট হইয়াছে। সাতনার মথুরানাথ ভট্টাচার্য্য মহাশয়ের নিকট জ্ঞাত হইয়া জানিলাম, উত্তর ঠিক হইয়াছে। এইরূপ নানাপ্রকার প্রশ্নের উত্তরে এই যন্ত্রের প্রতি শ্রদ্ধা দিন দিন বৃদ্ধি হইতে লাগিল। কিন্তু অপরাপর বন্ধুগণের অবিশ্বাস অটল রহিল। আমার ক্ষণভঙ্গুর জীবনের মধ্যে ইহা যে একটি আশ্চর্য্য ঘটনাপূর্ণ রহস্য তাহা স্মৃতিপথে রাখিয়া যাইবে। ক্রমে ক্রমে আমার ৬ পিতা মাতা এবং পত্নীর আত্মা আনাইয়া আশ্চর্য্য আশ্চর্য্য উত্তর পাইয়া আনন্দিত হইতে লাগিলাম। অপরাপর বন্ধু-বান্ধবগণকে

তাঁহাদের মতলব মত ইহা যে কিছু নহে এইভাবে প্রকাশ করিতে নাগিলাম। কিন্তু ইহার প্রকৃত উত্তর পাইয়া আমার বিশ্বাস ইহার প্রতি বিশেষ দৃঢ় হইতে লাগিল। অতীত এবং ভবিষ্যৎ কালের প্রকৃত প্রশ্নের উত্তর বাবুদিগকে দিতে আরম্ভ করিল, অথচ আমি তাহার বিন্দুমাত্রও অবগত ছিলাম না। কিন্তু মনুষ্য মনে যাহা একবার ধারণা করে তাহার মূলোৎপাটন হওয়া বড়ই সুকঠিন অর্থাৎ যাহাদিগের এই যত্নের সম্বন্ধে পূর্বে হইতেই অবিশ্বাস, তাহাদিগের প্রকৃত 'সত্য' উত্তর পাইলেও যে বিশ্বাস মনেতে স্থাপনা করিতে অপারগ হইয়া ইহাই আশ্চর্য্য নহে কি ?

সাতনার মাল গুদামের সহকারী বাবু হরপ্রসন্ন লাহিড়ী মহাশয়ের নামে একটি ইন্সিওর পার্শেল ৬ কাশীধাম হইতে তাঁহার মাতাঠাকুরাণী পাঠান; তাহাতে দুই গাছি স্বর্ণবালা ছিল। কিন্তু উক্ত বাবু কার্যে ব্যস্ত থাকাবশতঃ ভালরূপ না দেখিয়া কেবল রসিদ সচি করিয়া লয়েন। পিয়ন চলিয়া গেলে পার্শেল খুলিয়া দেখেন, তন্মধ্যে বালার ওজানামুযায়ী তাম্বাক রহিয়াছে। ইহা ডাক বিভাগের পিয়নের সম্বন্ধে খোলা হয় নাই, তখন একথা এখন কে বিশ্বাস করিবে। পরে যখন তদন্ত করা হয়, তখন প্লাগেটকে জিজ্ঞাসা করা হয় যে, উক্ত জিনিষের অনুসন্ধান কোন ফল হইবে কি ? তাহার উত্তর পাওয়া যায় যে, "জিনিষই পাওয়া যাইবে কিন্তু একগাছি বালার উপরিস্থ ফুলটা পাওয়া যাইবে না।" ক্রমে ক্রমে ৬ কাশির ডাক চালকের প্রতি সন্দেহ হয়। পরিশেষে পার্শেল রানারের নিকট উক্ত বালা পাওয়া যায় এবং তাঁহার দুই বৎসর কঠিন পরিশ্রমসহ কারাবাস হয়।

আর একটি ঘটনা। সাতনার ইংরাজী বিদ্যালয়ের তৃতীয় শিক্ষক বাবু লক্ষীকান্ত ভট্টাচার্য মহাশয়ের প্রতি পলিটিকেল এজেন্ট সাহেবের আদেশ হয় যে,—“তাঁহার দশ টাকা বেতন হ্রাস করা হইবে।”

প্ল্যাঞ্চেটকে এই বিষয় জিজ্ঞাসা করায়, তাহার এই উত্তর পাওয়া যায় যে—“দরখাস্ত করিলে, বেতন হ্রাস কোন মতেই হইবে না।” প্রকৃত পক্ষে দরখাস্তে তাহাই হইল।

প্ল্যাঞ্চেটে সাতনা স্কুলের প্রধান শিক্ষক আশুবাবুর স্ত্রীর নাম, কহিয়া দেয়; ইহার নাম আমি ঘুণাকরেও জানিতাম না। একদিন স্ত্রী আমার অনুপস্থিতিতে প্ল্যাঞ্চেট ধরেন; ঐ সময় আমার খুল্লতাত স্বপ্নে এবং মৃত পত্নীর আত্মা আবির্ভাব হয়। তাহারা আমার পত্নীকে বলিয়া ধান প্রসব কালীন জীবন সংশয় হইবে। আমি সন্দেহ দূরীকরণার্থ পুনরায় তাহাদিগের আত্মাকে আনাইয়া জানিলাম,—‘গর্ভাবস্থায় ভৌতিক বহু ব্যবহার করা নিষেধ আছে; অজানিত অবস্থায় যখন ধরিয়াছিল, তখন আমরা নিকট আত্মীয়ের আত্মাবশতঃ কোন ভয়ের কারণ নাই, কিন্তু প্রসব কালীন কষ্ট হইবে, জীবনের ভয় নাই।’ কোন কোন সময়ে ইংরেজের আত্মা আসিয়া ইংরাজীতে উত্তর প্রদান করিত, সে সব উত্তর ইংরাজী ভাষায় আমার লিখা অসম্ভব।

আমার কার্যত্যাগে সাতনার ইংরাজ, বাঙ্গালী এবং হিন্দুস্থানী সকলেই বিশেষ দুঃখিত হইলেন। সাহেব মহলে চাঁদা করিয়া সাহেবের গণ আমাকে পঞ্চাশ টাকা পারিতোষিক দেন। এবং সাতনায় সকল সাহেব সমবেত হইয়া স্ব স্ব নাম সহি করতঃ একখানি উত্তম প্রশংসা-পত্র প্রদান করেন। সাতনার বাঙ্গালীমণ্ডলী কালীবাবুর বাটীতে আমার বিদায় ভোজ্য মহাসমারোহে সম্পন্ন করেন এবং তথায় একটি সভায় সকল বাঙ্গালী বাবু একত্রিত হইয়া একটি শোক প্রকাশক বক্তৃতা সমাপনান্তে একটি উত্তম ক্লক ঘড়ি উপহার প্রদান করেন। আহারান্তে পুনরায় সকলে একত্রিত হইয়া আমাকে একখানি অভিনন্দন পত্র প্রদান করেন। তৎপর দিবস প্রত্যুষ পাঁচ ঘটিকায় বোম্বাই ডাক গাড়ীতে জামালপুর রওনা হই এবং যথা সময়ে জামালপুরে পৌঁছিয়া

মুন্সেরের ডিষ্ট্রিক্ট বোর্ডের অধীনে চাকুরীর চেষ্টা করিয়া বিফল মনোরথ হই। কয়েক দিন পরে এ্যাঙ্কার সাহেবের অফিসে গমন করতঃ সাহেবকে সাতনার ইয়ং সাহেবের সুপারিশ পত্র প্রদান করিয়া মৌখিক বলিলাম,—যদি আপনি অনুগ্রহ করিয়া ডিষ্ট্রিক্ট বোর্ডে আমার জন্ম সুপারিশ করেন তবে আমার কার্য হইতে পারে।” সাহেব সুপারিশ করিতে অস্বীকৃত হইয়া আমাকে বলিলেন,—আমাদিগের ডিয়ার কোম্পানীর ছোটনাগপুর অঞ্চলে একজন ডাক্তারের আবশ্যিক; তুমি আবেদন করিলে খুব সম্ভব কার্য পাইবে।” আমার প্রশংসাপত্রের অনুলিপি সহ উক্ত কোম্পানীর পরিদর্শক (উপরোক্ত সাহেব) সি. টি. এ্যাঙ্কার সাহেবের নামে একখানি আবেদন পত্র প্রদান করিয়া মৌখিক কহিলাম,—আমি বিশেষ দরকারে কলিকাতায় যাইতেছি; যখন এই ডাক্তারি পদ মঞ্জুর হইবে তখন আমাকে কেশবপুরের ঠিকানায় সংবাদ দিলেই আমি যথা সময়ে উপস্থিত হইব। সাহেব তাহাতেই স্বীকৃত হইলেন। সাহেবটি অতি ভদ্র এবং অতি উচ্চ বংশীয়; এই কোম্পানীর সুপারিন্টেন্ডেন্ট এবং অংশীদার; মাসিক বেতন এক হাজার পাঁচ শত টাকা।

আমার প্ল্যাঞ্চেট-কাহিনী আমার পত্নীর প্রমুখাৎ স্বপ্নরানয়নই সকলেই জ্ঞাত হইয়া তাহার সত্যাসত্য নির্ণয়ের জন্ম আমার স্বশ্রু মাতাঠাকুরাণী কহিলেন,—“অনেকদিন শ্রীমতি অন্নপূর্ণা (আমার মধ্যমা শ্যালিক) পত্র না পাইয়া সকলেই ব্যতিব্যস্ত আছি। পত্র না পাইবার কারণ কি? এবং সে কেমন আছে? তোমার ভৌতিক-যন্ত্রের সাহায্যে বল। দ্বিতীয়তঃ—রসুনের মাতা যে পরিচারিকা আমার স্ত্রীকে বাল্যকালে লালনপালন করুন তাঁহার রসুন নামক পুত্রের সংবাদ অনেক দিনস না পাইয়া মনহুঃখে বিশেষ কষ্ট পাইতেছিল; তাহার বিষয় জিজ্ঞাসা করিয়া,—সে কেমন আছে বল। আমি তৎপর দিন মধ্যাহ্নে

দরজা বন্ধ করিয়া বসিলাম এবং শ্রীমতি অন্নপূর্ণার বিষয়ে জ্ঞাত হইলাম।
 যে,—“তাহার ভয়ানক শরীর অসুস্থ ছিল তজ্জন্ত পত্র লিখিতে পারে
 নাই; চার দিনের দিন পত্র আসিবে এবং তাহাতে উল্লিখিত শরীর
 অসুখের বিষয় লিখিত থাকিবে।” রসুনের মাতার প্রশ্নের এই উত্তর
 হইল যে,—“সে একটা বড় সদাগরী অফিসে চাকুরী পাইয়াছে এবং ভাল
 আছে। অসুখ করে তাহার পত্র আসিবে।” এই দুইটি প্রশ্নের
 উত্তর আশ্চর্যরূপে মিলিল। ঠিক নির্ধারিত দিবসে দুই স্থান হইতে
 পত্র পাওয়া গেল। রসুনের পত্রে এরূপ লিখিত ছিল যে,—
 “ইষ্ট ইণ্ডিয়া রেল কোম্পানীর অধীনে বরাকর স্টেশনে চাকুরী
 পাইয়াছে।”

এই কথা ক্রমে ক্রমে প্রচার হইয়া পড়িল এবং কেশবপুর নিবাসী
 শ্রীযুক্ত শ্যামাপ্রসাদ মুখোপাধ্যায় (লোকোমটিব অফিসের একজন
 কেরানী) এই যন্ত্রের বিষয় আমাকে জিজ্ঞাসা করেন এবং বারম্বার তাহা
 ধরিতে বলেন। একদিন সন্ধ্যাকালে আমার স্বপ্তর মহাশয়ের বাটার
 সন্নিহিত একটা বাসায় বসিয়া প্লাঞ্জেট ধরি; তিনি মনের মধ্যে প্রশ্ন
 করিয়া আমাকে বলিলেন যে, আন্তরিক প্রশ্নের উত্তর দিতে বলুন।
 আমি প্লাঞ্জেট ধরিয়া জিজ্ঞাসা করিলাম। কি আশ্চর্য! প্লাঞ্জেট উক্ত
 বাবুর আন্তরিক প্রশ্নের সখ্যার্থ উত্তর প্রদান করিল; তাহাতে তিনি
 এতদূর আশ্চর্যান্বিত হন যে, স্থানন্দে আমাকে ধরিয়া পড়িয়া যান।
 তৎপরে তাঁহার মাতাঠাকুরাণীর আত্মাকে আনাহইয়া অনেক কথা
 জিজ্ঞাসা করেন। তাঁহার মৃত্যুর পরে সপিণ্ডকরণ কার্য শ্যামাপ্রসাদ
 বাবু করেন নাই, তজ্জন্ত তাঁহার মাতাঠাকুরাণী শ্লেষবাক্য প্রয়োগ করিলে
 উক্ত বাবু রোদন করিতে লাগিলেন। পরিশেষে তাঁহার মাতাঠাকুরাণীর
 আদেশ মত অমাবস্তা তিথিতে মুঙ্গেরের কষ্টহারিনার ঘাটে শ্রাদ্ধ কার্য
 সম্পন্ন করিয়া কেশবপুরস্থ বহু ব্রাহ্মণকে জলপান করাইলেন। এই

কাহিনী মুন্সের ও জামালপুরে প্রচার হইয়া পড়িল। আমার নিকট বহু ভদ্রলোক আসিয়া প্রশ্নের উত্তর লইতে লাগিলেন।

এ্যাঙ্কলার সাহেবের নিকট হইতে বিফল মনোরথ হইয়া ফিরিয়া আসিয়া চার পাঁচ দিবসের মধ্যেই কলিকাতায় গমন করিলাম; কারণ আমার বাল্য বন্ধু নলডাঙ্গার জমিদার বাবু কেশবচন্দ্র দেবরায় সাংঘাতিক ব্যাধি হুৎ-রোগের চিকিৎসার জন্ত কয়েক মাস পূর্ব হইতে কলিকাতায় ছিলেন। ডাক্তারগণ তাঁহার এই ব্যাধি হইতে অব্যাহতি নাই বুলায় তিনি আমাকে সংবাদ প্রেরণ করেন যে,—তাঁহার মৃত্যুর পূর্বে আমি যেন একবার শেষ সাক্ষাৎ করি। তজ্জন্ত আর অধিক বিলম্ব না করিয়া এ্যাঙ্কলার সাহেবের সহিত কথোপকথন বিষয় শ্রুতির মহাশয়কে কহিয়া কলিকাতাভিমুখে রওনা হইলাম। প্রাতঃকালে হাওড়ায় অবতরণ করিয়া শিয়ালদহ হিন্দু-আশ্রমে উপস্থিত হইলাম। আহা! কাশ্মিরিপাড়ার পল্লীতে কেশববাবুর বাসায় উপস্থিত হইলাম। হায়! হায়! পৌছিয়া শুনিলাম,—“তিনি গতকল্য রাত্রি আট ঘটিকার সময় পুত্র পরিবারদিগকে শোকসাগরে নিমজ্জিত করিয়া অকালে হঠাৎ শ্বাসরোধে মানব লীলা সম্বরণ করিয়াছেন।” ইহাতে হৃদয়ে বড়ই আঘাত পাইলাম কারণ তিনি আমার সহিত শেষ দেখা করিবার জন্ত অধৈর্য হইয়াছিলেন। আমি এমনি পামণ্ড যে, তাঁহার শেষ অনুরোধ টুকু রক্ষা করিতে পারিলাম না। আমি বাসায় উপস্থিত হইলে তাঁহার মাতাঠাকুরাণীর এবং স্ত্রীর শোকাগ্নি যেন পূর্ব হইতে অধিকতর প্রজ্জ্বলিত হইয়া উঠিল। তাঁহার দুইটা পুত্র—নগেন্দ্র ও জ্ঞানেন্দ্র রোদন করিতে লাগিল। নলডাঙ্গার রজনীকান্ত চক্রবর্তী ঐ বাসায় ছিলেন; তাঁহার নিকট সকল বিবরণ অবগত হইয়া চক্ষের জল সম্বরণ করিতে অপারগ হইলাম। যদি এক দিবস পূর্বে কলিকাতায় পৌছিতে পারিতাম; তাহা হইলে তাঁহার সহিত আমার শেষ দেখা হইত :

বাহা হউক, পরে শোকাবেগ প্রসমিত হইলে আমাকে জ্যেষ্ঠ পুত্র নগেন্দ্র চন্দ্রকে লইয়া তাহার সকলে নলডাঙ্গায় রাজাবাহাদুরের নিকট লইয়া যাইতে অনুরোধ করিলেন। আমি কলিকাতায় হিন্দু আশ্রমেই অবস্থিতি করিতেছিলাম; তবে সময় মত কেশব বাবুর বাসায় প্রতি দিনই গমন করিতাম। একদিন একখানি ষ্টেটসম্যান সংবাদ-পত্র পাঠ করিয়া অবগত হইলাম, আসাম বেঙ্গল রেলওয়ের জন্ত তিন জন ডাক্তার প্রয়োজন। ঐ কার্যের বেতন ৭৫ টাকা, পাথের পৃথক পাওয়া যাইবে। তৎক্ষণাৎ গোহাটীর বড় ডাক্তার সাহেবকে প্রশংসা-পত্রের অনুলিপিসহ আবেদন করিলাম। প্রতি উত্তরের ঠিকানা জামালপুরে মন্ত্র মহাশয়ের বরাবর দিয়া ডাকঘরে পত্র দিলাম।

ইহার দুই দিবস পরে আমি এবং নগেন্দ্র রাত্রে গাড়ীতে একটি পরিচারক সহ রওনা হইয়া পর দিবস প্রাতঃকালে নলডাঙ্গায় উপস্থিত হই। কেশব বাবুর সকল আত্মীয়-বন্ধুগণকে শোক প্রদান করিয়া সন্ধ্যার সময়ে নগেন্দ্র বাবুকে লইয়া রাজাবাহাদুরের সহিত রাজপ্রাসাদে সাক্ষাৎ করিলাম। তিনি জিজ্ঞাসা করিলেন,—“মৃত্যুকালীন ডেইল হইয়াছে?” আমি বলিলাম,—“সম্ভবতঃ হইয়াছে”। তিনি আমাকে কহিলেন,—“কেশব বাবুর স্ত্রীর কর্তব্য এই যে, তিনি যেন তাঁহার শাশুড়ীর বিনা অনুমতিতে কোন কার্য না করেন।” তিন চার দিবস তথায় থাকিয়া কেশব বাবুর প্রধান কার্যকারক হরিমোহন চট্টোপাধ্যায় মাতুল মহাশয়সহ আমি এবং নগেন্দ্র কলিকাতায় প্রত্যাগমন করিলাম। শ্রদ্ধ দিবসে স্বল্পব্যয়ে কার্য সমাধা করান হয়। শ্রদ্ধের পর দিবস জামালপুরের একখানি পত্রে জ্ঞাত হইলাম আমার স্ত্রী তথায় ভয়ানক পীড়িতা এবং অল্প পত্র মধ্যে একখানি তারের সংবাদ রহিয়াছে দৃষ্টি গোচর হইল। ঐ তারের সংবাদে জ্ঞাত হইলাম গোহাটীর বড় ডাক্তার সাহেব আমাকে নিযুক্ত করিয়া এই সংবাদ প্রেরণ করিতেছেন এবং

উহার সহিত স্বশুর মহাশয়ের পত্রে জ্ঞাত হইলাম যে, তিনি এই চাকুরীতে অনুমোদন করিতেছেন। কলিকাতার বন্ধু বান্ধবগণের মতলব অনুসারে ঐ কার্য গ্রহণ করিতে ইতঃস্তত করিলাম না। ঐ দিবসই লুপ ডাক-গাড়ীতে জামালপুর রওনা হইয়া রাত্রি আড়াই ঘটিকার সময়ে স্বশুরালয়ে উপস্থিত হইলাম।

আসামের চাকুরী সম্বন্ধে অনেক কথা স্বশুর মহাশয়ের সহিত হইয়া পরে তিনি কহিলেন,—গতকল্য এ্যাঙ্কার সাহেব তোমাকে চাকুরী দিবার জন্ত ডাকিয়া ছিলেন; তুমি প্রাতে তাঁহার অফিসে যাইয়া সাক্ষাৎ কর। “তদনুসারে আমি প্রাতে আট ঘটিকায় এ্যাঙ্কার সাহেবের অফিসে যাইয়া দেখিলাম, বৃদ্ধ এ্যাঙ্কার সাহেব ‘অফিস’ নাই; তিনি লঙ্কায় জলবায়ু পরিবর্তন করিতে গিয়াছেন। ছোট নাগপুরের ম্যানেজার মিষ্টার টি, সি, এ্যাঙ্কার (বৃদ্ধ সাহেবের ভ্রাতুষ্পুত্র) তাঁহার কার্য করিতেছেন। ঐ সাহেব আমার পরিচয় প্রাপ্ত হইয়া তাঁহাদের ছোট নাগপুরের জঙ্গল বিভাগে চল্লিশ টাকা বেতনে কার্য করিবার নিয়োগ-পত্র দিতে উদ্যত হইলেন এবং বলিলেন, তথায় তিনি প্রত্যাগমন করিলে কোম্পানীর অধীনস্থ ঠিকাদার, পাটাদারগণের নিকট হইতে মাসিক চাঁদা আদায় করিয়া যাহাতে মাসিক একশত টাকা ভক হয় এই মত চেষ্টা করিবেন। আমি তাঁহাকে গোহাটা ডাক্তার সাহেবের তারের সুবাদ প্রদর্শন করাইলে তিনি কহিলেন, “কোম্পানী এখন চল্লিশ টাকার উর্দ্ধ দিতে অক্ষম; তবে আমি চেষ্টা করিয়া মাসিক কিছু কিছু যাহাতে পাও, তাহার উপায় করিয়া দিব। আমি এই চাকুরীটিই মনোনীত করিলাম কারণ আসাম অনেক দূর দেশ; জলবায়ু তত ভাল নহে উপরন্তু জিনিষ-পত্র, মার্ঘ। আর ছোটনাগপুর-রেলের রাস্তার কিনারায়, অধিক দূর দেশ নহে, উপরন্তু জলবায়ুও তত মন্দ নহে; এই সকল বিবেচনা করিয়া এই চাকুরীর নিয়োগ-পত্র গ্রহণ

করলাম। এই সাহেবটিও তাঁহার খুল্লতাতে গায় অতি ভদ্রলোক। তিনি কহিলেন,—“আমি মনোহরপুরের ম্যানেজার। তোমাকে সেখানেই থাকতে হইবে। খুল্লতাত মহাশয় সিংহল হইতে প্রত্যাগমন করিলেই আমি তথায় যাইব। আমার বড় কেরাণী বজরঙ্গী বাবু বেতীয়া গমন করিয়াছেন। তিনি প্রত্যাগমন করিলে তৎসহ আপনাকে আপাততঃ পুরুলিয়া পাঠাইব। তাঁহার সহিত গমন করিলে আপনার কোনরূপ অসুবিধা হইবে না।” উক্ত কথামুসারে আমি কয়েক দিবস জামালপুরে তাঁহার প্রতীক্ষায় বসিয়া রহিলাম।

পুরুলিয়াতে

পূজা গত হইল, বজরঙ্গী বাবু প্রত্যাগমন করিলেন না। আশ্বিন মাসের দ্বিতীয় সপ্তাহের মধ্যেই শ্রীমান গোপালচন্দ্রের জন্ম হয়। এই সময়ে স্ত্রী বড়ই রুগ্ন পান। বজরঙ্গী বাবুর আসিতে বিলম্ব হওয়ায় আমি পুরুলিয়া যাইবার জন্য কুড়ি টাকা অগ্রিম গ্রহণ করিয়া পুরুলিয়া রওনা হইলাম। বেলা চার ঘটিকার সময়ে আমাদের গাড়ীখানি পুরুলিয়া ষ্টেশনে উপস্থিত হইল। আমি ষ্টেশনের বাহিরে আসিয়া দেখিলাম,—অলেকগুলি কাল, লাল ও শ্বেত বর্ণের অশ্ব-শকট দণ্ডায়মান রহিয়াছে, কিন্তু ঘোড়া নাই। পরে জানিতে পারিলাম, ঐ সকল গাড়ী গুলি মনুষ্যে বহন করিয়া লইয়া যায়। এই সকল দেখিয়া ভাবিলাম, এ আবার কোন দেশে আসিলাম; মানুষে ঘোড়ার কার্য করে?

৩০শে অক্টোবর সাড়ে পাঁচ ঘটিকার সময়ে বজরঙ্গী বাবুর বাসায় পৌঁছিলাম। টি, সি, এ্যাঙ্কার সাহেবের কনিষ্ঠ ভ্রাতা হারি এ্যাঙ্কার সাহেব পুরুলিয়ার বাঙ্গালায় ছিলেন, তজ্জন্ত সেদিন আর তাঁহার সহিত সাক্ষাৎ হইল নাই। বাবুদিগের বাসা বাটিতে তৎকালীন হিন্দুস্থানী কায়স্থ বংশীয় পরর্জন লাল মুন্সি ছিলেন; তিনি আমাকে আদর

অভ্যর্থনা করিলেন। ঐ দিবসু দিবাভাগে অদৃষ্টে অন্ন আহার ঘটে নাই, অন্নই বাঙ্গালীর জীবন বলিলেই হয়। সুতরাং তাহার জন্ম রাত্রে লালায়িত হওয়ায় অনেক অনুসন্ধানে পুরুলিয়ার একটা ব্রাহ্মণের হোটেলে উপস্থিত হইলাম। হোটেলের ঠাকুর বাঁকা বাঁকা স্বরে আপ্যায়িত করিয়া শাল পাত্রে মোটা চাউলের অন্ন পরিবেশন করিয়া গেলেন এবং ঐ পাতার ঠোঁঙ্গায় ডাইল তরকারি দিলেন; মনে ভাবিয়াছিলাম পরিতোষের সহিত আহার করিব কিন্তু মুখের মধ্যে অন্ন প্রবেশ যাত্রাই অপ্রবৃত্তির জন্ম অন্ন আর উদরস্থ না হওয়াতে অতি কষ্টে দুই একবার বল প্রয়োগ করিয়া হস্ত দ্বারা মা-লক্ষ্মীকে ঠেলিয়া মুখের মধ্যে প্রবেশ করাইলাম কিন্তু পরিতোষ না হওয়ায় গণ্ডুষ করিয়া তৎক্ষণাৎ গাত্রোচ্ছ্বাস করিলাম। ঠাকুর মহাশয়কে যথারীতি দক্ষিণা প্রদান করিয়া বাসায় আসিয়া নিজার ক্রোড়ে বিশ্রাম করিলাম।

৩১শে অক্টোবর প্রাতঃকালে হারি এ্যাঙ্কলার সাহেবের সহিত সাক্ষাৎ করিয়া জানিতে পারিলাম আমার জন্ম একটা বাসাবাটা স্থিরীকৃত হইয়াছে। এক দিবস পরে একজন পরিচারক এবং ব্রাহ্মণ বন্দোবস্ত করিয়া নূতন বাসায় গমন করিলাম। আমি প্রতি দিন প্রাতে ৬ অপরাহ্নে মুন্সিদিগের সহিত ডিয়ার কোম্পানীর অফিসে যাইতাম। কাজ কর্ম বিশেষ কিছুই ছিল না সুতরাং ইংরাজি সংবাদ-পত্র পাঠ করিয়াই সময় অতিবাহিত করিতাম। ডিয়ার কোম্পানীর প্রধান একাউন্টেন্ট বাবু বজ্রস্বামী সাহা অতি ভদ্র কায়স্থ বংশীয় সন্তান। তিনি আমার সহিত প্রথম হুইতেই মাখামাখিতাবে আলাপ পরিচয় করিয়া বন্ধুত্ব শৃঙ্খলে আবদ্ধ হইয়াছিলেন। আমি যদিও বাঙ্গালী ব্রাহ্মণ তথাপি তিনি আমাকে তাহার ঋদেশীয় ব্রাহ্মণোচিত ভাবে সম্মান করিতেন। ইনি অফিসের বড় বাবু; ইহার অধিনে পনের ঘোল জন মুন্সি হিন্দী সেরেস্ভায় কার্য করেন।

কয়েক দিবস পরে বড় সাহেব আমাকে কহিলেন—“তুমি একদিন মনোহরপুরে যাইয়া কোন স্থানে তোমার বাসা প্রস্তুত করিলে সুবিধা হইবে সেই স্থান মনোনীত করিয়া তথাকার মুন্সিকে বলিয়া এস”। তাঁহার অনুমত্যানুসারে তৎপর দিবস মোর সাহেবসহ মনোহরপুরে রওনা হই। সময় সঙ্কীর্ণতা বশতঃ টিকিট কাটিতে না পারায় গার্ড সাহেবের আদেশ মত মধ্যম শ্রেণীতে উঠিলাম। দুই ধারে পাঁহাড় ও জঙ্গল রাখিয়া গাড়ী চলিতে লাগিল। রাত্রি আনুমানিক দুই সাত ঘটিকার সময়ে চক্রধরপুর পৌঁছিল। তথায় গাড়ী অর্ধ ঘণ্টা অপেক্ষা করে, আমি ইত্যবসরে গার্ড সাহেবের দ্বারা টিকিট করিয়া লইলাম। অর্ধ ঘণ্টা পরে গাড়ী পুনরায় ছাড়িয়া দিল। চক্রধরপুর হইতে দশ বার মাইল পথ অতিক্রম করিয়া টানেলের মধ্যে গাড়ী প্রবেশ করিল। এই টানেলটি অতি বিস্তৃত; ইহা জামালপুরের টানেলের চার গুণ। তথা হইতে বার তের মাইল পথ অতিক্রম করিয়া গাড়ীখানি মনোহরপুর স্টেশনে দণ্ডায়মান হইল। এই স্টেশনটি পাহাড়ের কোড়ে অবস্থিত; অতি জঙ্গলময় স্থান। উক্ত দিবসে কোম্পানীর হস্তি ও কুলি উপস্থিত ছিল। স্টেশন হইতে বহির্গত হইয়া আমি ও মোর সাহেব হস্তিতে আরোহন পূর্বক মনোহরপুরের বাজারের মধ্যদিয়া নদীধারে উপস্থিত হইলাম। কোম্পানীর অপ্রশস্ত একখানি নৌকায় আমরা নদী পার হইয়া অপর পারে উপস্থিত হই। মুন্সিদিগের বাঁসাবাড়ীতে উপস্থিত হইলে মুন্সি দরূপ নারায়ণ আমাকে অভ্যর্থনা করিয়া লইলেন। পরদিন প্রাতে কারখানা ও সাহেবদিগের বাঙ্গালা দর্শন করিয়া নদীর অপর পারে আমার বাসাবাড়ীর স্থান মনোনীত করিয়া বেলা দশ ঘটিকার যাত্রী গাড়ীতে পুরলিয়া অভিমুখে রওনা হই।

পুরলিয়ার যৎকিঞ্চিৎ বিবরণ দেওয়া কর্তব্য। এস্থানের 'জল

বায়ু স্বাস্থ্যকর, অনেকগুলি বাঙ্গালী বাবু এদেশে কর্মোপলক্ষে আসিয়া নিজ নিজ বাটী নির্মাণ করতঃ সপরিবারে বাস করিতেছেন। পুরুলিয়ার রাজপথগুলি অতি পরিষ্কার, দুই ধারে অট্টালিকা এবং বিপনি শ্রেণীতে শোভা বিস্তার করিয়াছে। বাজারে সকল জিন্সই পাওয়া যায়। ইংরাজ টোলাটী অতি সুন্দর। অনেকগুলি সাহেবের কুলির অফিস। ইহারা কুলি সংগ্রহ করিয়া আসামে চালান দিয়া থাকেন, তাহাতে সাহেবেরা ধনী হইয়াছেন। সাহেব বাঁদ একটা মনোরম দৃশ্য; ইহার চতুর্দিক পরিষ্কার পাকা রাস্তা দ্বারা বেষ্টিত। বাঁদ শব্দে হ্রদ বা জলাশয়কে বুঝায়। এই সাহেব বাঁদের জল অতি স্বাস্থ্যকর এবং ইহাতে গভীর জল সকল সময়ে এক ভাবে অবস্থিত। সহরের যাবতীয় লোক এই জলাশয়ের জল পানীয় রূপে ব্যবহার করেন। এই সহরে মনুষ্যের ও মাংস বিক্রয়ের ছড়া ছড়ি। কি ভদ্র, কি অভদ্র, সকলেই কুলি খরিদ ও বিক্রয় করিয়া থাকে। প্রতিদিন কত নীচ জাতিয়া স্ত্রীলোকের যে সতীত্ব নষ্ট হইয়া থাকে তাহার ইয়ত্তা নাই। এদেশে স্ত্রী স্বাধীনতার প্রচার দেখা যায়। নীচ জাতিয়া স্ত্রীলোকের মধ্যে সতী স্ত্রী নাই বলিলেও অত্যাচার হয় না। এই জেলায় আমাদের দেশীয় অনেক কুলিন ব্রাহ্মণের বাস দেখিতে পাওয়া যায়।

এদেশের ভদ্র সমাজের স্ত্রীলোকের মধ্যে অনেকেই উর্দ্ধ খোঁপা করিয়া কেশ বাঁধেন, কিন্তু পূর্বাশ্রম এইরূপ রীতি অনেক পরিমাণে কমিয়া গিয়াছে। বাউরী জাতির স্ত্রীলোক মাত্রেই, প্রায় বেগুা বৃত্তি দ্বারা সুকুমার মতি বালক ও যুবকগণের সর্কনাশ সাধন করিতেছে। এই সকল নীচ জাতিয়া স্ত্রীলোকগণ উপহাস ব্যাধিতে অধিকাংশই আক্রান্ত।

ম্যানেজার সাহেব কৃপা করিয়া আমার বাসা স্টেশন ও বাজারের নিকট প্রস্তুত করিতে আদেশ করিলেন। আমার উদ্দেশ্য সপরিবারে বাস করিব কিন্তু নদীর অপর পারে কোন ব্যক্তিই সপরিবারে থাকেন

না। সুতরাং বাজার ও ডাক ঘরের মধ্যবর্তী স্থানে বাসাবাটা স্থির করিলাম।

কিছু দিন পরে পুরুলিয়া হইতে আমরা রাত্রি সাড়ে সাত ঘটিকার ডাক গাড়ীতে মনোহরপুর যাত্রা করিলাম। যথা সময়ে মনোহরপুরে পৌঁছিলাম। ভীম ঠাকুর আমার পাচক ছিল। ম্যানেজার সাহেবের আদেশে এই ভীম ঠাকুরকে ডাক্তারখানার চাপরাসির কার্য করিয়া দেওয়া হয়; তাহাতে আমার বিশেষ সুবিধা হইল। কারণ কোম্পানী হইতে বেতন পাইত কিন্তু সাহেবের জানিত ভাবে আমার বাসায় রন্ধন কার্য করিত। মনোহরপুরের পোষ্ট মাষ্টার অন্তদাচরণ ভট্টাচার্য মহাশয় অতি সদাশয় ভদ্রলোক; তিনি সপরিবার তথায় বাস করিতেন। তাঁহার দেশীয় একজন ক্যাশ্বেল স্কুলের অনুভীর্ণ কম্পাউণ্ডার বাবু রঙ্গলাল কর মুহাশয়কে পনের টাকা বেতনে মনোহরপুরে কম্পাউণ্ডার পদে গ্রহণ করা হয়। যদিও তিনি কম্পাউণ্ডার হইয়া আইসেন কিন্তু তাঁহার চিকিৎসা কার্যে ভালরূপ অধিকার ছিল। তাঁহাকে কম্পাউণ্ডার না করিয়া সাহেবের অনুমত্যানুসারে আমার সহকারিরূপে নিযুক্ত করিলাম। কোম্পানীর অধীনস্থ ঠিকাদার সার্টাদারগণের নিকট হইতে আমার জন্ম যে টাকা আদায় হইত তাহাতে মাসিক পঞ্চাশ টাকা উঠিত। ঐ ঠাদার টাকা হইতে সাড়ে বাইশ টাকা রঙ্গলাল বাবুকে দেওয়া হইত। এদিকে মনোহরপুরের বাজারে রোগী দেখিতে যাইতাম, তাহাতেও আট দশ টাকা আয় হইত। আমার মাসিক আয় মোট প্রায় আশি টাকা হইত।

এক মাস পরে সাত দিবসের বিদায় গ্রহণ করিয়া জামালপুর হইতে পরিবার আনয়ন করি। এই সময় মনোহরপুরে জর ব্যাধির প্রকোপ হওয়াতে কোম্পানীর লোক দৈনিক পঁয়ত্রিশ চল্লিশ জন জরাক্রান্ত হইয়া ডাক্তারখানায় আসিতে লাগিল, কিন্তু সুখের বিষয় পত্নী ও

পুত্রদ্বয় সুস্থ শরীরে ছিল। মনোহরপুরে প্রতি রবিবারে হাট বসিয়া থাকে। বালীর কাগজ প্রস্তুতের জন্য মহাজমীরা এদেশ হইতে অপরিমিত পরিমাণে সাবই ঘাস সংগ্রহ করিয়া থাকেন। এই ঘাস এদেশে যেখানে সেখানে গাওয়া যায়।

যে জঙ্গলে এই কোম্পানীর কাঠের শ্রীপার প্রস্তুত হয়, সেই জঙ্গলের মালিক আনন্দপুরের ঠাকুর নামে অভিহিত। ইহার জমিদার, উড়িয়া ক্ষত্রিয়। অনেক সময়ে আমাকে আনন্দপুরের ঠাকুরের বাটতে গাঙ্গী দেখিতে যাইতে হইত। ইহার পাকী অথবা হস্তী পাঠাইতেন কারণ মনোহরপুর হইতে তিন ক্রোশ উত্তরে নিবিড় অরণ্যের মধ্য দিয়া আনন্দপুর যাইতে হয়। মনোহরপুর ষ্টেশনের দক্ষিণে জরাই কেনা ষ্টেশন। উহার পূর্বদিকে ইংরেজ রাজের বন বিভাগের সাম্ঠারেঞ্জ; তথায় মেস্তিস নামক একজন এই দেশজাত ইংরেজ কার্য করিতেন। ঐ সাহেবের একবার ভয়ানক পীড়া হয়; তথায় ভাহাকে দেখিতে যাইতে হইয়াছিল। ঐ স্থানটী যমের দক্ষিণ দুয়ার বলিলেও অত্যাক্তি হয় না। ষ্টেশন হইতে এক ক্রোশ দূরে যাইতে হয়। ঐরূপ নিবিড় জঙ্গল আসাম ভিন্ন কুত্রাপি দৃষ্টিপথে পতিত হয় না।

এক সময়ে জরাই কেনা ষ্টেশনে অবতরণ করিয়া কালিয়া পোষ নামক জঙ্গলে আমাদের একজন মুন্সীর পীড়া দেখিতে গমন করি; ঐ স্থানটী ঠিক সাম্ঠার তুল্য। দোলযাত্রা পর্বে উপলক্ষে এই কোম্পানী এক হাজার টাকা আমোদ আহ্লাদের জন্য দিয়া থাকেন। দোলযাত্রা পর্বে বাইনাচ ওয়ালিগণ সুরায় উন্মত্ত থাকেন। হিন্দুস্থানীদিগের এই নিয়মেই এই উৎসব সুসম্পন্ন হয়। দোলের দিন রাতে সাহেব মেম সকলে বাবুদিগের বাসায় নিমন্ত্রিত হইয়া হইয়া সুরাপান ও বাইনাচ দেখিতেন এবং পরস্পরে আবির্ নিয়া খেলা করিতেন। কিন্তু যাহার উপলক্ষে এই উৎসব, তাহার সহিত দেখা

সাক্ষাৎ নাই—পূজা নাই; মণ্ড, মাংস, নাচ তামাসাদি কি দোলের উদ্দেশ্য? তাহাই যদি হয়, তবে এইরূপ উৎসব উৎসব যাউক! ভগবান, সংশিক্ষা প্রদান করিবার জন্য আবিভূত হইতেন; এই কি সংশিক্ষা? ঠাঁহার নামে উৎসব—তিনি মহাযোগী, সাক্ষাৎ নারায়ণ। ঠাঁহার উদ্দেশ্যে এই কি বীভৎস ব্যাপার? হিন্দু জাতি অধঃপতনের মরম সীমায় উপস্থিত হইয়াছে।

গোপালচন্দ্রের সাহেব ব্যাধি হইতে আরোগ্য লাভ পূর্বক শিশু কন্যাকে একজন মেমের তত্ত্বাবধানে রাখিয়া সপরিবারে লণ্ডন গমন করেন। ঠাঁঠক! ইহাদিগের মায়ার জোর কত অধিক বুঝিয়া লউন। সাহেব খিলাত গমনের পর দিবস বজরঙ্গী বাবু টম্‌টম্‌ গাড়ী হইতে পড়িয়া গিয়া শয্যাগত হইয়া পড়েন। এই সংবাদ পাইবা মাত্র আমিও সপরিবারে, পুরুলিয়া গমন করিয়া ডি, ডি, বসু সিভিল সার্জেনসহ ঠাঁহাকে চিকিৎসা করি। বজরঙ্গী বাবু দক্ষিণ জাম্বুসন্ধি ভগ্ন হয়; সুখের বিষয় ঠাঁর অঙ্গচ্ছেদের আবশ্যক হইল না। ঠাঁর চিকিৎসায় দুই মাস পরে আরোগ্য হইলেন কিন্তু আক্রান্ত পদটি দুর্বল রহিল; চলিবার সময়ে বিনা যত্নে চলিতে পারিতেন না। আমার মধ্যম পুত্র শ্রীমান গোপালচন্দ্রের অন্ত্রপ্রাণন কার্য পুরুলিয়ায় সম্পন্ন হয়। পুরুলিয়ার হিন্দু চুড়ামণি শ্রীযুক্ত রূপচাঁদ পণ্ডিত মহাশয় পৌরহিত্যের কার্য করেন। এই কার্য উপলক্ষে সরকারি হাঁসপাতালের ডাক্তার ভোলানাথ গঙ্গোপাধ্যায় আমার যথেষ্ট উপকার করেন।

গোপালচন্দ্রের অন্ত্রপ্রাণনের তিন চার মাস পরে আমার স্ত্রীর সঙ্কীর্ণ মাতুল মহাশয়ের সহিত আমার পরিচয় হয়। ইনি অনেক দিবসাবধি পূর্বে বিভাগে ঠিকাদারি কার্য করিতেছিলেন কিন্তু এখন ঐ কার্য নাই। ঠাঁহার নাম শ্রীপ্রতাপচন্দ্র মুখোপাধ্যায়। তিনি নিলুকে বড়ই স্নেহের চক্ষে দেখিতেন। তিনি কুলি চালানি কার্য করিতে মনস্থ করায়

বজরঙ্গী বাবুর নিকট হইতে একশত পঞ্চাশ টাকা কর্ত্ত করিয়া একটা ছোট ডিপো খুলেন ; তাহাতে সম্পূর্ণ ক্ষতি হওয়ায় ঋণগ্রস্ত হইলেন । পরিশেষে আমাকেই বজরঙ্গী বাবুর টাকা শোধ করিতে হইল । তখনও আমার প্লাফেট ধরা বন্ধ ছিল না এবং সন্তোষ জনক উত্তর পাইয়া তাহাতেই মত্ত থাকিতাম । পুরুলিয়ার ফরবস্ সাহেব আমাদের বড় সাহেবের খাতক । তাঁহার ফুসফুস প্রদাহের ব্যাধি হওয়ায় হারি সাহেব তাঁহাকে দেখিবার জন্ত আমাকে অনুরোধ করেন, কারণ যদি ঐ সাহেব মৃত্যুমুখে পতিত হয় তবে বড় সাহেবের ষোল হাজার টাকা আদায় হইবে না । আমি এবং ডাক্তার ডি, ডি অসু উভয়ে রোগী দেখিতাম কিন্তু দুঃখের বিষয় ছয় সাত দিবসের মধ্যে ঐ সাহেব মানব লীলা সম্বরণ করেন । আমার পঞ্চাশ ষাট টাকা দর্শনী পাওনা হইয়াছিল । কিন্তু কিছুই আদায় হইল না । আশ্বিন মাসে বিদায় হইয়া বজরঙ্গী বাবু সহ কলিকাতায় গমন করি এবং প্রতাপ গামা আমার স্ত্রী পুত্র জামালপুরে রাখিতে গমন করেন ।

সন্ধ্যার সময়ে আমি বজরঙ্গী বাবু সহ হাওড়া ষ্টেশনে উপস্থিত হই । বজরঙ্গী বাবুর পরিচিত হরিচাঁদ নামক একজন মাড়োয়ারি আমাদিগকে ষ্টেশন হইতে তাঁহার বড় বাজারস্থ বাগায় আমাদিগকে অবস্থিতির জন্ত লইয়া চলিলেন । বজরঙ্গী বাবু ইহার পূর্বে কখনও কলিকাতা মহানগরী দর্শন করেন নাই, তজ্জন্ত তাঁহাকে লইয়া চার পাঁচ দিবস কলিকাতার প্রসিদ্ধ স্থান সকল দেখান হইল । তৎকালীন কলিকাতায় তিনটা থিয়েটার ছিল ; প্রতি থিয়েটারে বজরঙ্গী বাবুকে লইয়া অভিনয় দেখিতে গমন করি । বজরঙ্গী বাবু কলিকাতায় পাঁচ ছয় দিবস অবস্থিতি করিয়া তাঁহার বাড়ি মুন্সের গমন করেন । আমিও নলডাঙ্গায় পূজা দেখিবার জন্ত শোরাভিমুখে রওনা হই ।

নলডাঙ্গায় আসিয়া বাল্য বন্ধু বালমোহন চট্টোপাধ্যায় মহাশয়ের

বাটাতে অবস্থিতি করি। প্লাঞ্জেট সহস্রকে দুই তিন দিবস গ্রামস্থ ভদ্র মণ্ডলীর ভিতর অনেক কথোপকথন হয়, তাহাতে কেহ বিশ্বাস করিলেন আবার কেহবা সম্পূর্ণ অবিশ্বাস করিতে লাগিলেন। তথায় আমার যৎকিঞ্চিৎ খাজানা আদায় করিয়া জামালপুরাভিমুখে গমন করি। জামালপুরে পৌছিবার কয়েক দিবস পরে জরে আক্রান্ত হই। বজরঙ্গী নামবুকে আমার জরের সংবাদ প্রদান করিলে তিনি পাক্কী যানে তাঁহার বাড়ী হইতে আমাকে জামালপুরে দেখিতে আসেন এবং মিষ্টানের পরিবর্তে টাকা প্রদান করেন। আমিও আরোগ্যাস্তে তাহার বাটাতে গমন করিয়া সকল বালক বালিকাগণকে মিষ্টানের জন্ত প্রত্যেককে টাকা প্রদান করি। বজরঙ্গী বাবুর ভ্রাতাধ্বয় বাবু শিবসাহা এবং বাবু শীতল প্রসাদ অতি পবিত্র হৃদয়ের লোক; তাহারা আমাকে পাইয়া বড়ই আনন্দিত হইলেন। তথায় জলপানাস্তে পাক্কীযোগে জামালপুরে প্রত্যাগমন করি। জামালপুরে অবস্থিতির পরে পরিবার লইয়া পুরুলিয়া আগমন করি।

অক্টোবর মাসে আমাদিগের বড় সাহেব টি, সি, এ্যাঙ্কলার সাহেব সপরিবারে বিলাত হইতে পুরুলিয়া আসিয়া ডিয়ার কোম্পানীর প্রত্যেক কর্মচারীদিগকে ঘড়ি ও ফেন উপহার দেন। কম্পাউণ্ডার রঙ্গলাল বাবু একটা অঙ্গুরীয়ক উপহার পাইলেন। ডিসেম্বর মাসের প্রথম সপ্তাহে আমরা সকলে পুরুলিয়া হইতে মনোহরপুরে আগমন করি। মনোহরপুরে আসিয়া শুনিলাম যে—ষ্টেশন মাস্টার বাবু দেবেন্দ্রনাথ চট্টোপাধ্যায় মহাশয় ডাক বাবু অন্নদাচরণ ভট্টাচার্য মহাশয়কে একঘরে করিয়াছেন। শুনিয়াই অবাক হইলাম; কেন না এই বিধান জঙ্গলে বাঙ্গালী বিহীন স্থানে পরম্পর ষ্বেষাষ্বেষীর হস্ত হইতে নিবৃত্ত নহেন। আমি ষ্টেশন মাস্টার বাবুকে কত প্রকার কাকুতী মিনতি পূর্বক দলাদলি মিটাইবার কথা বলিলাম কিন্তু তাঁহার আর কৃপা হইল না। ইনি মনোহরপুরে

সকল বাঙ্গালী বাবুদিগকে কুহক বলেই হউক বা মন্ত্র বলেই হউক 'নিজের বশে রাখিয়াছিলেন সুতরাং সকলেরই মুখে একই কথা। কয়েক মাস পরে সিংভূমের ইনস্পেক্টার বাবু মনোহরপুরে আগমন করেন; ঐ সময়ে দলাদলির তিরোভাব হয়।

সদগুরু সন্ধান

এই সময়ে আমার জীবনে এক নূতন ভাগ্য চক্রের উদয় হয়। আমি নলডাঙ্গায় গমন করি বিজয়া দশমীর দিবসের পর দিবস অর্থাৎ একাদশী তিথিতে। ঐ সময়ে আমি একাদশীর উপবাস করিতাম। শুনিলাম বড় সরকার রাজা কমলেশচন্দ্র দেব রায় মহাশয়ের জ্যেষ্ঠ জামাতা শ্রীযুক্ত বাবু বরদা কান্ত মজুমদার মহাশয় বিশ্ববিদ্যালয়ের উপাধিকারী, তাঁহার শ্বশুরালয়ে আসিয়াছেন।

তাঁহার সহিত আমার বন্ধুত্ব ছিল সুতরাং তিনি আসিয়াছেন শুনিয়া সাক্ষাৎ অভিলাষে উক্ত ভবনে গমন করি, ইনিও পূর্বে প্রাণ্ঠে ধরিতেন, আমি তথায় যাইয়া নানারূপ আলাপ পরিচয়ের পর প্রাণ্ঠে সম্বন্ধে কতদূর উন্নতি করিয়াছেন জিজ্ঞাসা করিলাম। তিনি তাহার উত্তরে বলিলেন—যাহা পাইয়াছি তাহার সার প্রাণ্ঠে কিছুই নহে এই বলিয়া যোগাঙ্গনে বসিয়া চক্ষু স্থির করিয়া কতকগুলি প্রশ্নের উত্তর

করিলেন এবং বলিলেন যেখন এইরূপ চক্ষুস্থির হর তৎকালিন নাসিকার নিকট হস্ত প্রদান করিলে বায়ু যাতায়াতের হ্রাসাংশ অনুভব হইবে না। বাস্তবিক তাহাই আমি পরীক্ষা করিলাম। তাঁহার সহিত নানা প্রকার আলাপ করিয়া এই ধারণা হইল যে ইহাই তাঁহার জীবনের সার বস্তু। আমি, উহা কি জানিতে উৎসুক হওয়ায় সন্ধ্যা সন্ধ্যা ঘটিকার সময়ে একটা বড় রাজার পুষ্করিণীর বাঁধা ঘাটে তাঁহার সহিত যাইতে ইচ্ছিত করিলেন; আমি তদনুসারে সন্ধ্যা পর্যন্ত তথায় কোতুহলাক্রান্ত হইয়া বসিয়া রহিলাম।

নির্ধারিত সময় উপস্থিত হইলে তাঁহার সহিত নির্দিষ্ট স্থানে চলিলাম। কহিতে যাইতে কহিলেন বলুন দেখি আপনি কোথায় যাইতেছেন? আমি কহিলাম—পুষ্করিণীর ঘাটে। তিনি তদন্তরে কহিলেন—তাহা নহে, শূন্য জানিবেন। আমি তাহার ভাব কিছুই পরিগ্রহ করিতে পারিলাম না। তৎপরে নির্ধারিত স্থানে উভয়ে উপবেশন করিলে তিনি কহিলেন—“আপুনি সত্য কথা কহিবেন কি না”? আমি অম্লান বদনে ইহা উত্তর করিলাম। তিনি কিছু দিবস পূর্বের একটা অতি গোপনীয় কথা কহিলেন, যে কথা আমার স্ত্রী ভিন্ন এ জগতে আর কাহারও জানিবার উপায় নাই; ইহা শুনিয়া আমি অবাক হইলাম। তিনি কহিলেন—গুরুদেব আমার শরীরে সদা সর্বদা বাস করেন তিনি অন্তর্যোগি এ কথা তাঁহারই, তিনি আমাকে আর কিছুই না বলিয়া এবং আমাকে আর কোন কথা বলিবার অবকাশ না দিয়া কহিলেন—“আপনার শুভ সময় আগত; গুরুদেবের আজ্ঞাক্রমে আপনাকে নিকট এই নলডাঙ্গায় সাক্ষাৎ করিতে আসিয়াছি। আপনি কলিকাতার হৌগল কুড়ার ভবনে প্রাতে আট নয় ঘটিকার সময়ে গুরুদেবের সহিত সাক্ষাৎ করিবেন। তিনি প্রথমে কোনাে কথাই শুনিবেন না, এইরূপ বলিবেন—“আমি কিছুই জানি না, আপনি ভুল করিয়া আমার নিকট আসিয়াছেন।” তৎকালিন

আমার পরিচয় প্রদান করিবেন। তাহাতে যদি কোন কার্য না হয় প্রহার করিতে পারেন। তিনি রাগ করিলেন না কারণ সকল রিপুকেই জয় করিয়াছেন এবং ভগবান হুরির ভাবাপন্ন হইয়াছেন।”

এই কয়েকটা কথা শ্রবণে মন ঐ মহাপুরুষের চরণাশ্রয় জন্ত বড়ই ব্যস্ত হইয়া উঠিল, আমরা ঘাট হইতে আপন আপন বাসস্থানে গমন করিলাম। মনের যে কিরূপ অবস্থা হইল তাহা বর্ণনা তীত। দুই চার দিবস তথায় অবস্থিতি করিয়া রাজস্কুলের দ্বিতীয় শিক্কক কৈলাস বাবুসহ কলিকাতায় রওনা হইলাম। প্রাতের গাড়িতে অবতরণ করিয়া পাথুরিয়াঘাটার আনির রাজার বাসায় পৌঁছিলাম। তথায় প্রার্থকৃত্য সম্পন্ন করিয়া পাথুরিয়াঘাটার সুপ্রসিদ্ধ দ্বারিকা নাথ কবিরাজ মহাশয়ের নিকট হইতে আমার এক চর্মব্যাধির ঔষধ লইয়া কৈলাস বাবুসহ নির্ধারিত হৌগল কুড়ায় মহাপুরুষের বাস ভবনে উপস্থিত হইলাম। তথায় যাইয়া শুনিলাম ঐ সিদ্ধপুরুষ তাঁহার স্কুলে গমন করিয়াছেন, এক ঘণ্টার মধ্যেই প্রত্যাগমন করিবেন সুতরাং আমরা উভয়ে বহির্দেশের একটা অপ্ৰশস্ত খোলার ঘরে তাঁহার জন্ত অপেক্ষা করিতে লাগিলাম।

অর্দ্ধ ঘণ্টা পরেই একখানি দ্বিতীয় শ্রেণীর অশ্ব শকট ঐ বাটীর দ্বারে আসিয়া পৌঁছিল এবং ঐ গাড়ী হইতে মধ্যম আকারের শ্রমবর্ধী মুখে দাড়ি দিব্য কাঙ্ক্ষিযুক্ত পুরুষ কটকের একজোড়া বিনামা পাশে অবতরণ করিলেন, গাত্রে একটা সেকেলে মির্জাই ; গাত্রবস্ত্র হইতে সুগন্ধ বহির্গত হইতেছে।

কৈলাস বাবু তাঁহাকে প্রথমেই প্রণাম করিলেন তৎপরেই আমি প্রণাম করিলাম। আমাদিগকে দেখিয়া ধমকাইয়া দাঁড়াইলেন এবং জিজ্ঞাসা করিলেন আমরা কে এবং কি জন্ত এখানে আসিয়াছি তাঁহার উত্তরে কৈলাস বাবু আমার দিকে লক্ষ্য করিয়া কহিলেন ইহার কয়েকটা বিষয় আপনার নিকট জিজ্ঞাস্য আছে, তদ্বত্তরে গম্ভীর স্বরে কহিলেন আমি

কিছুই জানি না এবং তাহার উত্তর করিবার আমার সামর্থ হইবে না। কৈলাস বাবু আরও কহিলেন ইনি নলডাঙ্গার বরদা বাবুর প্রেরিত। তাহার উত্তরে তিনি কহিলেন—কে বরদা বাবু জানি না। একটু ভাবিয়া কহিলেন—আচ্ছা, উহার কি প্রশ্ন আছে জিজ্ঞাসা করুন। আমি কহিলাম ঠাকুর এ সম্পূর্ণ অসময়, আপনি একটু বিশ্রাম করুন তৎপরে জিজ্ঞাসা করিব। তাহার উত্তরে তিনি কহিলেন—“তবে আৰ্য্য মিশন ইনস্টিটিউশন স্কুলে তিনটা হইতে পাঁচটার মধ্যে যাইয়া যাহা জিজ্ঞাস্য থাকে জিজ্ঞাসা করিবেন নমস্কার।” এই বলিয়া দ্রুত গতিতে অন্দর মধ্যে প্রবেশ করিলেন, বহির্দ্বারে একজন দ্বারোয়ান ছিল ঐ ব্যক্তি ঝংঝিরের দিকে একটা তালি বন্ধ করিয়া দিল।

আমি তো অবাক! ইনি কে? ইনি কি একজন ফৌজদারির আসামী অথবা দস্যু? কুলুপ বন্ধ করিবার কারণ কি? এই বিষয় ভাবিতে ভাবিতে তিন আনির রাজা মহাশয়ের বাসায় পৌঁছিলাম।

আহারাঙ্কে বেলা তিন ঘটিকার সময়ে আমি কৈলাস বাবু এবং তিন আনির রাজা মহাশয়ের শ্যালক বরদা বাবু সকলে একত্রিত হইয়া ‘আৰ্য্য মিশনে’ যাইয়া উপস্থিত হইলাম। শুনলাম বাবা তাঁহার অফিসে আছেন শুধু আমরা তিন জনে অফিসের মধ্যে প্রবেশ করিয়া দেখি গুরুদেব একখানি টেবিলের ধারে একখানি কাঠাসনে বসিয়া আছেন এবং তাঁহার চতুর্পার্শ্বে সাধকগণ পৃথক পৃথক কাঠাসনে বসিয়া কথোপকথন করিতেছেন।

আমরা যাইবা মাত্রই গুরুদেব নমস্কার করিলে আমরা অবাক আর কি! আমরা তিনখানি আসনে উপবেশন করিলাম। আমাকে জিজ্ঞাসা করিলেন—“আপনার প্রশ্ন কি বলুন।” আমি একটু ইতস্ততঃ করায় কহিলেন—“এই সকল ভদ্রমণ্ডলি সকলেই সাধক, আপনি অন্যায়সে ইহাদিগের সমক্ষে আপনার অন্তরের ভাব অকপটে প্রকাশ করিতে

পারেন। তবে যদি আপনার সুঙ্গীদিগকে গোপন করিতে চাহেন চলুন-
পৃথক ঘরে ঘাইয়া আমাকে গোপনে বলুন।”

আমি কহিলাম; গুরুদেব! বড়ই অশান্তিতে কষ্ট পাইতেছি তাহা
উদ্ধারের উপায় বলুন। আর প্লাগ্গেট ধরিয়া অনেক সত্য ঘটনা
হস্ত হইতে প্রকাশ হয় তাহার কারণ কি? আর ধরিব কি না
ইত্যাদি অনেক কথা তাঁহাকে কহিলাম, তিনি আমার সকল
বিবরণ জ্ঞাত হইয়া কহিলেন প্লাগ্গেট ত্যাগ করণ, সর্দি না মুগিলে
খোড়ের রস মস্তকে লাগাইবেন, সুগন্ধি পুষ্পের স্রাব লইবেন, অল্প
ঐকখানি গীতা দিতেছি লইয়া, যান প্রত্যহ পাঠ করিবেন, আপনি
সংস্কৃত না জানিলেও পড়িতে পড়িতে এই গীতার প্রসাদেই দখল হইলে
বুদ্ধিতে পারিবেন, মনে নিশ্চল আনন্দ ক্রমে ক্রমে পাইবেন, যেরূপ
পূজা করিয়া থাকেন তদ্রূপ করিবেন। আপনি যে স্থানে আসিয়া
পুড়িয়াছেন মঙ্গলময় আপনার মঙ্গল করিবেন, সময়ে আত্ম কণ্ঠের
উপদেশ পাইয়া জীবন সার্থক জ্ঞান করিবেন। ব্যস্ত হইলে কি হইবে,
ধৈর্য্য অবলম্বন করুন। যতই গীতা পাঠ করিবেন ততই আপনার
ভক্তি ও বিশ্বাস মনে দৃঢ় হইবে। সুবিধামত সময়ে আমার সহিত
সাক্ষাৎ করিবেন। প্লাগ্গেটের সকল উত্তর সত্য সত্য না, বরং ইহার
ভাবি কুফলে মূর্ছা পর্যন্ত হইয়া থাকে কারণ এই যন্ত্র ধরিলে মস্তিষ্ক
ও হৃদয় দুর্বল হয়। অতএব এই যন্ত্র একেবারে পরিত্যাগ করিবেন
মনেতেও স্থান দিবেন না। এইরূপ কহিয়া আমাদিগকে বিদায়
দিলেন আমরা বাসায় আসিয়া অন্যান্য কার্য্য সমাধা করিয়া লইলাম।

পরদিবস অপরাহ্নে ২।।০ ঘটিকার গাড়ীতে জামালপুর রওনা হইলাম।
তথায় ঘাইয়া কতক কতক মাভাষে খণ্ডর মহাশয়কে কহিলাম; তাঁহার
সংকীর্ণ মনে এ বিষয় প্রত্যয় মানিল না। যাক্ হউক মহাপুরুষের
আদেশ মত প্রত্যহ গীতা পাঠ করিতে লাগিলাম এবং অল্প সময়

যে তাঁহার আশীর্বাদে এবং কৃপায় লীতা হৃদয়ঙ্গম হইতে লাগিল । জামালপুর হইতে পুরুলিয়া যাইয়া কৈলাস বাবুকে দেখিলাম ।

পূর্বে উল্লেখ করিয়াছিলাম, কলিকাতায় ঔষধ খরিদ করিতে যাইয়া গুরুদেবের শ্রীচরণ দর্শন লাভ ঘটিয়াছিল । কিন্তু দুঃখের বিষয় তৎকালিনও আমার প্রতি কৃপা হইল না ; কহিলেন সময় হয় নাই । “ধর্ম পূজাদি মীমাংসা” নামক ধর্মপুস্তক আমাকে প্রদান করিয়া কহিলেন, ইহা পাঠ করিলে মনের ফাটা কিছু ময়লা নষ্ট হইবে ; এখন উপদেশ পাইবেন না ! সুতরাং হতাশ হইয়া পুরুলিয়ার প্রত্যাগমন করিলাম এবং এক সপ্তাহের মধ্যে মনোহরপুর সপরিবারে যাইয়া দলাদলির ঘটনা দেখিয়া খুঁড়ট হইলাম এই বিষয় পূর্বে লিখিত হইয়াছে । এই সময়ে মনোহরপুরের বাসা বাটীতে ভয়ানক সর্পের ভয় হয় এবং দুই একটা সর্প মারাও হয় ।

ঐ সময়ে অর্থাৎ ১৮৯৫ খৃষ্টাব্দের ফেব্রুয়ারি মাসে বড় সাহেবের মেম আমাকে পুরুলিয়া যাইবার জন্য তাহা সংবাদ করেন । তথায় গমন করিয়া মেম সাহেবের একটা বন্ধু কুমারি মেমের ভয়ানক পীড়া হওয়ায় আমার দ্বারায় চিকিৎসা করেন, অনেক কষ্টে স্বল্পবিরামিত জ্বর আরোগ্য হয় । ঐ সময়ে আমি আমার পিতাপ মামার বাসায় আহারাদি করিতাম ।

ঐ সময়ে পুরুলিয়াতে আমার স্ত্রীর মাসির পুত্র শ্রীমান প্রিয়নাথ গঙ্গোপাধ্যায় কর্মপ্রার্থী হইয়া আমার নিকট পুরুলিয়ায় আগমন করেন তাঁহাকে মনোহরপুরে পাঠাইয়া দিলাম । কয়েক দিবস পরে আমি মনোহরপুরে প্রত্যাগমন করিলাম । প্রিয়নাথের বাটীর আর্থিক অবস্থা অতি শোচনীয়, পিতৃহীন, বয়ঃক্রম সতের আঠার বৎসর ; যৎসামান্য বাঁকানা লেখাপড়া করিয়াছে, কিন্তু অতি ঠাণ্ডা প্রকৃতির, যুবক । তাঁহার কার্যের জন্য বিশেষ চেষ্টা করিতে লাগিলাম, ইংরাজি না জানায় চাকরী হওয়া বড়ই সুকঠিন হইল ।

এই সময়ে আমার দ্বিতীয় পুত্র শ্রীমান গোপালচন্দ্র ও আমার সহধর্মিনী বড়ই পীড়িত হন ; দয়াময়ের কৃপায় অল্প দিবসের মধ্যে সম্পূর্ণ সুস্থ হইলেন। আমার সহকারি রঙ্গলাল বাবু কোলঙ্গা নামক নুতন ডিপোতে প্রেরিত হন সুতরাং আমাকেই মনোহরপুরের ডাক্তার খানার সকল কার্য নিৰ্বাহ করিতে হইত।

কোলঙ্গা ষ্টেশনে কোম্পানীর কারখানা উঠাইয়া লইয়া যাইবার প্রস্তাবনা অনেক পূর্ব হইতেই স্থিরীকৃত ছিল এবং তথায় সাহেবদিগের বসোপযোগী বাঙ্গালা এবং অফিস হইতেছিল। আমাদিগের বাসার বাটীর স্থান মনোনীত করিবার জন্ত সাহেবের আদেশ অনুসারে একদিন অপরাহ্নের গাড়ীতে আমি বজরঙ্গী বাবু এবং সিদ্ধেশ্বর বাবু একত্র হইয়া তথায় গমন করি। ঐ স্থানটা মনোহরপুর অপেক্ষা অনেক অংশে উত্তম কারণ জঙ্গল তত নিকটে নাই নদী পারাপারের অসুবিধা নাই। আমাদিগের বাসার স্থান নির্দেশ করিয়া পরদিবস প্রাতের গাড়ীতে মনোহরপুরে প্রত্যাগমন করিলাম।

এপ্রিল মাসের সপ্তম দিবসে আমরা সর্ব্বারম্ভে সম্পরিবারে কোলঙ্গার নুতন বাসা বাটীতে গমন করি। এই ষ্টেশনের নিকটবর্তী রাউর কেনা নামক ষ্টেশনে শ্রীবৃন্দ বাবু বামদেব বন্দ্যোপাধ্যায় মহাশয় রেলওয়ের রাস্তার সহকারি ইন্সপেক্টর রূপে কার্য করিতেন, তাঁহার সহিত আলাপ হওয়ায় জ্ঞাত হইলাম তিনি একজন ধর্মপ্রাণ লোক। এই বাবুটির সহিত বিশেষ সৌহার্দ্যতা হইয়াছিল সময়ে সময়ে তিনি আমার সহিত সাক্ষাৎ করিতে আসিয়া আমাকে বড়ই আনন্দ প্রদান করিতেন।

কোলঙ্গা ষ্টেশনে ডাকঘাড়া ধরিত না এবং সরকারি ডাকঘরও না থাকায় আমাদিগের পত্রাদি এক ষ্টেশন দক্ষিণে কুমার ফেলায় প্রতিদিন পাঠাইতে হইত। কোলঙ্গার উত্তরে দুই ক্রোশ ব্যবধানে

ব্রাহ্মণী নদী। তাহার উপর দিয়া রেল কোম্পানী অতি অপূৰ্ণ সেতু
নিৰ্মাণ করিয়াছে, সেতুও সুবৃহৎ। ঐ ব্রাহ্মণীর তটদেশে একটা অল্প
উচ্চ পাহাড়ের উপরিভাগ “ব্যাস আশ্রম” নামে কথিত হয়। জুন মাসে
নাগরা টিম্বার কোম্পানীর একটা বাবুর পুত্রের পীড়া হওয়ায় তাহার
চিকিৎসার জন্ত তথায় গমন করি, পথিপার্শ্বে উক্ত “ব্যাস আশ্রম” দূর
হইতে দৃষ্টি করিয়া স্থানের কিঞ্চিৎ আভাস হৃদয়ঙ্গম করিয়া লইলাম।
একদিন দিয়া কোল নদ আসিয়াছে এবং অপর দিক হইতে শংখ্য
নদ আসিয়া দুইটা নদের সংমিলন হইয়া ব্রাহ্মণী হইয়াছে সে অতি
অপূৰ্ণ দৃশ্য। ইহারই তীর দেশে ব্যাস আশ্রম। কিম্বদন্তি আছে
প্রতিদিন প্রাতে এখানে কুয়াসা হইয়া থাকে। তাহা কিন্তু আমার
ভাগ্যে দৃষ্টিগোচর হয় নাই।

যদিচ বাসা বাটীর নিকটে সেরূপ জঙ্গল ছিল না কিন্তু একদিবস
রাত্রি আনুমানিক আট ঘটিকার সময়ে আমাদের বাসার সংলগ্ন
ঘেরা বেড়ার অতি নিকটে ভয়ানক চীৎকার করিয়া তল্লুক যুদ্ধ করিতে
আরম্ভ করিল, সে ভয়ানক দৃশ্য : যাহা হউক নানারূপ শব্দ করায় তাহারা
পলারন করিল। বাসার আঁত নিকটে একটা পার্শ্বীয় অপ্রশস্ত নদী
ছিল, বর্ষাধানে কলপ্লাবনে ভীম মূর্তি ধারণ করিত ; এমন কি তাহার
তরঙ্গ দেখিলে হৃদয় কম্পিত হইত। কোলঙ্গার সন্নিকটস্থ কয়েকখানি
গ্রাম দেখিতে আমরা কয়েক জন একত্র হইয়া গমন করি। দেখিলাম
আমাদের দেশীয় পল্লীগ্রামের তুল্য। পাহাড়ের পাদদেশে গ্রামগুলি
প্রতিষ্ঠিত। জুন মাসে তাহা সংবাদ করাইয়া বাবু ও মুন্সিদিগকে
পুলিয়া লইয়া যান। কেবল আমি সপরিবারে কোলঙ্গায় অবস্থিতি
করিতে লাগিলাম। আমার সহকারী রঞ্জাল বাধু বিদায় গ্রহণ করিয়া
তাহার দেশে গমন করিয়াছেন।

কয়েক দিবস পরে বড় সাহেব আমাকে পুলিয়ায় সপরিবারে

যাইতে আদেশ করায় গমন করিয়া প্রথমে প্রতাপ মামার বাসায় দুই এক দিবস থাকিয়া নাজির বাঁধের নিকটে আমার বাসা ঠিক করিয়া তথায় গমন করিলাম। সুপ্রসিদ্ধ ৩গঙ্গানন্দ বাবু ডেপুটি-ম্যাজিস্ট্রেটের জ্যেষ্ঠ পুত্র শ্রীযুক্ত উপেন্দ্রনাথ মুখোপাধ্যায় ডেপুটিম্যাজিস্ট্রেট মহাশয়ের বাটর নিকটেই আমার বাসা হইল। সুতরাং তাঁহার স্ত্রী প্রথম দিবস হুইতেই আমার স্ত্রীর সহিত দেখা সাক্ষাৎ করিতে আসিতে লাগিলেন উক্ত ডেপুটি বাবুর কোন সম্বানাদি হয় নাই এবং তাঁহার সম্ভাবনাও ছিল না। আমার পুত্রদ্বয়কে তাঁহার স্বামী স্ত্রীতে বড়ই ভাল বাসিতে লাগিলেন এবং অনেক সময়ে গোপাল ডেপুটি বাবুর অঙ্কে থাকিত। বাবুটির পরিচয় একটু দেওয়া আবশ্যিক বিবেচনায় কয়েকটি বিষয় লিখিয়া ক্ষান্ত হইব।

ইনি ভবানিপুর নিবাসী সুপ্রসিদ্ধ উকীল ৩জগদানন্দ মুখোপাধ্যায় মহাশয়ের ভ্রাতুষ্পুত্র; সাহেবদিগের মনরঞ্জন করিতে ইহাদিগের বংশীয় লোক খুব পটু।

পুরুলিয়ার নাজিরবাঁধের বাসায় গমন করিবার তিন চার দিবস পরে একদিন অপরাহ্নে আমি ইঞ্জিনিয়ার বাবুর বাটর নিকটে একটি মধ্য বয়স্ক গৌরবর্ণ আকৃতির বাঙ্গালী বাবু আমাকে জিজ্ঞাসা করিলেন,—আমি ডিয়ার কোম্পানীর ডাক্তার কি না। আমি কহিলাম আপনার অনুমান সত্য বটে কিন্তু আমি কখনতো আপনাকে দেখি নাই, আপনি আমাকে কি করিয়া জানিলেন? তিনি কহিলেন সত্য বটে আমিও কখনও আপনাকে দেখি নাই তবে অস্তরের কথা অন্তর্ধামিই জানেন। আমার নাম জিজ্ঞাসা করায় নাম বলিয়া তাঁহার নাম জানিবার জন্য উৎসুক হইলে তিনি কহিলেন আমার নাম শ্রী বৈকুণ্ঠনাথ মুখোপাধ্যায়, নিবাস জাহানাবাদ মহকুমার নিকট তুরশোভাগ্রামে। আমিও আশ্চর্য্যাবিত হইলাম কারণ কোলঙ্গা অবস্থান কালিন সিদ্ধেশ্বর বাবু একদিন কোম্পানীর

কার্য উপলক্ষে চক্রধরপুরি গমন করিয়া তাঁহার নাম শ্রুত হইয়া আমাকে বলিয়াছিলেন। আমি কহিলাম, আপনার নাম শুনিয়াছিলাম সত্য। এবং ইহাও শুনিয়াছিলাম আপনি কলিকাতার ঠাকুরের আশ্রিত শিষ্য। আপনার সহিত সাক্ষাৎ করিবার সুযোগ অনুসন্ধান করিতে ছিলাম দয়াময় মিলাইয়া দিলেন। প্রকৃতপক্ষে তৎসদৃশ ধার্মিক ব্যক্তির সহিত সাক্ষাৎ হইলে কলুষিত মনে ধর্ম ভাবের উদয় হয়। আমি তাঁহাকে কহিলাম যদি আপনার কোন কষ্ট না হয় এবং অসুবিধা বোধ না করেন তবে সাহেবের বাঙ্গালা পর্য্যন্ত বেড়াইয়া আসিবেন। তিনি আনন্দ চিত্তে সন্মত হইয়া আমার সঙ্গে সঙ্গে চলিলেন।

সাহেবের বাঙ্গালায় আমার কার্য শেষ করিয়া আমরা উভয়ে আপন বাসায় প্রত্যাগমন করিলাম। অল্প সময়ের মধ্যে তাঁহার সহিত বড়ই যেন ভালবাসা হইল। ইহার বয়ঃক্রম তৎকালীন চল্লিশ বৎসর হইবে। ইনি একজন উচ্চ বংশীয় কুলিন সন্তান প্রায় দুই বৎসর ইষ্টদেবের নিকট হইতে উপদেশ পাইয়াছেন, এই সামান্য সময়ের মধ্যে গুরু রূপায় যথেষ্ট উন্নতি করিয়াছেন। তাঁহার বাসার বিষয় জিজ্ঞাসু হওয়ায় তিনি কহিলেন,—কয়েকটা চরিত্র হীন বাঙ্গালীর সহিত অতি কষ্টে থাকিতে হইতেছে। উক্তসঙ্গ অনুসন্ধান করিতেছি ঐরূপ ভদ্রলোক যুক্ত বাসা প্রাপ্ত হইলে এই অসৎ সঙ্গ ত্যাগ করিবার জ্ঞান বিশেষ উৎকণ্ঠিত আছি। আমি তাঁহাকে বারম্বার অনুরোধ করিয়া কহিলাম আমার বাসায় বৈঠকখানার ঘরে আসিয়া থাকুন এবং আমাকে কনিষ্ঠ সহোদর জ্ঞান করিয়া দাদা হইয়া এইখানে বাস করুন। তিনি স্বীকৃত হইয়া জিনিষ পত্র প্রভৃতি আনয়ন করিয়া আমার সহিত একত্রে বাস করিতে লাগিলেন।

আমার বিশেষ লাভ এই হইল যে তাঁহাকে পাইয়া মনের মলিনতা ক্রমে ক্রমে নষ্ট হইতে লাগিল। এই ঘটনা তাঁহার রূপ

ভিন্ন আর কিছুই হইতে পারে না। যে সময়ে তিনি অবসর পাইতেন ঐ সময়ে গুরুদত্ত গ্রন্থগুলি পাঠ করিয়া তাঁমাকে শ্রবণ করাইতেন। ইহাতে আমার অসীম সুখ। এদিকে তাঁহার নিকট হইতে যত সদুপদেশ পাইতে লাগিলাম তাহাতে ততই ক্রিয়া পাইবার জন্ত মন অতিশয় ব্যাকুল হইতে লাগিল।

ঐ সময়ে পরাৎপর ইষ্টদেব মহাশয়কে একখানি পত্র লিখিলাম যে, সাত আট দিবসের জন্ত বিদায় লইয়া কলিকাতায় মিষ্ট্রুব কৃপা করিয়া এ অধমকে উপদেশ প্রদান করিলে বড় ভাল হয়। তাঁহার উত্তরে এইরূপ লিখিলেন,—এ সময়ে উপদেশ লইবার কাল নহে, ব্যস্ত হইবার আবশ্যক নাই; আশ্বিন মাসে আসিয়া কার্য লইয়া যাইবেন। ইহাতে মনে প্রবোধ না মানায় গুরুদেবকে কত কটু ভাষা সন্নিবেশিত করিয়া আর একখানি পত্র লিখিলাম তাহাতে এই মনে করিয়াছিলাম দয়াময় বুঝি রাগ করিয়া উত্তর দিবেন না। কিন্তু ও হরি! তিনি যে রাগকে খাইয়া ফেলিয়াছেন বরং অতি উদার ভাবের উত্তর পাইলাম, তাহাতে কতকগুলি উপদেশ পূর্ণ বাক্য ছিল। ঐ পত্র পাইয়া কথঞ্চিৎ নিরস্ত হইলাম এবং তাঁহার আদেশ মত নিত্য গীতাপাঠ করিতে লাগিলাম।

এই সময়ে জামালপুরে আমার স্বশুর মহাশয়কে এই বিষয়ে আভাষ প্রদান করি, তাহাতে তাঁহার সম্পূর্ণ অমত, এই ভাবে উত্তর পাইলাম। ইহাতে আশ্চর্যান্বিত হইয়া রীতিমত বুঝাইয়া পত্র লিখিলাম। তাহাতে তিনি অনিচ্ছা স্বত্বেই সন্মত হইলেন।

কি আশ্চর্য্য! মায়িক জীব বৃত্তিতে অক্ষম, এই সাত্বিক কার্য পূর্ব জন্মের স্মৃতি ভিন্ন মনুষ্য ইহজন্মে প্রাপ্ত হইতে পারে না। যাহা হউক আশ্বিন মাসের পূজার পূর্বে ষষ্ঠী তিথিতে সাহেবের নিকট বিদায় গ্রহণ করিয়া প্রাতে গাড়ীতে সিদ্ধেশ্বর বাবুসহ কলিকাতায় রওনা হইলাম।

ঐ দিবস সন্ধ্যার সময়ে আমরা সিদ্ধেশ্বর বাবুর কাশীপুরস্থিত শ্বশুরালয়ে উপস্থিত হইলাম। জলযোগান্তে বিশ্রাম করিয়া অমূল্যনিধি পাইবার জন্ত বড়ই উৎসুক চিত্তে রাত্রি যাপন করিলাম।

আত্মদর্শন

পর দিবস সপ্তমী পূজার প্রাতে সিদ্ধেশ্বর বাবুসহ শ্রীশ্রীগুরুদেবের শ্রীচরণ দর্শনার্থ চোরবাগানে আর্ধ্যমিশন বিদ্যালয়ে উপস্থিত হইলাম, আমার ভাগ্য প্রসন্ন ; বাবার শ্রীচরণ দর্শন করিয়া চরিতার্থ হইলাম। তিনি আমাকে তাঁহার বসিবার গৃহে কিয়ৎকালের জন্ত অপেক্ষা করিতে আদেশ প্রদান করিয়া বহির্দেশে গরীবদিগের ঔষধ বিতরণ জন্ত বসিলেন। আমি তাঁহার অফিসে বসিয়া খুব আনন্দে কাল কাটাইতে লাগিলাম ! সিদ্ধেশ্বর বাবু তাঁহার নিজের কার্য্যে স্থানান্তরে গমন করিলেন। আমার নিকট নিদর্শন-পত্র পাঠ করিয়া কহিলেন—“বাবা কাশীধামে পীড়িত, কখন আমাকে তথায় খাইতে হয় নিশ্চয়তা নাই। অনবরত সংবাদ পাইতেছি, অতএব আপনি অন্য উপদেশ লউন।” আমি কহিলাম আপনার যাহা আদেশ তাহাই শিরোধার্য্য। তাহার পর মুহূর্ত্তে তিনি ক্রমশঃ হস্তে লইয়া আমাকে তাঁহার অনুসরণ করিতে আদেশ দিয়া দ্বিতলে উঠিতে আরম্ভ করিলেন, আমি মহা আনন্দে তাঁহার

পশ্চাৎ পশ্চাৎ যাইতেছি সত্য, কিন্তু মনে মনে এইটি আন্দোলন করিতে ছিলাম যে, মহাষ্টমী তিথিতে যোগ কার্যের উপদেশ লওয়া কর্তব্য; কিন্তু বাবা অদ্বৈত উপদেশ দিবেন !

এইরূপ মনে মনে আন্দোলন করিতে করিতে চলিতেছি, ক্রমে দ্বিতল অতিক্রম করিয়া ত্রিতলস্থ একটী তালার বন্ধ প্রকোষ্ঠের নিকট পৌঁছিয়া যেমন চাবি খুলিবেন, অমনিই বলিয়া উঠিলেন,—আপনার কল্য মহা অষ্টমীতে উপদেশ লইবার সম্পূর্ণ ইচ্ছা রহিয়াছে তবে আমাকে মিনতুলে প্রকাশ করিয়া বলিলেন না কেন? আচ্ছা, যখন আপনার ঐরূপ মন হইয়াছে তবে কল্য প্রাতে কার্য লইবেন। এই কথা তাঁহার মুখে উচ্চারিত হইবামাত্রই আমার মনে যেন একটা বিদ্যুৎ চমকীল। অতি আশ্চর্যান্বিত হইয়া তাঁহার গম্ভীর মুখের প্রতি লক্ষ্য করিয়া কাষ্ঠ পুত্রলিকাবৎ দণ্ডায়মান রহিলাম। বাবা এই কথা বলিয়াই নিম্নতলাভি-মুখে অগ্রসর হইলে আমি হতভম্ব হইয়া তৎপশ্চাৎ নামিতে লাগিলাম এবং বলিলাম—“বাবা ইহা আমার অন্তরের ইচ্ছা, আপনি অন্তর্যামী সকলই জানেন, আপনার আদেশ শিরোধার্য। তাঁহাকে যথাবিহিত প্রণাম করিয়া কাশীপুরাভিমুখে যাত্রা করিলাম।

অদ্য মহামায়ার পূজা, লোকের মনে বড়ই আনন্দ। আমার প্রতি যে মহামায়ার কৃপাদৃষ্টি হইয়াছে তাহা হৃদয়ঙ্গম করিয়া আনন্দে ভাসিতে ভাসিতে চলিয়াছি। পথিপার্শ্বে কত বাটীতে পূজা হইতেছে, সেদিকে আমার দৃষ্টি নাই, ঐ পূজার প্রতিমূর্তি দেখিবার জন্ম মনে আগ্রহ নাই আমি যে মহামায়ার আদি মূর্তি হৃদিপটে গুরুকৃপায় পরদিবস দেখিতে পাইয়া পবিত্র হইব তাহাতেই বিশ্বল হইয়া চলিয়াছি, এই পার্থিব রং-চং তখন মনে ছিল না। ঐ দ্বিবস অপরাহ্নে পুনরায় গুরুদেবের শ্রীচরণদর্শন করিলাম, এবং কিছু সময় তথায় অবস্থিতি করিয়া কাশীপুর প্রত্যাগমন করিলাম।

পর দিবস আমার জীর্ণনের মহাদিন। ঐ মহাদিনের প্রভাত আগমন প্রত্যাশায় অধৈর্য্য হইতে লাগিলাম। নানাপ্রকার সুখ দুঃখের চিন্তায় রাত্রি অতিবাহিত করিয়া, অতি আগ্রহ সহকারে পদব্রজে চোরবাগান অভিমুখে ছুটিলাম, মনেতে কি উৎসাহ; যিনি ভুক্তভোগী তিনিই উপলব্ধি করিতে পারেন। যথা সময়ে শ্রীশ্রীগুরুদেবের শ্রীচরণ দর্শন করিলাম। আরও একটা অল্প বয়স্ক কায়স্থ বংশীয় যুবক ঐ কার্য্য পাঠ্যের আদেশ প্রাপ্ত হইয়া বাবার অফিসে বসিয়াছিলেন। বাবা আমাদিগের উভয়কে ত্রিতলস্থ প্রকোষ্ঠে লইয়া উপস্থিত হইলেন এবং আমাদিগের পাপ কলুষিত শরীর প্রায়শ্চিত্ত করিয়া জগতের সার জিনিষ প্রদান করিলেন। কি আশ্চর্য্য.....এইরূপ আর নাই। আর বলা যায় না নিষেধ, স্মৃতরাং জীবনীতে আর লিখিতে পারিলাম না! কার্য্য গ্রহণ করিয়া নিম্নতলে আসিয়া বিতরণের পুস্তক লইলাম এবং অগ্ন্যাগ্ন দুই একখানি গ্রন্থ খরিদ করিয়া লইলাম। আমাদিগকে দেখিয়া অগ্ন্যাগ্ন সাধকগণ কতই আনন্দ প্রকাশ করিতে লাগিলেন।

আমাদিগের প্রতি দয়া করিয়া একজন অধিক বয়স্ক সাধক আমাদিগকে কোন স্থানে কোন জিনিষ দর্শন করাইতে লইয়া গেলেন। আমরা তাহা দৌখিয়া এবং অনুধাবন করিলে তিনি তাঁহার বাটীতে আমাদিগকে লইয়া গেলেন। অতি প্রকাণ্ড তাঁহার বসত বাটী কিন্তু লোকটীকে দেখিলে একজন অতি গরীব বলিয়া অনুমিত হইবে। ইহার বাটীর আবাল বৃদ্ধ বনিতা সকলেই ক্রিয়ান্বিত এবং বাবার ভক্ত। সন্ধ্যার সময়ে আমাদিগকে পুনরায় তাঁহার বাটীতে যাইতে অনুরোধ করিলেন। আমরা যুগ্ম সময়ে তাঁহার বাটীতে যাইয়া কার্য্য দেখাইয়া লইলাম। শুনিলাম বাবা তাঁহার ইষ্টদেব দর্শনে ৬ কাশীধাম গমন করিয়াছেন।

পর দিবস নবমী, পুনরায় আর্ধ্য মিশনে আসিয়া মাননীয় শ্রীযুক্ত অবিলাসচন্দ্র মুখোপাধ্যায় পণ্ডিত মহাশয়ের বাটীতে যাইয়া তাঁহার

সহিত সাক্ষাৎ করিলাম। বিজয়া দশমীর দিবস প্রাতে আৰ্য্য মিশনে আসিয়া শুনিলাম, বাবা আসিয়াছেন, স্কুলের একটা শ্রেণীতে নিম্নতলে বসিয়া আছেন। পাদুকা শূণ্য পদ, শোক-বস্ত্র পরিধান করিয়া বসিয়া আছেন। যেন তাঁহাকে অর্থাৎ ভাবময় পুরুষকে সংসারী ভাবে দৃষ্টি করিয়া মনে হইল কথঞ্চিৎ ম্রিয়মান। আমাদিগের সমক্ষে চক্ষু হইতে অশ্রুপাত করিয়া কহিলেন—“বাবা মহা অষ্টমীতে দেহ ত্যাগ করিয়াছেন। এতাবৎ কাল পাহাড়ের অন্তরালে ছিলাম। আমার যথেষ্ট অনিষ্ট হইল।” তাঁহার পদ প্রাপ্তে বিদায় গ্রহণ করিয়া অবিবাক্ত বঁবুর বাটা গমন করিয়া অনেক উপদেশ প্রাপ্ত হইয়া আনন্দিত হইলাম।

যথা সময়ে আমার অবস্থিতির স্থান কাশীপুরে পৌঁছিলাম। অপরাহ্নে বিজয়া দেখিতে অশ্বশকটে সকলের সহিত গমন করিলাম সত্য; কিন্তু মনে মনে ধারণা করিলাম বিজয়া এক ভাবে আমার হইল। এক বৎসর এই রত্ন পাইবার আশায় কত ক্রন্দন করিয়াছি তাঁহার কৃপায় ঐ রত্ন উদ্ধার করিয়া যাইতেছি, ইহাও এক প্রকার বিজয়। ইন্দ্রিয়গণ কত প্রকার লালসা দেখাইয়া এই জিনিষ লইতে বারম্বার নিষেধ করা স্বত্বেও গুরু কৃপায় পাইলাম। এখন তাঁহার চরণ স্পর্শে ইহার সংব্যবহার করিতে পারি তবেই মঙ্গল, নচেৎ যে তিমিরে সে তিমিরেই থাকিতে হইবে, সকলই গুরু কৃপা।

একাদশীর দিবস অতি প্রত্যুষে গাত্রোথান করিয়া পুরুলিয়া যাইবার জন্ত প্রস্তুত হইলাম। সিদ্ধেশ্বর বাবু কিঞ্চিৎ জলযোগ অস্ত্রে যাইবার জন্ত প্রস্তুত হইলেন। আমার তামসিক একাদশী, পুরুলিয়ার গমন করিয়া জলযোগ করিব স্মৃতিরূপে নিশ্চিত। যাহা হউক আর্মী অশ্বশকটের ওনা হইয়া যথা সময়ে প্রাতের আট ঘটিকার গাড়ীতে হাওড়া পরিত্যাগ করিলাম। মনের খুব আনন্দেই কলিকাতা হইতে পুরুলিয়া

যাইতেছি, কারণ জীবনের মহৎ কার্য সিদ্ধ হইয়াছে। ইহাকে ধরিয়া থাকিতে পারিলে মায়িক জীব যে “শিব” স্বরূপ হইতে পারে।

হুগলি ষ্টেশনে গৈরিক বসন পরিধৃত একজন সাধু পুরুষ আমাদিগের তৃতীয় শ্রেণীর কামরায় উঠিলেন। আমাদিগের কামরার সংলগ্ন কামরায় উঠিয়া একখানি কম্বল বিছাইয়া উপবেশন করিলেন। তাঁহার নিকট তিনখানি পুস্তক ছিল, ঐ পুস্তকের উপলক্ষে তাহার সহিত আলোচনা করিতে ইচ্ছা হওয়ায় কোন স্থানে গমন করিতেছেন ইত্যাদি জিজ্ঞাসা করিয়া জানিলাম, তিনি একজন বিশ্ববিদ্যালয়ের ইংরাজী উপাধিধারী জ্ঞানী লোক; সংসার ধর্ম্মে থাকিয়া না থাকার তুল্যা। এখন তিনি তাঁহার গুরু দর্শনে রাউলপিণ্ডি যাইতেছেন। ঐ তিনখানি পুস্তক পাঠ করিতে ইচ্ছুক হওয়ায় তাঁহার নিকট ক্ষণকালের জন্য ঐ পুস্তক কয়খানি প্রার্থনা করায় হাস্ত বদনে ঐ পুস্তক আমাকে প্রদান করিলেন এবং পুস্তক প্রণেতা যে তিনি এবং দিনাজপুর জেলার অধীনস্থ কোন ইংরাজী বিদ্যালয়ে প্রধান শিক্ষকতা করিতেন জ্ঞাত হইলাম।

আমি যোগ শিক্ষা নামক পুস্তকখানির অনেকাংশ পাঠ করিয়া পরম পুলকিত হইলাম। ইহার পূর্ব নাম শ্রীরাধিকাপ্রসাদ বন্দ্যোপাধ্যায়। তৎপরে তাঁহাকে আর্থ্য মিশন হইতে প্রকাশিত “ধর্ম্ম পূজাদি মীমাংসা” নামক পুস্তকের বিষয় তাঁহার মতামত জিজ্ঞাসা করিয়া শুলিনাম, ঐ পুস্তক তিনি পাঠ করিয়াছেন এবং উহা যে অমূল্য গ্রন্থ প্রণয়ন হইয়াছে শত মুখে স্বীকার করিলেন এবং বলিলেন ধর্ম্ম সম্বন্ধে এইরূপ পুস্তকের দমাজে অভাব ছিল গ্রন্থকর্ত্তা সে অভাব পূরণ করিয়াছেন। তৎপরে ধর্ম্ম সম্বন্ধে তাঁহার সহিত নানা প্রকার আলাপ চলিলে গািল তাহাতে গাড়ীর কষ্ট আর অনুভূত হইল না।

আমরা বেলা সাড়ে চার ঘটিকা অপরাহ্নে পুরুলিয়া ষ্টেশনে অবতরণ করিয়া আপন আপন বাস ভবনে গমন করিলাম। ঐ দিবস আমার

একাদশী ছিল স্মৃতরাং পুরুলিয়া পৌছিয়া জলপান করিয়া সুস্থ হইলাম বাসার সকলেই সুস্থ আছে দেখিয়া আনন্দিত হইলাম। আমার পত্নীকে সকল কথা বলায় তিনি আনন্দিতা হইলেন। দাদা মহাশয় এই পূজার সময়ে বাটী গমন করিয়াছিলেন, স্মৃতরাং আমি একাকী সন্ধ্যার সময়ে আত্ম কার্য্য করিতে বসিতাম। ক্রমে পূজার ছুটি ফুরাইল, দাদা মহাশয় বাটী হইতে পুরুলিয়ার প্রত্যাগমন করিলেন। তখন আমার আনন্দ দ্বিগুণ পরিমাণে বৃদ্ধি হইল। আমরা দুইজন প্রাতঃ প্রায় একঘরে বসিয়া বাবার কার্য্য করিয়া আনন্দ পাইতে লাগিলাম। প্রত্যয়েও আমি বাটীর মধ্য হইতে প্রাতঃক্রিয়া সমাপন অন্তে বহির্কাটাতে দাদা মহাশয়ের নিকট মিলিত হইয়া কার্য্য করিতে লাগিলাম। যে যেন এক নব জীবন প্রাপ্ত হইয়া দিন দিন ক্ষুণ্ণ অনুভব করিতে লাগিলাম।

১৮৯৫ সালের নভেম্বর মাসে আমার পত্নী সন্তান সন্তাবিতা বিধায় এক মাসের বিদায় গ্রহণ করিয়া জামালপুর গমন করিলাম। প্রিয়নাথ এবং দাদা মহাশয় পুরুলিয়ার বাসায় রহিলেন। জামালপুর পৌছিয়া এবং গুরুদেবের তিন চারটি আশ্রিত শিষ্যের দর্শন লাভ করিয়া পরম সুখী হইলাম, এবং আত্ম কার্য্যের সংশোধন করিয়া হইলাম। কয়েক দিবস অতিবাহিত করিয়া নলডাঙ্গায় রওনা হইলাম। কলিকাতায় পরাৎপর ইষ্টদেবের শ্রীচরণ দর্শন না করিয়াই প্রাতের গাড়ীতে শিয়ালদহ রওনা হইলাম এবং বনগ্রাম ষ্টেশনে নলডাঙ্গার কয়েকটি ভদ্র লোকের সহিত সাক্ষাৎ হওয়ার বড়ই সুখী হইলাম। সাড়ে তিনটা অপরাহ্নে যশোহরে অবতরণ করিয়া আমরা সকলেই অশ্বশকটে নলডাঙ্গা রওনা হইলাম।

অধিক রাত্রি হওয়ায় আর কোন স্থানে না যাইয়া নলডাঙ্গা গ্রামের একজন তালুকদার বাধু গিরিজাভূষণ দেবরায় মহাশয়ের

বাটীতেই আহাঙ্গা নিৰ্কাহ করিয়া বিশ্রাম করিয়া শারীরিক ক্লেশের অবসান করিলাম। পরদিবস প্রাতে আমার বাল্য বন্ধু শ্রীযুক্ত লাল-মোহন চট্টোপাধ্যায় মাতুল মহাশয়ের বাটীতে গমন করিলাম। তিনি আমাকে দেখিয়া অশেষ আনন্দিত হইলেন যে কয় দিবস নলডাঙ্গায় ছিলাম, তাঁহার বাটীতেই অবস্থিতি করিতে লাগিলাম। সন্ধ্যাকালে নিজের কার্য করিতে তাঁহার বহির্কাটীর গৃহে আসন করিয়া ঘর অন্ধকার করতঃ বসিতাম। কিন্তু আমার বন্ধুটি আমার কার্যটি দেখিবার জন্ত অনেক চেষ্টা করা সত্ত্বেও তিনি সফল মনোরথ হইতে পারিলেন না।

এই আত্ম কার্য সংঘর্ষে গ্রামস্থ বুদ্ধিমান ব্যক্তিবর্গকে আমি বুঝাইতে চেষ্টা করিলাম সত্য, যাহা বলিলাম, তাঁহাদিগের মঙ্গলের জন্ত বটে, তাহাতে হাস্যাস্পদ হইলাম; ইহা স্বভাবসিদ্ধ মানবের ধর্ম। মানব মায়াতে এত মুগ্ধ এবং অন্ধ যাহা তাঁহার পূর্ব হইতে সংস্কার গত হইয়াছে, তাহাই ভাল ভাবিয়া পক্ষীর জায় আঁড়াইয়া থাকেন, তাহাতে যে বিশেষ কিছু ফল উপলব্ধি করেন তাহা নহে, তবে কোট বজায় রাখিতে মনকেই ভাল বলিয়া হৃদয়ে ধারণা করিয়া বাক বুদ্ধ করিয়া জয়ী হন, এখানে তাহাই হইল। আমি যে ঠকিয়াছি এবং অগ্রাণ্ড সকলকে ঠকিবার কৌশলী বলিয়া দিইছি এইরূপই তাহাদের ধারণা হইল। গুরু কৃপায় ইহাতে আমার মনোমালিন্য ঘটে নাই। যাহার মন ঐ কালীন সম্বন্ধে ছিল, তাঁহারা হয়ত কিয়ৎ পরিমাণে ইহা সার বলিয়া ধারণা করিলেন, কিন্তু পরমুহর্তে মন অগ্রাণ্ড গুণাবলি হইয়া পূর্ব গুণকৃত ধারণাকে নষ্ট করিয়া দিল। এইরূপ দেবাসুরের যুদ্ধ অনবরত আপন আপন শরীরে চলিতেছে, কয়টি জীব সে দিকে লক্ষ্য করিতে পারেন। সময় না হইলে কিছুই হয় না, তথায় আট দশ দিন অতিবাহিত করিয়া যৎকিঞ্চিৎ খাজনা আদায় অস্তে কলিকাতাভিমুখে রওনা হইলাম।

গুপ্তনগরের মুন্সি ও অভয়চরণ মুখোপাধ্যায় মহাশয়ের কনিষ্ঠ পুত্র শ্রীযুক্ত

সরোজনাথ মুখোপাধ্যায় মহাশয়ের শরীর অসুস্থ বিধায় তাঁহাকে দেখিবার জন্ত নলডাঙ্গায় আমাকে সংবাদ দেন সুতরাং যাইবার সময় পথিমধ্যে গোশকট রক্ষা করিয়া তাঁহার বাটী গমন করি। ইনি আমার একজন বাল্য সহচর; শয্যাগত দেখিয়া বড়ই দুঃখিত হইলাম। নানা প্রকার কথোপকথনে পরে জানিতে পারিলাম তিনিও আমার ইষ্টদেবের নিকট আত্ম কার্যের উপদেশ প্রায় তিন চার বৎসর পূর্বে পাইয়াছেন। ইহাতে বড়ই আহ্লাদ হইল। তথায় কিয়ৎক্ষণ অবস্থিতি করিয়া কালিগঞ্জ গোশকটে রওনা হইলাম। কালিগঞ্জ হইতে অশ্বশকটে যশোহর রওনা হইলাম।

পর দিবস প্রত্যয়ে শিয়ালদহ ষ্টেশনে অবতরণ করিয়া শিয়ালদহ হিন্দু আশ্রমে আহারাদি সম্পন্ন করিয়া লুপ ডাক গাড়ীতে জামালপুর গমন করিলাম। জামালপুরে তিন চার দিবস পরে আত্ম কার্যে অতি অভাবনীয় দর্শন লাভ হইল, এত আনন্দ ইহার পূর্বে কখনও হয় নাই। পূর্বে জন্মের ভাগ্যবলে হৃদয় গহ্বরে নিধির বাজার বসাইলাম, সকলই গুরু রূপা। কয়েক দিবস দাঁতের পীড়ায় কষ্ট পাইয়া আরোগ্য লাভ করিলাম। পরে একাকী পুরুলিয়া গমন করিয়া দাদা মহাশয়ের চরণে দর্শন করিয়া আনন্দিত হইলাম। আমার পুরুলিয়া-গমনের সাত আট দিবস পরে আমাদিগের অফিস কোলঙ্গায় উঠিয়া যাইল। সুতরাং আমি ও প্রিয়নাথ ভায়া অন্যান্য বাবুদিগের কোলঙ্গা যাইবার তিন চার দিবস পূর্বেই পৌঁছিলাম। যাইয়া শুনিলাম আমার সহকারী রঙ্গলাল বাবু ছোট সাহেবের সহিত কলহ করিয়া কার্য পরিত্যাগ করিয়াছেন। তাঁহাকে বেঙ্গল নাগপুরের প্রধান ডাক্তার এ্যাণ্ডারসন সাহেবকে একখানি পত্র প্রদান করি এবং রঙ্গলাল বাবুকে একখানি উত্তম প্রশংসা পত্র দিয়াছিলাম। তাঁহার অতি সস্তর বেঙ্গল নাগপুর লাইনের গিডনি নুতন লাইনে চল্লিশ টাকা বেতনে ডাক্তারের পদে কার্য হয়। কিছু

দিবস পরে আরও দুইটা বাঙ্গালী বাবু এই কোম্পানীর অফিসে নিযুক্ত হন। আমরা সকলেই একত্রে থাকিতাম। প্রাতে এবং সন্ধ্যাকালে তাঁহার কার্য করিয়া পরিতৃপ্ত হইতাম। ধারণা হইতে লাগিল যেন গুরুদেব এ অধমাদম শিষ্যের প্রতি কৃপা পরতন্ত্র হইয়া সমস্ত বিষয় আমাকে দেখাইয়া দিয়া তাঁহার প্রদত্ত কার্যের প্রতি আস্থা বৃদ্ধি করিয়া দিতেছেন।

সন ১৮৯৬ খৃষ্টাব্দের আগষ্ট মাসে কোলকাতা হইতে পুরুলিয়া যাইবার আদেশ পাইয়া ঐ মাসের শেষ ভাগে পুরুলিয়া যাইয়া পূজনীয় শ্রীযুক্ত বৈকুণ্ঠনাথ মুখোপাধ্যায় দাদা মহাশয়ের বাসায় আহারাদি করিতে লাগিলাম। ঐ সময়ে তিনি পুরুলিয়াতে পরিবার আনিলেন এবং দুই ভ্রাতায় একাসনে বসিয়া মনের আনন্দে আত্ম কার্য করিতাম। আমি আহারান্তে রাত্রে বজরঙ্গী বাবুর বাসায় শয়ন করিয়া থাকিতাম। একটা বাসনা স্থির করিয়া এবং আট দিবসের বিদায় লইয়া জামালপুর হইতে পরিবার আনিলাম। জামালপুরে যাইয়া শুনিলাম আমার শ্যালক বাবু রজনীকান্ত বন্দ্যোপাধ্যায় সস্ত্রীক ক্রিয়া পাইয়াছেন, তাহা ভিন্ন ঐ কেশবপুর পাড়ার আরও ছয় সাত জন ভদ্র লোক বাবার আশ্রয় পাইয়া আনন্দে তাঁহার কার্য করিতেছেন। ইহার পাঁচ মাস পূর্বে আমার একটা পুত্র সন্তান শ্রীমান রাধাগোবিন্দ বাবাজীবনের জন্ম হয়। আমি আগষ্ট মাসে পরিবার আনিবার জন্ত সব ঠিক করিয়াছি ঐ দিবসই গাংপুর হইতে আমাদের ম্যানেজার সাহেবের নিকট হইতে একটা তারের সংবাদ পাই যে আমি যেন কালবিলম্ব না করিয়া রাজ কন্ঠার পাড়ার চিকিৎসার জন্ত চলিয়া আসি। ঐ দিবস অপরাহ্নের গাড়ীতে পুরুলিয়া রওনা হইলাম; যথা সময়ে আসানসোল পৌঁছিয়া প্রত্যুষের গাড়ীতে পুরুলিয়া গমন করি। প্রাতে নয় ঘটিকার সময়ে পুরুলিয়া স্টেশনে অবতরণ করিয়া পান্ডী ও গাড়ী যোগে আমার মামা স্বস্তুর

প্রতাপ বাবুর বাসায় সপরিবারে উপস্থিত হইলাম আমার মামা শ্বশুর পাক্কী লইয়া ষ্টেশনে উপস্থিত ছিলেন ।

ঐ দিবস অপরাহ্নের ডাক গাড়ীতে গাংপুর রওনা হইলাম ; উপস্থিত পরিবারবর্গ প্রতাপ মামার বাসায় থাকিল । আমি কোলঙ্গায় আমার সহকারিকে তারে সংবাদ করি যে ভীমঠাকুরকে যেন কুমার ফেলার ষ্টেশনে গাংপুর যাইবার জন্ত পাঠাইয়া দেওয়া হয় । এই সময়ে আমার সহকারী, আমার শ্যালক প্রিয়নাথ গঙ্গোপাধ্যায় দশ টাকা বৈতনে কম্পাউণ্ডারের কার্য করিতেছিল । তাঁহাকে এক বৎসর পুঙ্খানুপুঙ্খরূপে “শৈশব্য রত্নাবলী” পুস্তক পড়ান হয় এবং যথোপযুক্ত উপদেশ দিয়া কম্পাউণ্ডারের উপযোগী করান হয়, সুতরাং এতদিন পরে দয়াময় এই গরীব ব্রাহ্মণ কুমারকে অন্ন সংস্থান করিয়া দিলেন । যাহা হউক আমি কুমার ফেলা ষ্টেশনে পৌঁছিয়াই প্রিয়নাথ এবং ভীম ঠাকুরকে পাইলাম এবং ভীম ঠাকুরকে লইয়া ঝাড়সোগড়া ষ্টেশনে রওনা হইলাম, এক রাত্রি দশ ঘটিকার সময়ে ঝাড়সোগড়া ষ্টেশনে অবতরণ করিলাম ।

শ্রাবণ মাস বৃষ্টি পড়িতেছে আমি ও ভীম ঠাকুর টিকিট দিয়া ভিজিতে ভিজিতে বাহির হইলাম । মনে এই ধারণা করিলাম, ঝাড় সোগড়ার প্রসিদ্ধ ধনী বাবু ভোলানাথ বড়ুয়া কাষ্ঠের কারবারী । তাঁহান্ন বাসায় যাইব এইটী স্থির করিয়া অজানিত স্থানে পথ বহিয়া যাইতেছি, এমন সময় মধ্য পথে ভোলানাথ বাবুর একজন পরিচারকের সহিত সাক্ষাৎ হইল, ঐ লোক আমাদিগকে লইয়া চলিল । তথায় রাত্রি অতিবাহিত করিলাম । ঐ বাসায় যাইয়া দেখি গাংপুর রাজার বড় রাজকুমারের একজন শিক্ষক শ্রীযুক্ত প্রবোধচন্দ্র মুখোপাধ্যায় গাংপুর যাইবার জন্ত ঐ বাসায় অপেক্ষা করিতেছিলেন । তাহারও যে গতি আমারও তাহাই হইবে কিন্তু তিনি ঘোটক আরোহণে যাইতে সক্ষম আমি কিন্তু অনভ্যস্ত । আমি পরদিবস আমাদিগের সাহেবকে গাংপুরে সংবাদ পাঠাইলাম ।

ইহার তিন চারি দিবস পরে তথা হইতে ডুলি আসিল, সুতরাং অতি দুর্গম পথে রুষ্টিতে ভিজিতে ভিজিতে ডুলি যোগে বেলা আন্ধাজ এক ঘটিকার সময় ইষ্টদেবকে স্মরণ করিয়া যাত্রা করিলাম। কয়েক মাস পূর্বে একদিন কুমার ফেলা ষ্টেশনে গাংপুরের বড় রাজকুমার ঐ ষ্টেটের পুলিশ সুপারিন্টেণ্ডেন্ট বাহাদুরের সহিত সাক্ষাৎ হইয়াছিল, তিনি জগন্নাথ ক্ষেত্রে গমন করিয়াছিলেন, ঘোড়া আনয়ন করাইয়া প্রবোধ বাবুসহ ঐ দিবস রওনা হইলেন। আমিও বাঁশের দোলায় চড়িয়া জঙ্গলে মাথা দিলাম, মাথা লইয়া ফিরিব কিনা জানি না। পথিমধ্যে কত ক্ষুদ্র ক্ষুদ্র প্রবল নদী পার হইতে হইল। অর্দ্ধমৃত অবস্থা বলিলে অত্যুক্তি হইবে না। এইরূপ কষ্ট ভোগ করিয়া তিন ক্রোশ পথ অতিক্রম করিলাম। এই তিন ক্রোশ সম্বলপুর জেলার অন্তর্গত তৎপরে একটি নদী, ঐ নদী বহু কষ্টে পার হইয়া গাংপুর মিত্র রাজের রাজ্য মধ্য দিয়া চলিলাম। রাজার কৃত একটি রাস্তা গাংপুর পর্যন্ত গিয়াছে, রুষ্টিতে ঐ রাস্তার অনেক অংশ ভগ্নাবস্থায় পরিণত হইয়াছে। মুখে মধ্যে গ্রাম দৃষ্টিগোচর হইল, অতি সামান্ত সামান্ত কুটির সংযুক্ত। গ্রামে গ্রামে কোতোয়াল এবং পঞ্চায়েৎ আছে, কাহার কিছু আবশ্যক হইলে এবং গাংপুরে যাইতে যদি কোন গ্রামে আশ্রয় লইতে হয়, রাজার আদেশ মত ঐ কোতোয়াল এবং পঞ্চায়েৎকে আহালাদির বন্দোবস্ত করিয়া দিতে হইবে এইরূপ নিয়ম। পঞ্চায়েতের উপাধি এখানে গঞ্জু বলিয়া অভিহিত। সন্ধ্যা হইলে আমরা একখানি গ্রামে আশ্রয় লইলাম এবং গঞ্জুকে ডাকাইয়া আহালাদির বন্দোবস্ত করিয়া লইলাম। এই গঞ্জুকে জোর করিয়া ধরিলে দুগ্ধ মৎস্য সকলই পাওয়া যাইতে পারে।

খাহা হউক রাজার একখানি ছুচালা ঘরে আশ্রয় পাইলাম এবং ভীমঠাকুর আহালাদির আয়োজন করিয়া দিলাম। আহালাতে একটু বিশ্রাম করিয়া অতি প্রত্যুষে গাংপুর রাজ বাটীতে রওনা হইলাম। এই

গ্রাম হইতে গাংপুর অধিক দূর ছিল না সুতরাং প্রাতে নয় ঘটিকার মধ্যেই রাজবাটী পৌঁছিলাম। রাজবাটী দ্বিতল অট্টালিকা, জেলখানাও ইষ্টক নিৰ্মিত দেখিলাম। রাজ্যের জঙ্গল বিভাগের বাবুর বাসায় অবতরণ করিয়া রাজ বাটীতে আমার আগমন বার্তা প্রেরণ করিলাম। রাজ কন্যাকে দেখিবার জন্ত সেই মুহূর্তেই রাজবাটী হইতে লোক আসিয়া আমাকে লইয়া চলিল। রাজ কন্যাকে দেখিলাম, রাজা কুসংস্কারের বশতাপন্ন, ইনি উড়িষ্যা দেশীয় ক্ষত্রিয় রাজা, কত লোক রাজ কন্যাকে চিকিৎসা করিতে আসিয়াছে তাহার শেষ নাই, সে যেন চিকিৎসকের মেলা বলিলেই হয়। চিকিৎসক নামে,—কার্য্যে কয়জন জানি না। কেহ ঝাড়িতেছে, কেহ ফুঁকিতেছে, কেহ মস্ত পাঠ করিতেছে, একদিকে রামায়ন এবং অন্য দিকে চণ্ডী পাঠ হইতেছে, সকলেই ব্যস্ত। কোন প্রকারে রাজ কন্যাকে আরোগ্য করিয়া পারিতোষিক লইবে। আমি ত্তো অবাক !

যাহা হউক আমার প্রদত্ত ঔষধিতে রোগীর ব্যাধির কথঞ্চিৎ উপশম হওয়ায় অন্যান্য অসভ্য চিকিৎসকগণ নানা প্রকার অস্ত্র প্রয়োগ করিতে লাগিল। আমি আট নয় দিবস পরেই সাহেবের অনুমতি লইয়া এবং রাজ প্রদত্ত উপহার ও পঁচিশ টাকা গ্রহণ করিয়া পান্ধিযোগে পুরুলিয়া যাইবার জন্ত রওনা হইলাম। রাজবাটীর পান্ধি ও অধিক বেহারা ছিল বলিয়া সস্তর ঝাড়সোগড়া পৌঁছিলাম। সন্ধ্যার সময়ে ভোলানাথ বাবুর বাসায় আহারাদি নিৰ্ব্বাহ করিয়া ডাক গাড়ীতে পুরুলিয়া যাত্রা করিলাম। প্রাতে কোলঙ্গায় অবতরণ করিয়া তথাকার কার্য্য শেষ করিয়া পুনরায় রাত্রে ডাক গাড়ীতে পুরুলিয়া রওনা হইলাম। পুরুলিয়ায় পৌঁছিয়া দেখিলাম আমলা পাড়া রাস্তার ধারে আমার বাসা বাটী হইয়াছে, প্রতাপ বাবু আমার পরিবারবর্গকে তাঁহার বাসায় একদিন মাত্র রাখিয়া এই বাসায় পাঠাইয়া দিয়াছেন,

নূতন স্থানে নূতন বাসায় ইহাদিগকে ফি করিয়া রাখিলেন জানি না।
ক্রমে কোলঙ্গার সমস্ত আমলাবর্গ এবং সিদ্ধেশ্বর বাবুও পুরুলিয়ায়
সপরিবারে আগমন করিলেন। আমি প্রায় প্রতিদিন বৈকুণ্ঠনাথ
দাদা মহাশয়ের বাটীতে সন্ধ্যার সময়ে আত্মকার্য করিতে যাইতাম এবং
উভয়ে অতুল আনন্দ অনুভব করিতাম। মধ্যে মধ্যে কোলঙ্গায় রোগী
পরিদর্শন করিতে আসিতে হইত এবং সময়ে সময়ে প্রিয়নাথ ভায়ার
পত্রানুসারে কঠিন রোগী হইলে দেখিতে যাইতে হইত। সুতরাং
বামদের ও মতিবাবুর সহিত দেখা সাক্ষাৎ প্রায়ই হইত এবং রাউকেলায়
অবতরণ করিয়া একত্রে কার্য পরিদর্শন করিয়া যাইতাম। সাহেব
বাহাদুর কৃপা করিয়া আমাকে বৎসর বৎসর অগ্রাণু কোম্পানীর আমলা-
দিগের অগ্রাণু একশত পঞ্চাশ—দুইশত টাকা দস্তুরি দিতে লাগিলেন।

সাধন ও আত্ম-বিভূতি দর্শন

গুরুদেবের আদেশ মত দ্বিতীয় ক্রিয়া প্রাপ্তির পরে রাত্রে আট ঘণ্টা ক্রিয়া করি। ছেট নাগপুরে গ্রীষ্ম কালে 'লু' অর্থাৎ গরম হাওয়া বহে। তাহা তাচ্ছিল্য করিয়া দোতালায় শয়ন ঘরের পার্শ্বের কাছরাস্থে ঘরে জানালা ছিল না, দুয়ার বন্ধ করিয়া, কব্বলের উপরে মৃগ চর্ম পাতিয়া সাধন কার্যাদি করিতাম। ডাক্তারি কার্য সমাপনান্তে শুদ্ধাচারে সন্ধ্যা ছয় ঘটিকার সময় সাধন করিতে বসিতাম। আমার মধ্যমা ধর্ম পত্নী, যিনি পুরুলিয়া অবস্থিতি কালিন গুরুদেবের আজ্ঞানুসারে আমার দ্বারা আত্ম কর্ষোপদেশ প্রাপ্ত হইলেন, তিনি পৃথক আসনে মৃগচর্মের উপর সাধন করিতে বসিতেন, তৎকালিন তিনি প্রথম সোপানে ক্রিয়া করিতেন।

তিনি যোগ শাস্ত্রের নিয়ম অনুসারে, দ্বিতীয় ক্রিয়া দেখিতে অনধিকারিনী বিধায় এবং ঐ ঘরের মধ্যে আলো থাকা নিষিদ্ধ বিধায়, ঘরের বারান্দায় আলো রাখা হইত। তাঁহার কার্য শেষ হইলে তাঁহার শয়ন কক্ষে গমন করিতেন এবং আমার আদেশ মত আহারাদি শেষ করিয়া, পুত্রদ্বয় (গোপাল, গোবিন্দ) সহ শয্যায়াশ্রাম করিতেন। আমি রাত্রি এগার ঘটিকার সময়ে কার্য শেষ করিয়া শয়ন কক্ষে আসিয়া কব্বলে উপবেশন করিয়া ধূমপান অন্তে দুইটি যোগ সঙ্গীতের গান একতারা সাহায্যে গাহিতাম পরে যৎকিঞ্চিৎ রুটি আহার করিয়া ধূমপান অন্তে শয়ন করিতাম। ঐ সময়ে আমার মস্তকের কেশ অধিক ছিল এবং দাড়ি ছিল। তৎপরে রাত্রি আড়াই ঘটিকার শয্যা হইতে উঠিয়া ধূমপান অন্তে মলত্যাগ করিয়া এবং হস্ত মুখ ধৌত করিয়া বস্ত্র পরিত্যাগ পূর্বক পূর্ব মত নির্দিষ্ট ধরে সাধনায় বসিতাম। আমার স্ত্রীও হাতমুখ প্রক্ষালন

অস্ত্রে বন্ধ পরিবর্তন করিয়া তাঁহার নির্দিষ্ট আসনে সাধনে বসিতেন। আমি ভোর রাতে উভয় ক্রিয়া সমাপন অস্ত্রে, প্রাতে ছয় ঘটিকার সময়ে ডাক্তারি কার্যে সংস্কার বাহির হইয়া যাইতাম আমার পত্নীও আসন হইতে উঠিয়া সংসারের কার্যে ব্রতী হইতেন। ঐ সময়ে পাচক ব্রাহ্মণ ও চাকরাণী ছিল। আমার রাতে আট ঘণ্টা সাধন হইত। এইরূপ আট ঘণ্টা সাধন আট নয় বৎসর চলিয়া ছিল।

যিকি প্রথম প্রথম আনন্দ আড়াই ঘটিকা রাতে আমাকে উঠাইয়া দিতে বলা হয়। একদিন উঠাইতে পারে নাই সত্য; কিন্তু ঠিক আড়াই ঘটিকার সময়ে গুরুদেবের সুরে কে আমাকে উঠাইয়া দেন, গাত্র রোমাঞ্চিত হইল। এক রাতে সাধন কালিন, কূটস্থের মধ্যে আমার অবয়ব দর্শন হয়, সন্মুখে গুরুদেব সিংহাসনে উপবেশনে রহিয়াছেন দৃষ্টিগোচর হয়, ক্ষণিক পরে ঐ মূর্তি পরিবর্তন হইয়া, পরম গুরুদেব হইলেন। তাহার কিছুক্ষণ পরে, পূর্ক মূর্তি পরিবর্তন হইয়া ব্যাঘ্রচর্ম পরিধৃত জটাধারী এবং মস্তকে সর্প ফণা বিস্তার করিয়া হুলিতেছে, অর্ধনেত্র বিশিষ্ট শ্বেতবর্ণ শিব মূর্তি, তাঁহার ক্রম্বয়ের মধ্যস্থলে প্রজ্জ্বলিত তৃতীয় চক্ষু বিরাজিত। ক্ষণিক পরে চক্ষুদ্বয় বিস্তার করিয়া পলক পতিত অবস্থা দৃষ্টিগোচর হয়। গুরুদেব হৃদয়ঙ্গম করাইয়া দিলেন “গুরু বিশ্বেশ্বর সাক্ষাৎ তারকং ব্রহ্ম নিশ্চিতম।” যিনি দেখিয়াছেন তিনিই বলিতে পারেন। অপরের অবিশ্বাস। মন প্রাণ যুক্ত করিয়া সাধনে সকলই হয়।

জিহ্বা গ্রস্থি ছিন্নভিন্ন হইলে কিয়ৎ পরিমাণে কামনার দর্পহীনতা হয়, সেই সময়ে দেহ রাজ্য ধ্বংস আশঙ্কায় ইন্দ্রিয়গণ ভয়প্রদর্শন করাইয়া সাধন বন্ধ উদ্দেশ্যে নানারূপ ভীতিপ্রদ দৃশ্য সাধক হৃদয়ে আবির্ভাব করে। যাহাতে সাধক নিষ্কাম কর্ম স্বরূপ সাধন বন্ধ করে। তাহার বিবরণ,— সাধন অবস্থায় এক রাতে ঘর জোড়া প্রকাণ্ড মুখ, চক্ষু দু’টা হাঁদার তুল্য, মুখ প্রসারিত, যেন গ্রাস করিতে আসিতেছে দৃষ্টি গোচর হয়। তাহা

দর্শন করিলে ভয়ানক আশঙ্কা হয়। কূটস্থে লক্ষ্য রাখিলে তাহা অনেক-
ক্ষণ পরে অস্তহিত হয়।

একরাতে আমাদের সম্মুখে কৃতকগুলি কদাকার রূপ বিশিষ্ট প্রেতের
মৃত্যু দৃষ্টিগোচর হয়, তাহা গুরু স্বরণে অস্তর্ক্যান হয়। প্রকাণ্ড সর্প
কণা-বিস্তার করিয়া, আমাদের চারিদিকে ঘূর্ণায়মান দৃষ্টিগোচর হয়,
গুরু স্বরণে অস্তর্ক্যান হয়। একরাতে সাধন কালিন মনে হইল, আমি
যেন একটা প্রকাণ্ড পর্বতের গুহায় কোন যোগী পুরুষের সম্মুখে বসিয়া
ধর্ম্মালাপ করিতেছি। কোলঙ্গায় প্রত্যাগমন কালিন গুহা হইতে
আসিবার জন্ত যেমন উঠিলাম, তৎক্ষণাৎ গুহার উর্দ্ধে প্রস্তরে মস্তকে
ভীষণ আঘাত প্রাপ্ত হওয়ায়, চীৎকার করিয়া আর্তনাদ করায় আমার
পত্নী নিকটে আসনে বসিয়া ক্রিয়া করিতেছিলেন, তিনি কি হইল,
কি হইল, বলিয়া জিজ্ঞাসু হইলেন। আমি বলিলাম,—বাহির হইতে
আলো আনিয়া দেখ আমার মস্তকের তালুতে রক্ত পড়িতেছে কি
না? তিনি ছুটিয়া আলো আনিয়া মস্তক দেখিয়া বলিলেন,—রক্ত দেখিতে
পাইতেছি না। কিন্তু তখনও পর্য্যন্ত মস্তকের তালুতে ভয়ানক যন্ত্রণা
অনুভূত হইতেছে। তিনি জিজ্ঞাসা করায় সমস্ত বিবরণ বলিলাম, তাহার
পরে ক্রমে ক্রমে যন্ত্রণা তিরোহিত হইল।

একরাতে সাধন অবস্থায় দেখি, আমি যেন একটা বেড়ার পশ্চাতে বসিয়া
সাধন করিতেছি। সম্মুখে জঙ্গল, ঐ জঙ্গল হইতে একটা প্রশস্ত রাস্তা
দৃষ্টিগোচর হইতেছে, ঐ রাস্তা উচ্চ হইতে নিম্নগামী হইয়াছে। তথায়
একটা প্রকাণ্ড নদী, নদীর অপর পার দৃষ্টিগোচর হইতেছে, নদীর অপর
পারে ময়দান, রাত্রিকাল চন্দ্র ও নক্ষত্র সকল স্পষ্ট দৃষ্টিগোচর হইতেছে।
সাধনও চলিতেছে, এমন সময় দেখিলাম, নদীর নিম্নদিক হইতে একটা
প্রকাণ্ড জন্তু আমার দিকে লক্ষ্য করিয়া আসিতেছে, আমি বেড়ার অপর
দিকে আসন করিয়া ক্রিয়া করিতেছি, সেই প্রকাণ্ড জন্তুটি ধীর পদসঞ্চারে

বেড়ার বিপরীত দিকে আমার সম্মুখে উপবেশন করিল। কিন্তু সামান্য বেড়া, ব্যবধান অতি নিকট। আমি উত্তমরূপে নিরীক্ষণ করিয়া দেখিলাম, উহা একটা প্রকাণ্ড কেশর-সংযুক্ত সিংহ; মূর্তি ভয়ানক প্রকাণ্ড, আমার সম্মুখে বসিয়া পুচ্ছ আন্দোলন করিতে লাগিল। কটমটু চাহনি, জিহ্বা মুখগহ্বর হইতে বহির্গত, দেখিয়াই একটু বিচলিত হইলান্য বনে, কিন্তু তন্মূহর্তে গুরুদেবকে স্মরণ করায় সিংহটি উঠিয়া নদীর দিকে রাস্তা ধরিয়া চলিয়া গেল। কি ভীষণ মূর্তি!

এফরাতে কদম্ব বৃক্ষতলে বংশীধারী শ্রীকৃষ্ণ মূর্তি, চতুর্দিকে গোগণ দণ্ডায়মান দৃষ্টিগোচর হইল। একদিন সরস্বতী মূর্তি দর্শন ইত্যাদি অনেক মূর্তি দৃষ্টিগোচর হয়। ইতিপূর্বে দেওঘরে যাইয়া তৃতীয় ক্রিয়া লইয়া আসি। দুই শত দিবসে এই ক্রিয়া সমাধা হইবাব কথা, এই ক্রিয়াই সমুদ্র মস্থন। একশত দশ দিবসে আসনে বসিয়া যখন এই ক্রিয়া করি, আমার পত্নীও ঐ অন্ধকার ঘরে বসিয়া ক্রিয়া করিতেছিলেন। তিনি আমার অক্ষুট কাতর ধ্বনি শ্রবণ করিয়া হৃদয়ে ভয়ের সঞ্চার হওয়ায় অর্থাৎ আমি যেন সেই দিনেই মৃত্যুমুখে পতিত হইব, হৃদয় বিদারক দৃশ্য তাঁহাকে দেখিতে হইবে ভাবিয়া, মোহ বশতঃ নিজ শয্যাশয়ন করিয়া উদ্ভিগ্নচিত্তে কালাতিপাত করেন।

আমি আমার সমস্ত কার্য শেষ করিয়া যখন শয়ন কক্ষে গমন করি, আমার স্ত্রী তাবৎ কালতক নিদ্রা না যাইয়া আমার জন্ম প্রতীক্ষা করিতে থাকেন, আমি ঐ গৃহে প্রবেশমাত্র আর্তনাদ করিয়া বলিয়া উঠেন, “তুমি যদি ঐরূপ কাতরতার সহিত ঐ কার্য কর কল্যই মৃত্যুমুখে পতিত হইবে, আমাকে অকালে বিধবা করিও না, সন্তানগুলির দিকে লক্ষ্য কর। কল্য তোমাকে ঐ কার্য করিতে দিব না। আর না হয় গুরুদেবকে এই কষ্টের কাহিনী লিখ, তাঁহার উত্তর পাইলে তদনুসারে কার্য করিবে। তোমার চরণ ধরিয়া বলিতেছি আর সংখ্যা বাড়াইও না,

গুরুদেবের পত্র পাইলে আদেশমত কার্য করিও।” আমি তাঁহার আৰ্ত্তনাদে মোহিত হইয়া ভীত হইয়া এই ক্রিয়ার কাহিনী লিখিলাম এবং পত্রোত্তর প্রাপ্তি পর্য্যন্ত একশত দশ সংখ্যাই কার্য করিতে লাগিলাম। গুরুদেব উত্তর দিলেন, যদি একশত দশ সংখ্যার উর্দ্ধ সংখ্যা করিতে অপারক হইয়েন, একশত সংখ্যার নামিয়া আবার প্রতিদিন একটি করিয়া বাড়াইয়া দুইশত সমাধা করিবেন।

এই উত্তর প্রাপ্ত হইয়া ভাবিলাম, ইহা প্রবৃত্তি-পক্ষের সেনাপতি ভীষ্মের, অর্থাৎ ভয়ের ছদ্মনামাত্র। যখন অন্তর্যামি ভগবান গুরুদেব প্রতিদিন একটি করিয়া বাড়াইয়া দুইশত দিনে এই ব্রতের উজ্জ্বল করিতে আদেশ দিয়াছেন, তবে কেন মৃত্যুভয়ের বশতাপন্ন হইয়া অবিধি কার্য করিব। ইহা চিন্তা করিয়া আমার পত্নীকে কহিলাম,—তুমি পত্নী হইয়া আমার ধর্মের বাধা দিওনা। গুরুদেব সিদ্ধ যুক্ত পুরুষ ত্রিকালজ্ঞ, যাহা আমার দ্বারা সমাধা হইতে পারে তাহা বিবেচনা করিয়া এই কঠিন হৃদয় গ্রন্থি ভেদের কার্য দয়া করিয়া আমার মঙ্গলের জগু দান করিয়াছেন; তাহা তোমার ঞায় ধর্মপত্নী হইয়া উৎসাহ সাহস না দিয়া আমাকে মায়ার বশে আমার জীবন ভয়ে বিয় প্রদান করা কি ভাল ?

আমি গুরুদেবের পূর্ব আদেশ মত অষ্ঠ হইতে একশত এগারটি জপ সুরু করিয়া ক্রমে ক্রমে দুইশত দিনে সমাধা করিব। তুমি ইন্দ্রিয়ের তাড়নায় ভীত না হইয়া আমাকে অনুমোদন কর। একদিন তো মরিতেই হইবে তবে অগ্র পশ্চাৎ। যদি গুরুদেবের সম্মুখে আসনে মৃত্যুই সংঘটন হয় তাহা তোমার বংশের গৌরব। এই সকল দলিল পত্র লও। মৃত্যু হইবে না জানি, যদি হয়, তোমার মাসিপুত্র আমার বাসায় রহিয়াছেন টাকাও রহিয়াছে তোমার পিতাকে তারে সংবাদ দিলে তোমাদিগকে জামালপুরে লইয়া যাইবেন। যে সম্পত্তি আছে এবং দুই তিন হাজার টাকা পোষ্টাফিসে আছে তাহাতে সংসার দুঃখে কষ্টে চলিয়া

যাইবে, ভগবান গুরুদেব সহায় থাকিবেন। এই কথা বলায় তিনি আনন্দচিত্তে ঐ কার্য করিতে উৎসাহ দান করিলেন এবং বলিলেন আমার বিশ্বাস আমি বিশ্বাস হইব না। স্মৃতরাং ভীষ্মের আক্রমণকে তুচ্ছ করিয়া সেই দিন রাত্রি হইতে গুরুদেবের পূর্ব আদেশ মত কার্য বাড়াইতে লাগিলাম।

ও, হরি! কিছুই হইল না, ক্রমে ক্রমে দুইশত দিনে কার্য শেষ করিয়া গুরুদেবকে জ্ঞাপন করায় তিনি আমাকে উৎসাহমুক্ত পত্র লিখিলেন। একদিন বেলা বারোটার সময়ে সাধন করিতেছি, রান্নাঘরে আমার পত্নী রান্না করিতেছিলেন, হঠাৎ বলিলাম,—দেখ আমার রাউরকেলা ষ্টেশনে যাইতে ইচ্ছা হইতেছে। এই কথা শুনিয়া আমার পত্নী বলিলেন,—পাগলের মত কি বলিতেছ, তুমিত তিন চার মাস ঐ দিকের ষ্টেশনে যাও নাই, তবে বিনা কারণে এইরূপ ইচ্ছা হয় কেন? আমি বলিলাম, বলিতে পারি না কেন আমার মনে এই কথা উদয় হইল। স্নানান্তে গীতা পাঠ করিয়া গুরুদেবকে নিবেদন করিয়া ভোজন করিতেছি, এমত সময়ে সিদ্ধেশ্বর বাবুর চাকর আমার বাসায় আসিয়া বলিল—কুমারফেলা ষ্টেশন হইতে বামদেব বাবু রেলওয়ের সহকারী ইনস্পেক্টার বাবু, বাবুর বাসায় আসিয়া ধূমপান উদ্দেশ্যে আপনার হকা চাহিতেছেন। আমি বলিলাম—তামাকু সাজিয়া হকাটি লইয়া যাও, আহারাশু আমি তথায় যাইতেছি।

বামদেব বাবু আমার বন্ধু ক্রিয়ান্বিত, তিনি আমার হকা ব্যতীত অন্য কোন ব্রাহ্মণের হকায় তামাক খাইতেন না, আমিও তাঁহার হকা ব্যতীত অন্য কাহারও হকায় ধূমপান করিতাম না। যাহা হউক আহারাশু সিদ্ধেশ্বর বাবুর বাসায় যাইলাম, বামদেব বাবু আমাকে নমস্কার করিয়া বলিলেন—নগেন্দ্র বাবু রেলওয়ে ইনস্পেক্টার (বামদেব বাবুর উচ্চতম কর্মচারি) যিনি ইহার পরের ষ্টেশন রাউরকেলায় থাকেন, তিনি এক-

খানি পত্র আপনাকে শুনাইবার জন্ত লিখিয়াছেন, আপনি শ্রবণ করুন। এই বলিয়া পত্রখানি পাঠ করিলেন।

তিনি লিখিয়াছেন বামদেব, এই পত্র শ্রীশ বাবুকে পড়িয়া শুনাইবে আমি চক্ষু প্রদাহে কষ্ট পাইতেছি, রেলওয়ে ডাক্তার বাবুর ঔষধিতে কোন উপকার হইল না। তিনি এই সংবাদ শ্রবণ করিলে আমাকে দেখিতে আসিতে 'চাহিবেন,' তুমি ঠেলাগাড়ী যোগে শ্রীশ বাবুকে রাউরকেলায় লইয়া আসিবে। আমি অতিশয় চক্ষের ব্যঞ্জণ ভোগ করিতেছি, তিনি দেখিয়া ঔষধি ব্যবস্থা না করিলে আমার চক্ষু দুইটি নষ্ট হইবে। আমি পত্রের মর্ম জ্ঞাত হইয়া হস্ত করিতে লাগিলাম। বামদেব বাবু কহিলেন,—নগেন বাবু কাতর হইয়া আপনাকে মিনতিসহ তাঁহাকে দেখিবার জন্ত লিখিয়াছেন, আপনি দাদা মহাশয় হাসিতেছেন। আমি কহিলাম—বেলা বারোটোর সময়ে আমার পত্নীকে রাউরকেলা ষ্টেশনে যাইবার জন্ত বলিয়াছিলাম, তিনি হাসিয়া উড়াইয়া দিয়াছিলেন তজ্জন্তই হাসিতেছি। তিনি শুনিয়া আশ্চর্য্যান্বিত হইলেন।

আমি বাসায় আসিয়া আমার পত্নীকে এই সংবাদ বলায় তিনিও আশ্চর্য্যান্বিত হইলেন, তবে বলিলেন,—ম্যানেজার সাহেবের আদেশ ব্যতীত তুমি কি করিয়া যাইবে। আমি বলিলাম—যখন আমি যাইব বলিয়াছি ম্যানেজার সাহেব নিশ্চয় আদেশ দিবেন। আমি সেই মুহূর্তে সাহেবকে, নগেন্দ্র বাবুর চক্ষের পীড়ার কথা বলায় আমাকে টলিতে যাইতে আদেশ দিয়া বলিলেন,—কখন কোলঙ্গায় প্রত্যাগমন করিবেন। আমি কহিলাম—সন্ধ্যার গাড়ীতে ফিরিয়া আসিব।

আমরা উভয়ে টলিতে রাউরকেলা যাত্রা করিলাম। দুই মাইল পথ অতিক্রম করিয়া যাইতেছি, মনে মনে ধূমপান করিবার ঝড়ই-ইচ্ছা হইল। আশ্চর্য্য! সেই মুহূর্তে বামদেব বলিলেন,—দাদা মহাশয় আপনার ধূমপান করিবার ইচ্ছা হইয়াছে না। আমি হাসিয়া বলিলাম নিশ্চয়ই।

তখনই একটা কটক হইতে অগ্নি আনাইয়া তামাক সাজাইয়া দিলেন।

কোন সময়েই বিনা জলপাত্রে পায়খানায় যাই নাই, কিন্তু একদিন বেলা দুইটার সময়ে বিনা জলপাত্রে পায়খানায় যাই, মূলত্যাগ অন্তে গাড়ু না দেখিয়া অবাক, এই সময় আমার পেটের অসুখ হ্রম নাই। শয়ন ঘরের পাশেই পায়খানা, কি করি, আমার স্ত্রীকে ডাকিতে লাগিলাম, তিনি বলিলেন—পায়খানা হইতে ডাকিতেছ কেন? আমি কারণ বলায় তিনি আশ্চর্যান্বিত হইয়া পায়খানার পার্শ্বদিকে জল সমেত গাড়ু দিয়া লজ্জা নিবারণ করিলেন সত্য, কিন্তু আমার এই ভুলের জন্ত গুরুদেবকে পত্র লিখি। তাহাতে ইহাও উল্লেখ করি, বাবা আমি ডাক্তারি কার্য করি, কত প্রকার বিষাক্ত ঔষধির ব্যবস্থা করিতে হয়; ভুলক্রমে যদি মাত্রাধিক্য হয় তবেইত রোগীর প্রাণ বিনাশ হইবে, তাহার ফলে হয়তো জেলে যাইতে হইবে।

বাবা ঐ পত্রের উত্তরে আমাকে লিখেন, শ্রীশ বাবু, এই সামান্য ভুল বশতঃ গাড়ু না লইয়া পায়খানায় যাওয়ার ভীত হইতেছেন। আমার সাধনার সময়ে একদিন প্রাতে মলত্যাগ করিতে পায়খানায় যাই, জলশৌচ না করিয়া হাতে মৃত্তিকা না করিয়া অবলীলাক্রমে বিছানায় বসিয়া এবং কাষ্ঠাসনে বসিয়া সংসারের যাবতীয় কার্য করি; বারোটার পূর্বে স্নান করিবার সময়ে তৈল মর্দন কালিন জানিতে পারিলাম অর্থাৎ গুহ্বারে চট্‌চট্‌ করায় এবং হস্তে মল সংলগ্ন হওয়ায় গন্ধে জানিতে পারিলাম প্রাতে পায়খানায় জলশৌচ করা হয় নাই। সাধন কালিন ভগবানে তন্ময় হইলে ঐরূপ ভুল হয়, তাহাই বাঞ্ছনীয়। কিন্তু মনে রাখিবেন, যাহাতে জীবনের অনিষ্ট হয় এমত ভুল কখন হইবে না, গুরুদেব রক্ষা করিয়া যাইবেন।

কোলঙ্গায় এই সময়ে যাহা মনে করিতাম, আশ্চর্য্য রূপে সংঘটন

হইত। কোন দিন প্রাতে মনে হইত যুগের ডাউল ভাতে দেয় না কেন? আহাৰ কালিন দেখিলাম যুগের ডাউল ভাতে দিয়াছেন। ঘরে অনেক গুলি মহারাষ্ট্র দেশীয় লম্বা ধূপ ছিল কিন্তু আমার পত্নী ক্রিয়া কালিন সন্ধ্যার সময়ে ঐ ধূপ জালিয়া দিতে প্রায়ই ভুলিয়া যাইতেন, যে দিন মনে করিতাম দেখি আসনের সন্মুখে ধূপ জলিতেছে। কোলঙ্গায় অনেক দিন ছিলাম, বিড়াল কখনও দেখিতে পাই নাই। এমন কি কোলঙ্গা গ্রামে বেড়াইতে গিয়াও কোন দিন আমার চক্ষে বিড়াল পড়ে নাই। আমরা যে ঘরে সাধনায় বসিতাম, ঐ ঘরে ভাঁড়ারের সকল জিনিস পত্র থাকিত, ঐ দেশে ভূঁষ নামক প্রকাণ্ড আকারের ইন্দুর সচরাচর দেখা যাইত, ইন্দুর অপেক্ষা চার ছয় গুণ বড় দেখিতে। আমাদের সাধন কালিন ঘর অন্ধকার থাকায় ঐ ইন্দুর গুলি আসনের উপর বেড়াইত, খড়মড় করায় মন সংযোগের বিঘ্ন করিত।

একদিন সন্ধ্যা রাত্রে সাধন কালিন বড়ই বিরক্ত হইলাম। মনে মনে ভাবিলাম এমন দেশে আসিয়াছি যে একটা বিড়াল খুজিয়া পাওয়া যায় না। যদি একটা বিড়াল পাইতাম, সাধন কালিন এই ঘরে বিড়ালটি থাকিলে, বিড়ালের ভয়ে ইন্দুর আসনের দিকে আসিতে পারিত না, সাধনবিঘ্ন হইত না। নিজ মনে সন্ধ্যা রাত্রে এই বিষয় চিন্তা করি, একথা আমার পত্নীকে বলি নাই। কিন্তু রাত্রি তিনটার সময়ে যখন আমরা পৃথক আসনে বসিয়া ক্রিয়া করিয়া নিমগ্ন হইয়াছি, তখন মনে হইল আমার আসনের উপরে আমার গা ঘেঁসিয়া একটা লোমজ জন্তু বসিয়া আছে, আমি প্রথমে ভাবিয়া ছিলাম ভূঁষ, ইহারাও লোমজ। কিন্তু তাহা নহে হাত বুলাইয়া অনুভব করিলাম ইহা বিড়াল। আমার পত্নীকে ডাকিয়া কহিলাম বাহির হইতে আলো আনিয়া দেখ আমার আসনে এটি কি? তিনি তাড়াতাড়ি আলো আনিলে দেখিলাম একটা কৃষ্ণ বর্ণের বিড়াল। কি আশ্চর্য! যেন আমাদের অনেক দিনের পোষা।

পূর্বে উল্লেখ করিয়াছি এদেশে এতদিন আসিয়াছি' একটাও বিড়াল দেখিতে পাই নাই, তবে ইহা কোথা হইতে আসিল। তখন প্রথম রাত্রে কথা স্মরণ পথে উদ্ভূত হইল, আমি ভূঁষের অত্যাচারে সাধন বিস্ম হওয়ায় বাবার নিকট প্রার্থনা করিয়াছিলাম, এদেশে বিড়াল নাই সত্য, যদি একটা বিড়াল পাইতাম সাধন কালিন এই ঘরে রাখিয়া সাধন করিলে, বিড়ালের গন্ধে ইন্দুর আমাদের সাধন বিঘ্ন করিতে পারিত না। ভগবান, গুরুদেব আমার মনবাঞ্ছা পূর্ণ করিবার জন্ত এই বিড়ালটি পাঠাইয়াছেন। আমার পত্নীকে প্রথম রাত্রে সাধন বিঘ্নের কথা এবং 'একটা বিড়াল পাইবার কথা গুরুদেবকে জানাইয়াছিলাম' এ কথা বলি নাই, তিনি ভক্ত-কল্পতরু আমার ইচ্ছা পূর্ণ করিলেন। আমার স্ত্রী এই কথা শুনিয়া 'আশ্চর্যান্বিত হইলেন। আমি তাঁহাকে বলিলাম, ইহার মন্তকে সিন্দুর দাও এবং যত্ন করিয়া দুগ্ধ ভাত খাওয়াইবে। মংস্ত্র এখানে কালে ভুদ্রে পাওয়া যায় কিন্তু আশ্চর্যের বিষয় ঐদিন প্রাতঃকালে ছোট ছোট মংস্ত্র বিক্রয় করিতে আসায় খরিদ করিয়া ঐ বিড়ালটিকে দেওয়া হয় কিন্তু বেলা বারোটোর পরে ঐ বিড়াল অদৃশ্য হইল। তাহাত হইবার কথা, সাধকের ইচ্ছা পূর্ণ মানসে বিড়াল প্রেরণ করিয়াছিলেন। এই সময়ে আমি যাহা ইচ্ছা করিতাম তাহাই প্রাপ্ত হইতাম। সকলই গুরুদেবের অনিচ্ছার ইচ্ছায় সম্পাদন হইত।

কোলঙ্গায় অবস্থিতি কালিন, কোলঙ্গা ও রাউরকেলার মধ্যবর্তী লাইনের কিনারায় একটা ক্ষুদ্র পর্বত আছে। প্রবাদ আছে, ঐ স্থানে ভগবান ব্যাসদেব 'একটা শিব স্থাপন করিয়াছিলেন এবং ঐ পর্বতের উপর ব্যাসদেবের আসন আছে, তাহার উপর উপবেশন করিয়া সাধনা করিতেন।' এক বৎসর শিবরাত্রে দিবাতাগে আমি ও বাসদেব বাঁধু উপবাস করিয়া তথায় ট্রলি যোগে একখানি গীতা সহ গমন করি এবং পর্বতের উপরে আসন বিছাইয়া আঁঠাদো অধ্যায় গীতাপাঠ করি।

ঐ পর্ব দিবসে ঐ ব্যাস আশ্রমে পর্বতের তলদেশে একটা ক্ষুদ্র মেলা হয়, অনেক জিনিষপত্র আমদানি হয়। ঐ পর্বতের পূর্বদিকে দুইটা নদী দুইদিক হইতে প্রবাহিত হইয়া একটা প্রকাণ্ড নদী হইয়াছে, উল্লিখিত দুইটা নদীর নাম শঙ্খ ও কয়েল। দুইটা মিলিত হইয়া ব্রাহ্মণী নদী নাম ধারণ করিয়াছে। যাহার উপর বি, এন, রেল কোম্পানী প্রকাণ্ড সেতু নির্মান করিয়াছেন। ঐ তিনটা নদীর সংযোগস্থানে ঐ ক্ষুদ্র পর্বত ও ব্যাস আশ্রম। আমরা দুইটা ভ্রাতায় গীতাপাঠ শেষ করিয়া সমতল ভূমিতে নামিবামাত্র একটা মধ্য বয়স্ক পটুবস্ত্র পরিধৃত গীতা হস্তে স্ত্রীলোককে দেখিতে পাই। তাঁহাকে দেখিলেই ধর্মপ্রাণা মনে হয়। তাঁহার সহিত আলাপ করিয়া জানিলাম, তিনি মৎস্যগন্ধার মাতৃবংশীয়া শুনীলাম পরাশর মুনি উল্লিখিত শঙ্খ এবং কয়েল নদীর মিলিত স্থানে মৎস্যগন্ধার সহিত বিহার করেন। যে সময়ে উভয়ের মিলন হয় ঐ স্থানটা পরাশর মুনি কুয়াসা সৃজন করেন। কিম্বদন্তি আছে ঐ ব্যাস আশ্রম পর্বতে বৎসরের প্রতি ঋতুতে প্রতিদিন কুয়াসা দৃষ্টিগোচর হয়, আমার ভাগ্যে কিন্তু দর্শন ঘটে নাই। তবে উল্লিখিত জেলের মেয়েটির সহিত আলাপ করিয়া আশ্চর্য্যান্বিত হইলাম, তিনি গীতা পুস্তক প্রতিদিন পাঠ করেন এবং কথঞ্চিৎ জ্ঞান প্রাপ্ত হইয়াছেন। উক্ত মৎস্যগন্ধার গর্ভে ব্যাসদেব জন্ম গ্রহণ করিয়াছিলেন। ইহা অবশ্য বহির্লক্ষ্যের অর্থ। কোলঙ্গায় অবস্থিতি কালিন চতুর্থ সোপানের কার্য পাইয়া যথা সময়ে তাহার উদ্‌ঘাপন হয়।

কোলঙ্গায় আট দশ বৎসর ডিয়ার কোম্পানীর ডাক্তার ছিলাম। ইহার মধ্যবর্তী সময়ে একদিন উষাকালে সাধন সময়ে গুরুদেব আমাকে দেওঘর হইতে যোগবলে জানান, শ্রীশ বাবু! অষ্ট প্রাতেই দেওঘরে রওনা হইবেন, বিশেষ দরকার। ইহা হৃদয়ঙ্গম করিয়া আসন হইতে উখিত হইয়াই পক্ষীকে বলি,—অষ্ট প্রাতে সাড়ে.

আট ঘটিকার গাড়ীতে দেওঘর রওনা হইতে হইবে, গুরুবাবা বিশেষ আবশ্যক জন্ম আহ্বান করিয়াছেন, তুমি ঝোল ভাত শীঘ্র করিয়া দাও। তিনি বলিলেন,—তুমি একজনের চাকরি কর তাঁহার নিকট বিদায় পাও কিনা দেখ। আমি বলিলাম, যখন বাবা ডাকিয়াছেন তখন সাহেব বিদায় দিতে বাধ্য হইবেন। যাহা হউক অতি প্রত্যুষে সাহেবের কুঠিতে যাইবামাত্র সাক্ষাৎ হইল, ম্যানেজার সাহেব এত উষাকালে তাঁহার সহিত সাক্ষাৎের কারণ জিজ্ঞাসা করায়, আমি বলিলাম—এই প্রাতের গাড়ীতে দেওঘর যাওয়া একান্ত দরকার, গুরুবাবার নিকট যাইব।

এই ম্যানেজার সাহেব এবং তাঁহার মেমসাহেব বাবার ঔষধিতে দূর-রোগ্য ব্যাধি হইতে অব্যাহতি লাভ করিয়াছিলেন এবং তদ্ব্যতীত তাঁহাকে বঁড়ই ভক্তি করিতেন। আমি দুই তিন দিনের বিদায় প্রার্থনা করিলে আনন্দচিত্তে অনুমোদন করিলেন। আমি বাঁসায় আসিয়া স্নান আহারাশুে দেওঘর রওনা হইলাম।

তৎকালীন বার্ণ কোম্পানীর ছোট গাড়ী বৈদ্যনাথ জংশন হইতে দেওঘর ষ্টেশন পর্যন্ত যাত্রায়াত করিত। শীতকাল, আমিও সার্জের কোঁট, শাল, মোজা ব্যবহার করিয়া যাইতেছি। দেওঘর ষ্টেশনে যখন গাড়ী পৌঁছিল তখন রাত্রি চারটা হইবে, আমি নামিয়া বাহান্ন নিধা গুরুদেবের বাগান বাড়ীতে পৌঁছিয়া শুনিলাম বাবা ফুল বাগানে বেড়াইতেছেন। কালবিলম্ব না করিয়া শ্রীচরণ দর্শনার্থ বাগানে যাইয়া প্রণাম করিলাম। বাবা “লংকুথের বেনিয়ান ও বিষ্ণাসাগরি সাদা চামর, পদে কটকি চটা পরিধান করিয়া বেড়াইতেছেন।

আমাকে দেখিয়া বলিলেন, শ্রীশ বাবু! “যার যত তার তত” নয় কি? দেখুন, শ্রীশ বাবু! এই মাঘ মাস আমার গাত্রে কি আছে, আর আপনি কত প্রকার গরম বস্ত্র ব্যবহার করিয়াছেন। আমি বলিলাম—বাবা আপনার সহিত এই অধমের তুলনা করিতেছেন কেন? তিনি বলিলেন,

আপনাকে আমার বিশেষ দরকার তজ্জগৎ আহ্বান করিয়াছি, ইহার পরে সমস্ত বলিব; আপনি বৈঠকখানায় যাইয়া কাপড় ত্যাগ করিয়া শৌচ কার্য্য সমাধা করিয়া লউন। আমি একটু পরে যাইতেছি।

• আমি বৈঠকখানায় আসিলে কয়েকজন ক্রিয়ান্বিত ব্যক্তি কহিলেন,— বাবা একমাস কিছুই খান নাই, কেবল সন্ধ্যাকালে একটু গঙ্গা জল পান করেন, বাবার মাথার চুল দেখিয়াছেন? লম্বা চুল দাড়ি গোঁপ রাখিয়াছেন নির্বিকল্প সমাধিতে দেহ ত্যাগ করিবেন। অমৃত শূনিয়া হতভম্ব হইলাম। তিনি দেহত্যাগ করিলে আমাদের ভাই কি হইবে, আমরা কাহার নিকট দাঁড়াইব?

• ক্ষণিক পরে বাবা ফুল বাগান হইতে ফিরিয়া আসিয়া তাঁহার শয়ন কক্ষে গমন করিয়া আমাকে আহ্বান করিলেন। আমি সেই ঘরে প্রবেশ করিয়া দেখিলাম আশুতোষ মুখোপাধ্যায় ডেপুটি ম্যাজিস্ট্রেট ঐ ঘরের একপার্শ্বে দাঁড়াইয়া রহিয়াছেন। তাঁহার স্ত্রী আমার বোমা, বাবার সংস্পর্শে বিছানায় মুখ আবরণ করিয়া বসিয়া রহিয়াছেন। বাবা দেওয়ালের ধারে বসিয়া আমাকে আহ্বান করিলেন, আমি ভাদ্রবধুর সংস্পর্শে বিছানার উপর দিয়া কিরূপে গমন করি, আশু ভায়া বলিলেন, দাদা, আপনার একি ব্যবহার! আমরা সকলেই বাবার সন্তান এক পরিবারের অন্তর্ভুক্ত নিজের নিজের বাড়ীতে কি ভাদ্রবধু থাকেন না, ঘটনাক্রমে ভাসুর কি ভাদ্রবধুর মুখ দেখেন না, তাহাতে কি মহাভারত অশুদ্ধ হয়? আপনি বয়ক্রমে এবং আত্মকর্মে উন্নতি লাভ করিয়াও কুসংস্কারের হস্ত হইতে এখনও অব্যাহতি লাভ করিতে পারেন নাই। যান, যান, বাবা ডাকিতেছেন, চলিয়া যান কোন দোষ হইবে না। আমি বাবার সন্মুখে উপবেশন করিয়া প্রণাম করিলাম।

সেই সময়ে বাবা উক্ত বোমা ও আশু বাবু এবং আরও দুই একজন ষাঁহারা ঐ ঘরে ছিলেন, ঘর হইতে যাইতে আদেশ প্রদান করিলেন।

আমাকে বাবা বলিলেন, আপনাকে ডাকিবার উদ্দেশ্যে, আমার দেহত্যাগের পূর্বে আপনাকে পঞ্চম ক্রিয়াটি দিয়া যাইব। আপনার হৃদয়গ্রন্থি ভেদ হইতে একটু অবশিষ্ট আছে, এই ক্রিয়াতে সামান্য দিনে হৃদয় গ্রন্থিভেদ হইবে এবং এই ক্রিয়াতে মূলাধার গ্রন্থিতে আঘাত প্রাপ্ত হইয়া কুণ্ডলিনী চৈতন্যের প্রথম সোপান প্রাপ্ত হইবেন। এই বলিয়া আমাকে জিজ্ঞাসা করিলেন, দর্শনের দুইশত সংখ্যা শেষ হইয়াছে ত? আমি বলিলাম,— এখনও কিছু অবশিষ্ট আছে। তিনি বলিলেন, উহা যতশীঘ্র পারেন শেষ করিবেন এই বলিয়াই পঞ্চম ক্রিয়ার প্রকরণ দেখাইয়া দিয়া বলিলেন, শ্রীশবাবু! আপনি এই সম্প্রদায়ের মধ্যে তৃতীয় স্থান অধিকার করিলেন। আপনাকে এই ক্রিয়াটি না দিয়া যাইলে অসম্পন্ন রহিয়া যাইত, তজ্জন্ত আপনাকে আহ্বান করিয়াছি। আমি ক্রন্দন করিয়া কহিলাম, বাবা! আপনি কোথায় যাইবেন? তদুত্তরে বাবা বলিলেন,—চির কাল কি আমি থাকিব, আমার সময় হইয়াছে, আমাকে দেহত্যাগ করিতে হইবে; তজ্জন্ত আমি প্রস্তুত হইয়াছি।

আমি পাঁচ বৎসরের বালকের ন্যায় হাট হাট করিয়া উচ্চৈশ্বরে রোদন করিতে লাগিলাম এবং বলিলাম আমাদিগকে নাবালক অবস্থায় রাখিয়া যাইতে পারিবেন না, আমরা কোথায় দাঁড়াব, বিপদে পড়িলে কে শাস্ত্রনা প্রদান করিবে? এই বলিয়া যখন ফুঁপিয়া ফুঁপিয়া ক্রন্দন করিতে লাগিলাম, বাবা আমাকে কোলে লইয়া তাঁহার কোঁচার কাপড় দ্বারা আমার চক্ষের জল অপসারিত করিতে লাগিলেন এবং বলিতে লাগিলেন, এমন প্যানপেনে ছেলে জানিলে দেহত্যাগের কথা বলিতাম না। আমি বলিলাম,—বাবা! ফিরিবার সময়ে কত ভ্রাতা ভগ্নী আপনার কুশল জিজ্ঞাসিলে ও আমার স্ত্রীকে কি বলিয়া প্রবোধ দিব, অতএব আপনি আমার নিকটে বলুন আপনি যাইবেন না। তদুত্তরে বাবা বলিলেন,—তোমাদের জন্ত কি চিরকাল এই সংসারে

থাকিব। আচ্ছা, আচ্ছা, দেখা যাইবে, বাবা যাহা করান করিব। এই বলিয়া কোল হইতে বিছানায় নামাইয়া দিলেন। আমি কথঞ্চিৎ ঠাণ্ডা হইলাম। দয়াময় আমাদের ঞায় নাবালক পুত্র কণ্ঠার জন্ত সে যাত্রা হেত্যাগ করেন নাই।

এই ঘটনার দুই, তিন বৎসর পরে মাননীয় হরিমোহন বন্দ্যোপাধ্যায় তৎকালিন অ্যুর্যামিশন স্কুলের সেক্রেটারী ছিলেন বাবা তাঁহার কুণ্ডাকে বিবাহ করেন। তবে বাবার প্রথমা স্ত্রী তখন বর্তমান ছিলেন, তাঁহা গর্ভে কোন সন্তানাদি হয় নাই।

কোলঙ্গায় অবস্থিতি কালিন এবং দ্বিতীয় তৃতীয় ক্রিয়া প্রাপ্তির পরে যে সকল লোক ঐ দেশ হইতে আত্মকর্মের উপদেশ প্রাপ্ত হইয়া গুরু-বাবাকে কলিকাতায় বা দেওঘরে পত্র লিখিতেন, ঐ সকল পত্রের উত্তরে বাবা লিখিতেন, আমার প্রতিনিধি শ্রীশচন্দ্র মুখোপাধ্যায় কোলঙ্গার ডাক্তার। তাঁহার নিকট আমার লিখিত আদেশযুক্ত এই পত্রগুলি দেখাইলে তিনি যদি উপযুক্ত মনে করেন ক্রিয়া দিবেন। এইরূপ বিস্তর পত্র লইয়া বাবুগণ আমার নিকট যাওয়ায় প্রথম প্রথম বাবাকে লিখিয়া অঙ্গপ্রায়শ্চিত্ত করিয়া আত্মকর্মের উপদেশ দিতাম। এইরূপ অনেকে কোলঙ্গায় যাইয়া ক্রিয়া লইয়া যাইতেন।

ভাগলপুর নিবাসী শ্রীযুক্ত মতিলাল ঘোষ, বি. এন, রেলওয়ের রাস্তার ওভারসিয়ার, গৌড়া ব্রাহ্ম ধর্মাবলম্বি। পরিশেষে এই ক্রিয়াই সার ভাবিয়া গুরুবাবার আদেশ মত দেওঘর হইতে ক্রিয়া লইয়া যাইলেন। তিনি প্রায়ই রাউরকেলা স্টেশনে আসিতেন। বাবার আদেশ মত মধ্যে মধ্যে তথায় যাইয়া বামদেব বাবু এবং মতি বাবুকে ক্রিয়া দেখাইতে কোলঙ্গা হইতে যাইতে হইত। মতি বাবুর ভগবৎ দর্শন প্রতিদিন সুন্দর হইত, তজ্জন্ত তাঁহার দুর্ঘটি হওয়ায় আমাকে প্রায়ই বলিতেন, দর্শনত সহজ সাধ্য। আমি বলিতাম—মতি বাবু! সর্কনাশ করিবেন

না, অহঙ্কার করিবেন না। অহঙ্কারই রজগুণজাত রাবণ, ঐ অহঙ্কাররূপী রাবণ দ্বারা সীতা অর্থাৎ প্রত্যক্ষ জ্যোতির্ময় পরা-প্রকৃতির হরণ হইবে। আর সীতা উদ্ধার হইতে পারিবেন না। তখন আপনার ভয়ানক পরিতাপ আসিবে অর্থাৎ আরি দর্শন হইবে না। তাহাই হইল, তাঁহার কুটস্থ দর্শন বন্ধ হইয়া গেল, কত চেষ্টা করিয়াও আর দর্শন হইল না। অবশেষে সীতা উদ্ধার না করিয়াই মৃত্যুমুখে পতিত হন।

শুনিয়াছিলাম বাবার ঔষধিতে সাহেব মেমদিগের অসাধ্য অসাধ্য রোগ, আরাম হয়। যে ব্যাধি ইংলণ্ডেও আরোগ্য হয় নাই এবং ভারতবর্ষের বোম্বে ও কলিকাতায় বিস্তর টাকা খরচ করিয়া বড় বড় সুবিখ্যাত ইংরেজ সিভিলসার্জনগণ হার মানিয়াছিলেন, অবশেষে গুরুবাবার ব্যবস্থা মত গুরুবাবার কৃত দেশীয় ঔষধিতে নিশ্চল হইয়াছিল; তজ্জন্ম কোলঙ্গার সাহেবগণ বাবাকে পরম ভক্তি করিতেন। আমাকে কয়েকবার বড় সাহেব বলিয়াছিলেন, গুরুবাবাকে কোলঙ্গায় আনয়ন কর, আমরা সমস্ত খরচ বহন করিব এবং যাহাতে তাঁহার কোন বিষয়ে এখানে অসুবিধা না হয় তাহার ব্যবস্থা করিব। কিন্তু বাবা কোলঙ্গায় কখনও নামিতে পারেন নাই।

এইরূপে দশ বৎসর কোলঙ্গায় কাটিল। হঠাৎ মনে জাগরুক হইল, স্বাধীন ডাক্তারি বিদ্যা শিক্ষা করিয়া এই জঙ্গলময় স্থানে আমি কি চিরকাল অতিবাহিত করিব। গুরুবাবার দেশীয় আশ্চর্যজনক ঔষধিতে কত প্রকার অসাধ্য ব্যাধি আরোগ্য হইতেছে, তবে কেন আমি পরাধীন চাকরী করিয়া সাহেবদিগের আজ্ঞাধীন থাকিয়া জীবনের মূল্যবান সময় অতিবাহিত করিব। বরং এই চাকরি ত্যাগ করিয়া জামালপুরে ইতিপূর্বে বাটা খরিদ করা হইয়াছে, তথায় বাবার ঔষধি লইয়া স্বাধীন ভাবে চিকিৎসা ব্যবসা করিলে সাধনের কোনরূপ বিঘ্ন হইবে না।

তথাকার গুরু ভ্রাতাগণের সহিত সংমিলিত হইয়া বাবার ক্রিমার প্রচার এবং তৎসহ বাবার আশ্চর্যজনক ঔষধির প্রচার করি না কেন? এইটি মনে ধারণা করিয়া, গুরুবাবাকে আমার মত উল্লেখ করিয়া লিখিলাম। তিনি উত্তর দেন, শ্রীশ বাবু! আপনার কয়েকটা পুত্র হইয়াছে তাহাদের লেখা পড়ুর খরচ আছে, আপনি উপস্থিত গড়ে একশত পঁচিশ টাকা বেতন পাইতেছেন; উপস্থিত অন্ন পুরিত্যাগ করিয়া ভবিষ্যৎ আশায় জামালপুর যাইয়া চিকিৎসা ব্যবসা করা কি বুদ্ধি সঙ্গত? অতএব আমার মতে এই চাকরিটা পরিত্যাগ করিবেন না।

ঐ পত্র পাইয়া ম্যানেজার সাহেবের নিকট দুই দিনের বিদ্যুৎ গ্রহণ করিয়া কুলিকাতায় গুরুবাবার সহিত সাক্ষাৎ করিতে যাই। তিনি বলিলেন,—ছেলেদের খরচ ও বিদ্যাদানের ব্যয় সংকুলান যদি না হয়, তবে আপনি ভবিষ্যতে বিব্রত হইয়া পড়িবেন। আমি বলিলাম,—আমার অদৃষ্টে কি ছেলেদের শুভাশুভ নির্ভর করিতেছে, তাহারা কি আপন আপন কর্মসূত্রে ধারণ করিয়া জন্ম গ্রহণ করে নাই? তাহা যদি না হয় এবং আমার উপরেই তাহাদের জীবন নির্ভর করে, তাহা হইলে আমার চাকরী ত্যাগ করা কর্তব্য কি না; আপনি আমাকে তাহা বলুন। তিনি নির্ঝাক হইলেন এবং বলিলেন,—প্রত্যেক জীবই কর্মসূত্রে ধারণ করিয়া জগতে জন্ম গ্রহণ করে। তখন আমি বলিলাম,—তাহাদের জন্ম কর্তা সাজিয়া আমার এই সুখময় জীবন কেন নষ্ট করিব। আমাকে আদেশ দেন, আমি জামালপুর যাইয়া নিজের বাটীতে ঔষধালয় খুলি এবং আর্ধ্যমিশনের ঔষধি এবং কিছু ডাক্তারি ঔষধি, আলমারী, চেয়ার, টেবিল খরিদ করিয়া বসি। বাবা! আমাকে মাসে ত্রিশ টাকা দিবেন তাহাতেই সন্তুষ্ট থাকিব, মাসিক অধিক আর চাহিতেছি না।

বাবা তাহাতে সন্তুষ্টি দান করায়, কোলঙ্গায় প্রত্যাগমন করিয়া দুই

মাসের বিনা বেতনে বিদায় লইয়া একজন সাব এসিষ্ট্যান্ট সার্জনকে ডিসপেন্সারির ভার দিয়া কলিকাতা হইতে ছত্রিশ টাকার আর্থমিশনের ঔষধি আর কিছু ডাক্তারি ঔষধি ও যন্ত্র খরিদ করিয়া এবং আলমারী, ইত্যাদি খরিদ করিয়া বাবার আদেশ গ্রহণ করিয়া জামালপুরে চিকিৎসা ব্যবসা আরম্ভ করিলাম। তাহাতে দিন দিন উপার্জন হইতে লাগিল। ক্রমে ক্রমে ঈশ্বরের কৃপায় জামালপুর, মুন্সের, সুলতানগঞ্জ, ধারাবা, বহি, দ্বারবঙ্গ পর্যন্ত অধিক দর্শনী লইয়া রোগী দেখিতে যাইতে হইত। তাহার ফলে দুইশত আড়াই শত টাকা পর্যন্ত মাসিক আয় হইতে লাগিল।

আয় বৃদ্ধি দেখিয়া টাকার মোহে, ক্রিমার যদি ব্যাঘাত হয়, তজ্জন্য বাবাকে জানাইয়া বলিলাম, টাকার প্রলোভনে যেন আত্মকার্যের ব্যাঘাত না হয়। বিস্মৃতিকা ব্যাধির প্রকোপের সময়ে বাবার সঞ্জীবনী ঔষধিতে ডাক্তারগণের পরিত্যক্ত জীবন-সংশয়-গ্রস্ত রোগী আরাগ হইতে লাগিল।

মুন্সেরের সরকারি হাঁসপাতালের এসিষ্ট্যান্ট সার্জন ডাক্তার বাবু, বাবার দেশীয় ঔষধির নানারূপ কুৎসা করিলেও বাবার ঔষধি প্রচারের কোনরূপ বাধা হইল না। ঐ সময়ে কলিকাতা নিবাসী শ্রীযুক্ত আশুতোষ বন্দ্যোপাধ্যায় ডেপুটি ম্যাজিষ্ট্রেট মুন্সেরে ছিলেন। তিনি ক্রিয়ান্বিত, মুন্সেরের কেল্লার ভিতর তাঁহার বাসা ছিল, বাবার আদেশমুসারে তাঁহার সহিত সাক্ষাৎ হওয়ায় তিনি বিশেষ আনন্দিত হইলেন।

আশু নবাব বাস ভবনে কয়েকটি ক্রিয়ান্বিত সংমিলিত হইয়া একটা গীতা সভা প্রতিষ্ঠা হয়, ঐ সভায় ভবানীপুরের শ্রীযুক্ত সারদাচরণ বিশ্বাস গীতার ব্যাখ্যা করিতেন। তৎকালিন ভূপালচন্দ্র মজুমদার, উকীল হরিপদ ঘোষ, মুন্সের আদালতের ও সহরের আরও দুই একটা বাঙ্গালী

ক্রিয়ান্বিত রবিবারে সমবেত হইতেন। আমি তৎকালীন আমার জামালপুরের বাটীতে থাকিতাম। আমিও রবিবারে তথায় একত্রিত হইতাম। মধ্যে মধ্যে আমাদের প্রার্থনায় গুরুদেব ডেপুটি বাবুর বাস ভবনে দেওঘর হইতে আগমন করিতেন এবং গীতার ব্যাখ্যা করিতেন।

তৎকালীন একদিন বাবা কহিলেন, আমি সকলকে সমান চক্ষে দেখিয়া থাকি। আমি কহিলাম, কখনই নহে, যে সাধক আপনাকে তন্নয়, প্রতিদিন আপনার আদেশ মত দুই সন্ধ্যায় বিধি পূর্বক আত্মকার্য করেন তিনি আপনার প্রিয়। সুতরাং কি করিয়া আপনি সকলকে সমান চক্ষে দেখিয়া থাকেন। বাবা বলিলেন, তবে কি আমি গুরুপাতী? আমি কহিলাম, আমার কৃপা অগুণা নহে। কুরু-পাণ্ডবগণের গুরু ছিলেন দ্রোণাচার্য্য; দ্রোণাচার্য্য কি সকলকেই সমান চক্ষে দেখিতেন? অর্জুনকে তিনি অধিক স্নেহ করিতেন। আপনি গুরুরূপী আত্মনারায়ণ সকল ঘটেই বিরাজমান। যিনি ক্রিয়া করিয়া প্রাণমন আপনাকে অর্থাৎ কূটস্থে সংমিলিত করিতে পারেন তিনি তো আপনাকে তাঁহার হৃদয়পটে বাধিয়া রাখিতে পারেন। কেবল গোষ্ঠ-ভক্তি অবলম্বন করিয়া আপনার ফটোতে ফুল চন্দন দিয়া পূজা করিলে আপনার কৃপা পাওয়া দুর্লভ। এখানকার ভ্রাতাগণকে কহিতেছি, ফটো পূজা করুন আর নাই করুন বাবার ক্রিয়াই গুরু-অর্থাৎ তিনি। ঐ ক্রিয়া বাবার আদেশমত করুন, তাহা হইলে বাবাকে ভক্তিডোরে বাধিতে পারিবেন। তিনি একদণ্ড আপনাকে ছাড়িয়া কুত্রাপি যাইতে পারিবেন না। ইনি দেহ নহেন দেহীই তিনি। বাবা এই কথা শ্রবণ করিয়া আমার প্রতি ক্রোধ প্রকাশ করিতে লাগিলেন। আশুবাবু ডেপুটি নোয়াখালি বদলি হইয়া যাওয়াতে, আমাদের গীতা সভা অন্তর্দ্ব্যান হইল।

ইত্যাবসারে শ্রীযুক্ত তারাভূষণ বন্দ্যোপাধ্যায় বি, এল, বাবার

নিকট আত্মকার্যের উপদেশ পান। তাঁহার পরে কেম্ কটেজে অর্থাৎ তারাভূষণ ভায়ার বাসায় গীতা সভা প্রতিষ্ঠিত হয়। সুতরাং গুরুদেব তারাভূষণ বাবুর প্রার্থনায় মুঙ্গেরে বৎসরে দুইবার তারাভূষণ বাবুর বাসভবনে আসিতেন। একবার তারাভূষণ বাবুর বাসায় আসিয়া আদেশ দেন, যখনই আমি মুঙ্গেরে আসিব আপনি বেলা ১টার গাড়ীতে জামালপুর আপনার বাটীতে প্রত্যাগমন করিবেন; ইহা তারাভূষণ বাবুর মাতার অনুরোধ। প্রতিদিন রাত্রে একত্রে আহারাদি করা যাইবে, আমার তাহাই ইচ্ছা। একবার বাবা তারাভূষণ ভায়ার বাসায় দেওঘর হইতে আসিয়া আমাদিগকে কহিলেন, “আমি বাবা, বাবা, বুলিতে সন্তুষ্ট নহি, তিনি প্রতিদিন দুই বেলা আদেশ মত সাধন করেন, তিনিই আমার প্রিয়। এই কথা শ্রীমুখ হইতে ‘নর্গত হইবামাত্র রোডসেস্ অফিসের বড় কেরণী স্যুজাষ কুমার চট্টোপাধ্যায় ভায়াকে কহিলাম কেহ্নায় আশুবাবুর বাসায় বাবা যে বলিয়াছিলেন সকলকে সমান চক্ষে দেখি, অদ্য বাবার বাক্যে নিজের দর্প চূর্ণ করিলেন কিনা? আমি বলিলাম, আপনি যদি বলেন বাবাকে বলি। তিনি আমাকে নিরস্ত করিলেন।

জামালপুরে বসবাস করিবার সময় পরাৎপর গুরুদেব আমাকে আদেশ করেন, সমস্ত দিন ডাক্তারি কার্যে আপনাকে ব্যস্ত থাকিতে হয়। শ্রীশ বাবু! আপনি রাত্রি আটটার সময়ে সাধন না করিয়া আহার করিয়া লইবেন, রাত্রি এগারটা পর্যন্ত অগ্নাগ্র কার্য করিয়া অর্থাৎ শয্যায় না গিয়া জাগরণ করিয়া থাকিয়া ঐ এগারটার সময়ে আসনে যাইয়া সাধন করিবেন; রাত্রি দুইটা পর্যন্ত অর্থাৎ তিন ঘণ্টা সাধন করিয়া উঠিবেন, তৎপরে নিদ্রা যাইবেন। প্রাতে ছয়টার সময়ে উঠিয়া ডাক্তারি কার্যে বা ক্রিয়া দান কার্যে ব্রতি হইবেন। সেই আদেশ অনুসারে কয়েক বৎসর এই নিয়মে সাধনা করিতাম। এক একদিন রাত্রে সাধন কালিন নিজেকে হারাইয়া যাইতাম, অথচ নিদ্রা নহে, নিদ্রা হইলে নাকের

অণ্ডয়াজ হয় অথবা শ্বাস প্রশ্বাসে বায়ুর শব্দ অনুমিত হয়, ইহা তাহা নহে। তৎকালীন রুদ্রাক্ষ মালা ব্যবহার করিতাম, মালার একশত আটটি রুদ্রাক্ষ আছে, সাধনা করিতে করিতে হয়ত ত্রিশ সংখ্যা পর্যন্ত চৈতন্য ছিল তাহার অনেকক্ষণ পরে স্মেরু হইতে পাঁচ ছয় মালা নামিলে চৈতন্য হইয়া দেখিলাম, মোটে পাঁচ ছয়টি কি জপ করিলাম? কিন্তু তাহা নহে, ৩০ সংখ্যার পর ৭৫ বার হাতের মালা ঘুরিয়াছে অথচ বহু-জ্ঞান-শক্তি অবস্থায় আনন্দে অর্থাৎ সমাধি অবস্থায় জপ হইয়া তৎপরে মন ইন্দ্রিয়ে আসক্ত হওয়ায় চৈতন্য হইল। ইহাকে ক্ষুদ্র সমাধি কহে। এখনও মনে জাগরুক আছে, একদিন রাত্রি ১১টায় সাধনে বসিয়াছি, জামালপুরে কারখানায় কতকগুলি ফটক আছে প্রত্যেক ফটকে পেটা ঘড়ি ঘণ্টায় ঘণ্টায় রাত্রে বাজিয়া থাকে। ঐ রাত্রে সাধনা করিতে করিতে গজলের শব্দে চৈতন্য হইল এবং মনে হইল আমার ধারণা হইতেছে, আমি অনেকক্ষণ সাধনায় বসিয়াছি, কিন্তু গজল যখন বাজিল তখনতো রাত্রি বারটা কারণ বারটায় গজল বাজে, সাধনা কি একঘণ্টা করিলাম? কিন্তু মন বলিতেছে যেন অনেকক্ষণ বসিয়াছি। আচ্ছা অণ্ড ফটকের ঘড়ি বাজিলে বুঝিব আমার কাণের ভুল কিনা? একটু অপেক্ষা করায় ঘড়ি বাজার অন্তর্গত পরে গজল বাজিল। ফটকের ঘড়ি এক সময়ে বাজে না, এক ফটকের ঘড়ি বাজা শেষ হইলে অপর ফটকে বাজে, তজ্জন্তু অপেক্ষা করিয়া শুনিলাম চারটা বাজার পরে গজল বাজিল, এগারটায় বসিয়া রাত্রি চারটা পর্যন্ত সমাধি অবস্থায় ছিলাম। সকলই গুরুদেবের অনুকম্পা ভিন্ন কিছুই নহে।

• আমি নিত্য প্রাতের গাড়ীতে জামালপুর হইতে বাবার সিদ্ধাশ্রম দাতব্য চিকিৎসালয়ে মুন্সেরে আসিয়া রোগী দেখিতাম এবং বেলা একটার গাড়ীতে বাবার আদেশ মতু তারাভূষণ বাবুর বাস ভবনে আসিয়া রাত্রি এগারটার গাড়ীতে আহারাঙ্কে জামালপুর নিজ বাড়ীতে প্রত্য-

গমন করিতাম। একদিন বেলা দুইটার সময়ে বাবা আমাকে জিজ্ঞাসা করেন, শ্রীশ বাবু! “যুক্তাহারবিহারশ্চ যুক্ত চেষ্টশ্চ কৰ্ম্মসু” ষষ্ঠ অধ্যায়ের গীতার এই শ্লোকের প্রকৃত অর্থ জানেন? অর্থাৎ আমি নিজে খাই না ভগবানকে খাওয়াই মাত্র, ইহা আপনি হৃদয়ঙ্গম করিতে পারেন ত? আমি কহিলাম, না বাবা আমি নিজেই খাই এই মনে হয়। ক্ষুধায় পেট বলিতেছে, বাবা! সে সময় কি মনে ধারণা করিতে পারি আমি খাইতেছি না—অর্থাৎ আমার দক্ষিণ হস্তের সাহায্যে গ্রাস তুলিয়া খাইতেছি, খাইয়া নিজেই তৃপ্ত হইতেছি। শরীরের মধ্যে ভগবান আছেন। তিনিই খান, একথা কি বাবা তখন মনে আইসে? বাবা বলিলেন,—না শ্রীশ বাবু ইহা একদিন হৃদয়ঙ্গম করিতে পারিবেন। আমি বলিলাম, তাহা আপনার কৃপা ব্যতীত নহে। সেই দিন আর কোন কৃপা হইল না, রাত্রে আহাৰান্তে রাত্রে গাড়ীতে জামালপুর চলিয়া যাইলাম।

তৎপরদিবস প্রাতে যেরূপ সিদ্ধাশ্রমে আসিয়া রোগী দেখি, ঐশ্বধি বিতরণ অস্ত্রে এবং নিজের রোগী দেখিয়া বাবাকে দর্শন করিয়া বেলা দুশটার গাড়ীতে জামালপুরে যাইয়া, তথায় রোগী দেখিয়া স্নানান্তে আহাৰে বসিলাম। গণ্ডুষ অস্ত্রে যেমন আমি পঞ্চ প্রাণকে অন্ন নিবেদন করিতেছি, হঠাৎ আমার কুটস্থে লক্ষ্য পড়িল, দেখিলাম আমার হস্তদ্বারা মুখের মধ্যে অন্ন প্রবেশ করিতেছে কিন্তু কুটস্থের মধ্যে গুরু বাবার দাড়ি সংযুক্ত মুখ হাঁ করিয়া ঐ অন্ন গলাধকরণ করিতেছেন। একবার দুইবার নহে, চার পাঁচ বারের কম হইবে না। তৎক্ষণাৎ বাবার ‘যুক্তাহার’ শ্লোকের ব্যাখ্যা মনে পড়িল। বাবা গত কল্য বৈকালে ঐ শ্লোকটি যেরূপ বুঝাইয়া দিয়াছিলেন, প্রকৃতপক্ষে প্রত্যক্ষ করাইয়া দিলেন। আমি ত ভোজন করি না, বাবাই ভগবান রূপে গ্রহণ করেন, ইহা দেখিয়া আনন্দে বিহ্বল হইয়া চিৎকার করিয়া উঠিলাম। আমার

২য় পত্নী রান্নাঘরে কি করিতেছিলেন। তিনি ছুটিয়া আসিয়া আমাকে জিজ্ঞাসা করিলেন, কি হইয়াছে? আমি গতকলের যুক্তাহার সম্বন্ধে বাবা যাহা বলিয়াছিলেন এবং পরিশেষে আমাকে বলেন, আপনি ঠিক বীঝিতে পারিবেন বাবা অদৃষ্ট তাহা প্রত্যক্ষ করাইলেন। অমিত আনন্দে উৎফুল্ল।

একটার গাড়ীতে মুন্সের চলিলাম, তারাভূষণ বাবুর বৈঠকখানায় কয়েকজন ভ্রাতার সমাগম হইয়াছে। বাবা ঐ কক্ষে নিদ্রা যাইতেছেন। আমি ঐ কক্ষে প্রবেশান্তে বাবাকে উদ্দেশ্য করিয়া প্রণাম করিয়া, ভ্রাতাগণের সহিত উপবেশন করিলাম। অর্ধ ঘণ্টা পরে বাবার নিদ্রাভঙ্গ হওয়ায় আমরা গাত্ৰোত্থান করিয়া গুরুদেবকে প্রণাম করায়, বাবা বলিলেন, শ্রীশিবাবু! যুক্তাহার হৃদয়ঙ্গম করিয়াছেন ত? আমি স্তম্ভিত হইয়া কহিলাম,—এই সংবাদ আপনাকে বলিবার জন্য আমি প্রস্তুত ছিলাম, আপনি অন্তর্ধ্যামি, সকল ঘটনাই জানেন আমাকে বলিতে না দিয়া লীলাময় লীলার কথা বলিলেন। এই বাক্য নিসৃত হইয়া আমার চক্ষুদ্বয় হইতে আনন্দাশ্রু নির্গত হইতে লাগিল। অপর ভ্রাতা কিছুই হৃদয়ঙ্গম করিতে পারিলেন না। গুরুদেব মনুষ্যাকারে—আমরা মায়িক জীব বিধায় ভুলাইয়া রাখিতেন। “তিনি নরাকার, ধর্ম অবতার, করেন নির্ঝিকার, যে জন লয় শরণ।” এইরূপ কত সময়ে কত আশ্চর্য ঘটনা দেখাইতেন।

মুন্সের অবস্থিতি কালিন একদিন প্রাতে রোগী দেখিয়া, তারাভূষণ বন্দ্যোপাধ্যায় বি, এল, উকীলের বাস ভবনে গমন কালে দেখি পরাৎপর ইষ্টদেব আসিয়াছেন। তারাভূষণ বাবু প্রাতে কাছারি গিয়াছেন। বাবাকে প্রণাম করিতে গিয়া দেখিলাম বাবা বহির্বাটীর উঠানে আরাম চৌকিতে বসিয়া ধূম পান করিতেছেন, আমি প্রণাম করিলাম। বাবা জিজ্ঞাসা করিলেন অদৃষ্ট রোগী দেখিয়া কিছু পাইয়াছেন ত? আমি

কহিলাম 'আপনার কৃপায় কিছু পাইয়াছি। বাবা বলিলেন, রোগীর বুক দেখা সেই বাঁশীটি পকেটে আছে ত? আমি বলিলাম আছে। বাবা বলিলেন, আপনি ডাক্তার আমার হাত দেখুন ত। আমি হাতে নাড়ি পাইলাম না। বাবা কহিলেন, কাহারও কাহারও দক্ষিণ হস্তে নাড়ি পাওয়া যায় নাই, বাম হাত দেখুন ত। আমি অবাক! বাম হস্তেও নাড়ী নাই, আমি আশ্চর্যান্বিত হইতেছি। বাবা বলিলেন,— পকেট হইতে বাঁশী বাহির করিয়া আমার হৃদপিণ্ড পরীক্ষা করুন। বাবা শালিগায়ে বসিয়া ছিলেন। হাট দেখিলাম, কোনরূপ স্পন্দন নাই। আমি হতভম্ব হইয়াছি। বাবা বলিলেন,—শ্রীশ বাবু! আমার নিদান অবস্থা, আপনি আমাকে বাবা বলিয়া সম্বোধন করিয়া থাকেন, মুঙ্গেরের গঙ্গা "কষ্ট হারিণী" নামে খ্যাত, আমাকে এই মুহূর্তে তীরস্থ করুন, ঘরে মারিবেন না। আমি হতভম্ব হইয়া বাবাকে বলিলাম,—আপনি আমাকে ছলনা করিতেছেন। দয়া করিয়া স্বাভাবিক অবস্থা ধারণ করিয়া আমার অস্থির মনকে শান্ত করুন। একটু পরে হাসিয়া বলিলেন, আমার দুইখানি হস্তের নাড়ি এবং বক্ষস্থলে বাঁশী দিয়া দেখুন এখন। আশ্চর্য! দেখিলাম দুই হস্তের ধমনী ঠিক চলিতেছে এবং অসম্ভবকরণের অবস্থা স্বাভাবিক অবস্থা প্রাপ্ত হইয়াছে। মহাপুরুষ সম্ভবও অসম্ভব করিতে পারেন অসম্ভবও সম্ভব করিতে পারেন। মৃত্যু লক্ষণ ইচ্ছা মাত্রই দেখাইতে পারেন। বাবা এই লক্ষণ আমাকেই মাত্র দেখাইয়াছেন, লীলাময়ের লীলা কত লিখিব।

একদিন মুঙ্গেরে শ্রীবুদ্ধ ভূপালচন্দ্র মজুমদার বি, এল, আমাদের ভ্রাতা; ঐ সিদ্ধাশ্রমের অতি নিকটে তাঁহার বাস ভবন। অবসর পাইলেই তিনি প্রাতে ও বৈকালে আমার নিকট আশ্রমে আসিতেন। তৎকালীন আমি সুপরিবারে মুঙ্গের আশ্রমে অবস্থিত করিতেছিলাম। একদিন আমার মনে হইল ভূপাল বাবুকে কুটস্থ মনের স্থিতির বিষয়

বুঝাইয়া দিই। তিনি উপলক্ষি করিলেন, আমরা যে কোন কার্য করি না কেন এবং দেখি না কেন সকল সময়ে কুটস্থে মন লাগিয়া থাকে। তিনি তাহা হৃদয়ঙ্গম করিয়া এই কথা অল্প কাহাকে প্রকাশ করিতে নিষেধ করেন। তিনি পরম ভক্ত, জ্ঞানবান, বাবার শিষ্য ছিলেন। এই সময়ে মুন্সেরের বড় বড় শিক্ষিতগণকে বাবার ক্রিয়া দান করিয়াছিলাম।

মুন্সেরে গুরুদেব আমাকে ক্রিয়া দানের সম্পূর্ণ অধিকারি করেন। এই সংবাদ শ্রবণ করিয়া ভূপাল বাবু উকীল, আমাকে কহেন,— দাদা মহাশয়! বাবার দেহত্যাগ অন্তে আপনিই বাবার প্রতিনিধিরূপে স্থায়িতাবে সকল কার্যই করিবেন, কিন্তু আমার ইচ্ছা এখন কেহ ক্রিয়াপ্রার্থী হইলে বাবাকে জানাইয়া ক্রিয়া দান করিলে ভাল হয় না? আমি কহিলাম,—তাহাই কর্তব্য, কিন্তু একবার কাহাকে ক্রিয়া দিবার জন্ত বাবাকে দেওঘরে আদেশ প্রার্থনা করায়, তিনি ভয়ানক কুপিত হইয়া আমাকে লিখেন, শ্রীশ বাবু! ভুলক্রমে লিখিয়াছেন, ক্ষমা করিলাম। ভবিষ্যতে আপনি যাহাকেই উপযুক্ত মনে করিবেন, আমাকে তাহার সম্বন্ধে কিছুমাত্র না জানাইয়া ক্রিয়া দিচ্ছেন বা না দিবেন আপনিই অনুধাবন করিবেন। ভূপাল বাবুর মনস্তষ্টির জন্ত মুন্সের জেলার একজন সাব ইন্স্পেক্টার বাবু ক্রিয়াপ্রার্থী বিধায় লিখিয়াছিলাম। তাহার উত্তরে বাবা আমাকে অনেক তিরস্কার বাক্য প্রয়োগ করেন। ঐ পত্র দেখাইলে ভূপাল বাবুর জ্ঞান জন্মিল।

এক সময়ে জামালপুর বাটীতে রাত্রি এগারটার সময়ে সাধনে বসিয়াছি। শীতকাল মাঘ মাস, তজ্জন্ত শীতাদিক্যে খাটের উপরে গদি তাহার উপরে মৃগচর্ম বিছাইয়া তাহাতে উপবেশন করিয়া নিষ্কাম কার্য করিতেছিলাম। গাত্রে কিছুই দিবার আবশ্যক হয় নাই, উষাকালে দেখি আমি আসন সমেত খাটের নিম্নে বসিয়া রহিয়াছি। আমার রাত্রি দুইটার

সময়ে উঠিবার কথা, একি ব্যাপার! অঙ্গ, তখন শীতে কম্পিত হইতে লাগিল। কি উপায়ে আসনসহ খাটের নিম্নে কখন বসিয়াছি অথচ সটান বসিয়াছিলাম। ইহা ষোরতর সমাধি অবস্থা, গুরুদেবের কৃপায় লীলার সংঘটন, ভিন্ন অল্প কিছুই বোধগম্য হইল না। মন কুটস্থে বিলীন হওয়ায় ইন্দ্রিয়গণ যাহাদের ইন্দ্রিয় বিষয়ে মন সংযুক্ত হওয়ায় শীত উষ্ণ বোধ হয়। মন কুটস্থে মিলিত হওয়ায় ইন্দ্রিয়গণ মনে সংলিপ্ত হওয়ায়, ইন্দ্রিয়ের বিষয় হইতে বৃক্ক থাকায়, সাধক শীত উষ্ণ বর্জিত হইতে পারে। সম্ভবত তাহাই সংঘটন হওয়ায় দারুণ শীত কত সময় পর্যন্ত অনুভব হয় নাই, তাহা গুরুদেবই জানেন। উমাকালে যখন মন ইন্দ্রিয়গত হইল, তখনই শীতে কাঁপিতে লাগিলাম। ইহা নিজ বোধরূপ—ঐ অবস্থা প্রাপ্ত না হইলে অনুভব বা জ্ঞান হইবে না।

আমার মুন্ডের অবস্থিতি কালিন, একবার বাবা তারাভূষণ বাবুর বাস ভবনে আসিয়াছেন। আমরা চল্লিশ পয়তাল্লিশ জন ভ্রাতা, লাগলপুর, মুন্ডের, জামালপুর ও বর্হি হইতে আসিয়া সমবেত হইয়াছি। সন্ধ্যার পরে আমরা সকলে একখানি প্রকাণ্ড সতরঞ্চিতে বসিয়া এবং কাঁধা আমাদের খুব নিকটে একখানি আরাম চৌকিতে বসিয়া ধর্ম্মালাপ করিতেছিলেন। “আমরা মনযোগসহ ভগবানের বাক্য সুখা পান করিতেছিলাম। বাবা হঠাৎ বলিলেন,—আপনাদের অন্তরের যদি একটি কথা প্রকাশ করি আপনারা যাহাকে বাবা, বাবা, বলিয়া ব্যাকুল হন, ঐ কথা বলিলে বার বৎসরের মধ্যে এই বাবার মুখ দর্শন করিবেন না। সকলেই নিরীক, কিন্তু আমি ছাড়িবার পাত্র নহি।” বলিলাম, পিতা জন্ম প্রদান করিয়া নিশ্চিন্ত এবং মায়িক জীব কর্ম্মফলে আবদ্ধ হইয়া সুখ দুঃখ ভোগান্তে দেহান্তর গমন করে। আপনি সংগুরু, বাবা! আপনি এমত কাঁধা বলিয়াছেন, যাহার সাধনে কর্ম্মফল কাটিয়া, নিষ্কাম অবস্থা প্রাপ্ত হইয়া প্রকৃত মৃত্যুর অবস্থা প্রাপ্ত হওয়ায়, বারম্বার জঠর যন্ত্রণা

স্বরূপ বারম্বার জন্ম গ্রহণ হইতে অব্যাহতি লাভ করে। ইহাতে এই প্রমাণ হইল পিতা জন্ম দেন তাহার ফলে জগতে ষাট প্রতিঘাত সহ করিয়া কামনায় আক্রান্ত হইয়া কত দুঃখ কষ্ট ভোগ করিতে হয়। আপনিও পিতা দয়ার আধার মায়িক জীবের প্রতি কৃপা করিয়া নিঃসম কার্ণের উপদেশ দান করেন—যাহার সাধনে জন্ম রহিতের উপায় বলিয়া দিয়া থাকেন। সুতরাং জন্মদাতা পিতা অপেক্ষা জন্ম রহিত কর্তা পিতা অনেক উচ্চ সম্মানের। আর আপনি যদি আমাদের কল্পিত অস্তরের কথা যোগবল প্রভাবে বলিয়া দেন তাহা হইলে কি আমরা আপনাকে ত্যাগ করিয়া বহুকাল আপনার মুখ দর্শন করিব না? ইহা, কি আমাদের সাধনের এই ফল অর্জন করিয়াছি। যাহার আদেশ মত এতদিন সাধন করিয়া কত আনন্দ উপলব্ধি করিয়া প্রায় প্রতিদিন বিভোর হইতেছি আর আপনার একটা কথায় আপনাকে ত্যাগ করিব। আচ্ছা বাবা! আমার গুর মহা পাপীকে পরীক্ষা করুন দেখি, সেই কথা শ্রবণ করিয়া আপনাকে ছাড়িয়া চলিয়া যাই কি না এবং ইহাতে হৃদয়ঙ্গম হইবে এত বৎসর বাবার আদেশ মত খাটিয়া সংস্কৃত একটা সত্য অপ্রিয় কথা সহ করিতে পারি কি না? দয়াময়! বলুন, আমি সহ করিতে পারি কি না এবং যদি অপারক হই ধারণা করি এই আত্ম-কার্য কিছই নহে, ভূতের ব্যাগার খাটিয়াছি। বাবা আমার বাক্য শ্রবণ করিয়া ক্রুদ্ধ হইলেন এবং সকল ভ্রাতাগণকে বলিলেন—দেখুন, শ্রীশ বাবু আমার সমক্ষে কত বড় অহঙ্কারের কথা ব্যক্ত করিলেন। ৬কাশীতে আমার গুরুবাবার সমক্ষে এইরূপ একটা দর্প সূচক কথা ব্যক্ত করায় আমার গুরুদেব আমাকে তিনদিন কাঁদাইয়া ছিলেন। এখনও বলিতেছি আপনারা উহার ভ্রাতা আপনারাও বলুন যেন শ্রীশ বাবু এই অহঙ্কারের কথাগুলি অগ্নায় হইয়াছে বলিয়া উঠাইয়া লেন। এই কথা শ্রবণ করিয়া ডেপুটি ম্যাজিস্ট্রেট, উকীল বাবু ও অন্যান্য ভ্রাতাগণ

আমাকে অনুরোধ করেন, দাদা ! বাবা যখন এই কথা অণায় হইয়াছে বলিতেছেন তখন উহা উঠাইয়া লউন। আমি কহিলাম—যদি অণায় বিবেচনা করিতাম—ভুলক্রমে মুখ দিয়া বাহির হইয়াছে অনুধাবন করিতাম, নিশ্চয়ই এই বাক্যগুলি উঠাইয়া লইতাম। অতএব, আপনারা এবং পরাৎপর বাবা আমাকে ক্ষমা করুন। বাবা বলিলেন—“আর আমি এই স্থানে বসিব না” বলিয়া তারাভূষণ বাবুর একটা চাকরকে বলিলেন, আমার বসিবার আসন প্রাঙ্গণের পশ্চিমদিকে দিয়া আইস তথায় আলোর প্রয়োজন নাই অন্ধকারেই বসিব ! এই বলিয়া বাবা উঠিয়া যাইলেন।

আমরা চল্লিশ পঞ্চাশ জন ভ্রাতা নিস্তরক অবস্থায় নিজ নিজ স্থানে বসিয়া রহিলাম, কোন কোন ভ্রাতা আমি প্রকৃত দোষী নির্ধারণ করিলেন। তখনও আমি কহিলাম, আমি যাহা বলিয়াছি তাহাই ঠিক। আমরা সকলে নিস্তরকে বসিয়া আছি। আন্দাজ পনের মিনিট পরে বাবা আমার নাম ধরিয়া ডাকিলেন। আমি ও ভ্রাতাগণ আশ্চর্যান্বিত ! ভ্রাতাগণ আমাকে বাবার নিকট যাইতে অনুমোদন করিলেন। আমি যাইতে লাগিলাম। বাবা বলিতেছিলেন,—শ্রীশ বাবু যেন একাকী আইসেন। আমি যাইয়াই পরাৎপর বাবাকে প্রণাম করিলাম, বাবা আমার পৃষ্ঠদেশ চাপড়াইয়া কহিলেন—এ ক্যাপামি কেন করিলেন ? আমি জানি আপনি আমাতে তন্ময় আমিও সদা আপনাতে আছি। তবে এই সকল প্রবর্তক ক্রিয়ান্বিতগণ সমক্ষে এইরূপ দাস্তিকতা যুক্ত বাক্য প্রয়োগ গুরুর সমক্ষে কহিতে নাই। অতএব এই জানিবেন আমি আপনি অভিন্ন তাহা হৃদয়ে ধাকুক। বাহিরে অণুভাব দেখাইতে হইবে এই বলিয়া আমার পৃষ্ঠদেশ চাপড়াইতে লাগিলেন এবং বলিলেন আপনি এখান হইতে যাইয়া ভ্রাতাগণের সহিত সংমিলিত হউন। আমিও যাইতেছি, যাইয়া যখন কহিব শ্রীশ বাবুকে উহার দোষ স্বীকার করিতে

বলুন, তখন আপনি নিজের দোষ স্বীকার করিবেন। বাবা যাইয়া সকলকে বলিলেন, শ্রীশ বাবুকে নিজের দোষ স্বীকার করিতে বলুন। তখন আমি তাহাই করিলাম ঐ দিনের পালা শেষ হইল।

গুরুপুত্রের অনুরোধ উপলক্ষে গুরুদেব আমাকে কতকগুলি নিমন্ত্রণ পত্র মুঙ্গের সিদ্ধাশ্রমে পাঠাইয়া, আমাকে লিখেন “আপনি আমার জ্যেষ্ঠপুত্র, খোকার অনুরোধ কার্য শেষ হইয়াছে, তবে ব্রাহ্মণ ও ক্রিয়ান্বিতগণের ভোজন কার্য দেওঘরে সম্পন্ন হইবে। আপনি আমার প্রতিনিধি রূপে মুঙ্গের ও জামালপুরের ক্রিয়ান্বিতগণের বাটী যাইয়া নিমন্ত্রণ করিবেন, যাহাতে নির্দিষ্ট দিনে সকলের আগমন হয় তাহার জন্ত বিশেষ করিয়া অনুরোধ করিবেন। আমি বাবার আদেশ মত প্রত্যেকের বাটী যাইয়া অর্থাৎ বাঙ্গালী হিন্দুস্থানী ক্রিয়ান্বিতের বাটী যাইয়া মিনতিসহ দেওঘরে যাইতে অনুরোধ করি।

মুঙ্গের, জামালপুর ও ভাগলপুরের ক্রিয়ান্বিত মহ নির্দিষ্ট দিনে বাহান্নবিধা দেওঘরে গমন করিয়া শুভকার্যে যোগদান করি। অনুরোধ কার্য পরে বাবা আমাকে লিখেন এবং মুঙ্গেরের সমস্ত ক্রিয়ান্বিত গণকে জানাইতে কহেন “বাবাজী পাহাড়িয়া বাবা ওরফে রামানন্দ স্বামী মুঙ্গের আসিবেন তাহার বয়সক্রম সাতশত বৎসর হইবে প্রচ্ছন্নবেশে মুঙ্গেরের ক্রিয়ান্বিতগণের ক্রিয়া পরিদর্শন করিতে যাইবেন, আপনাদিগকে সকলে সন্মুখান হইয়া ক্রিয়া করিবেন। তিনি পাহাড় হইতে নামিয়া ভারতের তাহার সম্প্রদায়ের ক্রিয়া পরিদর্শন করিয়া বঙ্গদেশে আসিবেন।” আমি এই সংবাদ মুঙ্গেরের সকল ক্রিয়ান্বিতগণকে দিলাম।

গুরুদেবের পত্র পাইবার দুই তিন দিন পরে, একদিন রাত্রি আট ঘটিকার সময়ে আহা করিয়া একার ঘটিকার সময়ে সাধনে উপবেশন করিব এবং রাত্রি দুই ঘটিকার সময়ে ক্রিয়া সমাপনান্তে উঠিব ইহাই নিয়ম। আমি ঐ রাত্রে দশ ঘটিকার কিছু পূর্বে সিদ্ধাশ্রমের নিম্নতলের

একটি কুঠরি আছে, তাহাতে একখানি সোফায় বসিয়া কোন ধর্ম গ্রন্থ পাঠ করিতেছি। তাহার বাহিরে হলের উত্তরদিকে টেবিলে গুরুবাবা ও পরম গুরুদেবের ফটো ফুলের মালায় শোভিত করা হইয়াছে একটি বুলগিয়মান আলো জলিতেছে। তিনটি শার্শির দরজা বন্ধ, মধ্যের দরজাটি ভেজান রহিয়াছে, কয়েকখানি কাঠাসন এবং কয়েকটি আলমারি রহিয়াছে। আমি মনযোগ পূর্বক বাবার ধর্মপুস্তক পাঠ করিতেছি। দক্ষিণ দিকের ছোট ঘরে আমার পিয়ন আহারাশ্বে শয়ন করিয়া আছে। হঠাৎ দাস্তারদিকে মধ্যকার শার্শির দরজা খোলার শব্দ হইল এবং তৎসহ একখানি কাঠাসনের নড়িবার শব্দ হইল। ভাবিলাম এতরাত্রে কাহারতো আসিবার কথা নাই, মনে হইতেছে, কেহ যেন হল ঘরে প্রবেশ করিয়া চেয়ার টানিয়া বসিলেন। আর কানবিলম্ব না করিয়া ঘর হইতে বাহির হইয়া দেখিলাম টেবিলের সম্মুখে একখানি কাঠাসনে একজন হিন্দুস্থানী কোপীন পরিধৃত কোমবে সর্ব দড়ি লাগান মস্তকে চুল ঝাকড়া, সর্ব অঙ্গে বিভূতি মাখা যোগী পুরুষ উত্তর মুখে টেবিলের উপরিস্থ ফটো দুইটির প্রতি একদৃষ্টে চাহিয়া হাসিতেছেন, চেয়ারের পার্শ্বে লাউয়ের কমণ্ডলু। আমি বাহির হইয়াই ভূমিষ্ঠ হইয়া প্রণাম করিয়া হিন্দি ভাষায় জিজ্ঞাসা করিলাম—কোথা হইতে আপনার আগমন হইতেছে। তিনি একটি অঙ্গুলির সঙ্কেতে কহিলেন, উত্তরদিক হইতে। তিনি সাক্ষাৎ করিলেন সত্য কিন্তু মুখ ফিরাইয়া আমার প্রতি লক্ষ্য করিলেন না এবং কথা কহিলেন না। আমি কহিলাম—ঠাকুর ক্লাস্ত হইয়া আসিয়া পদধূলি এই অধমের কুটীরে প্রদান করিয়াছেন; রামলাল হালুইকর "আমার কুটীরের সন্নিকটে রাত্রে মিষ্টান্ন প্রস্তুত করিতেছে অনুমতি হইলে আপনার সেবার জন্য কিছু আনিতে পারি। এই বাক্যগুলি হিন্দিভাষায় কহিলাম। তিনি একখানি হস্তদ্বারা সম্পূর্ণ আপত্তি জানাইলেন। কেবলই তিনি একদৃষ্টে

ফটো দুইখানিতে চক্ষু সংলগ্ন রাখিয়াছেন। তৎপরে আমার ক্ষুদ্র কুঠরিতে প্রবেশ করিয়া একটা টাকা বা আঁধুলি ঠিক স্মরণ নাই হস্তে করিয়া যেমন তাঁহার পদতলে দিতে যাইলাম তাঁহার সেবার জন্ত, তিনি ব্যতিব্যস্ত হইয়া দুইখানি হস্ত নাড়িয়া তাহা প্রত্যাখ্যান করিয়া উঠাইয়া লইতে বলিলেন। তাহা উঠাইয়া কোমরে বা হাতে না রাখিয়া আমার ক্ষুদ্র কুঠরি মধ্যস্থ বাক্সে রাখিয়া অর্ধ মিনিট মধ্যে সাধুর নিকটে আসিয়া দেখিলাম অন্তর্দ্ব্যান হইয়াছেন, শাশির দরজার শব্দও হইল না কমণ্ডলু নাই। জ্যেষ্ঠা রাত্রি আমার পিয়ন নাটুভকৎকে ডাকিয়া, হুল হইতে বড় রাস্তার চারিদিকে আমি ও পিয়ন অনুসন্ধান করিলাম। সন্ধান করিলে কি হইবে তিনি অন্তর্দ্ব্যান হইয়াছেন। তখন মনে ধিকার আসিল কেন আমি অর্ধ মিনিটের জন্ত তাঁহার নিকট না থাকিয়া ঘরে প্রবেশ করিলাম। আমার সহিত একটা কথা না কহিয়া চলিয়া গেলেন। তিনি যে সুস্থ শরীরে আসিয়াছিলেন, অনিচ্ছার ইচ্ছায় সকলই করিতে পারেন।

এই সংবাদ ভ্রাতাগণকে প্রদান করিতেই সকলেই আমার প্রতি বিরক্ত হইলেন। তাহাদিগকে আহ্বান করিতে কি সময় পাইলাম? গুরুবাবাকে বাবাজীর আগমন সংবাদ লিখিলে তিনি উত্তর দিয়াছিলেন বাবাজী বিহারের ক্রিয়াবানদিগের ক্রিয়া দেখিয়া সন্তোষ প্রকাশ করিয়া গিয়াছেন। কিন্তু বঙ্গদেশ পরিভ্রমণ করিয়া, বাঙ্গালীদিগের প্রতি কূপিত হইয়া গিয়াছেন, বাবাজী দেওঘরে আসিয়া গুরুবাবাকে শাসন করিয়া বলিয়া গিয়াছেন, কেন ও বেটাদের জন্ত কামনা কর? উহারা বাক্য বাগিস।

মুন্সের পরিত্যাগের দেড় বৎসর পূর্বে মুন্সেরে প্লেগ ব্যাধির প্রকোপ হয়। যে পল্লীতে সিদ্ধাশ্রম বাটা তথায় ইন্দুর মরিতে শুনিতে পাই নাই। মুন্সেরের অন্যান্য পল্লীতে ইন্দুর মরিতে আরম্ভ হয় এবং প্লেগ ব্যাধি

আক্রান্ত হইয়া অনেক লোক কালগ্রাসে পতিত হইতে থাকে। মুঙ্গেরের এসিষ্ট্যান্টসার্জন বাবু মনোহন গুপ্ত—ইনিই এই সহরে প্রধান খ্যাতনামা ডাক্তার। তিনি প্লেগ আরোগ্য করিতে অপারক হন, এমন কি তাঁহার পরিত্যক্ত দুই তিনটি রোগীর আত্মীয় হতাশ হইয়া আমার শরণাপন্ন হন। গুরুদেবের কৃপায়, গুরুদেবের দেশীয় ঔষধিতে সম্পূর্ণ রোগমুক্ত হওয়ায়, মুঙ্গেরের উকীল তারাভূষণ বন্দ্যোপাধ্যায় বি, এল, এবং ভূপালচন্দ্র মজুমদার বি, এল, অত্যন্ত উৎসাহিত হইয়া বাবার ঔষধি প্রচার জন্ত যথেষ্ট চেষ্টা করিতে থাকেন এবং তাঁহাদের হৃদয়ে বর্লৈরু সঞ্চার হওয়ায় প্রাণভয়ে সহর ত্যাগ করেন নাই। কিন্তু কাল মহাকালে যখন সংমিলিত হয়, তাহা রোধ করে কাহার সাধ্য।

একদিন রাত্রে দোতলা ঘরে একটা হাঁড়ির মধ্যে অর্ধমৃতবৎ একটি ইন্দুর আমার স্ত্রী স্পর্শ করেন এবং তদ্ব্যতীত ভীতা হন। আমি গুরুদেবকে জ্ঞাপন করায় বাবা প্রতিদিন রাত্রে গুল পোড়াইতে এবং বিসনাশক প্রতিষেধক উপায় অবলম্বন করিতে আদেশ দেওয়ায় প্রতিদিন বাটার প্রত্যেক ঘব পিচকারী সহ ঔষধি প্রয়োগ করিতে লাগিলাম এবং প্রতিদিন প্রাতে চিরেতার জল প্রত্যেককে পান করাইতে লাগিলাম। মুখের কসের মধ্যে কর্পূর সকলকে রাখিতে নানায় অনেক দিন ঐরূপ ভাবে কার্য চলিতে লাগিল।

জামালপুরে প্লেগে অনেকের মৃত্যু হওয়ায় আমার শশুর মহাশয় স্ত্রী পুত্র পরিবারবর্গকে দেশে বলাগড়ে পাঠান। এদিকে আমার ধর্মপত্নীর বগলে কুঁচকিসহ অরাক্রান্ত হওয়ায় ভীত হইয়া তিনটি পুত্র ও একবৎসরের শিশু কন্যা রাণীকে জামালপুরে তাঁহার খুল্লতাত পুত্র রজনীকান্ত বন্দ্যোপাধ্যায়ের স্ত্রীর নিকট পাঠাইতে বারম্বার অনুরোধ করায় অবশ্যকটে তথায় পাঠাইয়া দিলাম। আমার পত্নীর অর বৃদ্ধি হইতে ও বিচি প্রতিমূর্ত্তে বেদনাসহ আয়তন বাড়িতে লাগিল।

মুঞ্জেরের কোন ক্রিয়ামিত বা ক্রিয়ামিতা প্রাণের ভয়ের জন্ম কেহই আসিতেন না। ব্রাহ্মণ, চাকরাণী ও পিয়নটি পলায়ন করিল না। তাঁহারা রোগীর কি শুশ্রুসা করিবে। আমি উপর তলায় একটা নেয়ারের খাটে মশারি টাঙ্গাইয়া রোগীর সেবা শুশ্রুসা করিতে লাগিলাম এবং ঐ খাটে বসিয়া সাধনাও করিতাম। দ্বিতীয় দিবস রাত্রে ঐ খাটে বসিয়া তন্ময় ভাবে সাধনা করিতেছি এবং মধ্যে মধ্যে গুরুদেবের ব্যবস্থা মত ঔষধি সেবন করাইতেছি। ঘরে আলো জলিতেছে। ঐ ঘরের পূর্ব দক্ষিণ কোণে গুরুদেব, পরম গুরুদেব এবং একটা দশ বৎসর বৃদ্ধ হিন্দুস্থানী বালক কাপড়ের টুপি মাথায় তাঁহাদের সম্মুখে দণ্ডায়মান দৃষ্টিগোচর হইল। উত্তর পূর্ব কোণে মাথায় তাজ, শরীরে চাম্পকানু গাল পাটা দাড়ি ও গৌফ, পায়ে পায়জামা লাগান, কোমরবন্ধ আঁটা, হস্তে শানিত ছুরিকা, কটমট করিয়া রোগীরদিকে এক দৃষ্টিতে চাহিয়া আছে দৃষ্টিগোচর হইল। সেই মুহূর্তে দুই গুরুদেব কি পরামর্শ করিয়া একখণ্ড কাগজে একটা গুড়া ঔষধি দিয়া বালকটিকে রোগীর মশারির নিকট পাঠাইলেন এবং ঐ বালক মশারি খুলিয়া ঐ কাগজের ঔষধি রোগীকে খাওয়াইল। স্বপ্ন নহে আমি জাগরিত হইয়া বসিয়া সাধনা করিতেছিলাম। আমি রোগীর খাটে রহিয়াছি একলই প্রত্যক্ষ দেখিতেছি। যখন বালকটা ঔষধি সেবন করাইয়া গুরুদেবদ্বয়ের নিকটে যাইল প্রত্যক্ষ করিলাম। তাহার অলক্ষণ পরে, গুরুদেবদ্বয়ের ও হিন্দুস্থানী বালকের অবয়ব অদৃশ্য হইল। অল্প দিকে দৃষ্টিগোচর হইল মমদূত যে পূর্ব উত্তর কোণে দণ্ডায়মান ছিল তাহার অবয়ব অদৃশ্য হইল। তখনই আমার পক্ষীকে কহিলাম, ওগো! এইমাত্র কি কোন ঔষধি খাইলেন? তিনি বলিলেন, হ্যাঁ কিছু যেন খাইলাম। আমি বলিলাম ভয় নাই, দুই বাবা পরামর্শ করিয়া তোমার জন্ম ঔষধি দিয়াছেন আমি প্রত্যক্ষ করিয়াছি। যে দৃশ্য উত্তর পূর্ব কোণে দৃষ্টি-

গোচর হয় তাহা শমন ভিন্ন কেহ নহে। ভাবিলাম গুরুদেবের প্রত্যক্ষ লীলা দেখিলাম, দেখি ইহার ফল কি হয়। রাত্রি প্রভাত হইল, রোগী আমাকে বলিলেন গুরুবার্বার পদরজ আমার বাসে আছে তাহা হইতে একটু লইয়া আমার কপালদেশে এবং একটু বেদনা স্থানে লাগাইয়া দাও; আমি তাহাই করিলাম। ঐ সময় পৌষ মাস, সম্পূর্ণ উত্তরায়ন বৃহিয়াছে। তিনি বলিতে লাগিলেন আমাকে খাট হইতে অবতরণ করাইয়া মেঝেতে শয়ন করাইয়া দাও।

গৌরাজ প্রসাদ চট্টোপাধ্যায় এল,-এম,-এস, তিনি মুঙ্গেরে হোমিও-প্যাথি সূচিকিৎসক। তাঁহার বাটী হালিসহর, তাঁহার পিতা এবং আমার শ্বশুর মহাশয় জামালপুরে একই পল্লীতে বসবাস করিতেন। আমার শ্বশুর ও গৌরাজ বাবুর পিতা অকপট বন্ধু, আমার স্ত্রীর সমবয়স্ক, বাল্য-কালে একত্রে খেলা করিতেন। প্লেগ ব্যাধি আক্রান্ত হওয়ায় তিনি অনেক সময়ে আমার বাস ভবনে রোগীকে দেখিতেন। আমার পত্নী বলিলেন, হস্ত দ্বারা দেখ আমার কান দুইটা ঠাণ্ডা হইয়াছে, নাক ঠাণ্ডা, হস্ত পদ ঠাণ্ডা অনেকক্ষণ হইয়াছে। আমি কহিলাম, তোমার কোলের মেয়েটিকে জামালপুর হইতে আনাইব? তুমি তাহাকে দেখিতে চাও? তিনি উত্তর করিলেন, আমি দেখিতে ইচ্ছুক নহি। গৌরাজ বাবু পূর্বে বলাগড়ে আমার শ্বশুর মহাশয়কে তারে সংবাদ করিয়াছিলেন। আমার স্ত্রীর নাভিশ্বাস মোটেই হইল না, কণ্ঠশ্বাস হইল না। আমি জিজ্ঞাসা করিলাম, কেমন আছ? তিনি উত্তর দিলেন, এখন বড়ই আনন্দ, চক্রগুলি ছাড়িতে ছাড়িতে উঠিতেছে, বড়ই আনন্দ। গৌরাজ বাবু আশ্চর্যান্বিত হইয়া বসিয়া দেখিতেছেন, তিনি বলিলেন—অনেকের মৃত্যু দেখিয়াছি এমন অদ্ভুত মৃত্যু কখনও দেখি নাই। ইত্য-বসরে বিনা খাবি খাইয়া কূটস্থে লীন হইলেন।

এই মৃত্যু প্রত্যক্ষ করিলে কাহার না হিংসা হয়। উত্তরায়নে কথা

কহিতে কহিতে সাধ্বী আমার ধর্মপত্নীর মৃত্যু সংঘটন হইল। গুরুদেব কলিকাতা হইতে লিখিলেন, বৌমার মৃত্যু আনন্দ জনক হইয়াছে, তাঁহার আর পুনরাবৃত্তি হইবে না। তাঁহার জীবন রক্ষার জন্ত রাত্রে ঘটনা দেখিয়াছেন, প্রদীপে তৈল না থাকায় জীবন প্রাপ্ত হইলেন না।

যে দিন প্রাতঃকালে মৃত্যু হয়, শব তখনও দোতলায় রহিয়াছে, সেই মূহুর্তে আমার শ্বশুরাভিভাভা, তাঁহার জ্যেষ্ঠ পুত্র দ্বিজেন্দ্র সহ দেশ হইতে জামালপুর হইয়া মুঙ্গেরে আমার বাস ভবনে উপস্থিত হন, তাঁহাদিগকে শব দেখান হইল না। একখানি অশ্বশকটে জ্যেষ্ঠ পুত্র ব্যতীত সকল পুত্র কণ্ঠাকে বলাগড়ে লইয়া যাইতে বলিলাম। তিনি তাহাই করিলেন। আমরা মৃতদেহ গীতাসহ গঙ্গাতীরে গমন পূর্বক সংকার কার্য সমাপনান্তে মুঙ্গের সিদ্ধাশ্রমে আসিয়া, সিদ্ধাশ্রম বন্ধ করিয়া আমার শ্যালক শ্রীযুক্ত রজনীকান্ত বন্দ্যোপাধ্যায় সহ অশ্বশকটে জামালপুর রওনা হইলাম। আমার জ্যেষ্ঠ পুত্র শ্রীমান জ্যোতিশচন্দ্র মুখার্জী করেন এবং গঙ্গাতীরে গৌরাঙ্গ বাবু ডাক্তার শবের সহিত গিয়াছিলেন।

জামালপুরে শ্রাদ্ধ কার্য সমাপন অন্তে গুরুদেবের শ্রীচরণ দর্শনার্থ পুত্র সহ কলিকাতায় রওনা হইলাম। পরাৎপর গুরুদেবকে আর্ধ্যমিশন স্কুলে সাক্ষাৎ করিয়া প্রণাম করায় বাবা বলিলেন—বৌমার জীবন রক্ষা জন্ত যাহা যাহা মুঙ্গেরে করা হইয়াছিল রাত্রে প্রত্যক্ষ করিয়াছেন। সান্নিধ্যাতিক ক্লেব আরোগ্য হয়। গুরু ভ্রাতাগণের প্রমুখাৎ এবং অবশেষে শ্রীযুক্তেশ্বরী মাতাঠাকুরাণীর নিকট শ্রবণ করিলাম, গুরুবাবা ঐ সময়ে নিজের শরীরে সমস্ত প্লেগ লক্ষণ যুক্ত প্রবল জ্বর গ্রহণ করিয়াছিলেন, কয়েকদিন শয্যাগত ছিলেন। প্রদীপে তৈল না থাকিলে কিছুই হয় না। ঐ দিবস রাত্রে মাতাঠাকুরাণী আমাকে এবং জ্যোতিশচন্দ্রকে ব্রহ্মনাথ দত্ত লেন ডাঃ বাবুতে বাবার বাস ভবনে রাত্রে নিমন্ত্রণ করেন। আহারান্তে আমরা মলঙ্গা লেনের শ্বশুর মহাশয়ের বাসায়

শয়ন করি। বাবা আমাকে আদেশ করেন, ছোট ছোট ছেলেমেয়েদের দেখিতে পরদিবস ঘেন আমরা বলাগড়ে স্বপুৰালয়ে গমন করি এবং আপনার অবিবাহিতা শ্যালিকা থাকিলে আগমনের স্বপুৰ শ্বাশুড়ির মত হইলে বিবাহ করি। অবশেষে ২৩ মাসের মধ্যে গুরুদেবের মতানুসারে বিবাহ হয়। বিবাহ অন্তে মুক্তের একাকী গমন করি।

আমি কম হওয়ায় প্লেগের সময়ে সহরে লোকশূন্য হওয়ায় আমার আয় একেবারে কমিয়া গেল তৎপরে বাবার আদেশ মত একবৎসরের জন্য চম্পারন জেলাস্থিত টুকোনিয়া নীলের কারখানায় ডাক্তার হইয়া যাই। সাহেবেরা জুতা খুলিয়া বাঙ্গালায় যাইতে বলায় কাৰ্য্য ত্যাগ করিয়া ঝরিয়া পাথুরিয়া কয়লা খনির ডাক্তার হইয়া দশ বার বৎসর ব্রাহ্মণবাবারি কয়লা কুঠিতে থাকি। ঐ সময়ে ঝরিয়ার অনেকগুলি লোক ক্রিয়াপ্রাপ্ত হন। এই সময়ে আমার কনিষ্ঠা সহধর্মিনী আমার সহিত ছিলেন। জ্যেষ্ঠপুত্র ভেটারিনারি কলেজে কলিকাতায় পড়িত এবং গোপাল ও গোবিন্দ তাহাদের মাতুলানয়ে থাকিয়া বলাগড় স্কুলে পাঠ করিত। ক্রমে ক্রমে জ্যেষ্ঠপুত্র ভেটারিনারি কলেজ হইতে প্রথম স্থান অধিকার করিয়া পারিতোষিক সহ পরীক্ষায় উত্তীর্ণ হন এবং বেহার গবর্নমেন্টের অধীনে কাৰ্য্য করতে থাকেন। মধ্যমপুত্র গোপাল বলাগড় স্কুল হইতে প্রবেশিকা পরীক্ষায় উত্তীর্ণ হইয়া কলিকাতায় আই এ পরীক্ষায় উত্তীর্ণ হইয়া, বি,এ, পাশ করিয়া, বলাগড় স্কুলে প্রধান শিক্ষকের কাৰ্য্যকালিন, এম, এ, পরীক্ষা পাশ করে। কনিষ্ঠ পুত্র বলাগড় হইতে প্রবেশিকা পরীক্ষা দিয়া পাস হইয়া, চুঁচুড়ায় আই, এ, পরীক্ষায় পাস হইয়া কিছুদিন পরে দিল্লীতে সরকারী কাৰ্য্য প্রাপ্ত হয়। কিছুদিন পরে ঐ কাৰ্য্য ত্যাগ করিয়া বাটী আসিয়া, ভাগলপুরে সটহাও টাইপিং পান করিয়া, বিভিন্ন মাইনর স্কুলে প্রধান শিক্ষকের কাৰ্য্য করে।

ঝরিয়া অবস্থিতি কালিন এক সময়ে আমার অন্তঃকরণ প্রদেশে

বেদনা ও চারিপাশে লালবর্ণ, তৎসহ জরভাব হয় এবং হৃদয়গহ্বরে অব্যক্ত-যজ্ঞনা এবং হৃৎকম্প অনুভূত হওয়ায়, দেওঘরে পরাংপর গুরুদেব সন্নিধানে গমন করিয়া হৃদয়ের লক্ষণগুলি বর্ণনা এবং হৃৎপিণ্ডের উপরিভাগ লালবর্ণ দেখাই। তিনি পরম সন্তুষ্ট হইয়া পৃষ্ঠদেশ চাপড়াইয়া বলিলেন, শ্রীশ বাবু আপনার হৃদয়গ্রন্থি ছিন্ন হইল, মহা আনন্দের লক্ষণ প্রতীয়মান হইতেছে। ভয় না করিয়া স্থিরবায়ুর কার্য উত্তমের সহিত করিতে ভীত হইবেন না। এই সময়ে ঝরিয়া হইতে ক্রমে ক্রমে কয়েকজন ব্রাহ্মণ যুবক গুরুদেবের নিকট দেওঘরে ক্রিয়াপ্রার্থী হইয়া গমন করেন। গুরুদেব তাঁহাদিগকে আত্মকর্মের উপদেশ না দিয়া, আমার নিকট হইতে উপদেশ গ্রহণ করিতে আদেশ দেন। কিন্তু তাঁহাদের সম্পূর্ণ ইচ্ছা তাঁহার নিকট হইতেই আত্মকর্মের উপদেশ গ্রহণ করেন। কিন্তু তাঁহাদিগকে আমার নিকট যাইয়া ক্রিয়া লইতে বলায়, অবশেষে আমার নিকট হইতে নিষ্কাম কর্মের উপদেশ গ্রহণ করেন। প্রত্যেক রবিবারে বারারিতে 'একটি গীতাসভা' প্রতিষ্ঠা করায় অনেক ক্রিয়াবান ঝরিয়া এবং নিকটবর্তী স্থান হইতে গীতার অন্তর্লক্ষ্যের ব্যাখ্যা শ্রবণ করিতে সমবেত হইতেন।

শ্রীমান রাধাগোবিন্দের তিনটি পুত্র পর পর জন্মগ্রহণ করেন। ঝরিয়া অবস্থিতি কালীন গুরুদেব আমাকে ষষ্ঠ ক্রিয়া প্রদান করেন। বঙ্গাগড়ে আসিয়া ঐ ক্রিয়া সম্বন্ধে অস্ত্রে গুরুদেবকে লিখি, তুমি আমাকে আর কোন ক্রিয়া দেওয়া হইবে কিনা? বাবা তাঁহার উত্তর দেন নাই। শ্রীমান বোধিসত্ত্বের অর্থাৎ গুরুপুত্রের বিবাহ, জাকজমক সহ কলিকাতায় সম্পন্ন হয়, আমি সস্ত্রীক বঙ্গাগড় হইতে বিবাহ কার্যে যোগদান করি, তৎকালীন বাবা আপুনা হইতেই আদেশ করেন, শ্রীশ বাবু! এখন আপনি ব্যাঘ্রচর্ম উপবেশন করিয়া সাধনা করিতে পারেন। তদনুসারে বেহার হইতে একজন ক্রিয়ান্বিত আমার নির্মিত্ত একখানি ব্যাঘ্রচর্ম পাঠাইয়া দেন, সেই আসনে বসিয়া আত্মকার্য করিতাম। কলিকাতায় বিবাহের বৌভাতের সময়ে উপস্থিত ছিলাম, স্ত্রীলোক

দিগের ভোজন ও তৎপরে ক্রিয়ান্বিতগণের আয়োজন করা হয়। যে দিবস ক্রিয়ান্বিতগণ ৬ নং ব্রহ্মনাথ দত্ত লেনে নিজ বাটিতে ক্রমে ক্রমে ভোজন করেন, তাঁহাদের ভোজনাশ্বে লীলাময় গুরুদেব এক এক দলকে বলিয়াছিলেন, আপনারা উচ্চক্রিয়ান্বিত শ্রীশ বাবুকে জানেন? তাঁহাদের মধ্যে কেহ বলিলেন, জানি; কেহ বলিলেন তাঁহার নাম শুনিয়াছি। বাবা এই কথা শ্রবণ করিয়া বলিলেন, যাইবার সময়ে শ্রীশ বাবুকে আপনারা প্রণাম করিয়া যান, তিনি অমুক বাড়ীর দোতলায় আছেন। বিবাহ উপলক্ষে ২৩টি বাড়ী ভাড়া করা হয়, ঐ সকল ক্রিয়ান্বিতগণ আমি ও ডেপুটি ম্যাজিস্ট্রেট আশুবাবু ভূপাল ও তারাভূষণ উকিলদ্বয় সহ যে দ্বিতল গৃহে অবস্থিতি করিতেছিলাম, তথায় অনুসন্ধান করিয়া উপস্থিত হইয়া সকলে আমার অনুসন্ধান করিয়া একে একে আমাকে প্রণাম করিয়া যান। বাবা তাহার পার্শ্বে দ্বিতল গৃহে অবস্থিতি করিতেন। এদিকে তিনি প্রত্যেক দলের ক্রিয়ান্বিতগণের আহার অশ্বে আমাকে প্রণাম করিবার জন্ত বলায়, বিস্তর লোক প্রণাম করিয়া যাইলেন। বাবা সকলের আহার অশ্বে যখন পার্শ্বের গৃহ প্রবেশ করেন, আমরা সকল ভ্রাতা নির্দিষ্ট ধর হইতে যাইয়া বাবাকে প্রণাম করিলাম এবং আমি ক্রন্দন করিয়া নিবেদন করিলাম, বাবা! আমাকে কি ক্রিয়াব্রষ্ট উদ্দেশ্য বড় বড় বুদ্ধ যুবক ক্রিয়ান্বিত পাঠাইয়া প্রণাম করিয়া যাইবার কথা বলায়, আমি আতঙ্কে ত্রিয়মান হইয়াছি। তৎশ্রবণে বাবা বলিলেন, আপনি উচ্চক্রিয়ান্বিত, স্থিরবাহুর ক্রিয়া করেন সুতরাং আপনি সকলের প্রণাম, তাঁহারা প্রণাম করিয়া উত্তম কার্য্য করিয়া গিয়াছেন।

বাঙ্গলা ১৩২৮ সালের কার্তিক মাসের শেষে যখন দেওঘরে ১০ জন সম্ভ্রান্ত স্ত্রী পুরুষকে বাবার ক্রিয়া দিতে যাই, বলাগড়ে প্রত্যাগমন করিয়া গুরুদেবদ্বয়ের জন্ত দৈনিক ভোগ দেওয়ার ব্যবস্থা হয়। একদিন ভোগ দিবার সময় কুটস্থের মধ্যে দুই জন ঠাকুরের কপালে টাটকা তুলসী পত্র দেখিতে পাই। দেখিয়া স্ত্রীকে বলি, তুলসী দেখিতে পাইতেছি।

আমি ভোগে তুলসী ছিল কিনা জানি না, অথচ দেখিলাম তাঁহাদের কপালে তুলসী। যুগালিনী বলিলেন, দেখুন, তুলসী ভোগে আছে কিনা? তখন দেখি তুলসী রহিয়াছে, “পত্রং পুষ্পং ফলং তোয়ং” শ্লোকটি মনে আসায় ভাবিলাম, তবে ত দয়াল ঠাকুর গ্রহণ করিয়াছেন। আর একদিন ত্রিদল বিল্বপত্র তাঁহাদের কপালে রহিয়াছে, অথচ ভোগ দেওয়ার পূর্বে ভোগে বিল্বপত্র আছে কিনা দেখি নাই। সেই দিন অমাবস্যা বলিয়া যুগালিনী বিল্বপত্র দিয়াছিলেন, আশ্চর্য্য ব্যাপার! দুই দিন ভোগে একটি মাত্র বিল্বপত্র ছিল কিন্তু নিবেদন অন্তে দেখিলাম কেবল ঠাকুর মহাশয়ের কপালে বিল্বপত্র, কাশীর ঠাকুরের কপালে কিছু নাই। তখন ডাকিয়া আর একটা বিল্বপত্র দেওয়ার কাশীর ঠাকুরের কপালে বিল্বপত্র দেখিলাম।

একদিন প্রাতে উঠিয়া যুগালিনীকে বলিলাম গত রাত্রে দেওঘরে মাতাঠাকুরবাণীর নিকটে আমি যাইয়া প্রসাদ প্রার্থনা করায়, না যথেষ্ট খাওয়াইলেন। ইহার তৃতীয় দিবসে মাতাঠাকুরবাণী আমার স্ত্রীকে লিখেন, দেখ করুণা, আমার ছেলেকে তাহার মনমত খাইতে দাও না, তাই ছেলে পরশু রাত্রে এখানে আসিয়া আহার প্রার্থনা করেন। আমি তাহাকে দালানে বসাইয়া খাওয়াইলাম, ছেলের আহার কমিয়া গিয়াছে, ছেলেকে টাটকা ছানা ইত্যাদি দিয়াছিলাম, এমন বেটার ছেলেই নয়, তোমার রং চক্ষে তরকারিতে ভুলিবে না।

নানক কবীরের পোষাক পরিয়া কয়েকটা লোককে ক্রিয়াদিতে একবার দেওঘরে গিয়াছিলাম।

একদিন রাত্রে আমি দেখিলাম, বিশাল সমুদ্রের কিনারায় একটি তিন কুঠারি একতলা ঘরে তিনজন অন্ধ আমার নিকট অন্ধের ঔষধি চাহিতেছেন। আমি বলিলাম, পাঁচ টাকা মূল্য দিতে হইবে, দুইজনকে চক্ষু প্রদান করিলাম। তৃতীয় ব্যক্তিকে চক্ষু প্রদান করিলাম, তিনি পাঁচ টাকা দিতে চাহেন না। সকলেরই চক্ষু হইল। বাবা আসিয়া আমাকে বলিলেন, কি হইয়াছে শ্রীশ

বাবু? আমি বলিলাম, বাবা! দেখুন কি অণ্ডায়! দুইজন পাঁচ টাকা করিয়া দিয়া চক্ষু পাইয়াছেন, তৃতীয় ব্যক্তিরও চক্ষু হইয়াছে কিন্তু ইনি মূল্য পাঁচ টাকা দিতেছেন না। বাবা বলিলেন, আচ্ছা আমিই টাকা দিতেছি।

‘একদিন শ্রীতারাপ্রসন্ন মুখোপাধ্যায়ের ভগ্নী জ্ঞানময়ী—যিনি এখন হইতে ক্রিয়া লইয়া গিয়াছিলেন। এক পত্রে তাঁহাকে লিখি, আমি বাটী হইতে বলাগড় হইতে অণ্ডয়ে যাইব, কোথা যাইব ঠিক নাই। তিনি এক পত্রে লিখিয়াছিলেন,—“বাবা! একদিন রাত্রে দেখি, আপনি ও দেওঘরের বাবা পাঁচড়া আমার বাড়ীতে আসিয়াছিলেন। আমি জিজ্ঞাসা করিলাম, বাবা! আপনার কোথায় থাইবার কথা ছিল গিয়াছিলেন কি? আপনি বলিলেন, এইত আমি তোমার নিকট আসিয়াছি। বাবাকেও সঙ্গে আনিয়াছি, যাহা জিজ্ঞাসা করিবার থাকে উহাকে জিজ্ঞাসা করুন।” তৎপরে জ্ঞানময়ী আমাদিগকে থাইতে দেন। জ্ঞানময়ী আমাকে লিখিয়াছিলেন, “আহার কালিন দেওঘরের বাবার দক্ষিণের পায়ের বৃদ্ধ অঙ্গুলি নাই দেখিলাম, ইহার কারণ কি বাবা লিখিবেন?” আমি যথাযথ উত্তর দিয়াছি।

এপ্রিল মাসের শেষে লোধনার শচীন্দ্র চন্দ্র কাননগুইকে পত্র লিখি। তাঁহার ক্রিয়ার শিথিলতার জন্ত শাসন বাক্য প্রয়োগ করি। তিনি তাহার উত্তরে লিখিতেছেন যে, আপনার উত্তর আসিবার পূর্বে একদিন শেষ রাত্রি না নিদ্রা না জাগরণ অবস্থায় আপনার প্রতি লক্ষ্য করিয়া যেন বাবারি-কোলিয়ারী যাইতেছি। মধ্যস্থানে একটা ঘরে দেখি, চেয়ারে বসিয়া একজন কি করিতেছেন। মধ্যে টেবিল, তাহার সম্মুখে আর একখানি চেয়ারে আপনি বসিয়া বলিতেছেন, ক্রিয়া হইতেছে না, করিয়া চলুন ঠিক হইবে। আমি পূর্বোক্ত ব্যক্তিকে প্রণাম করিয়া দেখিলাম, কি আশ্চর্য্য! সেই চেয়ারেও আপনার চেহারা। আপনি বলিতেছেন, দুই এক দেখিতেছেন, ক্রিয়া করিয়া ঐরূপই হয়, করিয়া চলুন।

তিন মাস পূর্বে কোম্পানির ডাক্তার বাবু, নরেশ সরকারের বিনয় নামক

ছেলেকে দেখিতেছেন, অনেকটা Typhoidএর মত, নরেশ বাবু আমাকে লইয়া যান। গিয়া দেখি, রোগীর সাংঘাতিক অবস্থা। একটা ব্যবস্থা করি, কিন্তু অবস্থা খুব খারাপ, এমন কি চক্ষু রক্তবর্ণ, লোক চিনিতে অক্ষম, ফুসফুস প্রদাহ ঝাড়ীর ও শ্বাসের অবস্থা মন্দ থাকায় তাহার পরের দিনে আবার ঝইবার কথা। ঐ দিন সন্ধ্যাকালে কোম্পানীর ডাক্তার রোগী দেখিয়া ভয় পান, এমন কি বিনোদ বাবু L. M. S. ডাক্তারকে দেখান উচিত। তাহাই স্থির হয়, পরদিন বিনোদ বাবুকে আনা হইবে।

ঐ রাত্রি স্নেহে বারোটা একটার সময় অর্ধ নিদ্রা অবস্থায় আছি, বাবু আসিয়া বলিলেন, শ্রীশ বাবু! শ্রীপুরের রোগীটি দেখিতে চলুন। আমরা উভয়ে শূন্যে শূন্যে গমন করিয়া নরেশ বাবুর ছাদে নামিলাম। ঠাকুরের হস্ত সংস্পর্শে রোগীর ঘরের কপাট খুলিয়া গেল। দেখি ঘরের মধ্যে আলো জ্বলিতেছে, রোগী লইয়া চারিটা লোক গাত্রে লেপ দিয়া শয়ন করিয়া আছে। আমরা দুইজন ঘরে প্রবেশ করিয়া যখন রোগীর কপালে হস্ত দেওয়া হইল, তখন আমি যেন বাবা হইয়াছি। আমি একাকী রোগীর কপালে হাত দিয়া চলিয়া আসিলাম, কপাট বন্ধ হইয়া গেল। প্রাতে যাইয়া দেখি রোগীর সাংঘাতিক অবস্থা তিরোহিত, একেবারে নাড়ি ভাল, জ্বর কম, পনরু ষোল দিনের রোগী আমাকে ও কোম্পানীর ডাক্তারকে চিনিলেন, চক্ষুর রক্তবর্ণ তিরোহিত হইয়াছে। আমি নরেশ বাবুকে কহিলাম, কল্য-একটা রাত্রির সময়ে এ ঘরে কয়জন শুইয়াছিলেন? তিনি বলিলেন, চারিজন। কিন্তু অবাক হইয়া জিজ্ঞাসা করিলেন; কেন শ্রীশ বাবু ব্যাপার কি? আমি গোপন করিলাম। বলিলাম, আমাকে আর আসিতে হইবে না। আপনার ছেলে সারিয়া গেল। কোম্পানীর ডাক্তার তো অবাক! বলিলেন, দাদা, ব্যাপার কি? যাহাকে গত সন্ধ্যার সময়ে হতাশ রোগী মনে করিয়া উদাস মনে বাটী যাইলাম, সেই রোগী কয়েক ঘণ্টার মধ্যে আরোগ্য উন্মুখ, ব্যাপার কি? আমি বলিলাম, ভৌতিক বিশ্বাস করেন? তিনি বস্মিলেন করি। আশ্চর্য ঘটনা!

১৯২৬ খ্রীঃ মে মাসে শ্রীযুক্ত চুণিলাল সরকার দুই দিন রাতে না নিদ্রা না জাগরণ অবস্থায় আমার স্বরূপ দেখিয়াছিলেন। তিনি বলিলেন, আমি যেন তাঁহাকে ক্রিয়ার প্রকরণ গুলি দেখাইয়া দিতেছি। এইরূপ ঘটনা দুই দিন হইয়াছিল। তিনি বলাগড়ে আসিয়া বলিয়া গিয়াছিলেন। সকলই বাবদ লীলা। তবে চুণিবাবুর বিষয় রাতে মনে করিয়াছিলাম, এই পর্যন্ত বলিতে পারি।

দ্বিজেনের চাকরি হওয়ার সংবাদ আমি দশ বার দিন পূর্বে দেখি। তাহার পরে তারক যখন বাটী আসিয়া দ্বিজেনকে বলে। দ্বিজেন বলে, মুখ্যো মহর্ষয় এ সংবাদ দশ বার দিন পূর্বে জানিয়া আমাকে বলেন। তারক আশ্চর্যম্বিত! সমস্তই ঠাকুরের খেলা।

২৬/৬/২৬ গত শনিবার তারক বাটী অহিসে, রবিবারের বৈকালে নরকে বলে, মুখ্যো মহর্ষয়কে ডাকিয়া দাও। সেই সংবাদ শুনিয়া পাইখানা যখন যাই, তথায় বসিয়া ভাবিবারাত্র মনে উদয় হয়, তারক ক্রিয়া পাইবার কথা বলিবে। প্রকৃত তাহাই হইল। তারক আমাকে বলিল, আমি ক্রিয়া পাইবার কথা কিম্বা আপনার বিষয় বিন্দুমাত্র না ভাবিয়া গত সোমবারে ঘুমাইতেছি ভোর রাত্রি না নিদ্রা না জাগরণ অবস্থায় দেখিতেছি আপনি আসিয়া আমার পিঠ চাপড়াইয়া বলিতেছেন, তোমার সময় খুব নিকট, ক্রিয়া পাইবার চেষ্টা কর। আমি বলিলাম, কথা ঠিক কর, স্বভাব পরিবর্তন কর, দান্তিকতা অহঙ্কার ত্যাগ করিবার চেষ্টা কর, তুমি যে সকলের ছোট জ্ঞান করিতে চেষ্টা কর, ক্রিয়া পাইবে।

উপনয়ন বা ক্রিয়া দান

• লৌকিক প্রথানুসারে যথাসময়ে আমার বাহ্যিক উপনয়ন ক্রিয়া সম্পন্ন হয়। কিন্তু পরাংপর ইষ্টদেবের কৃপায় প্রকৃত উপনয়ন হইবার পর আমার ভ্রম সংশোধন হয়।

আমরা বখন পুরুলিয়ায় ছিলাম, ঐ সময়ে আমার শ্যালক বাবু রজনীকান্ত বন্দ্যোপাধ্যায় জল বায়ু পরিবর্তনের জন্য পুরুলিয়ায় আগমন করেন। ঐ সময়ে অর্থাৎ ১৮৯৬ খৃষ্টাব্দের ভাদ্র মাসে, আমার স্ত্রী ক্রিয়া পাইবার জন্য অতিশয় অধৈর্য হন। ঐ সময়ে আমার শ্যালকের নিকট হইতে বাবার ঠিকানা অবগত হইয়া পরাংপর ইষ্টদেব মহাশয়কে পত্র লিখেন। তিনিও দয়া করিয়া আমাকে ক্রিয়া দিতে আদেশ করেন। ভাদ্র মাসের সংক্রান্তির দিবসে বাবার আদেশ মত আমার পত্নীকে ক্রিয়া প্রদান করি। বাবার লীলার কোশলে তিনি এক অভাবনীয় ভাবে মুগ্ধ হইলেন। আমিও নিশ্চিত হইলাম। স্ত্রী সংসারের কত্রী এবং স্বামীর সংসার বহন করিয়া কত না কষ্ট পান। তাহার ঋণ পরিশোধের উপায় কি? তবে আত্মকার্যের দান, ইহার ঋণ শোধ হইতে পারে। তাহাই বাবার কৃপায় হইল, আর “সম্মৌলিক ধর্মমাচরণে” ঋষি বাক্যের স্বার্থকতা সম্পাদিত হইল। তাহার জন্ম সাথক হইল।

উপদেশ গ্রহণ করিয়া দিন দিন বিধি পূর্বক সাধন করিয়া উন্নতি লাভ করিতে লাগিলেন। এই দুস্তর সংসার সাগর উত্তীর্ণ হইতে ইচ্ছুক হইলে স্ত্রীরূপা তরণী সাহায্যে মায়িক জীব ভব সমুদ্রের কূল পাইতে পারে। আৰ্য্য ঋষিদিগের মতে স্ত্রীকে সহধর্মিণী বলিয়া অভিহিত হইয়া থাকে, কিন্তু কাল বশে ঐ স্ত্রীকে কামের চক্ষে দেখিয়া মায়িক জীব কাম-পত্নীরূপে বরণ করিয়া সমুদ্রের তুফানে পড়িয়া হাবুডুবু খাইয়া ইহকাল পরকাল নষ্ট করিয়া থাকে। আর দেখ যায় শূন্য ব্রহ্মে মীশ্বিত হইলে পক্ষীরূপ মনুষ্য ছইখানি

ডানাধারা উর্দ্ধে উখিত হইতে চেষ্টা করিলে কিয়ৎ পরিমাণেও উঠিতে পারেন। কিন্তু সংসার বাসনায় মুগ্ধ জীব এক পক্ষহীন একাকী উঠিতে যাওয়া আকাশ কুসুম নহে কি? বরং উঠিতে চেষ্টা করিলে পতন অবশ্যস্তাবি, ইহার দৃষ্টান্তের অভাব নাই। আমরা কি ভ্রম ধারণা, স্ত্রীকে ধর্ম পুরায়নানা করিয়া নানারূপ রং ঢঙ্গে মুগ্ধ হইয়া রহি নাই কি?

পত্নীকে উপদেশ দেওয়া অস্তে সংসারকে প্রীতির চক্ষে দেখিতে লাগিলাম এবং যে স্ত্রী সংসারের মূলধার বলিলে অত্যাক্তি হয় না এবং যিনি স্বামীর সংসার মস্তকে বহন করিয়া কত কষ্ট পাইয়া থাকেন এইরূপ স্ত্রীকে উপদেশ প্রদান করা এবং তাহা হইতে আনন্দ রসের আনন্দ উপলব্ধি, সংসার কষ্টের কিয়ৎ পরিমাণে উপহার দেওয়া হয় না কি? এখন তাঁহার পূর্ব জন্মের স্মৃতি অমুখ্যায়ী সাধন দ্বারা সকল কষ্ট হইতে অব্যাহতি পাইতে পারেন, সুতরাং এই দয়াপ্রকাশ স্ত্রীর প্রতি সতত প্রকাশ করা কর্তব্য। যাহা হউক সাধন দ্বারা আমার পত্নী দিন দিন ফল উপলব্ধি করিতে লাগিলেন। উপদেশ প্রাপ্ত হইবার তিন চার মাস পরে এক বৎসরের জন্ম তাঁহার সাধন বন্ধ হইল। কারণ 'গর্ভাবস্থায় আত্ম-কার্য নিষেধ' ইহা ঋষি বাক্য। তজ্জন্ম তিনি বড়ই অশান্তি ভোগ করিতে লাগিলেন। যথাসময়ে জামালপুরে আমার স্ত্রী একটা কন্যা সন্তান প্রসব করেন। ইনি একটা কন্যার জন্ম পূর্বে অনেক সময়েই দুঃখ প্রকাশ করিতেন। দয়াময় তাঁহার সে দুঃখ নিবারণ করিলেন। যখন ঐ কন্যার বয়ঃক্রম তিন মাস মাত্র তখন পরিবারবর্গকে কোলঙ্গায় আনয়ন করিলাম। নব কুমারীর নাম উমাশশী হইয়াছিল। এই সময়ে কোলঙ্গা এবং তম্বিকটবর্তি দুই চারটা ষ্টেশনের বাবু ক্রিয়া পাইবার জন্ম পরাংপর ইষ্টদেব মহাশয়কে লিখেন। বাবা তাঁহার কার্য আমাকে দেখাইয়া দিবার জন্ম আদেশ প্রদান করায় আমার শ্যালক শ্রীপ্রিয়নাথ গঙ্গোপাধ্যায় শ্রীযুক্ত অম্বিকা চরণ বন্দ্যোপাধ্যায়, ইনি ডিয়ার কোম্পানীর তৎকালীন তৃতীয় কেরাণীর কার্য করিডেন। কুমার ফেচার পোষ্ট মাষ্টার বাবু গোপীকৃষ্ণ গুপ্ত, চক্রবর্তীর পুরের প্রধান টিকিট বাবু রামলাল

বন্দ্যোপাধ্যায় এবং ঝাড়সোগডার পথ পরিদর্শক সাহেবের সময় রক্ষক বাবু সুরেন্দ্রনাথ চট্টোপাধ্যায় মহাশয়গণ উপদেশ প্রাপ্ত হইলেন। এই সময়ে শ্রীমান কালিপ্রসন্ন মুখোপাধ্যায় আমার নাটুল পুত্র কার্য উপলক্ষে কলিকাতায় গমন করেন তথা হইতে ক্রিয়া লইয়া আইসেন। এই সময়ে কোলঙ্গা ষ্টেশনের ষ্টেশন মাষ্টার মহারাষ্ট্রীয় ব্রাহ্মণ সন্তান, গৌতম গোত্রীয়, নাম শ্রীযুক্ত জগন্নাথ কৃষ্ণজি মহাশয় উপদেশ প্রাপ্ত হইলেন। আমি প্রথমে এ প্রদেশে একাকী ছিলাম, বাবার কুপায় কয়েকটি ভ্রাতা পাইলাম।

ইহার দুই তিন মাস পরে ডিয়ার কোম্পানীর একজন সহকারী সাহেব, আমাদের ম্যানেজারের কনিষ্ঠ ভ্রাতা হারি এ্যাঙ্কার সাহেব, কোম্পানীর কার্যের শৈথিল্যতার জন্ত জগদেও তেওয়ারিকে পদাঘাত করে, তাহাতেই জগদেও তেওয়ারি চাপরাসির প্রাণবায়ু বহির্গত হইয়া যায়। এই সংবাদ রাতে প্রাপ্ত হইয়া পরদিবস প্রাতে ট্রলি যোগে বড় এ্যাঙ্কার সাহেব এবং আসামীর স্ত্রী এবং আমি কোলঙ্গা হইতে কুমার ফেলায় গমন করি এবং মৃত দেহ দেখিয়া স্তম্ভিত হইলাম। এই দুর্ঘটনা সম্বন্ধে ষ্টেশন মাষ্টার বাবু ঘটনার রাত্রেই সর্বত্র তাহা সংবাদ প্রেরণ করিয়াছিলেন সুতরাং পুলিশ হাকিম সকলেই আসিবার কথা, আমরা সমস্ত দিবস কুমার ফেলায় অপেক্ষা করিয়া রহিলাম। অপরাহ্নে এবং রাত্রে ডাক গাড়ীতে ইনস্পেক্টর, সিংভূমের ডেপুটী কমিশনার আসিলেন। আসামী হারি এ্যাঙ্কার সাহেবের জ্যেষ্ঠ ভ্রাতা ট্যুপ এ্যাঙ্কার সাহেব একরূপ জঘন্য চরিত্রের ভ্রাতার সাহায্য করিতে প্রথমতঃ অস্বীকৃত হইলেন। পরে রাগ সম্বরণ করিয়া ভ্রাতাকে এ বিপদ হইতে উদ্ধার করিবার জন্ত আমাকে ঐ রাত্রেই চক্রধরপুরের রেলওয়ের ডাক্তার সাহেবের নিকট পাঠাইয়া দেন। আমার কুমার ফেলা পরিত্যাগ করিবার পূর্বেই ডেপুটী কমিশনার সাহেব আমাকে এস্থান ত্যাগ করিয়া যাইতে নিষেধ করেন। কারণ তিনি বলিয়া ছিলেন অগ্ন্যগ্ন স্মৃতির জবানবন্দি লওয়ার পরে তোমার মতামত জানিবার জন্ত আবশ্যিক হইতে পারে। এদিকে ডাক গাড়ীতে মৃতদেহ চক্রধরপুরে

ডাক্তার এ্যাণ্ডারসন সাহেবের নিকট পাঠান হইল আমাকেও এ্যাণ্ডার সাহেব ঐ গাড়িতে পাঠাইলেন সত্য, কিন্তু আছি তাঁহাকে বারম্বার বলিলাম হাকিম সাহেব আমাকে এস্থান পরিত্যাগ করিতে নিষেধ করিয়াছেন। “আমার কথা আপনাকে জিজ্ঞাসা করিলে কি বলিবেন” সাহেব আমার কোন কথা না শুনিয়া আমাকে পাঠাইয়া দিলেন। যথা সময়ে অর্থাৎ রাত্র এক ঘটিকার সময়ে গাড়ী হইতে অবতরণ করিয়া নিবিড় অন্ধকারে অপরিচিত স্থানে অল্প অল্প বৃষ্টি মাথায় করিয়া ডাক্তার সাহেবের বাসস্থানাভিমুখে গমন করিয়া চিনিয়া লইলাম।

সাহেব তখনও নিদ্রা ঘান নাই, আমাকে যথাবিহিত সস্তাষণ করিয়া নিকটে বসাইলেন এবং অসময়ে তাঁহার নিকট আনিবার কারণ জিজ্ঞাসা হইলেন। আমি সমস্ত ঘটনা বিবৃত করিলে তিনি যথান্যথা হারি এ্যাণ্ডার সাহেবের সাহায্য করিবেন প্রতিশ্রুত হইলেন। আমাকে শয়নের স্থান দেখাইয়া দিয়া তাঁহার শয়ন কক্ষে প্রবেশ করিলেন। সমস্ত দিবস নিয়মিত আহার হয় নাই তৎপরে নানা রূপ শারীরিক পরিশ্রম এবং রাত্র জাগরণে শরীর আচ্ছন্ন সুতরাং শয়ন মাত্রই নিদ্রার ঘোরে অচেতন হইলাম। প্রত্যুষে গাত্রোত্থান করিয়া ডাক্তার সাহেবের কথা মত রেলওয়ের হাসপাতাল অভিমুখে রওনা হইলাম। ষ্টেশনে যাইয়া শুনিলাম, আমার একটা তারেব স্ক্রাদ—যাহা ডেপুটী কমিশনার পাঠাইয়াছেন, শুনিয়াই আড়ষ্ট। তার দেখিয়া জ্ঞাত হইলাম। হাকিম সাহেব চক্রধরপুরের ষ্টেশনে দেখা করিতে চাহিয়াছিলেন প্রত্যুষের গাড়ীতে চক্রধরপুর অবতরণ করিয়া এবং আমার সন্ধান না পাইয়া চাইবাসা চলিয়া গিয়াছেন। আমি ইহাতে বড়ই ভীত হইলাম, প্রথম কারণ তাঁহার আদেশ না লইয়া কুমার ফেলা, ত্যাগ করা গর্হিত, দ্বিতীয় চক্রধরপুরে তাহার সহিত দেখা না করাও বিশেষ অগ্যায়, আমার প্রতি নানা প্রকার সন্দেহের আরোপ করিতে পারেন। যাহা হউক ভাবিতে ভাবিতে রেলওয়ের হাসপাতালে উপস্থিত হইলাম এবং যথা সময়ে দুইজন সাহেব

ডাক্তার এবং একজন দেশীয় ডাক্তারের সমক্ষে শবচ্ছেদ করা হইল। আমাকে বড় ডাক্তার সাহেব অনেক প্রকার দেখাইয়া বাহাতে সুবিধা হয় এরূপ করিবেন এরূপ আশা প্রদান করিলেন। ডাক্তার সাহেবের রিপোর্টের অনুলিপি লইয়া মধ্যাহ্নের গাড়িতে কোলঙ্গা রওনা হইয়া এ্যাঙ্গলার সাহেবকে ডাক্তার সাহেবের মতামত প্রকাশ করিলাম। সাহেবের সহিত কথোপকথন অন্তে বাসায় যাইয়া আমার উমাশনী কন্যাটিকে দেখিয়া স্তম্ভিত হইলাম এবং স্পষ্টই বলিলাম, উহার জীবন প্রদীপ নির্ঝানোমুখ, কারণ ব্যাধিতে তাহার শরীর অতিশয় রুগ্ন দেখিয়া এইরূপ মত প্রকাশ করিলাম। এই কথা শ্রবণ করিয়া আমার স্ত্রী ক্রন্দন করিতে লাগিলেন। নানা প্রকার চিকিৎসা চলিতে লাগিল সত্য, কিন্তু যখন কাল মুখব্যাধান করেন, তাহার কবল হইতে রক্ষা করে কার্হার সামর্থ্য। নানা চেষ্টা সত্ত্বেও প্রাণের উমাশনী তাহার গর্ভধারিণীকে এই প্রথম সাংঘাতিক মনকষ্ট দিয়া স্বস্থানে প্রস্থান করিয়াছে। কিন্তু কি আশ্চর্য্য! এরূপ হৃদয় বিদারক ঘটনায় আমার মনকে ততদূর মলিন ভাবাপন্ন করিতে পারে নাই। এই ঘটনার ৭৮ দিবস পূর্বে কোন সূত্রে জ্ঞাত হইয়াছিলাম যে আমার একটি সন্তান ভবলীলা সাক্ষ করিবে। অথচ সে সময়ে কোন বালক বালিকার কোনরূপ পীড়ার লক্ষণ প্রকাশ পায় নাই। যাহা হউক যিনি যতদিনের জন্ম তাহার জিনিষ যাহার নিকট রক্ষা করিতে দিয়াছিলেন, সময়ে তাহার জিনিষ লইয়া যাইলেন তাহার আর উপায়স্তর কি? মায়িক জীব যদি এই মহাবাক্য হৃদয়ে অহরহ পোষণ করিয়া রাখিতে পারেন যে, যাহাকে তিনি আপন ভাবিয়া বহ্ন করিয়া থাকেন অথচ তাহা তাহার নহে, তাহা বিশ্বরাজের জিনিষ তাহা হইলে এত দারুণ কষ্ট কেন উপলব্ধি করিবে। এই ঘটনার পূর্বে আমার কনিষ্ঠ পুত্র শ্রীমান রাধাগোবিন্দ বাবাজির পীড়া চিকিৎসা অন্তে পুরুলিয়া হইতে সর্বলক্ষকে জামালপুর রাখিয়া আসি।

জামালপুর হইতে প্রত্যাগমন করিয়া চক্রধরপুরে স্থারি এ্যাগনার সাহেবের মকদ্দমায় সরকারি পক্ষ হইতে সাক্ষ্য প্রদান করি। এই মকদ্দমার বিচার অভিপ্রায়ে ডেপুটী কমিশনার সাহেব চক্রধরপুর আগমন করেন। এখানকার ডাকবাগলায় সাক্ষ্য জবানবন্দী অস্ত্র এই মকদ্দমা দায়রায় প্রদান করেন, সুতরাং নির্ধারিত দিবসে জুডিসিয়াল কমিশনার সাহেবের এজলাসে পুরুলিয়ায় মকদ্দমার বিচার হয়, তদ্ব্যতীত পুরুলিয়া গমন করি। এই মকদ্দমায় আমার সাক্ষ্যের উপর আসামীর অনেক নির্ভর ছিল। কারণ মৃত ব্যক্তির প্লীহা কিম্বা হৃদব্যাধি ছিল কিনা অনুসন্ধান হয়, প্রকৃতপক্ষে মৃত ব্যক্তির সামান্য কিছুদিনের জন্য একবার প্লীহার চিকিৎসা করা হয় এবং অন্য সময়ে বাত ব্যাধির জন্যও চিকিৎসিত হইয়াছিল, তজ্জন্ম তাহার নাম আমার পুস্তকে লিখিত ছিল। সুতরাং আর যাইবে কোথায়, ইহা হইতে প্রমাণ হইল মৃত ব্যক্তির প্লীহা বড় ছিল এবং বাতের জন্য তাহার অন্তঃকরণ দুর্বল ছিল, তদ্ব্যতীত সাহেব নারিতে উচ্চত হওয়ার ভূমিতলে পতিত হয় এবং প্লীহা বিদীর্ণ হইয়া মৃত্যুমুখে পতিত হয়।

মকদ্দমা আসামী সাহেবের পক্ষে হালকা হইল, সুতরাং কেবল দশ টাকা জরিমানা ও একদিনের কারাদণ্ড হইল। কারাদণ্ড—হাকিম সাহেবের নিকট কাষ্ঠাসনে বসিয়া আহালাদি সম্পন্ন করিয়া, মেয়াদ খাটিয়া হাকিমের সমবিবাহারে কাছারি হইতে বহির্গত হইয়া অশ্বশকটে আপন আপন বাস ভবনে গমন করিলেন। আমরাও এযাত্রা রক্ষা পাইয়া বাসায় প্রত্যাগমন করিলাম। এই অবিচারের জন্য “অমৃতবাজার” “হিতবাদী” কাগজে এই মকদ্দমার বিবরণ প্রকাশ হইল এবং তৎসহ আমার নামে নানা প্রকার কুৎসা কাগজে প্রকাশ হইল। আমি লোকমুখে শ্রবণ করিয়া এবং স্বর্চক্ষে দর্শন করিয়া লজ্জায় স্নিয়মান হইয়া রহিলাম। কি “দূরদৃষ্ট, আমি সম্পূর্ণ নির্দোষী হইয়াও

সংবাদপত্রে কলঙ্ক কিনিলাম। লোক সমাজে মুখ দেখান কষ্টকর হইয়া উঠিল। আমি সাহেবদিগকে সংবাদপত্রে আমার নামে অনর্থক টিট্কারির কথা বলিলাম। তাঁহারা আমার মনস্ত্বষ্টির জন্ত সম্পাদকের নামে নালিশ করিবেন কহিলেন মাত্র, অথচ কিছুই হইল না। সংবাদপত্রের এই মকদ্দমার আন্দোলনে ভারত গভর্নমেন্টের আসন টলিল এবং বাঁকুড়ার জজ সাহেবের দ্বারা পুনর্বিচার জন্ত আয়োজন হইল। পুনরায় পুরুলিয়ার ঐ মকদ্দমার বিচার হইবে লোক পরম্পরার শ্রবণ করিয়া আদালতগৃহ লোকে লোকারণ্য।

মানভূম জেলার মধ্যে যত ইংরাজ নামধারি ব্যক্তি ছিলেন সকলেই উপস্থিত, আমিও সাক্ষীরূপে আদালতে উপস্থিত। আসামী সাহেব একজন প্রধান ইংরেজ উকীল কলিকাতা হইতে আনয়ন করিলেন, এবং গভর্নমেন্ট পক্ষে কলিকাতা হইতে ব্যারিষ্টার আসিলেন। এই মকদ্দমায় একজন বাঙ্গালী এবং দুইজন জুরি বসিলেন তিনদিন সমান তোড়ে মকদ্দমা চলিল। শেষ দিবসে জুরিগণ আসামীকে দোষী সাব্যস্ত করিয়া মত প্রকাশ করিলেন কিন্তু জজ বিচারপতি জুরিগণকে কোন ধারা দেখাইয়া মত প্রকাশ করিতে বলিলেন স্মতরাং জুরিগণ হাকিমের মতানুসারেই আসামীকে নির্দোষ মনে করিয়া মত প্রকাশ করিলেন। এবার জজ বাহাদুর আসামীকে পাঁচশত টাকা জরিমান্য করিয়া মকদ্দমা শেষ করিলেন! এত কাণ্ডের পর মুসিক প্রসব করিল।

সরকারী পক্ষের ব্যারিষ্টার হাশুমুখে কলিকাতায় প্রত্যাগমন করিলেন। আমি লোক গঞ্জনায় কিছুদিবস জ্বালাতন হইলাম। ইহার কিছু দিবস পরে ডিয়ার কোম্পানীর বড় বাবু বজরঙ্গী বাবু পুরুলিয়ায় টম্ টম্ গাড়ী হইতে পতিত হইয়া একখানি পদ ভগ্ন হয়, এই সময়ে আমি সপরিবারে কোলঙ্গায় ছিলাম। এই সংবাদ প্রাপ্ত হইয়া সপরিবারে পুরুলিয়ায় আগমন করিয়া সিভিল সার্জন ডি, ডি, বসু

মহাশয়ের সহিত বজরঙ্গী বাবুর চিকিৎসায় ব্রতী হইলাম। প্রায় দুই মাস পরে তিনি একরূপ আরোগ্য লাভ করেন সত্য কিন্তু আক্রান্ত-পদ স্বাভাবিক অবস্থা প্রাপ্ত না হইয়া কখনো থলুভাব রহিয়া গেল। যষ্টির সাহায্য তিন্ন চলিতে পারিতেন না। এই ঘটনার ৭৮ মাস পরে তাহার স্ত্রী পুত্র পরিবারবর্গকে শোক সাগরে নিক্ষেপ করিয়া ভাগলপুরে মানবলীলা সম্বরণ করেন।

তাঁহার মৃত্যুর পূর্বে একবার আমি কার্যবশত জামালপুর শ্বশুরালয়ে গমন করি। সেই সময়ে বজরঙ্গী বাবু জামালপুরের অতি নিকটে, মূজাপ্রাণে অবস্থিতি করিতেছিলেন, আমার জামালপুর আগমন সংবাদে আমার পুত্রগণকে, দেখিবার উদ্দেশে জামালপুরে আগমন করিয়া আমাদিগকে পরম আনন্দিত করেন। আমিও দুই তিন দিবস পরে তাহার বাটী গমন করি। জামালপুর হইতে কোলঙ্গায় গমন করিলে সর্হকারি ম্যানেজার বুল সাহেবের নিকট জ্ঞাত হইলাম তাঁহার মেম কাইলোরিক ব্যাধিতে আপাততঃ বড়ই কষ্ট পাইতেছেন এবং এই ব্যাধিতে প্রায় দশ বার বৎসর হইতে ভুগিতেছেন। ডাক্তারি, হোর্মিওপ্যাথি, নানা প্রকার চিকিৎসা করান সত্ত্বেও এই ব্যাধির কিছুমাত্রও উপশম হয় নাই।

এই ব্যাধির ঔষধ এখন আবিষ্কৃত হয় নাই। মেমসাহেব মূত্র ত্যাগকালীন অসহনীয় যন্ত্রনা অনুভব করিয়া থাকেন। আমি ইহা শ্রুত হইয়া সাহেবকে বলি, যদি কোন আপত্তি না থাকে তবে আমার গুরুদেবের ঔষধি মেমসাহেবকে সেবন করাইতে চাহি। গুরুদেবের ঔষধির ফলাফল ইতিপূর্বেই মেম ও সাহেব পরিজ্ঞাত ছিলেন, কারণ এই মেম সাহেব বহুকালাবধি রক্ত প্রদর ব্যাধিতে কষ্ট পাইতেছিলেন। গুরুদেবের ঔষধিতে সম্পূর্ণ আরোগ্য লাভ করিয়াছেন। সুতরাং আমি এই মূত্রব্যাধির ঔষধির কথা কর্হিবা মাত্রই সাহেব ও মেম সম্পূর্ণ

অনুমোদন করিয়া আমাকে কলিকাতায় পরাৎপর ইষ্টদেব মহাশয়ের নিকট প্রেরণ করিলেন। আমি গাড়ী হইতে অবতরণ করিয়া হাওড়া হইতে আর্ধ্যমিশনে উপস্থিত হইয়া বাবার শ্রীচরণ দর্শন পাইয়া পরম পবিত্রে হইলাম এবং মেম সাহেবের ব্যাধি বৃত্তান্ত নিবেদন করিয়া আদেশ অপেক্ষায় রহিলাম। তিনি কহিলেন, মহাদেব প্রত্যেক ব্যাধির ঔষধি সৃষ্টি করিয়াছেন তবে সকলের জানা নাই। যাহা হউক ডাক্তারি-মতে মেমসাহেবের পীড়ার ঔষধি নাই সত্য; কিন্তু কহিলেন যে, আর্ধ্য ঋষিগণ ইহার ঔষধি অবগত ছিলেন এবং এখনও অনেকে তাহা জ্ঞাত আছেন। যাহা হউক দুই প্রকার ঔষধি লইয়া যান, ইহা বিধিগুরুক সেবন করিলে দুই মাসের মধ্যেই এই পুরাতন পীড়া আরোগ্য হইবে, কিন্তু মেমসাহেব যেন এই ঔষধি সেবন কালীন মদ্য, মৎস্য এবং মাংস ব্যবহার না করেন। আমি ঔষধি লইয়া পরদিবস কোলঙ্গায় রওনা হইলাম। যথা সময়ে উপস্থিত হইয়া মেমসাহেবকে সকল বিষয় জ্ঞাত করাইলাম। মেমসাহেব সুরাপান ত্যাগ করিয়া তিন সপ্তাহ পর্যন্ত ঔষধি সেবন করিলেন কিন্তু কিছুমাত্রও উপকার প্রদর্শিত না হওয়ায় বাবার শ্রীচরণে সকল বিষয় নিবেদন করিলাম। তিনি লিখিলেন, যদি মেমসাহেব মৎস্য মাংস বর্জন করিতে পারেন, তবে অল্প দিবসের মধ্যেই অত্যাশ্চর্য ফল দেখিয়া আশ্চর্য্যান্বিত হইবেন। বাবার এই পত্রের মর্ম্ম মেমসাহেবকে জ্ঞাত করাইলে মেমসাহেব মৎস্য মাংস পরিত্যাগ করিতে বদ্ধ পরিকর হইলেন এবং ঐ নিয়ম অবলম্বন করিয়া ঔষধি সেবন করিতে লাগিলেন। কেবল তিন সন্ধ্যা মৎস্য মাংস বর্জন করিয়াছেন। বহুকাল পরে স্বাভাবিক যন্ত্রণাশূন্য মূত্র ত্যাগ করায় সকলেই আনন্দে ভাসিতে থাকেন। যাহা হউক তদবধি তিনি সম্পূর্ণ সুস্থ আছেন। সাহেবেরাও চিকিৎসার ভূয়োভূয় প্রশংসা করিতে লাগিলেন। আরও কয়েকটা ব্যাধি বাবার ঔষধিতে আরোগ্য হওয়ায় ঔষধির গুণ দেখিয়া তাহা দ্বারা

চিকিৎসা করিতে মনে বড়ই আগ্রহ হইল। ইহা ভিন্ন ইহাও মনে আন্দোলিত হইতে লাগিল যে বাবার প্রদত্ত জিনিষ পাইয়া আনন্দে মাতিতেছি, কিন্তু পরাধীন অবস্থায় এই জঙ্গলে থাকিয়াও আত্মকর্মেয় নানারূপ বিঘ্ন হইতেছে। অতএব বাবার ঔষধি লইয়া প্রচার করা বিহিত, ইহাতে মনের উন্নতি এবং বাবাতে সর্বপ্রকারে মতি দৃঢ় হইবে। স্বাধীন ব্যবসা শিক্ষা করিয়া চিরকালই কি পাইয়া জঙ্গলে পরাধীন ভাবে থাকিতে হইবে? কোনস্থানে স্বাধীন ভাবে চিকিৎসা ব্যবসা আরম্ভ করিব, এইটা মনে স্থির করিয়া কয়েক দিবসের বিদায় গ্রহণ করিয়া কলিকাতায় বাবার শ্রীচরণ দর্শন করি এবং প্রস্তাবিত বিষয় উল্লেখ করি। বাবা কহিলেন,—“আপনার প্রায় ১২০ টাকা মাসিক আয় হইবে কয়েকটি সন্তান হইয়াছে ইহাও এরূপ চাকরি ভাগ করিয়া স্বাধীনভাবে চিকিৎসা ব্যবসা করা যুক্তিযুক্ত নহে”। আমি বলিলাম,—বালকগণ আপন আপন অদৃষ্ট সূত্র ধরিয়া সংসারে চলিবে, আমার উপর নির্ভর করিয়া যখন তাহাদের কর্মফল ভোগ হইবার নহে, তখন কিজন্ত তাহাদিগের নিমিত্ত আমার নিজের সুখ নষ্ট করিব? যাহা হউক যখন আমি পীড়াপীড়ি করিয়া ধরিলাম, মাসে ৩০ টাকা হইলেই সুখে কষ্টে সংসার চলিয়া যাইবে তখন তিনি আমার প্রস্তাবে সম্মতি দান করিলেন। সুতরাং আমি যথাসময়ে কোলকাতা প্রত্যাগমন করিয়া অর্ধ বেতনে ৩ মাসের বিদায় প্রাপ্ত হইয়া আমার স্বশ্রম মহাশয়ের একজন মুন্সেরমু বন্ধুর পুত্রকে আমার প্রতিনিধি রাখিয়া জামালপুরে আসিলাম এক জামালপুরে ইহার ৩ বৎসর পূর্বে কেশবপুর পাড়ায় আমার স্বশ্রম মহাশয়ের বাটার সন্নিকটে একটা মধ্যম প্রকারের বাটা খরিদ করিয়া নূতন বাটাতে ঔষধালয় স্থাপন করিবার আয়োজন করিলাম। বৈজ্ঞানিক ধর্ম করিয়া বাবার পরামর্শ মত ‘আপাততঃ’ ৩৬ টাকা মূল্যের দেশীয় ঔষধি কলিকাতা হইতে আনয়ন করিলাম এবং ১০০ টাকা মূল্যের ইংরাজী ঔষধ আনা হইয়া টেবিল চেয়ার আলমারি বন্দোবস্ত করিলাম। ঔষধালয় খুলিলাম। বাবা পূর্বে আমাকে আদেশ করিয়াছিলেন যে মুন্সেরমু ডেপুটী

ম্যাজিষ্ট্রেট ও কালেকটর বাবু আশুতোষ বন্দোপাধ্যায় মহাশয়ের সহিত সাক্ষাৎ করিয়া এই বিষয়ের যেন আমি পরামর্শ গ্রহণ করি। এবং প্রতিদিন এক নির্দিষ্ট সময়ে এবং স্থানে মুন্সেবু গমন করিলে মুন্সেবুও চিকিৎসা কার্য চলিতে পারে। আদেশ অনুসারে আমি তাহাই করিলাম এবং প্রথম প্রথম মুন্সেবুর ভ্রাতৃবৃন্দ চিকিৎসার্থ আমাকে ডাকিতে লাগিলেন। ঐ সময়ে মুন্সেবু ৪৫ জন গুরুভাই মাত্র ছিলেন এবং মুন্সেবু দুর্গের মধ্যস্থ ডেপুটী আশুবাবুর বাটীতে একটি গীতাসভা সংস্থাপিত হইল। প্রতি রবিবারে আমরা কয়েকটি ভ্রাতা সমবেত হইয়া গীতাসভার কার্য চলিতে লাগিলাম। ঐ সময়ে পরাংপর বাবা আশুবাবুর যত্নে এবং আমাদিগের মঙ্গলের জন্য মুন্সেবু আগমন করেন। বাবা প্রায় একমাস আশুবাবুর বাস ভবনে অবস্থিতি করিয়া প্রতিদিন সন্ধ্যায় সময়ে গীতার ব্যাখ্যা এবং ধর্ম আলোচনা করিয়া আমাদিগের দুর্বল মনকে বল প্রদান করিতে লাগিলেন।

ঐ সময়ে ডেপুটী বাবু, বাবু ভূপালচন্দ্র মজুমদার বি, এল, বাবু সারদা প্রসাদ বিশ্বাস, বাবু সন্তোষ কুমার চট্টোপাধ্যায় রোডসেন হেড ক্লার্ক, বাবু হরিপদ ঘোষ কালেকটরির মোহরার, বাবু শ্রীবিলাস ভট্টাচার্য্য, বাবার কুপায় জামালপুরের ভলেন্টিয়ার অফিসের উচ্চ কেরানী হন, এবং বাবু ষষ্টিধর সাম্মাল অডিট অফিসের একজন কেরানী এই সকল ভ্রাতৃগণ মুন্সেবু অবস্থিতি করিতেছিলেন। ইহা ভিন্ন জামালপুর হইতে বাবু বসন্ত কুমার মুনোপাধ্যায় রেল অফিসের একজন প্রধান কেরানী, বাবু গোপালচন্দ্র চক্রবর্তী অডিট অফিসের কেরানী, আরও কয়েকটি ভ্রাতা প্রতি রবিবারে গীতাসভায় সমবেত হইতে লাগিলেন। ঐ সময়ে সারদাবাবু গীতার ব্যাখ্যা করিতেন। ক্রমে বাবা ২১ বার মুন্সেবু আগমন করায়, মুন্সেবুর সুপ্রসিদ্ধ উকীল বাবু তারাভূষণ বন্দোপাধ্যায় বি, এল, বাবু উপেন্দ্র নাথ বন্দোপাধ্যায় বি, এল (এই দুইজন ব্যক্তি এককালে বাবার ঘোরতর বিরোধী ছিলেন) পরিশেষে নিজ দোষ আঁধাবন করিয়া বাবার শ্রীচরণে আশ্রয় গ্রহণ

করিয়াছিলেন। এই সময়ে কলেক্টরির হিন্দুস্থানি কাগজ বংশীয় মহাফেজ বাবু ক্রিয়া পান।

মুন্সের সহরে অনেক বাঙ্গালীর বাস, তন্মধ্যে অধিকাংশ ব্যক্তি প্রাতের গাড়ীতে জামালপুরের আফিস সমূহে কার্য করিতে গমন করিতেন, অপরান্ত্রে প্রত্যাগমন করিতেন এবং অবশিষ্ট মুন্সেবন্দ বাঙ্গালী বাবুগণ মুন্সেরের আদালতে কার্য করিতেন। মুন্সের হইতে প্রতিদিন প্রায় ৫০০ বাঙ্গালী বাবু জামালপুরে রেল আফিসে কার্য করিতে যাইতেন। মুন্সেরের অধিকাংশ বাঙ্গালী বাবুগণ বাবার পথাবলস্বীগণকে নানাপ্রকার গালি বর্ষণ করিতেন।

এইটী পুরাতন প্রথা—যখনই সনাতন হিন্দুধর্মের উত্থান হয় এবং ধর্ম-স্বাক্ষর প্রকাশ হইয়া সনাতন ধর্মের প্রচার করিতে থাকেন, তখনই ঐ ধর্মের মূলোচ্ছেদ করিতে বদ্ধ পরিকর হইয়া সকাম ধর্মাবলস্বীগণ তাহার বিরুদ্ধে দণ্ডায়মান হইয়া থাকেন। বহু পূর্বকাল হইতে ধারাবাহিকরূপে চলিয়া আসিতেছে, এইরূপ না হইলে এই ধর্মের এতাদৃশ আদর হইত না। মহামুনি কপিল হইতে ৩চৈতন্য প্রভু পর্যন্ত ইহার শত শত দৃষ্টান্তের অভাব নাই, দুঃখের বিষয় ৩চৈতন্য প্রভুর ধর্মকে মায়িক জীব সকাম ধর্ম বলিয়া লোক সমাজে প্রকাশ করিয়া থাকেন, কিন্তু প্রণিধান করিয়া দেখিলে আমাদের সকল সন্দেহ দূরীভূত হয়, সে দিকে লক্ষ্য নাই।

ভগবান শ্রীকৃষ্ণ যখন বৃন্দাবন ধামে এই সনাতন নিষ্কাম ধর্ম প্রচার করেন তখন কত শত অসুর ভাবাপন্ন লোক তাঁহার বিরুদ্ধে আচরণ করেন। ঐ সময়ে বৃন্দাবনে বৈদিক এবং তান্ত্রিক ধর্ম প্রচারিত ছিল। ত্রেতাযুগে লঙ্কাপুরে সকাম ধর্ম বড়ই প্রবল ছিল। শ্রীরামচন্দ্র রাবণ বধ করিয়া নিষ্কাম ধর্ম প্রচার করেন। সেইজন্মই বলি যে মুন্সেরের বাবুগণকে ধর্মবিষেণী বলিয়া নিন্দা করা উচিত নহে, কারণ ইহা চিরন্তন প্রথা। এই ধর্ম বিরুদ্ধ চিরকালই সমভাবে চলিয়া আসিতেছে। কিন্তু মূলে যে একই ক্রিমাণ, আমাদের সকল বিচারে আইসে না। মুন্সেরের কলেজ স্কুলের ৩য় শিক্ষক বাবু অক্ষয়চন্দ্র

পাল বি, এ, এবং তাঁহার আত্মীয় ভ্রাতা বাবু শিবনাথ ঘোষ ভ্রাতারূপে গীতা সভায় যোগ দিতে লাগিলেন।

আমার চিকিৎসা ব্যবসা জামালপুর এবং মুন্সেরে দিন দিন উন্নতি হইতে লাগিল। প্রতি মাসে সর্বসমেত ২২৫ টাকা পর্য্যন্ত আয় হইতে লাগিল। জামালপুর, মুন্সের, সুলতানগঞ্জ, ধারারা এবং বর্হি পর্য্যন্ত রোগী দেখিতে যাইতে হইত। এই আয় বৃদ্ধি দর্শনে বাবার নিকট বলিয়া রাখিলাম, টাকা দিয়া আর যেন ভুলান না হয় অর্থাৎ আয় হ্রাস হইলে সময় পাওয়া যায় এবং তাঁহার কার্যে হতশ্রদ্ধা আর হয় না। নচেৎ টাকার প্রলোভনে গুরু ভগবানকে ভুলিয়া যাইতে হয়, ইহা সংসারে বিরল নহে আর এই সময় অভাব বশতঃ পরাধীন চাকুরী পরিত্যাগ করিয়া কোথায় শান্তির উপাসনা করিব, তাহা না হইয়া আবার টাকার প্রলোভনে পড়িলে এবং সময় হারাইলে কি হইল, ইহাপেক্ষা চাকরি ভাল ছিল এইরূপ মনে মনে অনুতাপ হইতে লাগিল। যাহা হউক ঐ অনুতাপ বাবা যেন স্বকর্ণে শ্রবণ করিলেন, তাহার কয়েকমাস পরে কার্য হ্রাস হইল। কিন্তু প্রথম প্রথম মুন্সের যাওয়ায় এবং তথাকার অধিবাসীদিগের সহিত পরিচিত হওয়ায় রোগী জুটিতে লাগিল। এদিকে জামালপুরের ভ্রাতাগণও আমার চিকিৎসা ব্যবসায় উন্নতির জন্য বিশেষ চেষ্টা করিতে লাগিলেন।

বিস্মৃতিকা ব্যাধি প্রকোপের সময়ে বাবার সঞ্জীবনী ঔষধিতে অনেক জীবের জীবন রক্ষা হইল। বড় বড় ডাক্তারগণের পরিত্যক্ত বিস্মৃতিকা ব্যাধিগ্রস্থ রোগীকে এই ঔষধির তিন মাত্রা প্রয়োগ করায়, জীবনে হতাশ রোগী আরোগ্য হইতে লাগিল। সুতরাং ঔষধির গুণে মুগ্ধ হইয়া অনেকেই ডাকিতে লাগিল এবং তাঁহার মহিমা প্রকাশ হইতে লাগিল। কিন্তু মুন্সের এবং জামালপুরের এ্যাসিষ্টেন্ট সার্জেন ডাক্তার মহাশয়েরা এই ঔষধির বিষয় অবগত হইয়া তাহার আদর নু কুরিরা বরং অধিকতর শক্রতাচরণ করিতে লাগিলেন, কিন্তু তাহাতে তাহাদিগের আশা ফলবতী হইল না। আমার চিকিৎসা ব্যবসা নষ্ট করিবার

জঙ্গ সরকারী হাসপাতালের এ্যাসিস্টেন্ট সার্জন বাবু লোক সমাজে প্রচার করিতে লাগিলেন যে, বিহুচিকার ঔষধি বিষ ভিন্ন কিছুই নহে, তজ্জন্ম এই ঔষধি প্রয়োগ করিয়া মিছরির 'সরবৎ ব্যবস্থা হইয়া থাকে। ইত্যাদি অনেক প্রকারে আমাকে অপদস্থ করিতে বিশেষরূপে চেষ্টিত হন। কিন্তু সত্যের জয় চিরকাল হইয়া থাকে। তাহাদের সকল উত্তম জলবুদবুদের গায় নষ্ট হইয়া বরং দিন দিন দেশীয় ঔষধির প্রচার বৃদ্ধি হইতে লাগিল।

এই সময়ে জামালপুরে আমার বসতবাটী উত্তমরূপে মেরামত করান হয় এবং ঐ বাটীতে সপরিবারে বাস করিতে লাগিলাম। ষ্ঠকখানার ঘরে শিবধামায় ছিল। প্রজাফিস টেবিলের উপরে পরাংপর ইষ্টদেব এবং পরম গুরুদেবের প্রতিমূর্তি প্রতিষ্ঠিত করিয়া প্রতিদিন পুষ্পমাল্যে সুশোভিত করা হইত। ১৯০০ খৃষ্টাব্দে মাননীয় শ্রীযুক্ত হরিমোহন বন্দ্যোপাধ্যায় মহাশয়ের ভাগ্যলক্ষী কন্যার সহিত পরাংপর বাবার উহা হ কার্য সম্পন্ন হয়। এই মর্নবাদ প্রথমে যখন আশুবাবুর বাটীতে প্রচার হয় তখন অনেকেই বিরক্ত হন। অল্পদিবস পরে সকলের মনোমালিন্য তিরোহিত হয় এবং আপন আপন ভ্রমে পতিত হইয়া বাবার কার্যে যে দোষারোপ করেন তাহা উপলব্ধি করিয়া লজ্জিত হন। যিনি স্থির বুদ্ধিমান, অকলঙ্ক স্বভাব বিশিষ্ট, যিনি ইন্দ্রিয়গণকে সংযত করিয়া দিক হইয়াছেন, তাঁহার নিকটে আমরা অতি অল্প বুদ্ধি বিশিষ্ট মায়িক জীব। তিনি যাহা করেন তাহাতে অবশ্যই মঙ্গল বস্তু নিহিত রহিয়াছে।

আমরা বিকৃত মস্তিষ্ক বিশিষ্ট হইয়া তাঁহার কার্যে দোষারোপ করিতে যাওয়া পাগলামি নহে কি? যখন তাঁহার ভাবস্পন্ন হইর, তখন তাঁহার কার্যের বিরুদ্ধে বরং কথা বলিতে সাহস করা যায়। ইহা পাগলের প্রলাপ নহে কি?

এই বিবাহের ৬ মাস পূর্বে আমি একবার গুরু দর্শনে বৈষ্ণনাথ গমন করি। তৎকালীন পরমারাধ্যা মাতাঠাকুরাণী অনূর্টা ছিলেন, তিনি তাঁহার মাতাঠাকুরাণীর সহিত বৈষ্ণনাথ বাটীতে অবস্থিতি করিতেছিলেন। সেই

সময়ে মাতাঠাকুরাণীর গাভীয়া মাথা মূর্তি দেখিয়া আশ্চর্যাবিত হই। এত অল্পবয়স্কা কন্যা যে এরূপ ভাবাপন্ন হইতে পারেন ইহা আমার প্রথম দৃষ্টিপথে স্পষ্টিত হয়। এই রালিকার যে এরূপ ভাব হইতে পারে ইহা ধারণাই ছিল না।

এই সময়ে আমার মূর্ধ্বস্থিনী বাবার নিকট হইতে তৃতীয় ক্রিয়ার উপদেশ প্রাপ্ত হইলেন। বাবা এই সময়ে আমার স্ত্রীকে বাবুয়ার আদেশ করেন যে,— “বৌমা বৈদ্যানথি আসিয়াছেন, আমার নিকট গোবিন্দ কলককে রাখিয়া শিব দর্শন করিয়া আসুন।” তিনি মুক্তকণ্ঠে ইষ্টদেব মহাশয়কে বলেন,—জীবন্ত শিব রাখিয়া মৃত শিবের দর্শন জগু আসি নাই। তিনি কোনক্রমে শিব দর্শন করিতে যাইলেন না।

বিবাহের কয়েক মাস পরে বাবা স্বস্ত্রীক মুন্সের আশ্রিতে ইচ্ছা প্রকাশ করেন। ঐকালিন আমি জামালপুরে থাকিয়া প্রতিদিন একবার করিয়া মুন্সের আসিতাম। বাবার যাহাতে মুন্সের আগমন হয় তজ্জন্য সকলেই চেষ্টা করিতে লাগিলাম। ঐ পূজার সময়ে জামালপুরেই ছিলাম, পূজার সময়ে মুন্সের জেলার ভারপ্রাপ্ত কর্মচারী আমাদিগের আশুবাবু পূজার দিবস দুই প্রহরের গাড়িতে ষ্টেশন হইতে কেশবপুর আমার ঔষধালয়ে পদব্রজে আসিয়া উপস্থিত হইলেন। আমরা কহিলাম,—সকল হাকিমগণ আপনার উপর জেলার ভার প্রদান করিয়া বিদায় লইয়াছেন, আপনার জেলা ছাড়িয়া এখানে আগমন করা উচিত হয় নাই। তিনি কহিলেন,—দাদা! আপনারা সকল ভ্রাতা একত্র হইয়া আনন্দ করিবেন, আমি একাকী কি করিয়া নিরানন্দে থাকিব। এইজন্য চলিয়া আসিয়াছি। যোগ-সঙ্গীতের গানে কয়েকঘণ্টা স্তুতিবাহিত করিলাম। সন্ধ্যার গাড়িতে আশুবাবু মুন্সের প্রত্যাগমন করিলেন।

ইহার দুই মাস পরে মাননীয় আশুবাবু নোয়াখালি বদলী হইয়া মুন্সের ত্যাগ করেন। তাহার মুন্সের ত্যাগ করায় আমাদিগের গীতাসভায় গোলযোগ

ঘটিল। তাহার পরে মুন্সেরের সুপ্রসিদ্ধ উকীল তারাভূষণ বন্দ্যোপাধ্যায় মহাশয়ের বাটীতে গীতানন্দ স্থাপিত হয়, তিনি সকল ভার গ্রহণ করিয়া সভায় সেক্রেটারী পদে বসিত হন। সুতরাং বলাবাহুল্য প্রতি রবিবারে জামালপুরের এবং মুন্সেরের ক্রিয়ামিতগণ তথায় সমবেত হইতে লাগিলেন। এই সময়ে তারাভূষণ বাবুর বাটীতে বাবা পরমারাধ্যা মাতাঠাকুরাণীসহ মুন্সের আগমন করেন।

বাবার মুন্সের আগমনের পরেই মুন্সেরের একজন খ্যাতনামা ধনী মহাজন বাবু গঙ্গাপ্রসাদের একটি পুত্রের কাশীর পীড়া হয়, মুন্সেরের সকল ডাক্তার কাঁধিরাঙ্গ এবং হাকিমগণ ঐ রোগীকে চিকিৎসা করিয়া কিছুই ফলপ্রদান করিতে অপারক হইলেন। আমাকে ঐ রোগী দেখাইবার জন্য উক্ত বাবু তাঁহার জুড়ি পাঠাইয়া দেন। আবার এই সময়ে আমি বাবার সিদ্ধাশ্রম সংযুক্ত ঔষধালয়ে দাতব্য ঔষধি ব্যবস্থা করিতে প্রতিদিন প্রাতে জামালপুর হইতে বড়বাজারের সিদ্ধাশ্রম বাটীতে আগমন করিতাম। বাবার আদেশে গ্রহণ করিয়া পূর্বেল্লিখিত ধনী মহাজনের পুত্রকে দেখিয়া ঔষধি প্রদান করা হয় এবং বাবার কৃপার বলে বাবার ঔষধিতে একরাত্রে মধ্যস্থে অভাবনীয় ভাবে উপকার হওয়ায় তখন হইতে প্রতিদিন তাঁহার বাটীতে যাইতে আরম্ভ করিলুম এবং যে কোন ব্যাধি হইলে আমাকেই আহ্বান করিয়া চিকিৎসা করাইতেন। তাহাতে বিশেষ উপকার প্রাপ্ত হওয়ায় তাঁহাদিগের অন্যান্য আত্মীয় স্বজনগণ আমাকে ডাকাইয়া চিকিৎসা করাইতেন এমন কি আমাকে গঙ্গাপ্রসাদ বাবু মুন্সেরে না গাইলে জামালপুরে জুড়ি পাঠাইয়া লইয়া যাইতেন।

আমরা যুগলমূর্ত্তি দর্শন করিয়া পবিত্র হইলাম বাবা প্রতিদিন মুন্সেরে তারাভূষণ বাবুর বাটীর প্রাঙ্গণে গীতা ব্যাখ্যা করিয়া আমাদিগকে মোহিত করিতে লাগিলেন। একদিন বিশেষ কৃপা করিয়া আমাকে বলেন—আমি সপরিবারে তোমার জামালপুরের বাটীতে যাইব। তাহাতে আমার মনে এই

ধারণা হইল আমার পত্নীকে দয়া করিয়া চরণ দর্শন দিবার জন্য বাবার এই চাতুরি। এত দয়া না থাকিলে তাঁহাকে দয়াময় বলিবে কেন? যাহা হউক আমি গঙ্গাপ্রসাদ বাবুর জুড়িগাড়ি আনাইয়া মা বাবাকে লইয়া জামালপুর চলিলাম।

বাবার সমভিব্যাহারে মাননীয় চণ্ডিচরণ ঘোষাল এবং তারাভূষণ বাবুও চলিলেন। জামালপুরে আমাদিগের ঔষধালয় বাটীতে অবতরণ করিলেন; আমার স্ত্রী এই বাটীতেই ছিলেন, সুতরাং তিনি মাতাঠাকুরাণীকে সম্মান পূর্বক গৃহে লইলেন। বাবা ডাক্তারখানায় বসিয়া জামালপুরের ক্রিয়ান্বিতগণের আনন্দ বর্দ্ধন করিতে লাগিলেন। হঠাৎ বলিয়া উঠিলেন,—“আমি আর কোথা যাইব না, যাহাদিগের ইচ্ছা হইবে তাঁহারা এই স্থানেই আসিয়া দেখা করিয়া যাউন।” এই কথা শ্রবণ করিয়া কেহ কেহ মনে ব্যথা পাইলেন। আমি বরং বাবার ইচ্ছার বিরুদ্ধে বলিলাম,—এই স্থানে অনেক ক্রিয়ান্বিতা মাতাগণ আছেন; যাহারা পদব্রজে দিবসে এরূপ স্থানে আসিতে লজ্জিত হন, অথচ আপনার শ্রীচরণ দর্শনাভিলাষিনী হইয়া আপন আপন ভবনে অধৈর্য হইতেছেন; তাঁহাদিগের প্রতি দয়া প্রকাশ করিয়া তাঁহাদিগের দর্শন দিউন। কিন্তু আমার কথার উত্তরে পুরুষ ব্যাঘ্র স্বরূপ মহাপুরুষ গম্ভীরভাবে কহিলেন,—“পিপাসাতুর ব্যক্তি কুয়ার নিকট গমন করেন, কিন্তু কুপ কি পিপাসাতুর ব্যক্তির নিকট যাইয়া থাকে?” তিনি ভাবময় পুরুষ, কি ভাবে অপূর স্থানে গমন করিলেন না। হয়তো শিষ্যবর্গের ভক্তির পরীক্ষার জন্য এই লীলা করিলেন, তাহা তিনিই জানেন।

যাহা হউক অনেকেই বাবার সকাশে আগমন করিয়া হৃদয় মন সার্থক করিলেন। বাবা ও মাতাঠাকুরাণী সেবা অস্ত্রে মুন্দের প্রত্যাগমন করিলেন, যাইবার সময়ে আমাকেও সঙ্গে যাইতে আদেশ করিলেন। এই সময়ে বাবা মুন্দের সিদ্ধাশ্রম বাটীতে উপস্থিত হইয়া প্রতিষ্ঠা করেন এবং চণ্ডিবাবু দ্বিবারাত্র উক্ত বাটীতে অবস্থিত করিতে আদিষ্ট হইলেন। আমি প্রতিদিন

জামালপুর হইতে প্রাতের গাড়িতে পূর্ব সরাই ষ্টেশনে অবতরণ করিয়া পাঙ্কি করিয়া আশ্রম বাটীতে উপস্থিত হইতাম, ২ ঘণ্টা কাল তথায় থাকিয়া রোগীদিগকে ঔষধি ব্যবস্থা করিয়া দশ ঘটিকার গাড়িতে জামালপুর প্রত্য-গমন করিতাম। সিদ্ধাশ্রম ঔষধালয়ে গাননীয় চণ্ডিবাবু আমার সহকারীরূপে কার্য্য করিতে লাগিলেন। যখন আমি জামালপুর থাকিতাম আমার অস্থপস্থিতিতে তিনি রোগীদিগের ঔষধি প্রদান করিতেন।

বাবার সিদ্ধাশ্রম প্রতিষ্ঠা করিবার পর তারাতুষণ বাবুর বাটী হইতে ৩৩ গীতাসভা এই সিদ্ধাশ্রম বাটীতেই প্রতিষ্ঠিত হইল এবং প্রতি রবিবারে অপরাহ্ন ৮টার ঘটিকা হইতে ছয় ঘটিকা পর্যন্ত ৩ গীতা ব্যাখ্যা করিবার ভার এই অর্কাচীনের উপর বাবা প্রদান করেন। এতদূশ দুরূহ কার্যের ভার আমার গায় মুর্খের উপর কেন দিয়াছিলেন, তিনিই বলিতে পারেন। প্রতিষ্ঠার প্রথম রবিবারে বাবা আচার্য্যরূপে ৩ গীতার ব্যাখ্যা করিয়াছিলেন, তাহা শ্রবণ করিয়া কি ক্রিয়ান্বিত কি অক্রিয়ান্বিত সকলেই মুগ্ধ হইলেন। উপরে যে ঘরে সভা হইত, লোকে লোকারণ্য, এমন কি বারান্দার লোকের জনতায় অস্থির হইতে হইত। প্রতি রবিবারেই এইরূপ জনতার বৃদ্ধি হইতে লাগিল।

বাবার মুন্সের অবস্থিতিকালীন আমি প্রাতে মুন্সের যাইয়া সিদ্ধাশ্রমের ঔষধালয়ের কার্য্য সমাপন অস্ত্রে পরাংপর বাবার চরণ দর্শন অস্ত্রে দশ ঘটিকার গাড়ীতে জামালপুর গমন করিতাম এবং আহ্নারান্ত ১ টার গাড়ীতে পুনরায় মুন্সের আসিয়া তারাতুষণ বাবুর বাটীতে সকল ভ্রাতাগণের সহিত সমবেত হইতাম ঐ সময়ে মুন্সেরের স্কুল কাছারির কার্য্য প্রাতঃকালে হইত সুতরাং সকল ভ্রাতাই আহ্নার অস্ত্রে বাবার নিকট আসিয়া উপস্থিত হইতেন। অপরাহ্ন হইতে রাত্রি ৮২ ঘটিকা পর্যন্ত বাবার শ্রীমুখ নিম্নত সুখা স্বরূপে উপদেশ শ্রবণ করিয়া সকলেই আনন্দে বিভোর হইতেন। ঐ সময়ের কথা হৃদয়পটে উদ্ভিত হইলে সংসারকে তুচ্ছ জ্ঞান করিতে হইবে এক পরমানন্দের বাক্য-সুখা।

বাবার আদেশে সিদ্ধাশ্রমের নিয়মাবলী লিখিত হইল। এই ধর্মসভায় জামালপুর মুন্সের এবং ভাগলপুরের ক্রিয়ান্বিতগণ সকলের সাধ্যমত এককালীন টাকা দান করেন এবং প্রতি মাসে সকলের আয় অনুসারে টাকা দেওয়া নির্ণীত হয়। পুরাতন বাবাও এককালীন ১০ টাকা প্রদান করেন। এই দানের টাকাতে সভার প্রয়োজনীয় জিনিষপত্র খরিদ করা হয়। মাসে মাসে যে টাকা সংগ্রহ হইবে তাহা দ্বারা সিদ্ধাশ্রম বাটা ভাড়া, দেশীয় ঔষধির মূল্যের ক্রয়াদান এবং আমার জামালপুর হইতে মুন্সের গমনাগমনের রেলওয়ের টিকিটের মূল্য দেওয়া সাবস্তু হয়। সকল সংকুলান হইয়া অবশিষ্ট টাকা সিদ্ধাশ্রম তহবিলে মজুত থাকিবে, লিপিবদ্ধ হয়। এবং সময়ে ১২ টাকা ধর্মকার্যে ব্যয়িত হইবে স্থিরীকৃত হয়। অধমাদমকে উপাচার্যের কার্যে বাবা বরণ করেন এবং কলেকটরির রোডসেস্ হেড ক্লার্ক মাননীয় শ্রীযুক্ত মনোমোহন চট্টোপাধ্যায় মহাশয়কে আমার সহকারীরূপে বরণ করেন। মাননীয় চারুভূষণ বন্দ্যোপাধ্যায় এই সভার কার্যাধ্যক্ষরূপে মনোনীত হইলেন।

এই সময়ে বাবা মুন্সেরে একমাস রুপা করিয়া অবস্থিতি করিয়া ঐকান্তিক প্রত্যাগমন করেন। এদিকে জামালপুর হইতে অফিস কলিকাতায় স্থানান্তরিত হওয়ায় জামালপুর প্রায় বাঙ্গালী ভদ্রলোকশূন্য হইয়া পড়িল, সেইজন্য আমার চিকিৎসা কার্যেরও ব্যাঘাত হইল। এদিকে মুন্সেরের গঙ্গাপ্রসাদ প্রধান ধনী, তিনি বারম্বার মুন্সের যাইতে অস্বস্তি করায় এবং মুন্সেরের ভ্রাতাগণের ভ্রয়োভূয় আকিরুনে বাবার আদেশ মত সপরিবারে ঔষধি ও জিনিষপত্রসহ মুন্সেরের সিদ্ধাশ্রম বাটাতে গমন করিয়া ঔষধালয় খুলিলাম। সিদ্ধাশ্রম ঔষধালয়ের সহিত আমার ঔষধালয় একত্রিত হইল। মাননীয় চণ্ডি দাদা বাবার আদেশ অনুসারে কলিকাতায় প্রত্যাগমন করিলেন। তদবধি নিয়মক্লে গীতা সভা হইতে লাগিল।

মুন্সেরের দুর্গে সব খুব জাঁকজমক বিশিষ্ট। প্রায় ৩০০০ ধান প্রতিমা অতি সমারোহে রাজী বাজনা করিয়া বিজয়া হইয়া গাংক তাহা দেখিবার

জিনিষ। যেখানে রামলীলা হয় ঐ ময়দানে সকল প্রতিমা সমবেত হয়, প্রায় এক লক্ষ লোকের সমাগম হয়। একবার পূজার সময়ে বাবা মহা অষ্টমীর উৎসব পূর্ণিয়ার সাতকড়ি বাবুর বাটীতে সম্পাদন করেন, বাবা ও সাতকড়ি বাবু মুন্সের ও জামালপুরের ক্রিয়ান্বিতগণকে ঐ উৎসবে একত্রিত হইতে নিমন্ত্রণ করেন। সাতকড়ি বাবুর জ্যেষ্ঠতাত পুত্র, তারাভূষণ বাবু, সন্তোষ বাবু, ভূপালবাবু উকিল, ভাগলপুরের বাবুদিগের ভাগ্নেয় শ্রীরমেশচন্দ্র সিং, বেলেলিরাজ ষ্টেটের অডিটার বাবু ঈশ্বরমেশচন্দ্র চক্রবর্তী এবং আমি ডাকগাড়িতে পূর্ণিয়া রওনা হইলাম। সকল ভ্রাতায় একত্রিত হইয়া যাইতেছি—কি আনন্দ।

যথা সময়ে সাহেবগঞ্জ ষ্টেশনে যাইয়া দেখিলাম, পরাপংপর বাবা, পরমা-
রাধ্যা মাতা ঠাকুরাণী, সন্ধ্যার গাড়িতে আরও কয়েকটি ভ্রাতা কলিকাতা হইতে আসিয়া আমাদের জন্য সাহেবগঞ্জে অপেক্ষা করিতেছেন। আমরা গাড়ী হইতে অবতরণ করিয়া বাবা ও মাতা ঠাকুরাণীর শ্রীচরণ দর্শন এবং স্নানান্তর ভক্ত ভ্রাতাগণকে সন্দর্শন করিয়া আনন্দোচ্ছ্বাসে হৃদয় উথলিয়া উঠিল। অল্পক্ষণ পরে মতিহার ষ্টেশন অভিমুখে গাড়ী ছাড়িল। পরাপংপর বাবা ও মাতা ঠাকুরাণী প্রথম শ্রেণীর গাড়ীতে উঠিলেন। আমরা সকল ভ্রাতা মধ্যম শ্রেণীর গাড়ীতে আনন্দ করিতে করিতে সক্রিগলি ষ্টেশনে উপস্থিত হইলাম। তথায় অবতরণ করিয়া বাষ্পীয় পোতে গঙ্গা পার হইয়া মতিহারি ষ্টেশনের অপর পারে পৌঁছিলাম। প্রায় ২ ঘণ্টা সময় ষ্টীমারে থাকিতে হইয়াছিল।

মতিহারী ষ্টেশনে আমরা প্রায় ৮ ঘটিকা প্রাতে উপস্থিত হইলাম। তথায় যৎকিঞ্চিৎ জলপান অস্তে উত্তরবঙ্গ রেলওয়ের মধ্যম শ্রেণীর গাড়ীতে উঠিয়া আনন্দ করিতে করিতে যাইতে লাগিলাম। মধ্যম শ্রেণীর সমস্ত কানরা আমরা অধিকার করিয়াছি। বাবার গুণানুবাদ করিতে করিতে চলিলাম, সে এক বিমল আনন্দ। সংসার ভুলিয়াছিলাম, মুখে আনন্দ, মনে আনন্দ, প্রতিপদ বিক্ষেপে আনন্দ, সকলের আনন্দ মিলিয়া পরমানন্দ পুরুষের স্বয়ংক্রমে প্রতিধ্বনিত হইতে লাগিল। যে স্থানে যাইতেছি সেও এক

আনন্দপুরী। এ সময়ে সংসারের মোহ মায়া যেন সকলেই ভুলিয়াছেন। আর যে কখন নিরানন্দ আসিবে ইহা যেন কাহারও মনে আসিতেছে না! মনে এরূপ ধারণা হইতে লাগিল, যেন পূর্বকালের কোন মহামুনি সশিষ্যে কোষায় গুম্বন করিতেছেন।

যখন আমরাদিগের গাড়ী কাটিহার ষ্টেশনে উপস্থিত হইল তখন শুনলাম, আমরাদিগকে এই ষ্টেশনে অবতরণ করিয়া পূর্ণিয়ার লাইনের গাড়ীতে উঠিতে হইবে। আমরা তদ্রূপ করিতেছি এমত সময়ে প্লাটফর্মে আনন্দ কোলাহল উথিত হইল। শুনলাম আমরাদিগের একজন গুরুভ্রাতা শ্রীযুক্ত অক্ষয়কুমার মিত্র এই কাটিহার মহকুমার মুন্সেফ, পূর্ব সংবাদে বাবার শ্রীচরণ দর্শনার্থ ষ্টেশনে অপেক্ষা করিতেছিলেন। তাঁহার সহিত আলাপ হইয়া এবং তথায় আরও দুইটা ক্রিয়াস্থিত উপস্থিত ছিলেন। আনন্দে আনন্দে যেন আমরা কিস্তৃত কিম্বাকার হইতে লাগিলাম। আমরা মায়িক জীব সদা নিরানন্দে ভাসিয়া থাকি, এক আনন্দময়ের আশ্রমে চলিতেছি কিনা, সেইজন্য তাঁহার সর্বদিকে আনন্দ। তাহা প্রদান করিয়া আমরাদিগের শোক জর্জরিত মনকে যেন আনন্দে ভাসাইয়া চলিয়াছেন। সে এক বিচিত্র কথা।

বাবার আদেশ মত পূজার কয়েকদিবস অক্ষয় বাবু পূর্ণিয়া যাইবার জন্ত স্বীকৃত হইলেন। যথাসময়ে গাড়ী ছাড়িল, আমরা আন্দাজ বেলা ১০।। ঘটিকার সময়ে পূর্ণিয়া ষ্টেশনে উপস্থিত হইলাম। বাবা ও মাতাঠাকুরাণীর জন্ত সাতকড়ি দাদা পাঙ্কি রাখিয়াছিলেন, তদ্ব্যতীত তাঁহারা অবতরণ করিয়াই ভাটামহল্লায় সাতকড়ি বাবুর বাটা রওনা হইলেন। আমরা অনেকগুলি ভ্রাতা আসিয়াছি তাঁহার উপযোগী ঘোড়ার গাড়ি, শ্যাম্পনি এবং আমরাদিগের জিনিষ পত্র লইয়া যাইবার জন্ত ২।৩ খানি গরুর গাড়ী রাখিয়াছিলেন। সুতরাং আমরাদিগেরও রওনা হইতে সুধিক বিলম্ব হইল না। ভাটা, পূর্ণিয়া ষ্টেশন হইতে এক ক্রোশের সুধিক হইবে। আমরা অল্প সময়ের মধ্যেই নির্ধারিত স্থানে পৌঁছিলাম। রাস্তার দুইধারে ভীষণ জঙ্গল এবং খানা ভোবা বিরূপ শ্যাং-

সেতে জঙ্কলে পূর্ণ। নদীর অবস্থা অতি শোচনীয়, পূণিয়াকে যে একপ দেধিব পূর্বে ধারণা করিতে পারি নাই।

সাতকড়ি বাবুর ঘাটি একতলা পাকা চক, বাহিরে একখানি সুসজ্জিত বাঙ্গালা, ঐ বাঙ্গালায় আমাদিগের থাকিবার স্থান নির্দিষ্ট হইল। পরাধিকার বাবা অধিকাংশ সময় এই বাঙ্গলায় অবস্থিতি করিতেন। এখানে প্রায় ১৩।১৪ জন ক্রিয়ান্বিত ছিলেন, ক্রমে ক্রমে সকলে আসিয়া সমবেত হইতে লাগিলেন। সে এক মহা ক্রিয়ান্বিতের জনতা। সন্ধ্যার সময়ে গীতা পাঠ সংকীর্তন ও যোগ-সঙ্গীতে সকলে ভরপুর হইতেন। দিবারাত্র ধর্ম আলোচনা, সংসার যেন আহার্য নাই, শরীরেই ধর্ম লইয়া মাতোয়ারা, তাহা মনে করিলেও অশাস্ত্র হৃদয়ে শান্তির উদয় হয়।

যে দিনসে আগ্রা উথায় উপস্থিত হই, ঐ দিবস ষষ্টি তিথি। সাতকড়ি বাবু ভীর্গাবান পুরুষ, শিবদুর্গাকে ঐ তিথিতে ধরে মঙ্গলাচরণ করিয়া আনিলেন। ভূতনাথের সহিত ভূত প্রেতের অভাব ছিল না, সে ভূতের জীখনও সাধক ধর্মিতে হইবে। সপ্তমীর দিবারাত্র আহারাদির বিলক্ষণ আয়োজন, কোন জিনিষের অপ্রতুল ছিল না। “খাও খাও” “লও লও” ভিন্ন অন্য কথা নাই। এই দিবস অক্ষয় দান্য মুসক মহাশয় কাঠিহার হইতে আগমন করিলেন। পরদিবস মহা অষ্টমী, বেলা ৮ ঘটিকার মধ্যে সন্ধিক্ষণ স্তব্রাং অতি প্রত্যুষে শরবারাধ্যা মাতাঠাকুরাণী : আমাদিগের পরম গুরুদেবের প্রতিমূর্ত্তিধানি নানা প্রকার হুন্দর পুষ্প সজ্জিত করিতে লাগিলেন।

সাতকড়ি বাবু পূণিয়ার মধ্যে একজন ধ্যানমা উচ্চপদস্থ উকীল, মিউনিসিপালিটির এবং ডিঃ বোর্ডের চেয়ারম্যান এবং আরও কয়েকটা উপাধিতে ভূষিত। কথাকীর্ত্তি, ম্যাগিস্ট্রেট সকল সাহেবই তাঁহাকে মান্য করেন স্তব্রাং সাহেবের বাঙ্গালা হইতে নানা প্রকারের পুষ্প আনিতে লাগিল। তাঁহার বাটিকর নানারূপ হুন্দর পুষ্পের তোরণে সজ্জিত করা হইল।

সন্ধিক্ষণের পূর্বে ঘাষা সকল ক্রিয়ান্বিতগণকে বাটার মধ্যে পরমগুরুদেবের

প্রতিমূর্তির চতুর্দিকে উপবেশন করিতে আদেশ প্রদান করায় তক্রপই হইল । যথা সময়ে বাবার শ্রীমুখ দ্বারা গীতাপাঠ ও ফুল চন্দন অর্পন অশ্বে, একে একে আমাদের সকলকে ফুল চন্দন দিতে আদেশ প্রদান করায় তক্রপ হইল এবং সকলে বাহিরে আগমন করিয়া যোগ-সঙ্গীতের গানে দিবা রাত্র অতি অনিন্দে অতিবাহিত করিলেন । বেলা বার ঘটিকার সময়ে পূর্ণিয়ার স্থানীধি এবং আমরা সকলেই সমারোহ পূর্বক প্রসাদ ভক্ষণ করিয়া পরিতৃপ্ত হইলাম ।

পরদিবস আহারাশ্বে আমরা কয়েকটা ভ্রাতা একত্রিত হইয়া পূর্ণিয়ার আদালত গৃহ এবং বাজার দর্শন মানসে অশ্বশকটে বহির্গত হইলাম । বাজারটি অন্যান্য জেলার বাজার অপেক্ষা হীন, আদালত গৃহসকল অন্যান্য জেলার গৃহ একস্থানে সন্নিবেশিত নহে । উকিল কিম্বা আদালতের কর্মচারিদিগের বড়ই কষ্ট, কারণ এক কাছারি হইতে অন্য কাছারিতে যাইতে হইলেই বুক দুড় দুড় করে এবং চাল চিঁড়ে সংগ্রহ করিয়া যাইতে হয় । কোন কাছারি একপোয়া, কোন কাছারিগৃহ অর্ধক্রোশ দূরে অবস্থিত, অথচ পূর্ণিয়া ইংরেজ-রাজের একটা বড় জেলা, সকলই কিছৃত কিম্বাকার । ম্যালেরিয়ার প্রকোপ এই সহরে বড় কম নহে । বাটা ভাড়া পাওয়া দুর্গট, আমলা এবং উকীলগণ আপন আপন বাটা প্রস্তুত করিয়া বসবাস করিয়া থাকেন । সন্ধ্যার সময়ে আমরা বাসায় প্রত্যাগমন করিয়া বাবার সহিত সংমিলিত হইলাম এবং গীতাপাঠ গীতাব্যাখ্যায় সকলেই আনন্দে আত্মহারা হইলাম ।

ঐবিজয়াদশমীর দিবস বৈকাল বেলায় সাতকড়ি বাবুর বাটাতে দুইজন ক্ষত্রিয় বংশীয় ভদ্রলোক এবং শ্রীযুক্ত অরবিন্দ শর্মা নামক আসাম দেশীয় ব্রাহ্মণ ক্রিয়ান্বিত একাধা নামক গ্রাম হইতে আসিয়া উপস্থিত । পূর্ণিয়ার বাবার শ্রীচরণে প্রণাম অশ্বে করিলেন, অনেকগুলি ক্রিয়ান্বিতের প্রতিনিধি স্বরূপ আমরা উক্ত গ্রাম হইতে আসিয়াছি । গ্রামস্থ সকল ক্রিয়ান্বিতের সাহু্য প্রার্থনা, বাহাতে পরাংপর ইষ্টদেব সশিষ্যে তথায় পদধূলি প্রদান করিয়া তাঁহাদিগের ক্ষুদ্র গ্রামকে পবিত্র করেন এবং তাঁহাদের সকলের মনোবাঞ্ছা

পূর্ণ করিয়া অতুল আনন্দ প্রদান করেন। বাবা তৎশ্রবণে যাইতে স্বীকার করিলেন এবং আমাদের কয়েকজনকে তাঁহার সহিত যাইতে আদেশ প্রদান করায়, পরদিবস আমরা যাইতে প্রস্তুত হইলাম।

একাদশীর দিবস আহাৰাস্তে বাবার সহিত আমরা পূর্ণিয়া ষ্টেশনে উপস্থিত হইয়া বেলা ১০—৩০ মিনিটের গাড়ীতে একাধা ষ্টেশনে রওনা হইলাম, এই ষ্টেশন পূর্ণিয়া হইতে ২৩টী ষ্টেশনের উত্তরে। ষ্টেশন হইতে একাধা গ্রাম প্রায় দুই ক্রোশ দূরবর্তী। আমরা একাধা ষ্টেশনে অবতরণ করিয়া কয়েকটী হস্তী ও বাবার নিমিত্ত অতি সুসজ্জিত পান্নি অপেক্ষ করিতেছে দেখিতে পাইলাম। তাহা ভিন্ন আমাদের জিনিষ পত্র লইয়া যাইবার ক্ষণ একখানি গোরুকাটা আসিয়াছে। আমরা ষ্টেশনে অবতরণ করিবামাত্র পরম্পর ইষ্টদেব মহাশয়কে প্রথমেই পাঠান হইল। আমরা তৎপশ্চাৎ আপন আপন হস্তিয়ানে রওনা হইলাম এবং কয়েকটী নদী নালা পার হইয়া একাধা গ্রামে উপস্থিত হইলাম।

যে বাটীতে আমাদের হস্তী উপস্থিত হইল দেখিলাম যে যেন বিবাহের বাটী। প্রকাণ্ড চন্দ্রাতপে শ্রাদ্ধন পরিবেষ্টিত লোকে লোকারণ্য। ঐ চন্দ্রাতপের তলদেশে অনেক লোক উপবেশন করিয়া রহিয়াছেন, আমাদের দেখিয়া তাঁহারা সমস্তই গাত্ৰোখান করিয়া আমাদের সম্মুখ করিলেন এবং একখানি সজ্জিত বাঙ্গালার ভিতর লইয়া যাইলেন। দেখিলাম যদিচ বাটীটি খড়ের, কিন্তু পুষ্পে পুষ্পে এরূপভাবে সজ্জিত করা হইয়াছে তাহাতে এক মনোরম দৃশ্যের আবির্ভাব হইয়াছে। ঐ বাঙ্গালার ভিতর কাষ্ঠাসনের উপরে ফরাস পাত, তাহার এক পাশ্বে বাবা সুসজ্জিত আসনে উপবিষ্ট রহিয়াছেন, আমাদের দেখিয়া রাত্তার কুশল জিজ্ঞাসা করিয়া তাঁহার পাশ্বে বসিয়া আমরা বসিতে আদেশ প্রদান করিলেন।

বাবার অপর পাশ্বে, তাঁহার ফটো ও পরম গুরুদেবের ফটো পুষ্প চন্দনে সুশোভিত রহিয়াছে। ভূত্যাগণ বাঁজন করিতে লাগিল, আমরা প্রকৃতিস্থ

হইয়া বাবার মহিমা দেখিয়া অবাক। কি আশ্চর্য্য! বাবার সকলই গুণ। পূর্ণিয়া জেলার প্রান্তদেশে হিন্দুস্থানি ক্ষত্রিয় বৈশ্য এতগুলি ক্রিয়ান্বিত এক গ্রামে আছেন আমরা ইতিপূর্বে ঘূণাক্ষরে জানিতাম না। আবার এই গ্রামে ব্যবসা উপলক্ষে কয়েকজন বাঙ্গালি বাবুও আছেন। ইহারা বহু পূর্বে বাবার নিকট উপদেশ পাইয়া কেমন একস্থানে ৪০।৫০ জন ভ্রাতার সহিত একত্রিত হইয়াছেন। এই গ্রামে উচ্চ ক্রিয়ান্বিত ডাক্তার বাবু অরবিন্দ শর্মা আসামদেশীয় ব্রাহ্মণ। ডাক্তারি কার্য উপলক্ষে এখানে মিলিত হইয়া সকলকে আনন্দ প্রদান করিতেছেন।

যাহা হউক অল্পক্ষণ পরেই বাবা আমাদের দর্প চূর্ণ করিবার জগুই যেন তথাকার ক্রিয়ান্বিতগণের প্রতি এইরূপ আদেশ প্রদান করিলেন “একে একে সকলেই আপন আপন ক্রিয়া দেখাও।” তাঁহারা সকলেই একে একে ক্রিয়া দেখাইতে লাগিলেন। বাঙ্গালী (বাক্যানবিশ, মুখ সর্বস্ব) ক্রিয়ান্বিতগণ অপেক্ষা তাঁহাদের কার্য এবং ভক্তি শতগুণে প্রশংসনীয়। আরও কয়েকটি অগ্ৰাণ ক্রিয়াও দান করিলেন। ইহা ভিন্ন দ্বারবন্ধ জেলা হইতে ক্রিয়া পাইবার জগু ২।১ জন বহু উপস্থিত। বাবা তাঁহাদিগের মনোরথ পূর্ণ করিলেন। অন্তর মহলে ক্রিয়ান্বিতগণের ক্রিয়া পরিদর্শন অভিপ্রায়ে বাবা গমন করিলেন। গ্রামের প্রত্যেক ব্যক্তি যেন লক্ষ্মীর বরপুত্র, ধন ধাত্রে পরিপূর্ণ।

মহাসমারোহে তথাকার ভ্রাতাগণ জলপান করাইলেন তৎপরে সন্ধ্যার প্রাক্কালে বাঙ্গালী, হিন্দুস্থানি, আসামি, ক্রিয়ান্বিত ভ্রাতাগণ সমবেত হইয়া গ্রামের উত্তরাংশে আশ্র কাননের অতি সন্নিহিতে একটা পার্বত্য নদীর তীরদেশে বায়ু সেবন মানসে গমন করিলেন। ঐ স্থানটা অতি মনমুগ্ধকর। তথায় প্রকৃতির শোভায় মোহিত হইয়া সকলে যেন মন প্রাণ এক করিয়া যোগ-সঙ্গীতের গানে সকলে নাভোয়ারা হইয়া নৃত্য করিতে লাগিলেন। প্রায় ১০।৮০ জন ভ্রাতা বাবার মহিমা কীর্তন করিয়া আনন্দে বিভোর হইলেন। উত্তরে ধবলাগিরী দৃষ্টিগোচর হইতেছে, নদীর জল খরতর

শ্রোতে নাচিতে নাচিতে চলিয়াছে, এইরূপ দৃশ্যে মানবগণ মুগ্ধ না হইবেন কেন? ইত্যবসরে পুরুষ সিংহ কয়েকটি শিষ্য সমভিব্যাহারে তথায় উপস্থিত হইলেন। ইহাতে সকলের মনের আনন্দোচ্ছ্বাস যেন দ্বিগুণ বাড়িয়া উঠিল। বাবা কাঠাসনে বসিয়া আমাদের ভাব লক্ষ্য করিয়া আনন্দিত হইলেন এবং বলিলেন হিন্দুস্থানি, বাঙ্গালী ও আসামি ভ্রাতাগণ সমবেত হইয়া হিংসা ঘেষ শূন্য হইয়া ভারত সন্তানগণ পূর্বকালের গায় যোগরত্ন উদ্ধার করিয়া স্বাধীন ভাবাপন্ন হউন।

নদীর তীর হইতে ডাক্তার বাবুর ভবনে প্রত্যাগমন করিয়া বাবার গীতা ব্যাখ্যা শ্রবণে সকলে উৎসুক হইলেন এবং পরাংপরও সকলকে মোহিত করিলেন। রাত্রে অতি উপাদেয় জলপান অস্ত্রে প্রত্যুষে বাবার সমভিব্যাহারে একান্ত নির্দারিত যানে প্রত্যাগমন করিয়া বাঙ্গালী শকটের জন্ত প্রতীক্ষা করিতে লাগিলাম। প্রাতে ৭ ঘটিকার সময়ে পূর্ণিয়া যাত্রা করিলাম। যথাসময়ে মাননীয় সাতকড়ি বাবুর ভবনে উপস্থিত হইয়া সকলের সহিত সংমিলিত হইলাম এবং বাবার মহিমা লইয়া আনন্দ করিতে লাগিলাম।

দুই দিবস পরে কাঠিহারের মুন্সেফ বাবু পরাংপর ইষ্টদেব এবং আমাদের গীতিকাঠিহার ভবনে যাইতে নিমন্ত্রণ করিলেন। আমরা সর্বদা সন্তোষে বাবার সহিত আনন্দ করিতে করিতে পূর্ণিয়া হইতে রেল শকটে যাত্রা করিলাম। কাঠিহার ষ্টেশনের নিকটেই তাঁহার বাসভবন, তত্রাচ বাবার জন্ত পান্ডিত্য দাদা উপস্থিত ছিলেন। আমরা মহা আনন্দে তাঁহার বাটতে উপস্থিত হইলাম। মাননীয় অক্ষয় বাবু মহা সমারোহে আয়োজন করিয়া ছিলেন। দক্ষিণ হস্তের ব্যাপার সমাপন এবং নানারূপ সংকথা আলোচনার পরে আমরা সকলে কাঠিহার ষ্টেশনে আসিলাম। আমার এইস্থান হইতে মুন্সেফ প্রত্যাগমনের কথা ছিল, কিন্তু ভ্রাতাগণ এই হতভাগ্য ভায়ের প্রতি স্নেহ বশতঃ নানারূপ কৌশল করিয়া বাবার দ্বারায় আমার গমন বন্ধ করিয়া দিলেন। সুতরাং বাবার সহিত পূর্ণিয়ায় ফেরত আসিলাম। তৎপরে

৩৪ দিবস তথায় অতিবাহিত করিয়া আমি, সন্তোষ বাবু, রমেশ বাবু এবং উমেশ বাবু মুন্সের যাইবার জন্ত যাত্রা করিলাম। যথাসময়ে সাহেবগঞ্জ ষ্টেশনে অবতরণ করিয়া, যাত্রী গাড়িতে মুন্সের পৌঁছিলাম।

এই ঘটনার প্রায় একবৎসর পরে পরাৎপর ইষ্টদেব পুত্ররূপে দ্বিতীয় জন্মগ্রহণ করিলেন। মহা আনন্দ সংবাদ প্রাপ্ত হইয়া আনন্দিত হইলাম। যথাসময়ে খোকা দাদামহাশয়ের অন্তপ্রাশন সম্পন্ন করিবার অনিশ্চয় ইচ্ছা প্রকাশ করিয়া নিমন্ত্রণ করিবার ভার আমার প্রতি অর্পণ করিলেন এবং তাঁহার আদেশমত মুন্সের ও জামালপুরের প্রত্যেক ক্রিয়ান্বিতের বাসিতে উপস্থিত হইয়া সকলকে আমন্ত্রণ করিয়া আসিলাম এবং যাহার 'মুকলে' দেওঘরে বাবার নামে সমবেত হইয়া কার্য সম্পন্ন করেন এরূপ বিনীত ভাবে অনুরোধ করিলাম সুতরা, কিন্তু সকলের ভাগ্যে যাওয়া হইল না। এই উৎসবের জন্ত লক্ষ্মীসরাই, বহি এবং ভাগলপুরস্থ ক্রিয়ান্বিতগণকেও নিমন্ত্রণ করা হয় এবং মুন্সেরের হিন্দুস্থানি ক্রিয়ান্বিত ভ্রাতাগণকেও নিমন্ত্রণ করা হইয়াছিল। অপরাহ্নের গাড়িতে মুন্সেরের এবং জামালপুরের কয়েকটি ভ্রাতাসহ যাত্রা করিলাম। ভাগলপুর হইতে ঐ গাড়িতে দুই একটি ক্রিয়ান্বিত আসিয়া আমাদের সহিত সংমিলিত হইলেন। সকলে একত্রিত হইয়া আনন্দ করিতে করিতে জামালপুর ত্যাগ করিলাম।

লক্ষ্মীসরাই ষ্টেশনে গাড়ির জন্ত কিছুক্ষণ অপেক্ষা করিতে লাগিলাম। যথাসময়ে গাড়ি পশ্চিম হইতে আসিলে দেখি, তাহাতে বহি হইতে দুই একটি ভ্রাতা আসিয়া মিলিলেন। লক্ষ্মীসরাই ষ্টেশনে সকল ভ্রাতা এক গাড়িতে উঠিলাম এবং মহা আনন্দে আনন্দময়ের ধামে পৌঁছিলাম। বৈষ্ণনাথ ষ্টেশনে অবতরণ করিয়া বার্ণ কোম্পানীর ক্ষুদ্রাকারের গাড়িতে দেওঘরে রাত্র আন্দাজ সাড়ে এগার ঘটিকা রাত্রে উপস্থিত হইলাম। আমাদের আগমন সংবাদ শ্রবণ করিয়া গুড়াকেশ বহিবাটীতে আগমন করিয়া সন্তোষ প্রকাশ করিতে লাগিলেন এবং তৎক্ষণাত্ জলখাবার প্রস্তুতের বন্দোবস্ত হইল।

দেখিলাম, অনেকগুলি ক্রিয়ান্বিত ভ্রাতা কলিকাতা হইতে আগমন করিয়াছেন। তাহা ভিন্ন অগ্ণ্য স্থান হইতেও কয়েকজন আসিয়াছেন, যেন ক্রিয়ান্বিতের বাজার। আরও শুনিলাম পবনবসু আরও কয়েকজন আসিবেন। আমাদের মধ্যে কেহ কেহ উদরকে ঠাণ্ডা করিলেন, আগিও নিদ্রার ক্রোড়ে শান্তি স্থখ অনুভব করিলাম। রাত্রি প্রভাত হইল, অদ্য পূজনীয় খোকাদাদার অন্নপ্রাশন উপলক্ষ্যে ব্রাহ্মণ ভোজনের দিন। অন্নপ্রাশন ৭ দিবস পূর্বে সমাধা হইয়া গিয়াছে। এই যজ্ঞের আয়োজন যজ্ঞেশ্বর নিজেই করিয়াছেন।

কলিকাতা নিবাসী বাবু কানাইলাল শেঠ আর্ধ্যমিশনের সেক্রেটারী মহাশয় বাবার ভক্ত শিষ্য, তিনি কয়েক দিবস পূর্বে দেওঘরে আসিয়াছেন, যজ্ঞের রীতিমত আয়োজন করিতেছিলেন। কলিকাতা হইতে কয়েকজন ব্রাহ্মণও আসিয়াছেন, তাহারা নানাবিধ মিষ্টান্ন প্রস্তুত করিতেছেন। সে এক মহা আয়োজন। কানাই বাবু যে কত প্রকাব সব্বৎ প্রস্তুত করিয়াছিলেন তাহার ইয়ত্তা নাই। ঐ দিবস অভাবনীয়রূপে কোথা হইতে প্রকাণ্ড প্রকাণ্ড মৎস্য আসিয়া উপস্থিত হইল। কালিয়া পোলাও যথেষ্ট প্রস্তুত হইয়াছিল। নানাপ্রকার খাদ্যদ্রব্য, সরবৎ, মিষ্টান্ন, সে এক অদ্ভুত ব্যাপার। যিনি তাহা দেখিয়াছেন তিনিই উপলব্ধি করিয়াছেন। বাবার আদেশ মত যজ্ঞেশ্বরের সকল ব্রাহ্মণ, ক্রিয়ান্বিতগণকে পরিবেশন করিতে হইয়াছিল। দেওঘর হইতে প্রায় তিনশত ব্যক্তি নিমন্ত্রিত হইয়া আসিয়াছিলেন। প্রায় এক হাজার লোকের উপযোগী জিনিষপত্রের আয়োজন হইয়াছিল। রাত্রে খোকাদাদার অন্নপ্রাশন উপলক্ষ্যে যে সকল ক্রিয়ান্বিত গীত প্রণয়ন এবং মুদ্রিত করিয়াছিলেন তাহা সঙ্গীত হইল এবং খোকাদাদার করকোষ্ঠী পঠিত হইল তাহাতে এই উপলব্ধি হইল ইনি ধর্ম প্রচারের জন্য 'ভারতবর্ষ ভিন্ন অগ্ণ্য দেশে গমন করিয়া স্বনামধন্য হইবেন। আমরা তথায় দুই দিবস অতিবাহিত করিয়া যজ্ঞেশ্বরে প্রত্যাগমন করিলাম।

এই উৎসবের ৭ মাস পূর্বে বাবার পরম ভক্ত শালকিয়া নিবাসী বাবু

চণ্ডিচরণ ঘোষাল মহাশয় আশ্চর্য্যভাবে দেহত্যাগ করেন। তাহা লইয়া মুঙ্গেরের ক্রিয়ান্নিত মহলে একটা বিষাদের ছায়া পতিত হয়। এই সময়ে পরাংপর ইষ্টদেব আমাকে ক্রিয়া দিবার আদেশ প্রদান করেন। মুঙ্গের জেলার অষ্টপাত্তী কয়েকজন ভদ্রবংশীয় হিন্দুস্থানি কায়স্থ এবং ছত্রী ব্রাহ্মণকে উপদেশ প্রদান করি। জামুই মহকুমার ইংরাজী বিদ্যালয়ের দুইজন শিক্ষক ক্রিয়া লইয়া যান। তন্মধ্যে জগদম বাবু দিন দিন উন্নত হইতেছেন। এই বৎসর মুঙ্গেরের ম্যাজিষ্ট্রেট সেরেস্টাদার বাবু সর্কানী চরণ মুখাপাধ্যায় স্বস্ত্রীক এবং কলেট্টারির হেড কেরানী বাবু গোপাল কৃষ্ণ রায় স্বস্ত্রীক বাবার নিকট হইতে উপদেশ পান।

মাননীয় সর্কানী দাদা এক সময়ে বাবার প্রতি হতশ্রদ্ধ ছিলেন কিন্তু তাহার কৃপায় বাবার একজন ভক্ত শিষ্য হইয়া উন্নতি করিতেছেন। ইনি বাবার প্রতিষ্ঠিত মুঙ্গেরের সিদ্ধাশ্রমের সহকারী সেক্রেটারি হইয়া দিন দিন আশ্রমের উন্নতি করিতে লাগিলেন। মুঙ্গেরের খ্যাতনামা উপেন্দ্র বাবু উকীল, স্ত্রীর প্রাধাণ্যে ক্রিয়ার প্রতি শৈথিল্য এবং আনাদিগের সহিত মিশিতে সাহসী হইতেন না। কি আশ্চর্য্য! একজন বিজ্ঞ বিদ্বান ব্যক্তি স্ত্রীর ভয়ে কাতর হইয়া এই অমূল্য নিধিকে ত্যাগ করিতে লাগিলেন। মুঙ্গেরের খ্যাতনামা ডেপুটী-ইনসপেক্টর-অব-স্কুল বাবু হরিবংশ সাহা স্বস্ত্রীক বাবার নিকট ক্রিয়া পাইয়া সিদ্ধাশ্রমে অনেক সময়ে উক্ত বাবু আত্মকর্ষ্য করিয়া দিন দিন উন্নতি লাভ করিতে লাগিলেন। ইনি পরে পেনসন লইয়া সপরিবারে কাকেশীবাস করিবেন স্থির করেন।

আমার ধর্ম্মপত্নী—ক্রিয়া পাইয়া দিবারাত্রি বিভোর থাকিতেন। মুঙ্গেরের দেশমাণ্ড্য নানকপন্থি স্বরূপদাস বাবাজী বাবার প্রতি অনুরক্ত হইয়া কলিকাতা হইতে উপদেশ লইয়া আসেন। ইহার একটা স্মতার কারখানা এবং সাধুদিগের জন্ম বাটীতে সদাশ্রিত আছে। ইহার আশ্রমকে বড়-সঙ্গ কুহিয়া থাকে। ক্রিয়ার উন্নতি বিলক্ষণ হইতে লাগিল এবং অনেক সময়ে সিদ্ধাশ্রমে

আসিয়া আমার সহিত ধর্মতত্ত্ব লইয়া সময় অতিবাহিত করিতেন। ইনি মুঙ্গের নগরের মধ্যে প্রধানতম বৈদান্তিক বলিয়া বিখ্যাত। ইহার কনিষ্ঠ ভ্রাতা হরিদাস সাধুও পরে উপদেশ পান।

মুঙ্গেরে হইতে বহিঁ ষ্টেশনে প্রায় মধ্যে মধ্যে রোগী দেখিতে যাইতে হইত। তথায় আমাদিগের একজন ক্রিয়ান্বিত ভ্রাতা বাবু যতীন্দ্র নাথ বন্দ্যোপাধ্যায় চিকিৎসা করিতেন। কঠিন ব্যাধি পাইলে আমাকে লইয়া যাইতেন। আমার ছোষ্ঠ ও মধ্যম পুত্রদ্বয় মুঙ্গেরের সরকারী ইংরাজী বিদ্যালয়ে অধ্যয়ন করিত। পরাৎপর-বাবা মধ্যে মধ্যে মুঙ্গেরকে পবিত্র করিতে আসিয়া আমাদিগের মনের মূলিনতা দূর করিয়া যাইতেন। এক সময়ে মুঙ্গেরের তারাভূষণ বাবুর ক্লাস ভবনের প্রাঙ্গণে বাবা কলিকাতা হইতে সুবিখ্যাত ক্রিয়ান্বিতগণকে আনয়ন করিয়া যোগ-ধর্ম-বিষয়ক বক্তৃতা প্রদান করেন। অনেক লোকের সমাগম হয়। মহা অষ্টমীর উৎসব কার্য্য প্রতি পূজার সময়ে সিদ্ধাশ্রমে সম্পন্ন করিতেছিলাম।

যে সময়ে জামালপুর হইতে আমার ঔষধালয় মুঙ্গেরে সিদ্ধাশ্রম দাতব্য চিকিৎসালয়ের সহিত একত্রিত করি, তাহার কিছুদিবস পরে মুঙ্গেরে প্লেগ ব্যাধির সূত্রপাত হয়। প্রথম বৎসরে মুঙ্গেরে অধিক লোকের ঐ ব্যাধিতে প্রাণনাশ হয় নাই। ১৯০২ খৃষ্টাব্দের চৈত্র মাসে জামালপুর নিজ ভবনে আমার ছোষ্ঠ কুমার শ্রীমান জ্যোতীষ চন্দ্রের শুভ উপনয়ন কার্য্য সম্পন্ন হয়। মুঙ্গের হইতে পত্নী পুত্রকন্যাগণসহ উক্ত কার্য্যের এক সপ্তাহ পূর্বে গমন করেন। স্বশুরালয়ে সকল কার্য্যের আয়োজন হয় কেবল উপনয়ন এবং ভোজনাদির কার্য্য নিজ ভবনে সমারোহ পূর্বক সম্পন্ন হয়। মুঙ্গের হইতে মাননীয় তারাভূষণ, ভূপাল, সর্কানি, গোপালবাবুগণ সপরিবারে জামালপুর গমন করিয়া কার্য্য সম্পন্ন করিয়া আসিলেন। পরাৎপর ইষ্টদেব মহাশয়কে সংবাদ দেওয়া হয়, তৎকালিন তিনি তমলুক ছিলেন সুতরাং আগমন করিতে পারেন নাই। উপনয়নের ১০।১১ দিবস পরে পুত্রগণসহ পত্নী মুঙ্গের প্রত্যা-

গমন করেন। এই কার্যও অন্নপ্রাশনের গায় সমারোহে হইয়াছিল বলিতে হইবে।

শেষবার বিবাহের কিছু পূর্বে জন্মভূমি দর্শন এবং বাল্যকালের বন্ধুবান্ধব-দিগকে দেখিবার জন্ত পদব্রজে স্বইচ্ছায় গুপ্তিপাড়া—আমার সাধের গুপ্তিপাড়ায় গমন করিয়াছিলাম। গুপ্তিপাড়ার জমিদার ফটিক বাবুর বাটীতে উপস্থিত হইলাম। পথিমধ্যে বাল্যকালের কথা মনে জাগরুক হইতে লাগিল। সেই পথ—সেই বাটী দৃষ্টিপথে পতিত হইতে লাগিল। আবার অনেক স্থান লোকশূন্য হইয়াছে দেখিলাম, দেশের এত পরিবর্তন যে হইতে পারে তাহা পূর্বে কখনও ভাবি নাই। সেই বৃন্দাবনচন্দ্রের মন্দির—পথ দেখিলাম, কিন্তু যেন সকলই শ্রীহীন হইয়াছে। এই সকল দেখিতে দেখিতে এবং ভাবিতে ভাবিতে নিদ্দিষ্ট বাবুর বাটীতে উপস্থিত হইলাম। ফটিক বাবুর সহিত সাক্ষাৎ করিয়া আনন্দিত হইলাম, আমার জন্ত জলযোগের আয়োজন করিলেন। জলযোগ অস্তে গুপ্তিপাড়ার শ্রীমান সতীশ চন্দ্র ভট্টাচার্য মহাশয়ের বাগান বাটীতে ফটিক বাবুর সহিত গমন করিলাম, সে স্থানে কয়েকজন ভদ্রলোক তাস খেলিতেছিলেন। আমাকে কেহই চিনিতে পারিলেন না, আমার দশাও তথৈবচ। আমার যখন তের বৎসর বয়স্ক, তৎকালীন গুপ্তিপাড়া পরিত্যাগ করিয়া নলডাঙ্গায় মাতুলালয়ে গমন করি। ইহার পূর্বে মহাসমারোহে সতীশ বাবুর বিবাহ হয়, তাহাই মাত্র স্মরণ হয় এবং সতীশ বাবুকে বাল্যকালে অনেকবার দেখিয়াছিলাম—মনে তাহা ধারণা হয় না। সতীশ বাবু আমার মাতামহের কুটুম্ব।

যাহা হউক ফটিক বাবু আমার পরিচয় প্রদান করিলে সকলেই চিনিতে পারিলেন এবং শিষ্টাচারভাবে এবং আত্মীয়ের গায় সকলেই আমার সহিত ব্যবহার করিলেন এবং সতীশ বাবু আমাকে ভ্রয়োভয় তাহার বাটীতে অবস্থিত করিতে অনুরোধ করিলেন। আমায় অনিচ্ছা সত্ত্বেও কার্যে পরিণত করিতে পারিলাম না কারণ আমার জন্ত গুপ্তিপাড়ার জমিদার ফটিক বাবু জলপানের

আয়োজন করিলে রাতে তাহার বাটীতেই জলপান হইল কিন্তু রাতে সতীশ বাবুর বৈঠকখানায় শয়ন করিলাম ইহাতে তাহার বিশেষ আনন্দ। পরদিবস সতীশ বাবুর বাটীতেই আহারাদি ক্রিয়া সম্পন্ন হইল। প্রাতে ফটিক বাবু সহ পাড়ার নিকটবর্তী স্থানে পরিভ্রমণ করিয়া ২।১ জন সমবয়স্কের সহিত আলাপ পরিচয় হইল। কেহই আর চিনিতে পারিলেন না। পরে আমার বাল্যবন্ধু বাবু রজনীকান্ত ভট্টাচার্য্যের বাটীতে গমন করিয়া তাহার মাতাঠাকুরাণীর চরণ দর্শন করিলাম তিনিও বিশেষ আহ্লাদিতা হইলেন।

অপরাত্নে গোপজাতীয় কুঞ্জ গোপের সহিত দেখা হইল। ত্রিশ বৎসরের পরে এই বাল্যবন্ধু আমাকে চিনিতে পারিলেন এবং অশ্রু বিসর্জন করিতে লাগিল। সে এক মহা আনন্দ! তাহার সহিত আমার যেমন অকপট বন্ধুত্ব ভাব ছিল, তাহার পরিচয় কুঞ্জ দিয়াছিল। কুঞ্জ অতি গরীবের পুত্র কিন্তু দেখিলাম ইষ্টক অট্টালিকা প্রস্তুত করিয়াছে ধন ধায়ে শ্রীমান, মনে বড়ই আনন্দ হইল। দুই দিবস তথায় অতিবাহিত করিয়া বাস্পীয় পোতে বলাগড়ে প্রত্যাগমন করিলাম। জন্মভূমি এবং জন্মবাটী দেখিতে গমন করিয়াছিলাম। সে স্থানে বাগান প্রস্তুত হইয়াছে স্থান নির্ণয় করিতে পারিলাম না! কি পরিবর্তনশীল জগৎ! এক সময়ে যে স্থানে অট্টালিকা বাজার হাট, আবার কয়েক বৎসরের মধ্যে ঐ স্থানের ভয়ানক পরিবর্তন হইয়া থাকে। কালেতে কি না হয়? জীব যেরূপ মরজগতে কালে বিলীন হয়, জীবের আবাস ভূমিও সময়ে কালের স্রোতে শ্মশানভূমি অথবা বন জঙ্গল বা নদীতে পরিণত করাইয়া দিয়া থাকে। জন্মভূমি দেখিতে যাইলাম, বাটী নাই, যেস্থানে বাটী ছিল তাহাও নির্ণয় হইল না। এককালে যে বাটীতে মহা সমারোহে পূজা পার্বন হইয়া গিয়াছে, প্রকাণ্ড স্থিতল অট্টালিকা পাড়ায় শোভা বর্ধন করিত, এখন কিনা তাহার স্থান নির্ণয় হইল না। যাহা হউক যথাসময়ে বলাগড়ে শঙ্কর মহাশয়ের বাটীতে পৌছিলাম।

বিবাহের পরে পরমারাধ্য বাবার আদেশ অনুসারে মুঙ্গের একাকী গমন

করিলাম। ঐ সময়ে মহামারি তিরোভাব হইয়াছে, কিন্তু সহরটি শ্রীহীন অবস্থায় পরিণত হইয়াছে। কয়েকটা বাঙ্গালি বাবু এবং কয়েকটা স্ত্রীলোক এই ব্যাধিতে গতাস্থ হইয়াছেন শুনিলাম। আমি ক্ষুন্নমনে মুঙ্গেরে আসিলাম এবং আমার সাবেক ডাক্তারখানার বাটির উত্তরাংশে আর একটা দ্বিতল বাটা ভাড়া করিলাম এবং ডাক্তারখানা এবং সিদ্ধাশ্রম খুলিয়া কালান্তিপাত করিতে লাগিলাম। মুঙ্গেরে অবস্থিতিকালীন মাননীয় সর্কানি বাবুর যত্নে কয়েক ঘর রোগী পাইয়া ছিলাম। শুনিলাম অধিক দিন অনুপস্থিত থাকায় ঐ সকল লোক অণ্ড ডাক্তারকে ডাকাইয়া চিকিৎসা করাইয়া থাকেন। একেত মহামারিতে সহরবাসী আত্মীয়-হীন এবং শ্রীহীন হইয়াছে তাহার উপর অধিক দিন স্থান ত্যাগে আমার পক্ষের একেবারেই নষ্ট হইয়াছে।

কিছুদিনের মধ্যে নব স্ত্রী ও প্রথম এবং দ্বিতীয় পুত্রকে মুঙ্গেরে আনয়ন করিলাম এবং আমার স্ত্রী অতিশয় বালিকা বিধায় তাহার সাহায্যের জন্ত আমার আত্মীয় শ্রীযুক্ত আশুতোষ চট্টোপাধ্যায় পণ্ডিত মহাশয়ের স্ত্রীকে নৃতন বাসায় আনয়ন করিলাম তাহারা দুইটাই সমবয়সী। যদি উভয়ে একত্রে থাকেন পিতা মাতা বিচ্ছেদে আবুল হন না। যাহা হউক পণ্ডিত মহাশয় ও আমি একত্রে এই বাটাতে বাস করিতে লাগিলাম। এই দুইটা বালিকা, ইহাদের দ্বারা সংসার চলিবে কিরূপে? সেজন্য একজন পাচকও রাখিতে হইল। এত আয়োজন করিলে কি হইবে আমার ব্যবসার কিছুমাত্রও উন্নতির আশা দেখিলাম না, তিন মাস ভাগ্য পরীক্ষার জন্ত কাগক্রেণে অতিবাহিত করিলাম লক্ষ্মীহীনের ভাগ্যের উদয় অসম্ভব।

মুঙ্গেরের সকল ভ্রাতারই মত আমি স্থান ত্যাগ করি, নচেৎ আমার আর্থিক কষ্ট অধিক ভোগ করিতে হইবে। পরাংপর ইষ্টদেব মহাশয়কে এই বিষয় জ্ঞাপন করিলাম, কিন্তু তিনি এই স্থানেই থাকিতে লিখিলেন। আমার সংসার প্রায় অচল হইয়া উঠিল, এমনত সময়ে টুরকুরিয়া নিলের কনসার্ণের ডাক্তার পদ শূন্যের বিজ্ঞাপন দৃষ্ট মুঙ্গেরের অক্ষয় বাবু কলিকাতায়

আমার ঐ পদ প্রার্থিতের জন্ম আবেদন করিতে অনুমতি চাহেন। বাবা অনুমতি দেন, তদনুসারে আমি তথায় আবেদন করিলাম। ২৪ ঘণ্টার মধ্যেই আমাকে মনোনীত করিয়া ম্যানেজার তাহা নিয়োগ করেন। ঐ সংবাদ প্রাপ্তে ভ্রাতাগণকে সমবেত করাইয়া পুনরায় তাঁহাদের মত গ্রহণ করি। মাননীয় সর্কানি দাদা ব্যতীত সকলেই ঐ কার্যে যাইতে অনুমোদন করেন।

কয়েক দিবস পূর্বে বাবা একদিনে দুইখানি কার্ড লিখেন, তাহাতে “নদীর জল, বৃক্ষের তলদেশ কেহ লইবে না” এইরূপ ভাবের দুইখানি জ্ঞানপূর্ণ কার্ড পাই, কিন্তু মায়িক মন স্থখ ঐশ্বর্যকে অধিক মূল্যবান মনে করিয়া বাবার উপদেশ উপেক্ষা করিয়া পবিত্র এত সাধের মুন্সের পরিত্যাগ করাইয়া ছাড়িল। জিনিষপত্র একটা ব্যবস্থা করিয়া প্রথম ও দ্বিতীয় পুত্র ও নবস্ত্রী সহ সন্ধ্যার গাড়ীতে বি, এন, ডবলিউ রেলওয়ের জিউধারা স্টেশনের টিকিট ক্রয় করিলাম; মুন্সের স্টেশনে টিকিট লইয়া বাম্পিয় পোতে গঙ্গা পার হইয়া মুন্সের ঘাট স্টেশনে উঠিলাম সমস্ত রাত্রি মধ্যম শ্রেণীর মধ্যম আয়তনের গাড়ীতে অতিবাহিত করিয়া পরদিবস মঙ্গলবার প্রভৃতি স্টেশন পশ্চাতে রাখিয়া চম্পারন জেলার অন্তর্গত জিউধারা স্টেশনে অবতরণ করিলাম, স্টেশনটা ৩য় শ্রেণীর স্তরাং তদ্বিষয়ে লিখিবার কিছুই নাই।

ইতিপূর্বে টুরকুরিয়ার খাজাশি বাবু লক্ষ্মীনারায়ণ মুখোপাধ্যায় মহাশয়কে পত্র লিখি যে তিনি যেন অনুগ্রহ করিয়া নির্দিষ্ট সময়ে স্টেশনে একখানি গাড়ী পাঠাইয়া দেন। কিন্তু অবতরণ করিয়া জানিলাম কোন গাড়ীই আইসে নাই, জিনিষপত্র অনেক, সঙ্গে স্ত্রী ও ছোট ছোট দুইটা বালক, মহা বিপদেই পড়িলাম; বিশেষ কারণ তথায় গাড়ী পাওয়া যায় না। নিরুপায় হইয়া সহকারী স্টেশন মাষ্টার বাবুকে আমার বিপদের কাহিনী বিবৃত করায় তিনি দয়া করিয়া একটি স্টেশনের লোক টুরকুরিয়া পাঠান। এই স্টেশন হইতে পাঁচ মাইল মাত্র। যাহা হউক ঐ হিন্দুস্থানী বাবুটি আমার পুত্রদ্বয় ও বালিকা স্ত্রীর জন্ম জল খাবারের বন্দোবস্ত করিয়া দিলেন। আমরা তাঁহাকে

শত শত ধন্যবাদ দিয়া বেলা বার ঘটিকার সময়ে জিনিষপত্র তাঁহার অধীনে রাখিয়া টুরকুরিয়ায় রওনা হইলাম। সে এক কিষ্কুং কিমাকার দেশ, কাঁচা রাস্তা শীতকাল বলিয়া রক্ষা, দুইধারে ময়দান ভিন্ন কিছুই লক্ষ্য হয় না। মধ্যে মধ্যে ২৪ খানি দুই চালাযুক্ত তৃণকুটির মাত্র। ইষ্টক নির্মিত ঘর দৃষ্টি গোচর হইল। তবে কুঠিটি প্রকাণ্ড, কল কারখানাও যথেষ্ট, শুনলাম ভারত-বর্ষের মধ্যে এই কুঠি শ্রেষ্ঠতম; সে যাহা হউক লক্ষ্মী বাবু যদিচ আগ্রা অপরিচিত কিন্তু আমাদিগের জন্ম আহাঙ্গারাদির আয়োজন করিয়া রাখিয়াছিলেন এবং যথেষ্ট আদর আহ্বান করিয়া বাটীতে লইয়া গেলেন। প্রায় ১৭১২ জন বাঙ্গালি বাবুর বাসা একস্থানে নির্মিত। অন্যান্য বাবু মহাশয়েরাও আমাকে যথোচিত খাতির যত্ন করিলেন। আহাঙ্গার অস্তে আমার বাসায় গমন করিলাম। পূর্ব ডাক্তার বাবুর চাকর ছিল তাহার নাম কুঞ্জিয়া। আমার কার্যে নিযুক্ত হইল এবং ঠাকুর মহাবীর পাড়ে আমিয়া উপস্থিত হইল।

আমাদের সকল অসুবিধা দূর হইল। বাসা পূর্ব হইতেই মেরামত ছিল। জিনিষপত্র পরদিবস ষ্টেশন হইতে আসিয়া পৌঁছিল। ঐ কুঠির বড়বাবু হুগলির নিকট খামার পাড়া নিবাসী শ্রীযুক্ত কালিচরণ ঘোষ মহাশয় ঐ সময়ে দেশে ছিলেন, তিনিও কয়েক দিবস পরে আসিলেন। তিনি মহাশয় ব্যক্তি আমার যথেষ্ট যত্ন এবং তত্ত্ব তল্লাস লইতেন। তথায় যতগুলি বাবু ছিলেন সকলেই সপরিবারে বাস করিতেছিলেন সুতরাং আমিও তাঁহাদের প্রতিবেশী হইলাম। গায়ে গায়ে বসত সুতরাং সকল স্ত্রীলোক সকল বাসায় যাতায়াত করিতে কোনরূপ অসুবিধা বোধ করিতেন না। বাসার দক্ষিণাংশে হিন্দী মাইনর স্কুল, পোষ্টাফিস এবং বাজার। সপ্তাহে দুইবার করিয়া হাট বাসিয়া থাকে। মৎস্য অপরিমিত পরিমাণে এবং সস্তা মূল্যে বিক্রয় হয়। এদেশে “চবুয়া” পয়সা প্রচলিত, টাকাতে ৩০০ গণ্ডা পাওয়া যায়। সকল জিনিষপত্র সস্তা দরে বিক্রয় হয়।

পরদিবস কোম্পানীর কুঠি দেখিলাম, বৃহৎ কারখানা, নীলের চাষের

জগৎ ইঞ্জিনে কলের লাঙ্গল ব্যবহার হয় ও অগ্ৰাণ্য নানা প্রকার কল কারখানা দেখিলাম, বাঙ্গালী ও হিন্দুস্থানি আমলা ২৫৩০ জনের উর্ক। এই কোম্পানীর একচ্ছত্রী জমিদারী, বিশ মাইল দৈর্ঘ্য ও প্রস্থে, তন্মধ্যে ৭৮৮ নীল কুঠি। ইহার অন্তর্গত প্রত্যেক কুঠিতে একজন করিয়া সাহেব, জমিদারীর গোমস্তা ও তহশিলদার এবং একজন কিম্বা দুইজন করিয়া বাঙ্গালী বাবু থাকেন। ইহা ভিন্ন সমস্ত জমিদারীর জগৎ একজন জমিদারীর ম্যানেজার সাহেব আছেন। ইহার পৃথক কাছারি এবং উচ্চতম ও অগ্ৰাণ্য কেবানি ও হিন্দুস্থানি আমলা আছে, এই সাহেবের কাছারি এই টুরকুরিয়াতে। অগ্ৰাণ্য ২৩৩ কুঠিতে সরকারী কার্য উপকক্ষে আমাকে হস্তিতে এবং শ্যাম্পনিতে যাইতে হইত। এই কোম্পানীর জমিদারীর মধ্যে ধনী তালুকদারও আছেন, তাঁহাদিগের আয়ও বড় কম নহে। ঐ সকল তালুকদারদিগের বাটীতে আমাকে কখনও কখনও যাইতে হইত, তাঁহারা হস্তি বা শ্যাম্পনি পাঠাইয়া দিতেন। জমি সকল দেখিলাম খুব উর্বরা—ধান প্রচুর পরিমাণে জন্মে।

সাহেবদিগের প্রজার প্রতি অত্যাচার কম দেখিলাম না। তবে নীল-দর্পনের লিখিত অত্যাচারের অপেক্ষা কিছু কম। প্রজারাও সময়ে সময়ে সাহেবদিগের প্রতি বিরূপ হইয়া প্রতিশোধও প্রদান করিয়া থাকে। টুরকুরিয়ার একজন ধনী হিন্দুস্থানি শুড়ি জাতীয় মহাজন আছেন। তাঁহার প্রকাণ্ড অট্টালিকা বসতবাটী, ঐ বাটীতে আমাকে প্রায়ই যাইতে হইত। এক বৎসর টুরকুরিয়ায় ছিলাম ইহার মধ্যে পসার যথেষ্ট হইয়াছিল। জ্যোতীষ রাবাজিকে টুরকুরিয়া হইতে হুগলী কলেজে পড়িতে পাঠাইয়া দিয়াছিলাম। শ্রীমান গোল্ডসচন্দ্র আমার দ্বিতীয় পুত্র হিন্দি ভাষা অধ্যয়ন করিয়া লইয়াছিল। টুরকুরিয়ায় স্বাস্থ্য খুব ভাল থাকে, ম্যালেরিয়া নাই বলিলেই চলে।

এই এক বৎসরের মধ্যে একবার ছুটি লইয়া পরিবারকে দলাগড়ে রাখিয়া আসি। দুইবার মাতাহারি সহর দেখিতে গমন করি, প্রতি ছোট সহর—কেমন শ্রীহীন। সামান্য কয়েকখানি দোকান রাখার দুই ধারে সজ্জিত, ইহাকে

ছেলা বলিলে লজ্জিত হইতে হয়। টুরকুরিয়া হইতে মতিহারি ৫ মাইল মাত্র, মতিহারির ২।৩ জন বাবুর সহিতও সাক্ষাৎ হয়, তাঁহারা বিশিষ্ট ভদ্রলোক। টুরকুরিয়া যাইবার পূর্বে আমি স্বপ্নাকি ছিলাম কিন্তু তাহা পরিত্যাগ করিতে বাধ্য হইলাম। তথায় গান বাজনার চর্চা খুবই দেখিলাম। খামারপাঁড়া নিবাসী কালি বাবুর সহিত আমার সৌহৃদ্যতা যথেষ্টই হয়, তিনি অতি ভদ্রলোক। টুরকুরিয়ার ম্যানেজার একটি যুবক সাহেব আসিলেন, আমাবু জুতা পায়ে দিয়া তাঁহার বাঙ্গালায় যাওয়াই তাঁহার চক্ষুশূল হইল, এই সাহেবের কৃতান্তের ব্যাধি ছিল।

একদিবস সকল সাহেব ষড়যন্ত্র করিয়া জমিদার সাহেবের বাঙ্গালায় আমাকে ডাকেন। আমি যাইলে জুতা খুলিয়া ঘরে প্রবেশ করিতে কহেন আমি সম্পূর্ণ অনিচ্ছা প্রকাশ করিয়া বাহিরে রহিলাম। আর যাইবে কোথা! ইহাতে সাহেবেরা একত্র হইয়া পরামর্শ করিয়া ম্যানেজারকে জানান। আমাকে ডাকাইয়া পাঠান, আমি তাঁহার আফিসে যাইলে তিনি বলেন জমিদার সাহেবের বাক্য অবহেলা করিয়া অগ্নায় কার্য করা হইয়াছে। আমি তাহা না মানিয়া আমাকে যে জমিদার সাহেব বিনামা খুলিতে বলায় অপমানিত হইয়াছি, তাহাই প্রকাশ করি এবং জুতা খুলিয়া কার্য করিতে অনিচ্ছুক হইয়া কার্যে এস্তাবা প্রদান করি। একমাস অন্তে কার্য ত্যাগ করিয়া বলাগড়ে আসি।

ইহার কিছুদিবস পূর্বে অর্থাৎ ৪।৫ মাস পূর্বে ঐ স্থানে থাকিতে অনিচ্ছুক হওয়ায় নলডাঙ্গায় হৃষিকেশ মুখোপাধ্যায় ডাক্তারকে বদলি রাখিয়া ঝরিয়ার অন্তর্গত বাগডিগি কলিয়ারিতে ২২ দিবস কার্য করি। এখানে মনসংযোগ না হওয়ায় এবং এই কলিয়ারিতে মাসে মাসে বেতন পাওয়া যায় না শ্রবণ করিয়া কার্য ত্যাগ করি এবং টুরকুরিয়া প্রত্যাগমন করিয়া হৃষি বাবুকে বাগডিগি প্রেরণ করি। পরে শুনিলাম ঐ ডাক্তার বাবু তথাকার কর্ম ত্যাগ করিয়া চলিয়া গিয়াছেন। এক বৎসর টুরকুরিয়া কুঠিতে ছিলাম সত্য, কিন্তু

মনের প্রকৃত শাস্তি একদিন তথায় পাই নাই। কারণ প্রাণের লোক তথায় ছিল না অধিকন্তু মন্দ প্রকৃতির লোকের সহিত বাস করিতে হইত।

কার্য ত্যাগ করিয়া বলাগড়ে গমন করি। তথায় কয়েক দিবস অতি-
বাহিত করিয়া কলিকাতায় বাবার শ্রীচরণ দর্শন এবং শ্বশুর মহাশয়ের সাক্ষাৎ
মানসে গমন করি। অর্থাভাবে মনুষ্যকে হয় হইতে হয় ২৫।৩০ টাকা
বেতনের চাকরির জন্ত তখন লালায়িত হইলাম। কিন্তু সময় না হইলে কিছুই
হয় না সুতরাং আমার চেষ্টা উত্তম বৃথা হইল, এমন কি 'সিমুলতলার জন্ত
একজন ৪০ বেতনের ডাক্তারের পদ শূন্য হইল। আবেদন তো করিলাম
তৎপরে কলিকাতায় গন্ত মান্ত বিদ্বান বাবু রাজেন্দ্র নাথ শাস্ত্রী বাহাদুর এবং
শোভারাজারের রাজা বিনয় কৃষ্ণ দেব বাহাদুরের নিকট হইতে মাননীয়
সুরেন্দ্র নাথ বন্দ্যোপাধ্যায় মহাশয়ের নিকট সুপারিশ পত্র প্রদান করা সত্ত্বে
বিফল মনোরথ হইলাম। কলিকাতার মধ্যে খ্যাতিমা এম,ডি, ডাক্তার
নীলরতন সরকার, যিনি আমার সমপাঠী একত্রে তিন বৎসর ডাক্তারি বিদ্যালয়ে
অধ্যয়ন করিয়াছি। যিনি এককালে আমার অকপট বন্ধু বলিয়া অনেক সময়ে
পরিচয় দিয়াছেন এবং বন্ধুচিত কার্য করিয়া আমার বিশেষ উপকার করিয়া-
ছেন, তখন তিনি ক্যান্সেল স্কুলের ছাত্র। এখন তিনি কলিকাতার মধ্যে গণ্যমান্ত
ধনবান লোক।

কোন লোকের অসুরোধে তাঁহার বাটী গমন করি এবং চার ঘণ্টাকাল
তাঁহার অসুপস্থিতিতে তাঁহার বৈঠকখানায় প্রতীক্ষা করি। আমার মনে কত
আনন্দ! নিলরতন আসিয়া আমাকে দেখিয়া কত আনন্দিত হইবে, বাল্যবন্ধুকে
পাইয়া এবং দেখিয়া আমিও আনন্দে ভাসিব। ও হরি! তিনি বাটী আসিয়া
আমাকে চিনিতেই পারিলেন না। যাহাকে তুই মুই করিয়া ব্যবহার করিয়াছি,
সে ব্যক্তি ধনমদে মত্ত হইয়া অবস্থাহীন পোষাকহীন মর্ষাদাহীন একজন নেটিভ
ডাক্তার শ্রীশ মুখার্জীর সহিত কিরূপে বন্ধুভাবে আলাপ করিতে পারেন।
আমি বারম্বার মনে মনে যেরূপ ইহার নিকট আদর আহ্বান পাইব মনে ধারণা

করিয়াছিলাম তাহাই হইল। যিনি আমাকে এই ডাক্তার বাবুর নিকট প্রেরণ করেন আমি তাহাকে স্পষ্টই বলিয়াছিলাম, ডাক্তারবাবু আমাকে চিনিতে পারিবেন না তাহাই হইল। ইহাতে ভালরূপ শিক্ষা পাইলাম। আমিও লজ্জাহীন ঐ ডাক্তার বাবুর নিকট হইতে একখানি সুপারিশ পত্র চাহিয়াছিলাম তাহাও দিলেন না। যাহা হয় মঙ্গলের জন্ত। এইরূপ নানা উদ্যম নষ্ট হইতেছে। আমি কি করিব কিছুই স্থির করিতে পারিতেছি না। শ্বশুর মহাশয়ের বাসায় কয়েকদিন আহারাদি করিতেছি।

একদিবস বাবার পাদপদ্ম দর্শন করিবার জন্ত মিশনে গিয়াছি (বাবা কলিকাতায় অবস্থিতি কালীন প্রতিদিন আমি স্কুলে যাইতাম) শুনলাম আমার প্রিয় বন্ধু ও ভ্রাতা বাবু বামদের বন্দোপাধ্যায় পরীক্ষা দিতে কলিকাতায় আসিয়াছেন, জিনিষপত্র আর্ধ্যমিশনে রাখিয়া গিয়াছেন। ইনি পি, ডবলিউ, ইনেস্পেক্টরের পরীক্ষা দিতেছেন। আমি তাহা শুনিয়া বহুকাল পরে তাঁহার দর্শন মানসে রাত্র আট ঘটিকা পর্যন্ত স্কুলে অপেক্ষা করিলাম। শ্বশুর মহাশয় যদি কুণ্ঠিত হয়েন এই ভাবিয়া দুঃখিত মনে মনঙ্গা লেনস্থ বাসায় প্রত্যাগমন করিলাম এবং যথাসময়ে আহারাদি ক্রিয়া সম্পন্ন করিয়া শয়নের উদ্‌যোগ করিতেছি এমন সময়ে বামদেব ভায়া অতি কষ্টে আমাকে দর্শন দিতে ক্রেশ স্বীকার করিয়া বাসায় উশস্থিত, আমরা টুভয়ে বিপুল আছিলাদে মগ্ন হইলাম। সে একটি স্মরণীয় রাত্র।

যাহা হউক তাঁহার বারম্বার অনুরোধে বি, এন, রেলওয়ের মহলিয়ায় তাঁহার বাসায় যাইতে প্রতিশ্রুত হইলাম এবং শুনলাম তথায় অনেকগুলি ক্রিয়ান্বিত আছেন এবং আমার গায় মহাপাপীকেও দর্শন করিতে তাঁহারা ব্যাকুলিত। যাহা হউক সে যাত্রায় কলিকাতায় কোনরূপ ফল না হওয়ায় বলাগড় প্রত্যাগমন করি এবং ২।৪০ দিবস অন্তে পুনরায় কলিকাতা হইয়া মহলিয়ায় রওনা হইলাম। হাওড়া হইতে যে নূতন লাইন বি, এন, আর, লাইন খুলিয়াছে ঐ পথে যাত্রা করিলাম। এই আমার এই নূতন লাইন দেখা।

যাহা হউক খড়গপুর এই লাইনের প্রকাণ্ড নূতন ষ্টেশন। বেলা বার ঘটিকার সময়ে হাওড়া ছাড়িয়া তিন ঘটিকার সময়ে খড়গপুর পৌঁছিলাম। তথায় তিন ঘণ্টার উর্দ্ধকাল অপেক্ষা করিতে হইল। এই খড়গপুর সংযোগ ষ্টেশন নাগপুরের অভিমুখে আমাকে যাইতে হইবে। খড়গপুর হইতে ৭৮টী ষ্টেশন অতিক্রম করিয়া মহলিয়ার বাইতে হয়। আমি খড়গপুরে অবতরণ করিয়া ব'মদেব ভায়াকে তারে সংবাদ প্রদান করিলাম এবং ৬ ঘটিকার সময়ে মহলিয়া যাত্রা করিলাম এবং যথাসময়ে নয় ঘটিকার রাত্রে ষ্টেশনে গাড়ী উপস্থিত হইলে অনেক ক্রিয়ান্বিতসহ দাদামহাশয় আমাকে গাড়ী হইতে অবতরণ করাইলেন। সে মহা আনন্দ, আনন্দে আনন্দ মিলিয়া গেল। সে দিনের আনন্দ অতি পবিত্র।

সকল ভ্রাতা সমভিব্যাহারে দাদামহাশয় আমাকে তাহার বাস ভবনে লইয়া যাইলেন। পথের কষ্ট ভুলিলাম বাবার গুণানুবাদে রাত্রি দুইটা বাজিল সকল ভ্রাতা আপন আপন ভবনে প্রত্যাগমন করিলেন। এই সকল ক্রিয়ান্বিতের বাড়ী মহলিয়া গ্রামে এবং ইহার নিকটবর্তী অন্যান্য স্থানেও অনেক ব্যক্তিকে দাদামহাশয় ক্রিয়া দিয়াছিলেন। যাহাহউক দুই ভ্রাতায় স্থখ দুঃখের কথায় বাত্ৰ প্রভাত করিলাম। নিয়তলে বধুমাতাঠাকুরাণী তরফে আমার মা যাহাকে মা বলিয়া আহ্বান করি ৫৬টি পুত্র লইয়া পরিচারিকাসহ থাকেন। মার আমার আনন্দের সীমা নাই। দাদামহাশয়ের জ্যেষ্ঠ ও মধ্যম পুত্রদ্বয়কে কুমার ফেলায় দেখিয়াছিলাম ইহারা বড় হইয়াছে। দয়াময় তৎকালীন দাদাকে পাঁচটী পুত্র রত্ন দিয়াছেন।

আমি আনন্দে দাদামহাশয়েয় ভূয়োভূয় অনুরোধে এবং ক্রিয়ান্বিতগণের অভিপ্রায়ে এক মাস তথায় রহিলাম, প্রতিদিন গীতার চর্চা ও বাবার গুণানুবাদ চলিতে লাগিল রাত্রে যোগ-সঙ্গীতে আনন্দিত। দিন কয়েক আনন্দের ধুম চলিতে লাগিল। গ্রামের ক্রিয়ান্বিতগণ তাঁহাদের পত্নীগণের ক্রিয়া দেখিয়া মুগ্ধ হইলাম। প্রায় এক মাস অতিবাহিত করিয়া পুনরায় বারিয়ার

অন্তর্গত বাগ্‌ডিগি কোলিয়ারির ম্যানেজারের নিকট তারে সংবাদ লইলাম যে, কার্য খালি আছে কিনা এবং আর আমাকে চাহেন কিনা। উক্ত ম্যানেজার সাহেব তারে আমাকে ঘাইতে সংবাদ দিলেন। তদনুসারে আমি সকলের নিকট বিদায় লইয়া মেদিনীপুর লাইন হইয়া ভাগা ষ্টেশনে অবতরণ করিয়া বাগ্‌ডিগি হইতে প্রেরিত চাপরাসিসহ রাত্রি নয় ঘটিকার সময়ে উক্ত কোলিয়ারিতে খুদিরাম বাবুর বাসায় পৌঁছিলাম। এই কোলিয়ারিতে প্রথমে যখন বাইশ দিবস কার্য করিয়া গিয়াছি, এখানকার বড়বাবু খুদিরাম মুখোপাধ্যায় মহাশয়ের বাসায় থাকিতাম এবং তাঁহার ব্যবহারে মোহিত হইতে হইতু, এবারেও তাঁহার ভরসা এবং চেষ্টায় পুনরায় বাগ্‌ডিগি আসিলাম। পরদিবস প্রাতে ম্যানেজার সাহেবের সহিত সাক্ষাৎ করিলাম,—তিনি সন্তোষ হইলেন। ঔষধপত্র কিছুই নাই, বাসাও নাই শুনিলাম।

যাহা হউক ব্রাহ্মণ বারারি কোলিয়ারিতে আমার ভ্রাতা শ্রীঅম্বিকাচরণ বন্দ্যোপাধ্যায় যিনি কোলঙ্গায় ছিলেন, এখানে গত বৎসর সাক্ষাৎ হওয়ায় বিশেষ আহ্লাদিত হইয়াছিলাম। ইনি ই. আই, কোল কোম্পানীর জেনারেল ম্যানেজার অফিসের উচ্চতম কেরাণী, তাঁহার সহিত সাক্ষাৎ করিতে সাহেবের অনুমতি প্রার্থনা করিলাম। তিনি তাহাতে কোন আপত্তি করিলেন না। আমি অম্বিকা বাবুর সহিত সাক্ষাৎ করিয়া এই স্থির করিলাম এই স্থানেই আহারাদি করিয়া বাগ্‌ডিগি কার্য করিব, কারণ বারারি হইতে বাগ্‌ডিগি অতি নিকট। ম্যানেজার সাহেব তাহাতেও সম্মত হইলেন। শ্রীযুক্ত অম্বিকা বাবু রবিবারের প্রাতে জিয়ানুগড়া জেনারেল ম্যানেজার অফিসে ছিলেন, আমি তথায় গমন করি। ঐ অফিসের অফিস মাষ্টার মিষ্টার সেভিকে অম্বিকা বাবু আমার পরিচয় দিলেন এবং কয়েক মাস পূর্বে আমি অম্বিকা বাবু লিখিত মত বলাগড় হইতে একখানি আবেদন পত্র প্রেরণ করিয়াছিলাম, ঐ সময়ে সেভি সাহেব, জেনারেল ম্যানেজার মিষ্টার টার্নবুল সাহেব বিলাত গমন করায় তৎপরিবর্তে কার্য করিতেছিলেন, সেই সময়ে আমার আবেদন প্রাপ্ত হইয়া

এবং অম্বিকা বাবুর সুপারিসে আমাকে বারারির ডাক্তারের পদ দিতে মনে মনে সংকল্প করিয়াছিলেন, তাঁহাদের মতে বারারির ডাক্তার বাবু রামতারক দাস অনুপযুক্ত।

যাহা হউক সে সময়ে ইচ্ছা পূর্ণ করিতে পারেন নাই, এক্ষণে জেনারেল ম্যানেজার টার্গবুল সাহেব বিলাত হইতে আসিয়াছেন সুতরাং আমার জন্ম বড় সাহেবকে সেভি সাহেব বলিলেন এবং আমাকে পুনরায় একখানি আবেদন করিতে অনুরোধ করিলেন আমি মূল প্রসংশাপত্রগুলিসহ আবেদন করিয়া চলিয়া আসিলাম। ঐ পত্রের উপর বড় সাহেবের এইরূপ আদেশ হইল যে, পরদিন প্রাতে সেভি সাহেব যেন আমাকে বারারি লইয়া গিয়া ডাক্তার রাম তারকের নিকট হইতে চার্জ দেওয়া হয় এবং আমাকে পঞ্চাশ টাকা বেতনে নিযুক্ত করা হয়। আমি এই সংবাদ সংক্রান্ত পরে বাগ্‌ডিগি হইতে আসিয়া পাইলাম এবং সমস্ত বিষয় জ্ঞাত হইয়া স্তম্ভিত হইলাম কারণ এত শীঘ্র যে আমাকে ইহারা এই কার্য্য দিবেন ইহা ধারণাই করি নাই, আমি বড়ই চঞ্চল হইলাম। এইরূপ ধনী ঘরের কার্য্য পাইয়া ছাড়িতে পারিব না। বাগ্‌ডিগিতে সকলই বেবন্দোবস্ত। মাসে মাসে বেতন পাওয়া যায় না, থাকিবার বাসা নাই। অথচ আমি সেখানে আসিয়াছি এবং একবার চলনা করিয়া তাহাদিগকে কষ্ট দিয়া টুরকুরিয়া চলিয়া গিয়াছিলাম তাহা সম্পূর্ণ অভদ্রোচিত কার্য্য হইয়াছে। আবার লিখিবামাত্রই আমাকে বিলেট সাহেব তাহা সংবাদ দিয়া আনাইয়াছেন। এখন কি না তাহাদিগের চাকরী ত্যাগ করিয়া নিকটবর্তী কুটিতে কার্য্য করিতে লঙ্কিত হইতেছি না।

এখন উপায়! কি করা যায়, অম্বিকা ভায়ার অফিসের কয়েকটি সহকারী কেরণী বারারি বাসায় ছিলেন, তাহাদিগের সহিত পরামর্শ করিতে লাগিলাম পরিশেষে জিয়ানগড়া অফিসের কেরণী বাবু নিত্যগোপাল মুখোপাধ্যায় মহাশয়সহ, ঐ রাতে বাগ্‌ডিগি খুদিরামবাবুর বাসায় উপস্থিত হইলাম। তাহাকে সঠিক সকল সংবাদ কহিলাম; তিনি বারারির চাকরী যে খুব ভাল স্বীকার

করিলেন। কিন্তু বিলেট সাহেব আপনাকে ছাড়িবেন না এবং টাণবুল সাহেবকে লিখিয়া আপনার চাকরির অনিষ্ট সাধন করিতে পারেন ইহাও বলিলেন। যাহা হইক আমার বিশেষ অনুরোধে রাত্রি সাড়ে আট ঘটিকার সময়ে আমি ও খুদিরাম বাবু সাহেবের বাগ্নায় গমন করিলাম। খুদিরাম বাবু আমার ইহা প্রস্তাব করিলেন সাহেব ভয়ানক ক্রুদ্ধ হইয়া আমার মুখ দর্শন করিবেন না বলিলেন। আমিও তাঁহাকে দুইচারটি কথা বলিলাম। কিছুতেই সাহেবের মন নরম হইল না। কি করি উপায় নাই। বারারির চাকরিটাও থাকিবে না এখানকার চাকরীটাও যাইল।

হরিষে বিষাদ হইল। নানারূপ চিন্তা করিতে করিতে সিত্যবাবুসহ বাবুরি আসিলাম এবং ইহাই ঠিক করিলাম। প্রাতে সেভি সাহেবের নিকট বাইবার কথা। সরল মনে সকল বিষয় খুলিয়া বলিব ইহা সত্ত্বেও যদি চাকরী দেন ভালই নচেৎ কলিকাতায় ফেরৎ যাইব বা মহলিয়া প্রত্যাবর্তন করিব। প্রাতে জিয়ানগড়া আফিসে যাইয়া সেভি সাহেবকে সকল বিষয় কহিলাম। প্রথমতঃ তাহা শুনিয়া ক্রক্ষেপ করিলেন না, কিয়ৎক্ষণ পরে তিনি আমাকে বলিলেন এই কথা বড় সাহেবকে বলাই প্রশস্ত, তাহাই হইল। বড় সাহেবের এ সম্বন্ধে এই আদেশ হইল, যে যখন এই ডাক্তার বাবু বাগ ডিগির জন্ত আসিয়াছেন তখন তথায় এক্সাবা দিয়া ১ মাস কার্য করিয়া এখানে আসিতে পারেন। নচেৎ আপাততঃ আমরা নিকটবর্তী কোলিয়ারীর সহিত বিবাদ করিতে প্রস্তুত নহি। এই কথা শুনিয়া আমি সেভি সাহেবকে কহিলাম,—আমি আর বাগ ডিগি চাকরী করিব না আপনারা যখন রাখিতে পারিলেন না আমি কল্যই চলিয়া যাইব, আমি যখন বাগ ডিগিতে চার্জ লই নাই, খরচপত্র কিছুই লই নাই, তখন আমাকে কোন বিষয়ে দায়ি করিতে পারিবে না। সেভি সাহেব বড় সাহেবের সহিত পুরামর্শ করিয়া আমাকে বলিয়া দিলেন যে ১ মাস পরে বারারির জন্ত তোমাকে নিযুক্ত করিব। এষ্ট চেষ্টার ফলে যে অধিকবাবু তাহা লিখা বাহুল্য। অনেক দিন অধিক এবং আমি ছোটনাগপুরের

অন্তর্গত কোলঙ্গায় ছিলাম সেই জন্তু ভায়ার একান্ত ইচ্ছা আমি এখানে পূর্ব মত থাকি।

যাহা হউক আমি পরদিবস ঝরিয়া হইয়া পুরাতন রাস্তায় সিনি দিয়া মহলিয়ায় গমন করিলাম। আবার সকল ভ্রাতা সমবেত হইয়া ১ মাস মহা আনন্দে কাটিতে লাগিল। প্রতিদিন মহলিয়ায় গীতা পাঠ ও যোগ সঙ্গীত—আনন্দময়ের রূপায় দিন কাটিতে লাগিল। সুসন দুর্গপুরের রাজবাটীর ডাক্তারের পদ শূন্য হওয়ায় আবেদন করিয়াছিলাম, ঐ পদের নিয়োগপত্র পাই কিন্তু বহুদূর বলিয়া ঐ কার্য গ্রহণ না করিয়া বারারির জন্তু অপেক্ষা করিতে লাগিলাম। এ দিকে আমাদের ভক্ত ভ্রাতা আশুভোষ বন্দ্যোপাধ্যায় (মেদিনীপুরের জেনারেল ডেপুটী কালেক্টর) আমাকে মেদিনীপুরে তাঁহার বাস ভবনে যাইবার জন্তু বারবার অনুরোধ করিতে লাগিলেন। এই আশুবাবুর মুন্সেরের কেল্লার বাসায় প্রথমে মুন্সেরের গীতাসভা সংস্থাপিত হইয়াছিল। আমি বারারি বা জিয়ানগড়া হইতে এপর্যন্ত কোনই পত্র পাইলাম না। তাহাতে মনে করিলাম তথায় বুঝি আমার কার্য হইবার সম্ভাবনা নাই। সে যাহা হউক মাননীয় দামদেব বন্দ্যোপাধ্যায় ভায়ার সহিত পরাংপর বাবার শ্রীশ্রীচরণ দর্শন মানসে কলিকাতায় যাত্রা করিলাম।

খড়গপুর ষ্টেশনে গাড়ী বদল করিতে হয়। তথায় অবতরণ করিবা মাত্র আশুবাবুর সহিত সাক্ষাৎ হইল। কয়েক বৎসর পরে সাক্ষাৎ, উভয়ে বড়ই আনন্দিত হইলাম। আমরা কলিকাতায় বরাবর না যাইয়া আশু দাদার সহিত তনুহর্তেই মেদিনীপুরে যাত্রা করিলাম। খড়গপুর হইতে মেদিনীপুর দুইটি মাত্র ষ্টেশন স্মতরাং দেখিতে দেখিতে মেদিনীপুর পৌছিলাম এবং ষ্টেশন হইতে অশ্বশকটে আমরা তিন জন বাসায় পৌছিলাম। আশুবাবুর বাসা প্রকাণ্ড দ্বিতল অট্টালিকা, আড়ম্বরের ক্রটি নাই। অনেকগুলি পরিচারকে সুরক্ষিত। বোঁনা আমাদের আসিবার পূর্বে সংবাদ পাইয়া নানা প্রকার আহ্বারের ব্যবস্থা করিয়া রাখিয়াছিলেন। অপরাহ্নে আর একজন ক্রিয়ামিতকে

সংবাদ দেওয়াইয়া আনয়ন করিলেন, তিনিও আমার পূর্ব পরিচিত। পুণিয়ার সাতকড়ি বাবুর বাসায় আলাপ হয়, অতি ভদ্রলোক। সন্ধ্যার সময়ে গীতা পাঠ দ্বিতলে সম্পন্ন হয়। বধুমাতা চিকের অন্তরালে থাকিয়া গীতা শুনিলেন। আশু বাবু টেবিল হারমোনিয়মে যোগ-সঙ্গীতের গীতে মধু বর্ষণ করিতে লাগিলেন। বাবার অনিচ্ছার ইচ্ছায় দিবারাত্র মহা আনন্দে কাটিল।

পর দিবস প্রাতে সুন্দর আহারের আয়োজন দেখিয়া আশ্চর্য্যান্বিত হইলাম, কারণ ৮ ঘটিকার মধ্যে এইরূপ আয়োজন কিরূপে হইল? আহারান্তে একখানি অশ্বশকটে ষ্টেশানে গমন করিলাম, সঙ্গে আশুবাবু দো-চাকার গাড়ীতে ষ্টেশন পর্যন্ত পৌঁছাইয়া দিতে চলিলেন। অল্প সময়ের মধ্যেই গাড়ী পাইলাম আশু দাদার বিনয়ে তাঁহাকে ধন্যবাদ দিয়া যাত্রা করিলাম। আমরা দুই ভ্রাতায় খড়গপুরে অবতরণ করিয়া পুরি যাত্রিগাড়ীতে কলিকাতা রওনা হইলাম এবং ৩৪ ঘটিকা সময়ে কলিকাতায় পৌঁছিয়া আর্ধ্যমিশনে বাবার শ্রীচরণে উপস্থিত হইলাম। তাঁহাকে দর্শন করিয়া হৃদয় মনু পবিত্র করিলাম। পরদিন প্রাতে ত্রিতল ঘরে বাবার নিকট বসিয়া আছি এমত সময়ে একখানি তারের সংবাদে জ্ঞাত হইলাম আমার বারারি চাকরি হইয়াছে এবং সত্বর আমাকে তথায় কার্য গ্রহণ করিতে লিখিতেছেন। অগ্নিক বাবুর বিশেষ চেষ্টার ফলে এই কার্য হইল সত্য, কিন্তু বারারির উপস্থিত ডাক্তারবাবু রামতারক দাস যিনি ১২ বৎসর এই কুঠিতে কার্য করিয়া আসিতেছেন, আমিই তাঁহার কার্যের হস্তারক হইলাম,—কথকিং মনে উদয় হইতে লাগিল।

বাবা বলাগড় হইতে ছেলের সহিত সাক্ষাৎ করিয়া আসিতে আদেশ করিলেন এবং বলাগড় হইতে প্রত্যাগমন করিয়া বাবার সহিত এক গাড়ীতে যাইবার জন্ত আমাকে দিনস্থির করিয়া দিলেন। সুতরাং মাননীয় বামদেব বাবুর সহিত বিদায় গ্রহণ করিয়া বলাগড় যাত্রা করিলাম। ওদিকে রাম বাবু মহলিয়া যাত্রা করিলেন। কোথায় বাবার আদেশে ভায়া আমাকে ও ছেলের লইয়া মহলিয়ার যাইবেন আর তাহা না হইয় ছত্রভঙ্গ হইয়া গেল। আমি

যথাসময়ে কলাগড় হইতে ২১ দিনের মধ্যে কলিকাতায় বাবার সমভিব্যাহারে হাওড়ায় যাইয়া ঝরিয়ার টিকিট ক্রয় করিলাম। বাবা ও আর একটা ভ্রাতা বৈষ্ণনাথ যাইতেছেন সুতরাং একখানি মধ্যম শ্রেণীর গাড়ীতে উঠিলাম, পরম পুরুষের সহিত এক গাড়ীতে থাকিয়া হৃদয়ে যথোচিত বলের সঞ্চয় করিয়া লইলাম। আমি বেলা ২ ঘটিকার সময়ে আসানসোলে নামিয়া ঝরিয়ার গাড়ীর জন্ত অপেক্ষা করিতে লাগিলাম।

আমি আর্থিক কষ্টে ক্লিষ্ট হইয়াছি, মহাপাপীর সাজা মনে মনে অনুভব করিতেছিলাম। সেই জন্ত চিতান্বিতভাবে আমাকে চাকরিস্থানে নামাইয়া গেলেন। আমি সন্ধ্যার সময়ে ঝরিয়ায় অবতরণ করিয়া বারারি অস্থিক বাবুর বাসায় গমন করিলাম এবং আমাকে দেখিয়া সকলেই আনন্দিত হইলেন। পর দিবস প্রাতে জেনারেল ম্যানেজার টার্নবুল সাহেবের আদেশ মত জমিদারী ম্যানেজার সেভি সাহেব প্রাতে ৮ ঘটিকার সময়ে আসিয়া রামতারক বাবুর নিকট হইতে চার্জ দেওয়াইলেন। আমার বেতন ৫০ টাকা হইল। পরিবার রাখা উপযোগী একটা বাসাও পাইলাম। অস্থিক বাবুর সহিত মেসে আহারাদি চলিতে লাগিল। ডাক্তারখানায় মোটে ২৪।২৫টা ঔষধের শিশি দেখিলাম, সুতরাং অনেক টাকার ঔষধ আনাইয়া লইলাম। ইষ্ট ইণ্ডিয়ান কোল কোম্পানীর বিবরণ কথঞ্চিৎ দেওয়া বিধেয়, কারণ যখন এখানে দাসত্ব স্বীকার করিলাম এবং কয়েক বৎসর কার্যও করিতে হইবে এইরূপ আশা মরীচিকা হৃদয়ে খেলা করিতেছে, তখন ইহার সহিত সম্বন্ধ বড় কম নহে।

এই কোম্পানীর ম্যানেজিং এজেন্ট কলিকাতায় জারডিন স্কিনার কোম্পানী। কয়লার খাদের ভারতবর্ষের মধ্যে বিখ্যাত নামা মিঃ টার্নবুল এই কোম্পানীর সর্বময় কর্তা এবং জেনারেল ম্যানেজার। ইহার অধীনে কেন্দ্রা-ডিহি এবং তৎঅধীনস্থ ২৩টা খাত এবং বারারি জিয়ানগড়া খাত এবং আরও দুই একটা খাত এই কোম্পানীর অধীন। সর্বত্র কুটির তত্ত্বাবধান টার্নবুল সাহেব করিয়া থাকেন এবং তাঁহার পৃথক অফিস ও বাঙ্গলা

জিয়ানগড়ায় স্থিত। তাঁহার অধীনস্থ সকল কুঠিতে ম্যানেজার এবং সহকারী ম্যানেজার থাকেন। এই বারারি কুঠি সুবৃহৎ এবং বার তের বৎসর হইতে কার্য চলিতেছে। এখনও বহুকাল চলিবে তাহার আর সন্দেহ নাই। আমাকে যদিচ টাণবুল সাহেব নিয়োগ করিলেন এবং মেডিকেল অফিসর পদ দিয়া বারারি পাঠাইলেন কিন্তু প্রকৃত পক্ষে বারারির ম্যানেজার মিষ্টার ফুরি সাহেব আম্বর মনিব এবং তাঁহার আদেশ অনুসারে আমাকে সমস্ত কার্য করিতে হইতেছে এবং হইবে। আমাকে প্রতিদিন জেনারেল ম্যানেজারকে ম্যানেজারের স্বাক্ষরসহ দৈনিক রিপোর্ট পাঠাইতে হয়। এই কুঠির ম্যানেজারের দুর্গাম, শুনিলাম তজ্জন্ম সন্থই প্রথম প্রথম ভীত ভাবে কার্য করিতাম এবং কখন চাকরি পরিত্যাগ করিতে হয় তাহার অবসর দেখিতেছিলাম কিন্তু গুরু কৃপায় ইহার পুলগণের এবং স্ত্রীর চিকিৎসার জন্যই হউক বা যে কারণেই হউক ইহারা স্বামী স্ত্রী উভয়েই আমার প্রতি সৎ আচরণ করিয়া আসিতেছেন।

ম্যানেজার সাহেবের আফিসে বাবু শচীদুলাল দাস প্রধান কেরাণী বাবু সতীশচন্দ্র চন্দ্র সহকারী, বাবু পূর্ণচন্দ্র বিশ্বাস সময় রক্ষক, বাবু নিমাই চরণ বকসী গুদাম বাবু এবং উপযুক্তপরি কয়েকটি সারভেয়ার বাবু ওরফে কম্পাস বাবুগণ কার্য করিতেন এবং আমার সহিত সকলেই সুব্যবহার করিয়া আসিতেছেন। এই বাবুগণ ভিন্ন আরও কয়েকজন বাঙ্গালীবাবু থাকতের কার্যে নিযুক্ত ছিলেন। কিম্বদন্তী আছে কয়লা কুঠির বাবু মহাশয়েরা প্রায়ই মদ্যকাকে হৃদয়ের বন্ধ বিবেচনায় তাহার সহিত প্রণয় অধিক হয়, কিন্তু এই কুঠিতে তাদৃশ কিছুই পরিলক্ষিত হয় নাই। বাবুদিগের স্বভাব চরিত্র ভদ্রোচিতভাবে পরিলক্ষিত হইয়াছিল। যদ্রূপ শুনিলাম, এই কুঠির বাবুগণ কয়লা কুঠির দৃষ্টান্তস্বল স্বরূপ। বাঙ্গালীর স্বভাব যেরূপ, বিবাদ, ঘেৰ, নহিংসা ভিন্ন থাকিতে পারে না, কিন্তু ইহাদের তাদৃশ কিছুই দেখি নাই। যুবকের অংশই অধিক ছিলেন তাহাতেও কোনরূপ স্বভাবের ব্যতিক্রম হয় নাই, বিশেষ প্রশংসার কথা।

জেনারেল ম্যানেজার সাহেবেরও সাত আটটা বাবু এই বারারিতে পৃথক বাসায় বাস করিতেন । তন্মধ্যে বাবু রজনীরঞ্জন চক্রবর্তী দ্বিতীয় কেরাণী বারারি কুঠির জন্ত খাজাঙ্গীর উপাধী প্রাপ্ত হন, লোকটি সামাজিক অতি ভদ্র এবং জ্ঞানী, আমার সহিত তাঁহার কম সৌহৃদ্যতা ছিল না । বাবু ব্রজ মোহন চৌধুরী কায়স্থ বংশীয় এই কোম্পানীর একজন পুরাতন আমলা, অতি সরল পরোপকারী ভদ্রলোক । বাবু নিত্যগোপাল মুখোপাধ্যায় যুবক হইয়াও ধর্ম কর্ম করণেচ্ছু সদাচার ব্যক্তি । বাবার আদেশ মত আত্মকার্যের উপদেশ গ্রহণ করেন ! বাবু রাধাকিশোর সামন্ত—সরল প্রকৃতির অনেক পরিচয় তিনি দিয়া থাকেন ইংরাজীতে বিলক্ষণ পারদর্শী ছিলেন ইনিও বাবার আদেশে উপদেশ প্রাপ্ত হন । ইহা ভিন্ন অনাথ বাবু এবং আমার শ্যালক দ্বিজেন্দ্রনাথ বন্দ্যোপাধ্যায় এই আফিসে কাধ্য করিতেন । সকল বাবুদিগের প্রতি মাননীয় অধিকাচরণ বন্দ্যোপাধ্যায় উচ্চ কেরাণী বাবু সং ব্যবহার করিতেন । আমার সমবয়স্ক শ্রীযুক্ত রজনীকান্ত চক্রবর্তী মহাশয়ের সহিত সৌহৃদ্যতা হয় । তিনি প্রসংসার পাত্র, তবে এতাদিক বয়ঃপ্রাপ্ত হইয়াও আত্মধর্ম কি ? অনুধাবন করিতে পারেন নাই ।

আমি সরল প্রাণে বন্ধুত্বের মত ধর্মের আবশ্যকতা কিয়ৎ পরিমাণ বুঝাইতে চেষ্টা করিয়াছিলাম, কিন্তু যে সংস্কার মনুষ্য হৃদয়ে দৃঢ়রূপে বদ্ধমূল হয় তাহা উৎপাটন করাও সুকঠিন । সুতরাং আত্মধর্ম যে জীব মাত্রেই করণীয় স্বীকার করা স্বত্বেও এই ধর্মে অনুপ্রাণিত হইল না । সকলই জীবের কর্মফলের উপর নির্ভর করে । মাননীয় নিত্যগোপাল মুখোপাধ্যায়, রাধাকিশোর সামন্ত এবং পাথরভিহির ষ্টেশন মাষ্টার : বাবু অবিনাশচন্দ্র চক্রবর্তী মহাশয় এখানে উপদেশ পান । কিন্তু রাধাকিশোর বাবু ভিন্ন সকলেই কিছু না কিছু কার্য করিতেছেন । অবিনাশ বাবুর অধস্থা মন্দ নহে । গেরিফা অল্প দিবসের মধ্যে হইয়াছে । আমি অল্প অল্প ক্রিয়ার দিকে লক্ষ্য রাখিতে লাগিলাম ! তাহাতে একটা অবস্থা অনুভূত হয়, তাহাতে আশ্চর্যান্বিত হইলাম । ১৯১২

সালের আশ্বিন মাসে মহাঅষ্টমীর উৎসব কার্য নির্বাহ জগ্গ নলডাঙ্গায় গিরিজাভূষণ বাবুর বাটীতে গমন করি। তথায় রাজা বোমকেশ দেবরায়, শৈলেন্দ্রকুমার মুখোপাধ্যায়, শ্রীযুক্ত পূর্ণচন্দ্র রায় মহাশয়ের কনিষ্ঠ উপদেশ প্রাপ্ত হুয়েন এবং সকল ভ্রাতা সমবেত হইয়া মহা আনন্দে ৩কাশীর বাবার কার্য সম্পন্ন হয়। পর দিবস গ্রামস্থ সকল পুরুষ এবং স্ত্রীবৃন্দকে পরিতোষ-রূপে বাবার প্রসাদ দেওয়া হয়। রাজ দেওয়ান শ্রীশিবাবুর সহিত সাক্ষাৎ হয় এবং রাজাবাহাদুরের সহিত পূজার সময় সাক্ষাৎ করি। তিনি সন্তোষ প্রকাশ করেন।

নলডাঙ্গায় বাবার লক্ষ্য পতিত হওয়ায় ক্রমে ক্রমে ক্রিয়াস্থিতের সংখ্যা বৃদ্ধি হইতে চলিল। আমার মাতুল পুত্র শ্রীমান কালীপ্রসন্ন মুখোপাধ্যায় অতি কষ্টে সপরিবারে নলডাঙ্গায় পূর্ণ কুঠিরে বাস করিতেছে। কি পরিতাপের বিষয়। জগৎ পরিবর্তনশীল বলিয়া জগতস্থ তাবৎ জিনিষ পরিবর্তনশীল হইতেই হইবে, ইহা স্মৃতসিদ্ধ! তখন ভায়ার জগ্গ দুঃখ প্রকাশ করা অসম্ভব কার্য। তথায় কয়েক দিবস অতিবাহিত করিয়া চাকরী স্থানে প্রত্যাবর্তন করি। চাকরি গ্রহণ করিয়া আশ্বিন মাসে সিংভূম জেলাসুর্গত বি. এন, রেল মহলিয়া ষ্টেশনে মাননীয় বামদেব বন্দ্যোপাধ্যায় দাদা মহাশয়ের বাসায় গমন করি এবং সকল ভ্রাতা সমবেত হইয়া বাবার কৃপায় মহা আর্ডেম্বর সহকারে মহাঅষ্টমীর কার্য সমাধা করিয়া তিন চার দিবস পরে বারারি প্রত্যাগমন করি। বাবার আদেশ অনুসারে অল্প দিবসের জগ্গ গীতাপাঠ রজনী বাবুর বাসায় হইতে থাকে কিন্তু ইহাতে ভ্রাতা মণ্ডলীর মধ্যে ভিন্ন ভিন্ন মত হওয়ায় পরিত্যাগ করি। আপন বাসায় অবসর মত সময়ে গীতা পাঠ করিয়া আনন্দ পাইতাম। বারারিতে ধর্ম কথা কাহারও মুখ হইতে বাহির হইলেই যেন সকলে অন্ধকার দেখিতেন সুতরাং আমিও তাঁহাদিগের ভাবাপন্ন হইয়া পড়িলাম। মুখ বন্ধ করিয়া থাকিতে হইত প্রাণের লোক থাকে স্বর্গেও নির্বাহ হইতে হইত সেরূপ ক্রিয়াস্থিতের সমাজ কখনও কোন স্থানে দৃষ্টিগোচর হয় নাই।

এই ভাবে দিন কাটাইতে লাগিলাম এবং অন্যান্য স্থানের ভ্রাতাদিগের সং ব্যবহারের জন্ত এই স্থানটিকে হেয় মনে করিতে লাগিলাম। মিশনের ঔষধি সামান্য সামান্য আনাইয়া দিতে পারিতাম কারণ উত্তর সাধক না হইলে এই সকল কার্য সূক্ষ্ম হয় না। এক বৎসর পরে ৫ টাকা বেতন বৃদ্ধি হইল। বারারির চতুর্পার্শ্বে রোগী দেখিবার জন্ত জেনারেল ম্যানেজারের আদেশ প্রাপ্ত হইয়াছিলাম। স্বরস্বতী পূজার দিন প্রাতে ৭।০ ঘটিকায় বসিয়া রাত্রি ৮ ঘটিকার সময়ে একাসনে ১৭২৮ প্রণয়াম করি। বাবার কৃপায় নির্বিঘ্নে সম্পন্ন হয়। বারারির উচ্চ কেরাণীবাবু গাচীছাল দাস মহাশয়ের খুলতাত শ্রীযুক্ত দীননাথ দাস, মহাশয় উপদেশ প্রাপ্ত হইলে এই স্থানেই বাবার ক্রিয়া দেখাইয়া দিই, তিনি ভক্তির সহিত কার্য করিতেছেন। কয়লা কুঠিতে অধিকাংশ লোকই অসং সঙ্গ হওয়ায় নিম্নগামী হইয়াই থাকে সুতরাং ধর্ম প্রচার এরূপ স্থানে হওয়া সুকঠিন। আমি সপরিবারে অধিকাংশ সময়ে এই স্থানে ছিলাম, স্ত্রী বালিকা, বয়ঃক্রম ১৪ বৎসর হওয়া সত্ত্বেও তাহার ধর্মের দিকে লক্ষ্য হইল না। সেরূপ পিপাসা বৃষ্টি নাই যে তাহাতে উপদেশ দেওয়াইয়া দিই, বুদ্ধি অতি কম, সুবুদ্ধি কখন হইবে জানি না, কলহ বিবাদ যেন অঙ্গের ভূষণ অকর্তব্য পরায়ণা, এই বালিকা ভাব কত দিনে তিরোহিত হইবে পরাংপরই জানেন।

সন ১৩২২ সালের পৌষ মাসে পরাংপর ইষ্টদেব, নলডাঙ্গায় মাননীয় গিরিজা ভূষণ দেব রায় মহাশয়ের আকিঞ্চনে নলডাঙ্গা যাইতে সম্মত হইলেন এবং নলডাঙ্গায় যাবতীয় ক্রিয়ামুখিত ভ্রাতা এবং গিবিজা বাবু বাবাসহ কলিকাতা হইতে নলডাঙ্গায় যাইতে অভিমত প্রকাশ করেন। এদিকে পরমারাধ্য পরাংপর ইষ্টদেব তাহাতে সমর্থন করিয়া আমাকে দয়া করিয়া তথায় যাইতে পত্র লিখেন। ঐ পত্র প্রাপ্ত হইয়া পনের দিবসের বিদায় গ্রহণ করিয়া কলিকাতায় উপস্থিত হইয়া বাবার শ্রীচরণ দর্শন করিলাম। আনন্দময়ের আনন্দ যেন বৃদ্ধি প্রাপ্ত হইল। এই সময়ে বারারির শ্রীযুক্ত রজনীকান্ত দত্ত দাদা মহাশয় আমার

সহিত বাবার শ্রীচরণ দর্শনাভিলাষে কলিকাতায় গমন করিয়া কৃতার্থ হইলেন, তিনি এক দিবস পরে ঝরিয়া প্রত্যাগমন করেন। আমি, গিরিজা বাবু, বিনয় বাবু, মাষ্টার ও বিনোদ বাবু, আনন্দময়ের সমভিবাহারে উষাকালের খুলনা এক্সপ্রেস গাড়ীতে শিয়ালদহ হইতে রওনা হইলাম। সে মহা আনন্দ কাহিনী। বাবার গড়গড়ার নল আমার হস্ত হইতে কিরূপ ভাবে অন্তর্হিত হইল? অভাবনীয় ব্যাপার। সকলই তাঁহার অনিচ্ছার ইচ্ছায় সংঘটন হইয়াছিল আমার বিশ্বাস।

সাড়ে দশ ঘটিকার প্রাতঃকালে আমরা যশোহর ষ্টেশনে উপস্থিত হইলাম। গাড়ীর বন্দোবস্ত ছিল, যথাসময়ে নলডাঙ্গায় একটা বাবুর বাসায় উপস্থিত হইলাম। তথায় গিরিজা বাবুর আজ্ঞানুযায়ী লোকজন সকল উপস্থিত হইয়া পাকাদির কার্য সম্পন্ন হইতেছিল, আমরা বাসায় পৌঁছিয়া যশোহর বাজারে নল খরিদ করিতে বাবাসহ গমন করি। বাজার হইতে প্রত্যাগমন করিয়া স্নান আহারান্তে দুইখানি অশ্বশকটে আমরা অপরাহ্ন দুই ঘটিকার সময়ে নলডাঙ্গা রওনা হইলাম। রাত্রি অনুমান আট ঘটিকার সময়ে নলডাঙ্গার রংমহলের ঘাট নৌকাঘোণে পার হইয়া গিরিজা বাবুর বৈঠকখানায় উপস্থিত হইলাম। বাবার সমাদরের জন্য ফুল লতা পাতার তোরণ সকল নিম্নিত হইয়াছিল এবং বৈঠকখানায় নলডাঙ্গায় বড় রাজা, তংব্রাজ বোমকেশচন্দ্র দেব বায়, নগেন্দ্র বাবু প্রভৃতি অনেকে উপস্থিত থাকিয়া পরাংপর ইষ্টদেব মহাশয়কে অভ্যর্থনা করেন এবং একবাক্যে সকলেই স্বীকার করেন যে, অভাবনীয়ভাবে তাঁহার আগমন হইয়াছে। বাবা তাহা খণ্ডন করেন। পরাংপর তিন চার দিবস তথায় থাকিয়া অনেকের সহিত শাস্ত্র আলোচনা করিয়া অনেকের অঙ্কবৎ মতকে খণ্ডন করিয়া দেন।

বাবা পরদিবস প্রাতে আমাদিগকে লইয়া ৩সিদ্ধেশ্বরী রামেশ্বরী মূর্তি দর্শন করিয়া প্রণামী প্রদান করেন এবং বলী প্রদানের দৌঃষের বিষয় বর্ণনা করিয়া উদাহরণ প্রদান করিয়া সকলের মুখ বন্ধ করেন। নলডাঙ্গায় সকল

ক্রিয়ান্বিত সমবেত হইয়া আপন আপন কার্যা প্রদর্শন করান এবং আমার মাতুল পুত্র শ্রীমান কালীপ্রসন্ন ভায়ার পত্নীকে ক্রিয়া প্রদান করেন। তৎভিন্ন কালীগঞ্জের নিকটবর্তী বলদেপাড়ার কয়েকজন ক্রিয়ান্বিত আগমন করিয়া তাঁহাদের পরিবারবর্গকে ক্রিয়া দেওয়ান। কি আনন্দে কয়েক দিবস কাটিয়া গেল। দেখিতে দেখিতে যেন পূজার তিন দিন কাটিয়া গেল। বাবা, বিনয় বাবু এবং বিনোদ বাবু সহ কলিকাতায় চলিয়া গেলেন; সে কি এক ভাবের উদাস ভাব সকলের হৃদয়কে আক্রান্ত করিল। আমি কয়েক দিবস তথায় থাকিয়া প্রজাগণের নিকট হইতে কর সংগ্রহ করিয়া কলিকাতায় প্রত্যাগমন করিয়া বাবার শ্রীচরণ দর্শন পাইলাম। আমার জ্যেষ্ঠপুত্র শ্রীমান জ্যোতিষচন্দ্র এই বৎসর প্রাথমিক স্কুল পরীক্ষায় অনুর্তীর্ণ হওয়ায় প্রবেশিকা পরীক্ষা দিতে পারিলেন না, বিশেষ পরিতাপের বিষয়। বাবার আদেশ ছিল যে আমার পত্নীকে বৈজ্ঞান্যে লইয়া যাইয়া ক্রিয়া দেওয়াইয়া আনা হউক। কিন্তু আমি তাঁহারি আসিয়া ইহার মনের অবস্থা কথঞ্চিৎ উপলব্ধি করিয়া বুঝিলাম সময় উপস্থিত হয় নাই, অভাগিনী এই পর্য্যন্ত এইরূপ সার রতনে বঞ্চিতা রহিয়াছেন, সকলই তাঁহার পূর্ব জন্মের ফল।

অত্রস্থ ক্রিয়ান্বিতগণের মনের তেজ নষ্টপ্রায় অন্তমিত হয় সুতরাং ক্রিয়ার উন্নতি এদিকে নাই, হইবে কি না বাবাই জানেন। যখন ক্রিয়ার কোন কথাই কহিবার বা গায় অগায় কথা প্রয়োগ নিষিদ্ধ, তখন ক্রিয়ার উন্নতির আশা আকাশ কুসুম নহে কি? এই কয়লা কুটির কাল বর্ণের ধুম রাশিতে এ প্রদেশ কু-আশা আচ্ছন্ন হইয়া রহিয়াছে, এ কুয়াসা সাময়িক নহে দিবা রাত্র একভাবে তমোতে অন্ধকারময়। এই কুয়াসা কাটাইবার জন্য গুরুদেব সুদর্শন চক্র আমাদিগকে প্রদান করিয়াছেন তাহার ধ্যেহার করিতে পারিলে কুয়াসা কাটিয়া যায়, কিন্তু কংশের ভয়ে প্রাণ আকুল এখন দয়াময়ের কুপাই একমাত্র ভরসাস্থল। সন ১৩১৩ সালের মহা অষ্টমীর উৎসব এই গরীবের কুটিরে সম্পন্ন হয়, তাহাতে মাননীয় অধিকা বাবু, রজনী বাবু, অবিলাস বাবু, রাধা

কিশোর বাবু এবং স্বরেন্দ্রনাথ চট্টোপাধ্যায় উপস্থিত ছিলেন এবং গীতা পাঠের সময়ে আমার জ্যেষ্ঠপুত্র শ্রীমান জ্যোতিষচন্দ্র সমবেত হন। রাত্রে মহা আনন্দে যোগসঙ্গীত আশ্রম সঙ্গীতের গীতে মুগ্ধ হয়েন এবং সন্ধিক্ষণে সকল ভ্রাতা সমবেত হইয়া ফুল চন্দন প্রদান করেন। মূল কথা মহা আনন্দে রাত্র কাটিয়া যায়, পরদিবস স্থানীয় বাঙ্গালী বাবু এবং তাঁহাদিগের পরিবারবর্গ ভোজন করেন।

এই কার্যের সমস্ত কার্য শ্রীযুক্ত অম্বিকা বাবুর তত্ত্বাবধানে সম্পন্ন হয়। সন ১৩১৪ সালে অর্থাৎ ১৯০৭ খৃষ্টাব্দের জানুয়ারী মাসে পাঁচ টাকা বেতন বৃদ্ধি পাই। এই সময়ে শ্রীমান জ্যোতিষচন্দ্র বাবাজীবন প্রবেশিকা পরীক্ষার অনুমতি পান এবং যথা সময়ে পরীক্ষা দেন। কিন্তু দুর্ভাগ্যের বিষয় পরীক্ষায় বিফল মনোরথ হয়েন। ফাল্গুন মাস হইতে এই কুঠি এবং ঝরিয়ার চতুর্দশে বিস্মৃচিকা ব্যাধি হইতে আরম্ভ হয়! তৎপরে চৈত্র মাসে এই কুঠিতে এতাদৃশ বিস্মৃচিকার প্রভাব হয় যে শত শত লোক এই ব্যাধিতে গতাস্থ হয়েন। এই দুর্দমনীয় ব্যাধিতে আমাদের একজন ভক্ত ভ্রাতা নিত্যগোপাল বাবু মানব লীলা সম্বরণ করেন, বিস্মৃচিকা-বিন্দু প্রয়োগেও কোন ফল লাভ হইল না। প্রদীপে তৈল না থাকিলে স্বভাবত নির্বাণ হইয়া থাকে। কি দুর্দেব! ইনি ক্রিয়া পাইয়া মুচ্ছা ব্যাধি হইতে অব্যাহতি লাভ করেন এবং মৃত্যুর ছয় মাস পূর্বে গ্রহণী ব্যাধিতে ভয়ানকভাবে কষ্ট পাইতে ছিলেন অতি কষ্টে তাহা হইতে মুক্ত হইয়া এই কাল স্বরূপ ব্যাধির প্রকোপে গুত হইলেন। ইহা ভিন্ন এই স্থানের আরও দুইটা বাবু এই ব্যাধিতে মানব-লীলা সম্বরণ করেন।

বিস্মৃচিকাগ্রস্ত বাঙ্গালী বাবুদিগের শুশ্রূষা করিবার জন্য স্বরেন্দ্রনাথ চট্টোপাধ্যায় এবং তাঁহার কার্যকারক শ্রীপতি চট্টোপাধ্যায় যথেষ্ট পরিশ্রম করেন কিন্তু সকল চেষ্টা ব্যর্থ হয়। এই বাবুদিগের ব্যাধি আক্রান্ত দৃষ্ট এবং মৃত্যু-মুখে পতিত হওয়ায় জিয়ানগড়া এবং বারারির অধিকাংশ বাবু দেশে চলিয়া যান; আমি প্রথমে আমার শ্যালক স্বরেন্দ্রনাথ বন্দ্যোপাধ্যায় মহাশয়ের সহিত আমার স্ত্রীকে দেশে পাঠাইয়া দিই। তাহার পরে সকল বাবু অন্তর্ধান

হওয়ায়, মনে ভয়ের সঞ্চার হওয়ায় সাত দিবসের বিদায় প্রার্থনা করি। তাহাতে বড় সাহেব বিদায় দিতে স্বীকৃত না হওয়ায় সুরেন্দ্র বাবুদিগের সহিত বংশবাটী হইয়া বলাগড় গমন করি। তথায় দুই চার দিবস অতিবাহিত করিয়া বংশবাটী হইয়া নিজ বসত বাটী চুঁচড়ায় গমন করি। বাটী পরিদর্শন করিয়া কলিকাতা গমন করি।

আমার চুঁচড়ার বাটীটা ছাদ বদল এবং অন্যান্য ভগ্ন সংস্কারের বিশেষ দরকার হওয়ায় চুঁচড়া নিবাসী বাবু যোগেন্দ্রনাথ কর মহাশয়ের বিশেষ যত্নে এবং তত্ত্বাবধানে বাটীটির সমস্ত কার্য শেষ হয়। এই কার্যে প্রায় দুইশত টাকা খরচ হয়। এই বাটীটা দেখিবার জন্য বংশবাটী হইয়া চুঁচড়ায় গমন করি। কিন্তু যোগেন্দ্র বাবুর সহিত সাক্ষাৎ না হওয়ায় একাকী বাটীটা পরিদর্শন করিয়া কলিকাতায় শশুর মহাশয়ের মলঙ্গা লেনস্থ বাসায় গমন করি। তথা হইতে এক দিবস পরে বেলগাছিয়া পশু চিকিৎসা বিদ্যালয়ে শ্রীমান জ্যোতিষচন্দ্রের সর্হিত দেখা করিতে দ্বিজেন্দ্র ভায়ার সহিত গমন করি। বিদ্যালয়স্থ হোষ্টেলটা অতি সুন্দর, প্রকাণ্ড দ্বিতল প্রকোষ্ঠ ছাত্রে পূর্ণ। দুঃখের বিষয় জ্যোতিষচন্দ্রের সহিত সাক্ষাৎ না হওয়ায় মলঙ্গালে প্রত্যাগমন করি। তৎপর দিবস জ্যোতিষচন্দ্র আমাদিগের সহিত সাক্ষাৎ করিতে আইসেন, ইনি এইচ্ছায় এই বিদ্যালয়ে প্রবেশ করিয়াছেন, দেখা যাউক উহার উদ্যম কিরূপ।

এই বৎসরে প্রাণাধিক আমার মধ্যম পুত্র শ্রীমান গোপালচন্দ্র বাৎসরিক পরীক্ষায় প্রথম হইয়া বলাগড়ের স্কুলের তৃতীয় শ্রেণীতে উঠিয়াছেন। আমি এবং দ্বিজেন্দ্র ভায়া একত্রে আট নয় দিবস দেশে থাকিয়া বারারি প্রত্যাগমন করি। চাকরী না থাকিবার কথা, কারণ বিনা বিদায়ে ডাক্তার হইয়া ভীষণ বিস্মৃতিকা ব্যাধির কোলিয়ারিতে প্রকোপ কালিন চলিয়া যাওয়া সম্পূর্ণ গর্হিত। যাহা যঁউক তখন পর্য্যন্ত বাবু মহাশয়েরা দেশ হইতে সকলে প্রত্যাগমন করেন নাই। বারারি শ্রীচন্দ্র। তখনও পর্য্যন্ত চৌদ্দ পনরটা করিয়া প্রতিদিন কুলি-

নদগের মধ্যে অল্প সংখ্যক লোক মৃত্যুমুখে পতিত হইতেছিল। যাহা হউক বড় সাহেব বিশেষ দয়া করিয়াই আমাকে কার্য্য করিতে আদেশ প্রদান করেন। এই সময়ে একজন মাদ্রাজী ডাক্তার এখানে আমার অনুপস্থিতিতে কার্য্য করিতেছিলেন আমিও তাঁহার সহিত কার্য্য করিতে আরম্ভ করিলাম।

এই সময়ে শ্রীযুক্ত অরুণোদয় মজুমদার মহাশয় কম্পাউণ্ডার রূপে এই কুটিতে নিযুক্ত হইলেন ইনি একজন পরীক্ষোত্তীর্ণ বিচক্ষণ লোক আমার সহকারির কার্য্য করিতে লাগিলেন। মাদ্রাজী ডাক্তারটি এক মাস পরে প্রস্থান করেন। ক্রমে একমাস পরে এই ভীষণ ব্যাধির অস্তিত্ব তিরোহিত হইল। ক্রমে ক্রমে সকল বাবু প্রত্যাগমন করিয়া আপন আপন কার্য্য করিতে লাগিলেন। এই প্রদেশ বলিয়া নহে—বঙ্গালার অনেক স্থানে এই ব্যাধি এবং বসন্ত ব্যাধিতে অনেক লোক ক্ষুয় হয়! পাপেতে বঙ্গদেশ টলমল করিতেছে। পর-ধর্ম্মের প্রাদুর্ভাবেই এই লোকক্ষয় অবশ্যস্তাবী ভিন্ন আর কি বলা যাইতে পারে। দুই মাস পরে শ্রীমান জ্যোতিষচন্দ্র তাঁহার বিমার্গী (ওরফে) মাসিকে এই স্থানে রাখিয়া যান। কি আশ্চর্য্য চৌদ্দ পনের বৎসর সাধন করিয়াও ভীষ্ম বধ হয় নাই এইটী উপলক্ষি করিলাম, কি মনের রাজ্য এবং তাহার প্রতাপ। এখন যখন ভীষ্ম বধ হয় নাই তাহার পরে দ্রোণ কণ অবশেষে দুর্যোধন অর্থাৎ কাম রিপূর বিনাশ সাধন না হইলে তো মনের বৈরাগ্য ঘটিবে না। আত্মরাজ্য স্থাপন করুহ কার্য্য। চিরকাল মন জীবকে প্রতাপের সহিত আপন কবলে রাখিয়া রাজ্য করিতেছে। তাহার রাজ্য হইতে তাহাকে পরাস্ত করা কিরূপ অধ্যবসার আবশ্যক তাহা হৃদয়ঙ্গম হওয়া কঠিন। ইহাও সম্ভব নহে—কুরুকুলের জয় হইবে, কারণ তাহা কখনই হয় নাই পাণ্ডবের জয় অবশ্যস্তাবী।

হাল ছাড়িলেই ডুবাইবে ইহা স্বতসিক্ত। দেখিতে দেখিতে বর্ষা গন্ত হইয়া শরৎ আসিল। বিদায় লইয়া দেশে যাইবার ইচ্ছা হওয়ায় তাহার মন হইতে তিরোহিত করিলাম। মহাঅষ্টমী কানীর্বা বাবার উৎসব নিজ কুটিরে

সম্পন্ন করার মানসে ঝরিয়া অঞ্চলের ভ্রাতৃবৃন্দকে আমন্ত্রণ করিলাম, কিন্তু দুঃখের বিষয় কেহই যোগদান করিলেন না, এমন কি মাননীয় অম্বিক ভায়াও তুচ্ছ করিয়া বাবার দেহে ফুল চন্দন দিতে অসিলেন না, স্ত্রতরাং একাকী যথাসাধ্য কার্য করিলাম। এই পাপীর প্রদত্ত ফুল চন্দন বাবা গ্রহণ করিলেন কি না তিনিই জানেন। স্ত্রীকে লইয়া বৈতুনাথে বাবার ধামে যাইবার আদেশ জগ্ন শরাৎপর ইষ্টদেব মহাশয়কে লিখিলাম। তিনি ৩রাসের সময়ে বাবার বাগানে ৩কাশীর বাধার মন্দির উৎসবের সময়ে স্ত্রীকে লইয়া যাইতে লিখিলেন। যথাসময়ে বাবা এ দাসকে উল্লিখিত উৎসব উপলক্ষে এ দেশস্থ ক্রিয়ান্বিতবর্গকে আমাকে প্রতিনিধি করিয়া কতকগুলি ছাপান নিমন্ত্রণ পত্র প্রেরণ করিলেন। তদনুসারে শ্রীযুক্ত রজনীকান্ত দত্ত, পাথরভিহির স্টেশন মাষ্টার অবিনাশচন্দ্র চক্রবর্তী, ভূপাল বারারির ডাক্তার শ্রীযুক্ত যতীন্দ্রনাথ মজুমদার মহাশয়গণ আমার সহিত রাসেব সময়ে বৈতুনাথ গমন করেন। বলা কহল্য পত্নীও আমার সহিত গমন করেন। ইহার সম্বন্ধে পরাৎপর বাবা একটি আশ্চর্য জনক বিভূতি আমাকে দেখান সে অতি অভাবনীয়।

যাহা হইক আমরা সকলে সন্ধ্যার গাড়িতে ৩বৈতুনাথ রওনা হইলাম। পথে মহা আনন্দে আনন্দময়ের লীলা কীর্তন করিতে করিতে যাইতে লাগিলাম। দেওঘর মাইব, বৈতুনাথে গাড়ীতে উঠিলাম—উঠিয়া গাড়ীর মধ্যে দণ্ডায়মান ছিলাম ইত্যবসরে আমার কোর্টের পকেট হইতে একটা স্বর্ণ মোহর ও ৬টা টাকা অন্তর্হিত হইল বাবা ঐ মোহরটা গ্রহণ করিবেন না তজ্জগ্ন এইরূপ ঘটনা সংঘটন হইল প্রমাণ সত্ত্বেও গোলযোগে প্রবৃত্ত হইলাম না। কারণ তখন মন দৌড়াইয়াছে বাবার ধামে, কখন পৌঁছিবে এই আগ্রহই তখন বলবৎ, স্ত্রতরাং উচ্চবাচ্য না করিয়া দেওঘর স্টেশনে আমরা অবতরণ করিলাম। পূর্বে লিখিত মত নলডাঙ্গার বাবু গিরিজাভূষণ দেবরার মহাশয় বাবার আদেশমত পাকি লইয়া স্টেশনে উপস্থিত ছিলেন। স্ত্রীকে পাছিতে উঠাইয়া দিয়া আমরা মহা আনন্দে বাবার আনন্দ কুটীরে পদব্রজে যাইতে লাগিলাম।

পুরীধামে যাইতে যেমন পূর্ব উপলক্ষে ষাটীর সমাগম হয়, তদ্রূপ ঐ গাড়ী হইতে অনেক ভ্রাতৃবৃন্দ অবতরণ করিয়া বাবার কুটিরাভিমুখে যাইতে-
 ছিলেন। শত শত পুণ্যবান ব্যক্তির সমভিব্যাহারে আমরাও যাইতে লাগিলাম।
 পুশ্চরাটীর নিকটবর্তী হইলে দেখিলাম, ব্রহ্মমূর্ত্তে যেমন শত শত সাধুর
 সমাবেশ যোগবলে দেখা যায়; পুরীধামের উষাকালের বিবরণ তদ্রূপ
 দৃষ্টিগোচর হইল। পুরীধামে যেমন একাকার পরিদৃশ্যমান হয় অর্থাৎ
 “সর্বং ব্রহ্মময়ং জগৎ” বোধে সকলকে সমজ্ঞান করিয়া আলিঙ্গন ও কোলাকুলি
 হইয়া থাকে; তাই ভাই ঠাই ঠাই থাকিয়া শ্রীক্ষেত্রে মিলিত হইয়া
 আনন্দোচ্ছ্বাসে ও ভ্রাতৃমিলনে তদ্রূপ হইতে লাগিল। সে দৃশ্য যিনি দৃষ্টিগোচর
 করিয়াছেন—সে আনন্দে মিলিয়াছেন তিনি ভিন্ন উপলক্ষি করে কাহার নাশ্য।
 তথায় বাঙ্গালী, হিন্দুস্থানী, উড়িয়া, পূর্ববঙ্গ, পশ্চিমবঙ্গ, একত্রিত ভাব।
 তথায় কাহারও মলিনতা নাই, বিশেষতঃ নিম্নলের নিকট মলিনতা থাকিবে
 কি করিয়া।

অনেক পূর্ব পরিচিত ভ্রাতৃবর্গের সহিত একত্রিত হইয়া সে আনন্দে
 ভ্রাতাগণ আত্মহারা হইতে লাগিলেন। আমার যে তাহা হয় নাই, এমত নহে,
 বরং তখন আনন্দে দিশেহারা হইতে লাগিলাম। বহুকাল পরে অর্থাৎ
 প্রায় দুই বৎসর পরে পরাম্পর বাবার আনন্দময় মূর্ত্তি দর্শন করিয়া ধন্য
 ও পবিত্র হইলাম! স্ত্রীকে বাটীর মধ্যে লইয়া যাইলাম এবং পরমারাধ্যা
 শ্রীশ্রীযুক্তা মাতাঠাকুরাণীর পাদপদ্মে প্রণাম করিয়া মনে শান্তি পাইলাম।
 বাগানে কত তাহু পড়িয়াছে এক এক বিভাগের ক্রিয়ান্বিতের জন্য স্থাপিত
 হইয়াছে। বহিঃপ্রাঙ্গণে স্বর্ষহং চন্দ্রাতপ পরিশোভিত হইয়াছে এবং নূতন
 মন্দির স্থাপিত ও সুসজ্জিত রহিয়াছে। বাগানের চতুর্দিকে আলোকমালায়
 সুশোভিত রহিয়াছে, সে দৃশ্য অতি মনোহর। আমাদের সহিত বন্ধুবান্ধবের
 দেখা সাক্ষাৎ করিতে করিতে এবং হস্ত ও আনন্দচ্ছ্বাস করিতে করিতে
 স্বর্ষদেব পূর্ব গগনে দৃষ্টিগোচর হইলেন। তখন এই মনে হইতে লাগিল

আরও কিয়ৎকাল ব্রহ্মমূর্ত্তি থাকিলে বরং ভালই হইত, কারণ ঐ আনন্দ হইতে মন বঞ্চিত হইত না। কি ভাগ্য করিয়াছিলাম যে এমত দুঃলভ গুরু পাইয়াছিলাম, ঐহার কৃপায় শত শত ভাগ্যবানগণের সহিত দর্শন লাভ ঘটিল। ভাগ্য বিধাতার নিকট এইরূপ ভাগ্যবানের সমাবেশ হওয়াই সম্ভব। ..

আরার এবং আলীপুরের ডেপুটী বাবুদয় সপরিবারে পূর্কই আসিয়াছিলেন তাঁহাদের সহিত আলিঙ্গন করিবার সময়ে তাঁহার বিহ্বল হইয়া ভ্রাতৃ প্রেমে ডুবিয়া হৃদয়ে হৃদয়ে সংযোগ করিয়া রাখিবার মানসে যেন ছাড়িতে চাহিলেন না। মুঙ্গেরের অধিকাংশ ভ্রাতাই আসিয়াছিলেন, তাঁহাদের ভ্রাতৃত্ব যাইয়া আনন্দে আলাপ করিয়া কত সুখানুভব করিলাম। সমস্ত রাত্রি নিদ্রা নাই তাহার উপর পথ ক্লেশ কিছুই মনে আসিল না। পরাম্পর বাবাকে প্রথম দর্শনেই নিবেদন করিয়াছিলাম যে, প্রাতেই যেন আমার স্ত্রীর প্রতি দয়া প্রকাশ করিয়া ক্রিয়াদান করেন। বাবা তহুত্তরে এ দাসকে কহিলেন—
‘মধ্যাহ্নে কালীন নূতন মন্দিরের কাষ্যাস্ত্রে উপদেশ দিবেন। ওদিকে আমার স্ত্রীও তাঁহার শ্রীচরণে বারম্বার উপদেশ পাইবার জন্য প্রার্থনা করেন। যাহা হউক, সে অনেক রহস্য। এগার ঘটিকার সময়ে তাহার জন্ম সার্থক হইল, বাবা এ সংবাদ এ দাসকে জ্ঞাপন করিলেন; সকলই তাঁহার লীলা।

ক্রমে আঁমারা হস্ত-মুখ স্নান মানস নদীতটে শত শত ভাই গমন করিলাম। কত দিক হইতে বনের নিঃস্জনতা ভঙ্গ করিয়া ধর্ম সঙ্গীতের রবে নদী তীরস্থ অরণ্যকে যেন ঘাত প্রতিঘাত করিতে লাগিল। মুঙ্গেরের মাননীয় স্বরূপদাস বাবাজী নদীতটে আসিয়া সকককে আলিঙ্গন করিয়া আনন্দিত হইলেন। অনেক পরিচিত ভাই বন্ধু অনেক দিবস পরে সম্মিলন সে এক মধুর ভাব। তাহুতে তাহুতে ধর্ম কথা—বাবার কথা ভিন্ন অণ্ড কথা শ্রুতিগোচর হইল না। ভাবময় গুরু বিশ্বেশ্বর যেন সকল ছাদিক জীবের জীবভাব ভুলাইয়া সকলকে একভাবে—মহাভীকে পতিত করিয়াছেন, সকলেই স্ত্রী-পুত্র-পরিবার ও সংসার ভুলিয়াছেন—ভ্রাবের হিল্লোলে সকলেই মগ্ন। জ্ঞান অস্ত্রে উপর্যুপরি তৃতীয়

ব্যুরে সকল ব্রাহ্মণ ও ক্রিয়ান্বিতের ভোজন চব্য-চম্ব-লেহ-পেয় সূচাকরূপে সম্পন্ন হইল। আমার গায় সকল কার্যে অদক্ষ বাক্তিও বাবার রূপায় অসীম বল প্রাপ্ত হইয়া রাত্র ৬টা পূর্য্যন্ত পরিবেশন করিতে সক্ষম হওয়া বাবা প্রদত্ত বল ভিন্ন আর কি অনুমিত হইতে পারে।

সন্ধ্যার পূর্বে ফকির ও গরীবদিগকে পয়সা বিতরণ করা হইল। রাত্র আন্দাজ আট ঘটিকার সময়ে বাবার সহিত আমরা সকলেই প্রসাদ পাইলাম। বাহান্ন বিঘা স্থানের নাম, উজ্জয় বাবা বাহান্ন প্রকার ভোগের আয়োজন করিয়াছিলেন, সে অতি উপাদেয়। রাত্রি দশ ঘটিকার সময়ে আত্ম ব্যুজি পোড়ান হয়, বেলা এগার বার ঘটিকার সময়ে দলে দলে ক্রিয়ান্বিতগণ পশ্চিম এবং পূর্বদিকের বাষ্পীয় শকটে আসিয়াছিলেন। কিন্তু সন্ধ্যার মধ্যে অনেক ক্রিয়ান্বিত আপন আপন স্থানে প্রত্যাগমন করিতে লাগিলেন। আমরা ঐ রাত্র তথায় অবস্থিতি করিয়া পরদিবস আনন্দভোগ করিয়া রাত্রির গাড়ীতে বারিয়া প্রত্যাগমনের অভিলাষী হইলাম এবং রাত্রি ধর্ম-সঙ্গীত কয়েক ব্যক্তি কন্ঠক বাবার সমক্ষে গীত হয়। আবার যে তিমিরে, সেই তিমিরে পতিত হইবার জগ্ন মন উদ্বৃত হইল। কিন্তু মহানন্দে দুই দিন কাটিল— কোন সময়ে দিবা কোন সময়ে রাত্র আসিল—যাইল বোধগম্য নাই, বরং এই মনে অনেকেরই বোধ হয় হইতেছিল, সময় যেন না যায়, এ আনন্দে মগ্নভাব যেন নষ্ট না হয়, এ অমৃত সমুদ্রে যেন আর তুফান না উঠে। হায় জগতে কিছুই চিরস্থায়ী নহে, দেখিতে দেখিতে সব গত হয়, কিছুই থাকে না, কিন্তু স্থিরে লক্ষ্য পূর্ণভাবে থাকিলে, গত আগত উপলব্ধি হইতে পারে না। এ মহাবাক্য বাবার শ্রীমুখ হইতে শুনিয়াছি হৃদয়ঙ্গম তাহার রূপায় হইল না, যদি মধুর অমৃত ভাব হৃদয়ে জাগরুক থাকিত তবে কেন এত আক্ষেপ হইবে? তাহা হইলে এই বিমল আনন্দভাব গত হইবে কেন?

বাবা দয় ক্রিয়া ক্ষণকের জগ্ন দুই দিবসের জগ্ন ক্রিয়ান্বিত মায়িক জীবকে হৃদয়ঙ্গম করাইয়া দিলেন সে সময়ে স্নেহ মারা কিছুই আসিতে পারে

নাই। এ ভাব স্থায়ী হইলে কোন জীবই সে স্থান হইতে আসিতে পারে না, বাবার শ্রীচরণে পতিত থাকিতে হয়, তাহা হইলে মায়িক জীবের সংসার আশ্রম নষ্ট হইয়া যায়, এই- কারণেই বাবার অনিচ্ছার ইচ্ছায় মোহ ও মারা আসিয়া হৃদয় আক্রান্ত হইল। তখন মায়িক জীব পরমানন্দ স্থখ পরিত্যাগ করিয়া স্ত্রী পুত্রের দিকে ছুটিল,—মনের জয় হইল। জামালপুরের পণ্ডিত মহাশয়, ভাগলপুরের রমেশ বাবু এবং আমরা-সকলে একত্রে বাবার চরণ ধূলি গ্রহণ করিয়া বাহির হইলাম। বাবা আমার গায় মহাপাপীর মস্তকে পদরজ দিতে অনিচ্ছা প্রকাশ করিলেন, আবার তাঁহারই বলে গ্রহণ করিয়া ধৃত হইলাম। তাঁহার পদ যুগল ক্রিয়ান্বিত মাত্রেই প্রতিদিন নিজ নিজ মস্তকে ধারণ করেন তবে কৃপণতাও করেন সত্য, কিন্তু পদ দুইটী মস্তকে ধারণ করিতে অস্বীকৃত হইবার যো নাই, তবে কেন বাহিরে এ ভাব। এ সম্বন্ধে করিয়া আসিয়া লিখিয়াছিলাম।

যাহা হউক আমরা পথে বাবার গুণানুবাদ করিতে করিতে যাত্রা করিলাম এবং নির্বিঘ্নে সকলে আপন আপন বাসায় প্রত্যাগমন করিলাম। মন মোহ অন্ধকারে ডুবিল সেই জগুই উপরে উল্লেখ করিয়াছি “যে তিমিরে আবার সেই তিমিরে” পতিত হইল। বারারি আসিয়া রাস উপলক্ষে বারোয়ারিতে মগ্ন হইলাম। নির্বাণ মার্গ হইতে প্রবৃত্তি মার্গের চবম সীমায় উপস্থিত, মন এখন ভাবশূণ্য হইয়া ঘোরতর অভাবে রাজ্য বিস্তার করিল। ধুমধামের সহিত মথুর সাহার যাত্রা, বাই, খ্যামটার আমোদে আমরা সকলেই ডুবিলাম; বাইনাচে বাই বৃদ্ধি হইল। অনেক কোলিয়ারির বাবু ও সাহেবদিগকে নিমন্ত্রণ করা হইল, তিন দিবস অনেক বাবু ভাষাকে জলপান করান হইল। হায়, কয়েক দিবস পূর্বে কি পবিত্র বিমলভাবে মন আশ্রিত ছিল, এখানে আসিয়া তাহার বিপরীতভাবে মনে ভাব পরিবর্তন হইল।

এক ভাব মায়িক জীব উপভোগ করিতে ভাল বাসেনা, ভিন্ন ভিন্ন ভাবে মন দৌড়াইয়া অভাবে হাবুডুবু খায়, ইহাই মনের ধর্ম। আবার অভাবে

স্বভাব নষ্ট হয় ইহাও মহাজনের বাক্য। মন যাহা চাহে তাহা না হইলে জীবদেহে রাজত্ব করিবে কি করিয়া। যাহা হউক এই বারোয়ারির বাই ছুটি। জ্যেষ্ঠ পুত্র শ্রীমান জ্যোতিষচন্দ্র পশু চিকিৎসা বিদ্যালয়ে জলপানি এবং মধ্যম পুত্র শ্রীমান গোপালচন্দ্র বাৎসরিক পরীক্ষায় প্রথম হইয়া দ্বিতীয় শ্রেণীতে উঠিলেন, ইহাতে বড়ই আনন্দিত হইলাম। কনিষ্ঠ পুত্র শ্রীমান রাধাগোবিন্দের উপনয়ন ১১ই মাঘ বলাগড়ের বাটীতে সম্পন্ন হয়। আমাদিগের যাওয়া ঘটিল না। শ্বশুর মহাশয়ের অধিক বয়ঃক্রম হওয়ায় প্রযুক্ত কার্য ত্যাগ করিয়া বলাগড়ের বাটীতে অবস্থিতি করিতেছিলেন। স্ত্রী আত্মকর্মা করিতেছেন, দর্শনাদি একরূপ মন্দ হইতেছে না।

সন ১৩১৩ সালের রাসের সময় বারারি কুঠিতে বারোয়ারি পূজা গত হইল। অনর্থক অমোদ আহ্লাদে মাতিয়া আত্মহত্যা হইল। এই সময়ে ইঞ্জিনিয়ারিং কলেজের ছাত্রবৃন্দ ঝরিয়া অঞ্চলে খাতের কার্য শিক্ষা করিবুর জন্ত আগমন করেন তাহাদিগের সহিত কলেজের সহকারী অধ্যাপক শ্রীযুক্ত হেমন্তকুমার গুপ্ত আগমন করেন। ইনি লোধনা কুঠির প্রধান সারভেয়ার শ্রীযুক্ত বাবু মণীন্দ্রচন্দ্র কাননগুইয়ের পরিচিত পূর্ব হইতেই ছিলেন। হেমন্তবাবু মণীন্দ্র বাবুর নিকট আমার বিষয় অবগত হইয়া আমার সহিত সাক্ষাৎ মানসে একদিন সন্ধ্যার সময়ে হেমন্তবাবু, মণীন্দ্রবাবু, এবং তিসরা কুটির ভারপ্রাপ্ত কর্মচারি শ্রীযুক্ত বাবু পরেশনাথ ভট্টাচার্য্যসহ আমার বাসায় আগমন করেন। হেমন্ত বাবু শিক্ষিত নব্য সম্প্রদায়ভুক্ত লোক হইলেও জ্ঞানী এবং ধর্মপরায়ণ এবং আত্মধর্ম গ্রহণে বিশেষ আগ্রহান্বিত। আমার সহিত আত্মধর্ম সম্বন্ধে অনেক তর্ক মীমাংসা অস্তে, ক্রিয়া লইবার জন্ত বিশেষ উৎসাহিত হওয়ায়, আত্মকর্মের উপদেশ পাইবার অনুরাগিতা প্রার্থনা করায় বাবার আত্মশক্তির বলে বলীয়ান হইয়া তাহাকে এবং উল্লিখিত পরেশ বাবুকে ক্রিয়া দিতে ইচ্ছুক হইলাম। তাহার উভয়ে পৌষ মাসের প্রথম সপ্তাহে আমার কুটির আসিয়া আত্মকর্মের উপদেশ প্রাপ্ত হন।

হেমন্তবাবু বড়দিনের ছুটি উপলক্ষে ছাত্রবৃন্দসহ কলিকাতা প্রত্যাগমম করেন। উক্ত হেমন্তবাবু হ্যাটকোটধারী হইলেও পরঃ বৈষ্ণব ছিলেন, মংস মাংস পূর্ব হইতেই বর্জন করিয়াছিলেন। তাঁহার স্বগ্রামে ভাজনঘাটে বারোয়ারি পূজা উপলক্ষে বলী বন্ধ করিয়া দিয়াছিলেন। বাবার 'অঁপার মহিমাবলে উক্ত দুইটা ভ্রাতা আত্মদর্শনে মুগ্ধ হইরা ক্রিয়ার উন্নতি সাধনে তৎপর ছিলেন। এই ঘটনার দুই তিন মাস পরে, অর্থাৎ সন ১৩১৩ সালের ফাল্গুন মাসে ঝরিয়া নিবাসী শ্রীযুক্ত বৈষ্ণনাথ মুখোপাধ্যায় প্রথমে ৩ বৈষ্ণনাথে পরাংপর বাবার শ্রীচরণ দর্শন করিতে এবং আত্মকর্মে উপদেশ লইতে গমন করেন। বাবা তাঁহাকে এই অধম মহাপাপীর নিকট আসিয়া ক্রিয়া লইতে আদেশ করায় মর্মান্বিত হইয়া বাধ্য হইয়া আমার সহিত দেখা করেন এবং উপদেশ এইখানেই পাইবেন বাবা আমার মুখ দিয়াই বলান। কিন্তু যে পর্য্যন্ত "ধর্ম ও পূজাদি মীমাংসা" গ্রন্থ কলিকাতা হইতে না আনান, তাবৎ ক্রিয়া পাইবেন না এই ব্যক্ত করান।

ইহার ক্রিয়া পাইবার পূর্বে আমার "হৃদদেশে" এক প্রকার কিরূপ অসুভূত হওয়ায় পরাংপর বাবার শ্রীচরণ দর্শনার্থ ৩ বৈষ্ণনাথে গমন করি। ৩ বৈষ্ণনাথে পরাংপর বাবার ধামে যাইয়া পরাংপরের শ্রীচরণ দর্শন করিয়া তৃপ্ত হই। এই সময়ে তাঁহাকে শ্রীযুক্ত বৈষ্ণনাথ মুখোপাধ্যায়ের সম্বন্ধে কয়েকটা কথা জিজ্ঞাসু হই, অর্থাৎ যে ব্যক্তি মলিন মনের মানুষ এবং বাঁহার একান্ত ইচ্ছা আপনার নিকট আত্মকর্মে উপদেশ পাইয়া মহাতৃপ্ত হন এইরূপ মনের বাসনা, তাঁহাকে বঞ্চিত করিলে ঐ ব্যক্তির দুর্বল হৃদয়বশত অপরের নিকট ক্রিয়া লইতে মনের বাসনা পূর্ণ হয় না। বাবা শ্রীমুখে ব্যক্ত করেন যাহা করা হয় মঙ্গলের জন্ত, আমি নিরন্ত হইলাম। আমি যে দিবস ৩ বৈষ্ণনাথ গমন করি, ঐ দিবস অপরাহ্নে তাঁহার আদেশ মত ৩ বৈষ্ণনাথ প্রত্যাগ করি। এখানে আসিয়া সংসার মাংসের ত্রীপুত্রের প্রলোভনে মত্ত হইলাম। আমার প্রত্যাগমনের কয়েক দিবস পরে ঝরিয়ার শ্রীযুক্ত বৈষ্ণনাথ

• মুখোপাধ্যায় বারারিতে ক্রিয়া পান। এই ঘটনার ৭৮ দিন পরে বৈষ্ণনাথের পিতৃব্য যিনি ঝরিয়া রাজবাটীতে পাচকের কার্য্য করিতেন একদিন আমার সহিত সাক্ষাৎ করেন এবং উপদেশ প্রার্থনা করিয়া রোদন করিতে থাকেন। তাঁহার নাম শ্রীরামবিষ্ণু মুখোপাধ্যায়। ২১৪ দিবস পরে ক্রিয়া পান।

এই সময়ে আমার বাসাবাটীর উত্তরোস্থিত কুঠির, সাভেয়ার বাবুর বাসা, তথায় প্রতি রবিবারে গীতা চর্চা হইত। তদুপলক্ষে ঝরিয়ার শ্রীযুক্ত বৈষ্ণনাথ এবং রামবিষ্ণু মুখোপাধ্যায় লোধনার শ্রীযুক্ত মণীন্দ্রনাথ কাননগুই ভ্রাতা এবং পরেশনাথ ভট্টাচার্য্য ক্রিয়ান্নিতগণ আগমন করিতেন। গীতা পাঠ অন্তে রাত্র ৭৮টার সময়ে আপন আপন বাসস্থানে প্রত্যাগমন করিতেন। এক দিবস ঝরিয়া নিবাসী নীচ বংশজাত কান্দাল কৈরি আমার চিকিৎসালয়ে আমার নিকট আগমন করিয়া ক্রিয়া প্রার্থনা করিয়া ক্রন্দন করিতে থাকেন ইহার বিষয় পূর্বে শ্রীযুক্ত বৈষ্ণনাথের নিকট শ্রুত ছিলাম, ইনি বাল্যকাল হইতেই ধর্ম্ম উন্নত। নিচবংশে জন্ম গ্রহণ করিলেও এবং লেখাপড়া বোধ না থাকিলেও সাধু সন্ন্যাসী ভক্ত ছিলেন। কয়েক মাস পূর্বে ইনি কোন সাধুর নিকট হঠাৎযোগের কঠোর উপদেশ পাইয়া তাহা সাধন করিয়া মুখ হইতে রক্তস্রাব হওয়া সত্ত্বেও ঐ কার্য্যেই মুক্তি হইবে এই ধারণায় ঐ কার্য্য ত্যাগ না করিয়া প্রাণ সংশয় কার্য্য করিতে একান্ত অনুরক্ত। তাঁহার আত্মীয়স্বজন ঐ কার্য্য হইতে নিবৃত্ত করেন।

ইত্যাবসরে ঝরিয়ার শ্রীযুক্ত বৈষ্ণনাথ প্রমুখ সংবাদ শ্রুত হইয়া আমার নিকট আগমন করিয়া আত্মকার্য্য পাইবার জন্য বিশেষ আগ্রহ প্রকাশ করেন। আমি বাবার আদেশ লইয়া তাঁহাকে আত্ম কার্য্যের উপদেশ প্রদান করি। ইনিও প্রতি রবিবারে গীতা সভায় আসিতে থাকেন। সন ১৩৪৪ সালের বৈশাখ মাসে এক রবিবারে ঝরিয়া বঙ্গ বিদ্যালয়ের প্রধান শিক্ষক শ্রীযুক্ত শ্রীধরচন্দ্র সূত্রীকার ইনি বৈষ্ণনাথের ভগ্নীপতি, আমার সহিত সাক্ষাৎ করিয়া উপদেশ পাইবার জন্য আগ্রহ প্রকাশ করায় ২১৪ দিবস পরে ক্রিয়া পান। ইনি

জ্ঞানবান ; ক্রিয়া পাইয়া ধন হইলেন বাবার লীলা বুঝে কাহার সাধ্য, দেখিতে দেখিতে এ প্রদেশে এ দেশীয় কতকগুলি জীবের মঙ্গলের জন্য দৃষ্টিপাত করেন ।

এ দেশীয় ব্রাহ্মণবর্গ কদাকার আচরণে অত্যন্ত, প্রত্যেক শুভকার্য অর্থাৎ অন্নপ্রাসন, উপনয়ন, বিবাহ, শ্রাদ্ধ প্রভৃতি কার্যে যাহারা প্রকাণ্ড 'প্রকাণ্ড' খাসি হত্যা না করিয়া যজ্ঞ সম্পন্ন করেন না, তাঁহাদের সমাজে এ রোগে মোক কীর্ত হইতেছেন কি বিচিত্র পরিবর্তন । যাহাদের, পূর্ব পুরুষগণ এ প্রদেশে আসিয়া ইতর জাতির কদাচার সংশোধন করিবার জন্য রাজাগণ কর্তৃক আনিত হইলেন তাঁহারা আসিয়া এ দেশীয় ইতর জাতির উদ্ধার করিতে গিয়া, নিজেরাই তদভাবাপন্ন আচার ব্যবহার অর্জন করিয়াছিলেন, তাঁহাদের বংশীয়গণ বাবার কুপায় নিজেদের উদ্ধার সাধনে তৎপর একি কম আনন্দের কথা । এখনও শ্রীহট্ট প্রভৃতি প্রদেশে নীচ জাতি উন্নতিকল্পে বঙ্গদেশ হইতে ব্রাহ্মণগণ যাইয়া নীচ জাতির উন্নতি সাধন করিতেছেন । এই সময়ে ঝরিয়া, নিবানী শ্রীকৃষ্ণবিহারী মিশ্র এবং ঝরিয়া রাজবাটীর আমলা শ্রীযুক্ত হৃদয়নাথ সিং ক্রিয়া পান । এই বারারি কয়লা কুঠির সারভেয়ার লোধনা শ্রীযুক্ত মণীন্দ্র বাবুর কনিষ্ঠ ভ্রাতা শ্রীযুক্ত শচীন্দ্রনাথ কাননগুই ক্রিয়া পাইবার জন্য বিশেষ আগ্রহ প্রকাশ করায় তাঁহাকে আত্ম কার্যের উপদেশ দান করি । ভাগা বেল ষ্টেশনের সহকারী 'ওজন বাবু শ্রীযুক্ত বিশ্বেশ্বর রায় এবং ভজুতি ষ্টেশনের তাঁর বাবু শ্রীযুক্ত বরদাপ্রসাদ রায় ক্রিয়া প্রাপ্ত হইলেন । ভজুতি ষ্টেশনের প্রধান ওজন বাবু ৩বৈষ্ণনাথ হইতে সপরিবারে ক্রিয়া লইয়া আইসেন । এই সময় হইতে প্রতি রবিবারে সর্বস্থানের ক্রিয়াবানগণ বারারি আসিতে লাগিলেন এবং গীতার চর্চা হইতে লাগিল । উল্লিখিত ক্রিয়াস্থিতগণ ক্রমে ক্রমে আত্মকার্য করিয়া তৃপ্তিলাভ করিতে লাগিলেন । এই সনের ভাদ্র মাসে কতকগুলি গীত রচনা করি, তাহা ভক্তি সঙ্গীত নামে পৃথক পুস্তক হইয়াছে ।

এই ভাদ্র মাসে দুইবার জরে পড়ি । ৭ বৎসর জর হয় নাই সম্ভবত

ক্রিয়ার শৈথিল্যে এবং কর্মফলের ভোগ ভিন্ন আর কিছু মনে হয় না। ৩পূজার সময়ে বলাগড়ে ১২ দিনের ছুটিতে যাওয়া হইল তথায় শ্রীমান জ্যোতিষচন্দ্র, গোপালচন্দ্র, গেম্বিন্দচন্দ্রের মুখাবলোকন করিয়া এবং প্রাণাধিকা কন্যা রশীকে দেখিয়া দুর্বল হৃদয় সবল হইল। গত বৈশাখ মাসে আমি শ্রীমান জ্যোতিষচন্দ্রের বিবাহ উপলক্ষে বলাগড়ে ১২ দিবসের জন্য আসিয়া বড় আনন্দ ভোগ করিয়া গিয়াছি। নদীয়া জেলাস্তর্গত জুনেদার জমিদার শ্রীযুক্ত কালীচরণ বন্দ্যোপাধ্যায় মহাশয়ের পঞ্চম কন্যা শ্রীমতি বীণাপানি দেবীর সহিত শ্রীমানের উদ্বাহ কার্য সম্পন্ন হয় তাহাতে উক্ত বন্দ্যোপাধ্যায় মহাশয় ১৩০০ টাকা বর পক্ষে প্রদান করেন, তন্মধ্য হইতে প্রায় হাজার টাকার গহনা আমরা পুত্রবন্ধুকে গড়াইরা দিই এবং বৌভাতে বলাগড়ের বাঁড়ুয়োপাড়া ব্যতীত সমস্ত গ্রাম্য ব্রাহ্মণবর্গকে নিমন্ত্রণ করা হয় এবং সাধামত তাঁহাদিগকে আহার করান হয়। বলাগড়ের কয়েকজন আত্মীয়সহ বর লইয়া জুনেদায় যাওয়া হয়, মহা আনন্দে তথায় বিবাহ কার্য সম্পন্ন হয়। সুসার আশ্রমে সে আনন্দে কয়েক দিবস মাতিয়া ছিলাম।

এবার শরীর অসুস্থ হওয়ায় নিরানন্দে বলাগড় গমন করি ১২ দিবস তথায় অতিবাহিত করিলাম সত্য, কিন্তু পুনরায় তথায় এক দিন জ্বর দেখা দিল, জ্যোষ্ঠ এবং মধ্যম পুত্র আমাকে যত্নের ক্রটি করে নাই। ছেলেরা জ্ঞানবান হইয়াছে, তাহাদের কর্তব্য জ্ঞান হৃদয়ে প্রক্ষুটিত হওয়ায় আমার সেবার ক্রটি করে নাই, ইহাও আমার মহা আনন্দের বিষয় মনে হই কি? পরাৎপর বাবার মহাবভূতি প্রকাশ সে আত আশ্চর্য। তাঁহার ক্রপায় তাঁহার ব্যবস্থা মত ঔষধি সেবন করিয়া জ্বর এবং উপসর্গ হইতে পরিত্রাণ পাই। সেকালিকার পাতা ৭টি, গোলমরিচ ৪টি বাটিয়া প্রাতে সেবন বিধি তাহার দুই ঘণ্টাপূর্বে অর্ধ ছটাক শ্বেতবর্ণ গোবৎসের মূত্র সেবন করি এবং বৈকালে অর্ধ ছটাক থানকুড়ি গাছের পাতার রস, এই তিন প্রকার ঔষধি সেবন করি। এই ঔষধি হইতে পরিত্রাণ পাই।

বলাগড়ে শরীর দুর্বল এবং অসুস্থ বিধায় সাত দিবসের ছুটি লই। ঐ ছুটি অস্তে ঝরিয়া আসিয়া বারারি খাদের আগুন লাগা সংবাদ পাই এবং ঝরিয়া হইতে প্রকাশিত অগ্নিশিখা প্রদর্শন করি। সে ভয়ানক দৃশ্য কখন দেখি নাই। এখানে আসিয়া বাবার ঔষধি সেবন করিতে করিতে আরোগ্য লাভ করি। অগ্রহায়ণ মাসে ঝরিয়ার প্রদেশস্থ ক্রিয়াবানদিগের অনুরোধে পরাম্পর বাবাকে ঝরিয়ায় ক্ষমার্পণ করিতে পত্র লিখি বাবা তাহার এই উত্তর প্রদান করেন এক সময়ে আসিবেন। ১৯১১ খৃঃ ডিসেম্বর মাসে মহামাণ্ড ভারত সম্রাট পঞ্চম জর্জ দিল্লীতে আসিয়া দরবার করেন। ৩০শে ডিসেম্বর মহামাণ্ড ভারত সম্রাট কলিকাতায় আগমন করিয়া ৭ই জানুয়ারী পর্যন্ত অবস্থিতি করিয়া ইংলণ্ডে প্রত্যাবর্তন করেন।

১৯১৫ খৃঃ শ্রীমান গোপালচন্দ্রের বিবাহ শীতকালে নির্ধারিত হই, তৎপূর্বে একটা সামান্য কারণে বারারির সহকারী সাহেবের সহিত বচসা হয়। তিনি মৃত্যুপানাবস্তায় আমাকে দুই একটা কটু ভাষা প্রয়োগ করায় কার্যে এস্তাবা দিই। ঐ সাহেব আমার নিকট আসিয়া অশেষ প্রকার ক্ষমা প্রার্থনা করিলেও এবং জেনারেল ম্যানেজার এবং ম্যানেজার সাহেব আমাকে ভূয়োভূয়ো অনুরোধ করেন কার্য ত্যাগ করিবেন না, ঐ সাহেবকে রীতিমত দণ্ড দিতেছি মেমেরাও বারম্বার অনুরোধ করিতে ক্রটি করেন নাই। কিন্তু চাকরীতে বিতৃষ্ণা হওয়ায় কার্য হইতে অবসর গ্রহণ করা একান্ত ইচ্ছুক থাকায় ঐ কার্য ত্যাগ করিয়া দেশে আসি। বড় সাহেব আমার প্রতি যথেষ্ট সহানুভূতি প্রকাশ করেন, অনেকগুলি টাকা প্রভিডেণ্ড ফণ্ড হইতে দিয়া দেন এবং উপযুক্ত প্রশংসা পত্র প্রদান করেন শ্রীমান গোপালের বিবাহ উপলক্ষ্য করিয়া সর্বসম্মত দেশে আসিয়া নূতন বাটীতে বাস করিতে থাকি এবং গোপালের বিবাহান্তে কিছু দিনেই জন্ম ভূনান বারারি কুঠিতে সোস্তর টাকা বেতনে নিযুক্ত হই। সাহেবটী বড়ই মৃত্যুপানাসক্ত এবং তাঁহার বাবুটির চরিত্র ভাল নহে, মন একরূপ স্থানে থাকিতে চাহিল না, দেশে আসিয়া বাটীতে চিকিৎসালয় খুলিয়া চিকিৎসা ব্যবসা করিতে লাগিল।

• শ্রীমান জ্যোতিষচন্দ্র পশু বিদ্যালয় হইতে প্রশংসার সহিত পূর্বে পাশ করিয়াছিলেন, সরকারি কার্য করিতে লাগিলেন। বেহার প্রদেশে কয়েক বৎসর কার্য করিয়া স্থায়ী কার্য না হওয়ার এবং তাহার চাকরীর পক্ষে সাহেবের সহিত মনের মিল না হওয়ার সরকারী কার্যটি যায়। পরে মধ্য-প্রদেশে এক বৎসরের অধিক কার্য করেন, তথায় স্থায়ী কার্য না হওয়ায় কার্যটি যায়। শ্রীমান জ্যোতিষের ক্রমে ক্রমে দুইটি কন্যা ও দুইটি পুত্র জন্মগ্রহণ করে। প্রথমে কন্যা হয় তাহার নাম গীতা, দ্বিতীয় ক্ষিতিশচন্দ্র পুত্র, তৃতীয় গৌরীবালা কন্যা, চতুর্থ জগদীশচন্দ্র পুত্র। শ্রীমান জ্যোতিষের সর্ব কনিষ্ঠ পুত্র স্বরূপ সম্পন্ন হইয়া জন্মগ্রহণ করে, ঐরূপ সুন্দর-সস্তান তাহার পূর্বে হয় নাই, কিন্তু দুঃখের বিষয় ছয় মাসে অকালে মনোহর পুষ্পটি শুষ্ক হইয়া যাইল, তাহাতে আমার মন মধ্যে কথঞ্চিৎ অশান্তির আবির্ভাব হয়।

শ্রীমান গোপালের দুইটি পুত্র ও একটি কন্যা। পুত্র দুইটির নাম শচীচুল্ল ও নন্দচুল্ল সর্বত্র সুন্দর দুইটি পুত্র ও সর্ব কনিষ্ঠ স্নতি সুন্দরী কন্যা ইন্দুবালা। শ্রীমান গোবিন্দের বিবাহ ১৯২১ খ্রীঃ গুপ্তিপাড়া নিবাসী শ্রীযুক্ত প্রভাচরণ বন্দ্যোপাধ্যায় এম এ, বি এল, আমার বাল্য বন্ধুর চতুর্থ কন্যার সহিত সম্পন্ন হয়। শ্রীমতী প্রভাবতী দেবী আমার সর্ব কনিষ্ঠ কন্যা (ওরফে) রাণীর বিবাহ খুলনা জেলার অন্তর্গত নেহারপুর গ্রামে, শ্রীমান ভবনাথ বন্দ্যোপাধ্যায় স্মৃতিরত্ন কাব্যতীথের সহিত সম্পন্ন হয়। জামাতাটি স্বনামধন্য কর্মবীর দেশের সংকার্যে সদাই লিপ্ত এবং খুলনাবাসী সাপ্তাহিক পত্রিকার সম্পাদক। তিনি অনেকগুলি কার্য করিয়া থাকেন, একটা স্কুলের প্রধান শিক্ষক, আরও কতকগুলি কার্য করিয়া থাকেন।

• শ্রীমান গোপাল এম এ, পাশ করিয়া প্রথমে বলাগড় ইংরাজী বিদ্যালয়ের প্রধান শিক্ষকের কার্য করিয়া স্কুলকে সজীব করিয়া মুর্শিদাবাদের অন্তর্গত জঙ্গিপুর মহকুমা স্কুলের প্রধান শিক্ষকের কার্য করেন। অবশেষে উপস্থিত তিনি আরা জেলা অন্তর্গত মহারাজা ডুমরাঙনের উচ্চ ইংরাজী বিদ্যালয়ের

প্রধান শিক্ষকের কার্যে নিযুক্ত হন। শ্রীমান জ্যোতিষ কলিকাতা মিউনি-
সিপালিটিতে ছয় মাস স্বাস্থ্য বিভাগে একশত পঞ্চাশ টাকা বেতনে
স্বপারিটেণ্টের কার্য করেন, ঐ কার্য যাওয়ার এক্ষণে দেশে দোকান খুলিয়া
দোকানের উন্নতি সাধন করিয়াছিল। তিনটী সমবয়স্ক ভদ্রসন্তান মিনিয়া এই
দোকান চালাইতেছিলেন। আমি গুরু প্রদর্শিত কার্য করিয়া দেশে ডাক্তারি
দ্যাবনার্থ জীবিকা উপার্জন করিতেছিলাম। নলডাঙ্গা ও ঝরিয়াতে বাবার
আদেশ মতামুযায়ী কতকগুলি ভদ্র সন্তানকে উপদেশ দিয়াছি।

দাতু আমাকে ক্রিয়া দিবার জন্ত জেদ করায় মার্চ মাসে বেহার সরিফের
ভ্রাতৃরন্দ যথেষ্ট খরচ করিয়া আমাকে তথায় লইয়া যান, তথায় দুই জন
মোক্তার এবং দুইজন স্ত্রীলোক ক্রিয়া পান। আমাকে ভ্রাতাগণ রাজগিরি
পাহাড়ে লইয়া যান, তাহা দেখিবার জিনিস, তথায় বুদ্ধদেব অনেক দিন সাধন
করেন, এই পাহাড় জরাসিন্দু রাজার কারাগার ছিল, কয়েকটী গরম জলের
ফোয়ারা দেখিলাম। গরম জল পড়িতেছে, তথায় স্নান করিলাম; পাহাড়
কতকদূর বেড়াইয়া প্রত্যাগমন কালিন তথায় জৈনদিগের প্রকাণ্ড মন্দির
স্বর্ণ রৌপ্য ঘটিত মহামূল্য জিনিসের দ্বারা রচিত সিংহাসন দেখিয়া বৈকালের
গাড়ীতে বেহারে সকলের সহিত ফিরি। তৎপর দিন আমার মধ্যম পুত্র শ্রীমান
গোপালের কর্মস্থানে ডুমরাওয়ে একটী ভ্রাতাসহ গমন করি তথায় অনেক
দেখিবার ছিল, ভোজপুর দেখিলাম বিক্রমাদিত্যের বংশ, ঐ বংশীয় এখানে
আসিয়া বাস করেন উহাই পরিণামে ডোমরাও রাজ্যে পরিণত হয়। ইহার
তিন শাখা, বন্দায়, জগদীশপুর ও কুমারসিং অবস্থিতি করিতেন, পরিণামে
সিপাহী বিদ্রোহে ধ্বংস হয়। আমি বাইশ দিন ডুমরাওয়ে থাকিয়া দেওঘর
ও রাণীগঞ্জ হইয়া বাড়ী প্রত্যাবর্তন করি।

দুই বৎসর হইল শ্রীমান প্রতাপ ভট্টাচার্য্য পঠৈকোরা চট্টগ্রাম নিবাসী
তাহার বাটতে রাত্রি একটার সময়ে আগ্নি লাগে, যখন ঘরের উর্দ্ধ পর্যন্ত
আগুন চারিদিকে ধরিয়া উঠিয়াছে সেই সময়ে অনেক লোক ঘরে অঘোর

নিদ্রায়। তথায় নাকি আমি ঐ ঘরের মধ্যস্থলে প্রতাপের মাতাকে, মা বলিয়া ডাকিতেছিলাম কেহ তাহা না শুনায়, আমি প্রতাপের মাতার মাথায় হস্তস্পর্শ করিয়া ডাকিতে লাগি। তাহার পরে তিনি ধড়মড়িয়া উঠিয়া আমাকে ঘরের মধ্যস্থলে দণ্ডায়মান দেখিতে পান, আমি বলিলাম—ঘরের উর্দ্ধ পর্য্যন্ত আগুন ধরিয়াছে অথচ অনেকে ইহার ভিতর নিদ্রিত, উঠিয়া পালান, তাহারা উঠিয়া প্রাণ রক্ষা করেন। প্রতাপের মা এবং কনিষ্ঠ ভ্রাতা দুইখানি পত্র আমাকে লিখেন “কি করিয়া আমাদের জীবনগুলি রক্ষা করিয়া গেলেন বাবা, আপনার কোন কষ্ট হয় নাই ত” ঐ পত্রে লিখিয়াছিলেন, আমি কিন্তু কিছুই জানিনা, সকলই গুরুদেবের লীলা।

আনুমানিক ৪ বৎসর পূর্বে শ্রীমান চুণীলাল সরকার ক্রিয়া পাইবার ১০ বৎসর পরে কলিকাতায় কাশীদত্ত ষ্ট্রীটস্থ তাহার বাসাভবনে সকাল নয় ঘটিকার সময় ক্রিয়ায় বসিয়া পঞ্চমণ্ডী প্রাণায়াম করিবার পর আমি তাহার বাম দিকে বসিয়া আছি, দেখিতে পায় এবং আমি নাকি তাহার প্রাণায়ামের বায়ু পরীক্ষা করিতেছিলাম; তাহাও সে লক্ষ্য করিয়াছে, কি আশ্চর্যের বিষয় আমি কিন্তু জানিনা, সকলই বাবার খেলা ভিন্ন আর কিছুই নয়। শ্রীমান চুণীলাল সরকারের স্ত্রী, এই আত্মকর্মের অত্যন্ত বিরোধী ছিলেন, তাঁহার স্বামী তাঁহাকে ক্রিয়া লইবার কথা বলিলেই উভয়ে তুমুল ঝগড়া বাধিত। কিন্তু বাবার মহিমা বলে চুণীলালের স্ত্রী ক্রিয়া লইতে আসেন এবং ক্রিয়া কালীন আপন অন্তর মধ্যে বাবার মূর্ত্তি দর্শন করিয়া আনন্দে বিভোর হন ও ক্রিয়ায় আসক্ত হন। ক্রিয়া পাইবার আট মাস পরে, তিনি তাঁহার শ্বশুরালয়ে সন্ধ্যাকালীন ক্রিয়ায় বসিয়া পনের সোলসটা প্রাণায়াম করিবার পর আমার মূর্ত্তি দেখিতে পান, যেন আমি তাঁহার নিকট গিয়া তাঁহার ক্রিয়া পরীক্ষা করিতেছি। কিন্তু আমাকে দেখিয়া তিনি ভয়ে চিৎকার করায় আমি অন্তঃখ্যান হই। এইরূপ দুই দিন সন্ধ্যা ক্রিয়াকালীন আমায় 'দেখুন' ও দুই দিনই চিৎকার করেন, ইহার পরে আর দেখিতে পান নাই। আমি কিন্তু কিছুই জানিনা, সবই তাঁহার খেলা।

তিন বৎসর পূর্বে গিরিডির নলিনীমোহন বন্দ্যোপাধ্যায়ের মাতা লিখিতেছেন নলিনীর মাতা নলিনীর ছোট মেয়েটির জ্বর হওয়ায় রাত্রে তাহার মাথায় জলপটি দিতেছিলেন, এবং ক্রিয়া করিতেছিলেন। ক্রিয়া করিতে করিতে দেখিতেছেন “আমি তাঁহার বুকের মাঝখানে কাণ দিয়া জপ দেখিতেছি তখন আমি তাঁহাকে বলিতেছি হাঁ মা টানাটা অন্ন হইতেছে কেন তোমার কি গাঙ্গি হইয়াছে, নলিনের মা বলিতেছেন হাঁ বাবা এখান হইতে আপনি চলিয়া যাইবার পরে আমাদের সকলের অস্থখ হইয়াছিল। মা সেই জন্তই ত তোমাদের দেখতে এলাম। কেন মা আমার জন্ত এত কঁাদ?—আমি যে তোমার পূর্বক রেচকের মধ্যে সর্বদাই তোমার হৃদয়ে বর্তমান আছি; তবে কেঁদে কষ্ট পাও কেন? এই ঘটনার এক মাস পূর্বে নলিনীর মাতা ক্রিয়া করিতে সন্ধ্যা রাত্রে বসিয়াছেন তিনি দেখিতেছেন সম্মুখে কানীর বাবা দক্ষিণে আমাদের বাবা বসিয়া আছেন এবং আমি নাকি কানীর বাবার কাঁধে এক হাত এবং আমাদের বাবার কাঁধে অপর হাত দিয়া তাহাদের পশ্চাতে দাঁড়াইয়া আছি নলিনীর মাতা যতক্ষণ ক্রিয়া করিয়াছিলেন সেই রাত্রে ঐরূপ দেখিয়াছিলেন। তাহার পরে ক্রিয়ার সময় রাত্রে কয়েকদিন বরাবর কানীর বাবা এবং আমাকে দেখিয়াছিলেন। যে দিন আমি তথা হইতে দেওবরে যাই পনের মিনিট সন্ধ্যাকালে আমার কণ্ঠধর ও হাসির আওয়াজ শুনিতে পাঠিয়াছিলেন। সকলই দয়াময়ের লীলা।

গত দুই বৎসর হইল চট্টগ্রামের প্রফুল্লচন্দ্র ভট্টাচার্য্য প্লথানে ক্রিয়া পান তৎপূর্বে তিনি I. Sc. পাশ করিয়া Engineering Collage শিবপুরে Mining পড়িয়া ধানবাদ 1st Class Mining Managership পরীক্ষা দুইবার দিয়া বিফল মনোরথ হইয়া ঝরিয়ায় থক্কর ফেরি করিয়া বেড়াইতেন। গত দুই বৎসর 1st Class Managership পরীক্ষা দিতে ইচ্ছুক হইয়া আমাদের জ্ঞানান বধা ভাল করিয়া পড়ি নাই সত্য তবে আমার মনে হইতেছে আপনার কৃপা হইলে পরীক্ষা দিয়া পাশ করিতে পারি, আপনি আমাকে

অভয় দেন। আমি By Inspiration দ্বারা বাবাকে জানাই তিনি আদেশ দেন পরীক্ষার সময়েও যদি দুই বেলা ক্রিয়া করিতে পারেন তবে ভাল ভাবে প্রফুল্লবাবু পাশ করিতে পারিবেন। সেই আদেশ সংবাদ তাঁহাকে জানাই কি আশ্চর্য্য প্রফুল্লবাবু পরীক্ষা দেন, ৭৬ জনের মধ্যে তিনি প্রথমস্থান অধিকার করিয়া পাশ করেন আর ৩টা ইংরেজ দ্বিতীয়, তৃতীয় এবং চতুর্থ হন। প্রফুল্লবাবু উচ্চ আশায় কলিকাতা বিশ্ব বিদ্যালয়ে Vice Chanclerএর নিকট আবেদনে Estate Scholarship Annual Rs. 2000 পান এবং একটি Science Association Rs. 500 England, Burming, Ham, যাইবার জন্য পাথের প্রাপ্ত হন। সেই সময়ে কলিকাতা হইতে আমাকে লেখেন যে বাবা আমি Mining Collageএ পড়িতে Burming Ham যাইতেছি সত্য কিন্তু আমি গোমাংস গ্রহণ করিব না। আমি ঐ পত্রের উত্তরে গুরুদেবের আভাষ মতে যাহা প্রফুল্লকে লিখি তাহার সংক্ষিপ্ত সার নিম্নে দিলাম যথা—“প্রফুল্ল, তুমি ক্রিয়া লইবার সময়ে প্রতিজ্ঞা করিয়াছিলে? মাংস, ডিম পেরাজ খাইব না এখন বিলাতে যাইতেছ যাহাদের সহিত একত্রে বসবাস করিতে হইবে মাংস না খাইয়া যদি Vegitable খাইতে পার তবে তথায় ক্রিয়া শাস্ত্রিক কর্মের উন্নতি সাধন করিতে পারিবে। দেখ শরীরের মধ্যে তিনটা গুণ আছে তাহা সত্ত্ব, রজ ও তম। সুত্বগুণ বি-ভীষণ অর্থাৎ যাহার মনের ভীষণ অবস্থা কাটিয়া গিয়া স্থির মন প্রাণে তন্ময়ভাবে অর্থাৎ রামগত প্রাণ অর্থাৎ যিনি স্থির মন প্রাণে আছেন তিনিই বিভীষণ। রাবণ রজগুণ যাহার অহঙ্কার দর্প অঙ্গের ভূষণ বোধ হয়, কামনা পরতন্ত্র মনের এত বড় দাণ্ডিকতা যে আগার নিকট ঈশ্বর কি, ঈশ্বর নাই, আমিই ঈশ্বর আমি সকল করিতে সক্ষম যাহা রাবণের ছিল, রাবণ তাহার মন্ত্রী মুখসারনকে বলিয়াছিলেন আমি ত্রিলোক বিজয়ী, স্বর্গ, মর্ত্ত, পাতাল আমার অধিকৃত। মন্ত্রী! তুমি ইন্দ্র, চন্দ্র, বায়ু, বরুণ ও যম, ইহাদিগকে ধরিয়া আনিয়া লক্ষ্য-পূরীতে নীচ কার্য্যে নিয়োগ কর। সেই অহঙ্কারী মানবদিগের সংশ্রবে প্রফুল্ল

তোমাকে থাকিতে হইবে তাহাদের তড়িৎ অহরহ গ্রহণ করিতে হইবে তাহাতে তোমার সাত্ত্বিক কৰ্ম্য বন্ধ হইতে পারে, সুতরাং ক্রিয়ার বিঘ্ন নিষ্কাম কৰ্ম্মের বিঘ্ন হইয়া কামনা পরতন্ত্র হইবে।

তাহার পরে তমগুণ—যাহার মন নাভির নিম্নে গুহ্বার পর্যন্ত স্থানে থাকে তাহাকে তমগুণাবলম্বি কহে। কুন্তকর্ণের প্রিয় ছিল সকল প্রকার মাংস মদ্যকাণ্ড ও স্ত্রীলোক উপভোগ, ইহাদিগের ব্যবহারে উপভোগে অহোরাত্র নিদ্রাভিভূত থাকিত। রাবণ রজগুণজাত কাম রিপুর প্রাধাত্য দিন দিন নিষ্কাম কৰ্ম্ম দ্বারা একে একে কামনা সকল নিপাত হইতে লাগিল। ইন্দ্রজিৎ অর্থাৎ প্রধান ইন্দ্রিয় ধ্বংস সাধন হইল। তখন রাবণ মন্ত্রীকে বলিলেন,—দেখ মন্ত্রী লক্ষা বীরশূণ্য হইল, একমাত্র আমার মধ্যম ভ্রাতা কুন্তকর্ণ, তিনি মোহনিদ্রায় শারিত তাহার নিদ্রাভঙ্গ কর; মন্ত্রী বলিলেন,—মহারাজ কুন্তকর্ণের নিদ্রাভঙ্গের পূর্বে তাহার উপভোগ জন্ত স্তপাকারে নানা প্রকার মাংস, হাঁড়াহাঁড়া মণ্ড এবং অনেক সুন্দরী স্ত্রীলোক তাঁহার উপভোগের জন্ত রাখিয়া তাঁহার নিদ্রাভঙ্গ করিতে হয়, সে সকল জোগাড় করি তাহার পরে তাঁহার নিদ্রাভঙ্গ করা দরকার, নচেৎ সর্বনাশ হইবে। এখন বুঝিলে প্রফুল্ল তোমাকে বিলাতে সেই কুন্তকর্ণের আচরণ করিতে হইবে, রাবণ অহঙ্কার এবং কুন্তকর্ণ মোহ। ইহাদের সংশ্রবে থাকিলে তোমা দ্বারা কি সাত্ত্বিক কৰ্ম্ম নিষ্কাম ক্রিয়া করা কি সম্ভব হইবে।” তাহার উত্তরে প্রফুল্ল বলেন,—বাবা বিলাত হইতে আসিয়া ভ্রাতাগণকে দেখাইব আমি ধর্ম্ম হইতে কৰ্ম্ম বর্জিত হই নাই। আমি সন্দেহ করিয়াছিলাম, যদিচ তাহার দুই তিনখানি পত্র বিলাত হইতে পাইয়াছি তাহাতে লিখিয়াছিলেন বাস্মিংহাম ভীষণ ঠাণ্ডা স্থান প্রতিদিন বরফ পড়ে তজ্জন্ত ডাক্তারগণ বলেন মাংস আহার না করিলে শীত সহ করিতে পারিবে না।

আমাদের দেশে রাবণ কুন্তকর্ণের অভাব নাই বিভীষণ কম দেখিবেন।

পরাম্পর ইষ্টদেবের দেহত্যাগের পূর্বে আমাকে ক্রিয়া প্রচারের সম্পূর্ণ

ভার অর্পণ করিয়া যান। তাঁহার আদেশ মত তাঁহার ক্রিয়া দান করিয়া যাইতেছি। আবার তাঁহার কৃপায় দুই চারি জন ক্রিয়ান্বিত স্থির বায়ুর ক্রিয়াও পাইয়াছেন। তাঁহা তির গুরু কেহ নাই এবং তাঁহা তির কুটুম্ব দর্শন করান কাহারও সাধ্য নাই। তিনি দেহত্যাগ করিয়াছেন সত্য, কিন্তু অনেক প্রমাণ দ্বারা তাঁহার স্মৃতি দেহের কার্য দেখা যায়, তাহা নিজ বোধরূপ। পরাম্পর ইষ্টদেবের অস্তিত্ব যখন তখন আমি উপলব্ধি করি, যখন তিনি আমাকে দেহত্যাগ অন্তে সপ্তম ক্রিয়া বলাগড়ে আমার ছোট বৈঠকখানায় আনিয়া দিয়া যান, তখনই বলিয়াছিলেন এই সহস্রার ক্রিয়া উৎসাহপন হইলে আমাকে অহঃবাত্র হৃদয় গুহা দেখিতে পাইবে, তাহার ফলেই ক্রিয়ান্বিত এবং ক্রিয়ান্বিতাকে দিব্য চক্ষু প্রদান কাগিন নারায়ণের প্রকৃত সংযুক্ত অথগু মণ্ডলাকার অরূপের রূপ দর্শন করাইতে সক্ষম হইবে তখন “আত্মািব গুরুদেক”ও অভুভূতি হইবে। স্মৃতরাং পাঠক বিশ্বাস করুন আমি কখনই গুরু হইয়া নিষ্কাম কল্পেণ উপদেশ দিই নাই এবং এই দেহ থাকাতক এই নিয়মেই চলিব। গুরু বাবার দেহত্যাগের পরে তিনবার চটগ্রামে ভ্রাতাগণ খরচ করিয়া লইয়া গিয়াছিলেন এবং তথায় বিস্তর পণ্ডিত ও শিক্ষিত লোক ক্রিয়া পাইয়াছেন। একজন জ্ঞানি আচার্য্য আমার জন্ম পত্রিকা প্রস্তুত করেন। আমার বাগ্য জীবন হইতে বৃদ্ধ জীবনের ঘটনা ধারাবাহিকভাবে মিল হইয়াছে। কিন্তু ঐ পত্রিকাতে আমার আয়ু ঠিক সত্তর বৎসর পর্য্যন্ত নির্দ্ধারিত করিয়া অর্থাৎ সত্তর বৎসরে আমার শেষ হয় আশ্বিন মাসের সংক্রান্তির দিন। এই দিবসেই আমার মৃত্যু লিখিত আছে কিন্তু নিষ্কাম কার্য করায় এখন আমার বয়স্ক্রম চোয়ান্তর বৎসর দশ মাস। তবে জীবন মৃত অবস্থার পতিত হইয়াছি নিজ বোধরূপ গুরুদেব আর কতদিন রাখিবেন তিনিই বলিতে পারেন, বেহার প্রদেশে দুই তিন বার গমন করিয়া উচ্চ সম্ভ্রান্ত স্ত্রীপুরুষ অনেককে বাবার ক্রিয়াদান করিয়াছি। উড়িষ্যাদেশের ত্রাঙ্কন বংশীয় স্ত্রীপুরুষ এখানে থাকিয়া উপদেশ লইয়া গিয়াছেন।

১৯২১ খ্রীঃ হইতে আমি বরাবর বলাগড়ে চিকিৎসা ব্যবসা করিয়া

আসিতেছি। গুরুদেবের আদেশ মত ক্রিয়া প্রচার কার্যেও ব্রতি আছি। আমার জ্যেষ্ঠ পুত্র শ্রীমান জ্যোতিশ বলাগড়ের দোকানের কার্য ত্যাগ করিয়া কলিকাতার নিকটবর্তী শোধপুর পিঞ্জরাপোলার ডাক্তারের কার্য পাইয়া তথায় থাকেন। কাঁচড়াগড়া হইতে রাত্রে গাড়ীতে শোধপুর আসিবার সময়ে বর্ষাকাল বাসায় যাইতে রেল গাড়ীতে কাটা যাইয়া মৃত্যুমুখে পতিত হন, সকলই অদৃষ্টের লিখন। ক্রিয়া বিতৃষ্ণাই মৃত্যুর কারণ, এমন কি ক্রিয়াবানেরা গাহারা আমার নিকট আসিতেন, তাঁহাদিগকেও মৃগার চক্ষু দেখিতেন; ইষ্টদেব ইহাকে নিষ্কাম কার্যের ক্রিয়া দিয়াছিলেন। বড় হইলে তাহায় হতশ্রদ্ধা এমন কি তাঁহার মাতুলকে পর্যন্ত বলেন ইহাতে কিছুই হয় না, অথচ কোন দিনই উপাসনায় বসিতেন না। এইরূপে নিষ্কাম কর্মের বিতৃষ্ণাই অকাল মৃত্যুর কারণ। মৃত্যুকালে তাঁহার কুটুম্ব দর্শন লাভ হওয়ার, পরধামে মঙ্গল হইয়াছে তাহার প্রমাণ পাইয়াছি। আমরা বলাগড়ে আসিয়া চিকিৎসা ব্যবস্থা কালিদে দেওঘরে পরাম্পর ইষ্টদেব দেহত্যাগ করেন। তাহা বার বৎসর গত হইয়াছে। দেহ ত্যাগের পরে পরাম্পর ইষ্টদেব আমাকে দুই তিমিটা স্থির বায়ুর কার্য দিয়াছিলেন ইহা সহজ বোধরূপ। পরাম্পর ইষ্টদেবের দেহত্যাগের পরে আমার জ্যেষ্ঠ পুত্রের জ্যেষ্ঠ কন্যার পীড়া কালীন প্রার্থনায়, ঐ পেশ্বির শয্যায় বসিয়া তাহার মেরুদণ্ডে হাত বুলাইতে দেখা গিয়াছিল। এক সময় আমার কন্যার সাংঘাতিক পীড়া কালিন গুরুবাদাশে কন্যার শয্যায় বসিয়া থাকিতে আমার পত্নী দেখিয়াছিলেন, আমার স্ত্রীকে মেয়েটার জীবনের ভয় নাই সঙ্কেত করিয়া অদৃশ্য হইয়া যান। দেহ ত্যাগের পরে অমেক সময়ে তাঁহাকে গুরু শরীরে দেখিয়াছি, কল্পনা মতে। আমার ক্রুর মধ্যস্থ্যমে সদাই বিরাজ করিতেছেন। তিমি ব্যতিত কেই জ্ঞান চক্ষু দান করিতে পারেন না ইহা আমার বিশ্বাস।

আধ্যাত্মিক মহাত্ম্য

ও

শারীরিক বৈজ্ঞানিক ধর্ম

শ্রীঈশানীতোষ চট্টোপাধ্যায় প্রণীত

৩মহাষ্টমী ২৯শে আশ্বিন.

১৩৪১ সাল।

সংক্ষিপ্ত

আধ্যাত্মিক মহাভারত

অন্তর্লক্ষ্যের অর্থ

কুরু পাণ্ডবের যুদ্ধ, অর্থাৎ প্রবৃত্তি-পক্ষের সহিত নিবৃত্তি-পক্ষের সংগ্রাম। ইহাই মহাভারত।

প্রবৃত্তি পক্ষ—প্রবৃত্তিসূচক মন ধৃতরাষ্ট্র অন্ধ। তাঁহার জ্যেষ্ঠ পুত্র দুর্ঘ্যোধন এবং আরুও ৯৯ জন, মোট ১০০ পুত্র,—ইহার কাম রিপু। দায়িক জীবকে দশ দিক বেষ্টিত করিয়া আক্রমণ করিয়া রহিয়াছে এবং ইহাদের প্রতাপে জীবকে গ্ৰায় অন্ধ্যায় কার্যে লিপ্ত করাইয়া, মহা-অশান্তি প্রদান করিতেছে। ধৃতরাষ্ট্র প্রাণের চঞ্চল অবস্থা হইতে উৎপন্ন। ধৃতরাষ্ট্র অন্ধ,—অর্থাৎ মনও অন্ধ। মনের ধর্ম সকল বিষয় গ্রহণ করে মাত্র, কিন্তু ঐ জিনিষের উপলব্ধি করিবার শক্তি না থাকায় বুদ্ধিকে উহা প্রদান করিলে বুদ্ধির সাহায্যে ঐ জিনিষের জ্ঞান জন্মে।

দুর্ঘ্যোধনাদি একশত ভ্রাতা ভোগীকান্ত ব্যয়। যিনি একাকীই একশত ভাগে বিভক্ত ও বিভিন্ন রূপ কামনায় প্রতাপাশ্বিত। দুর্ঘ্যোধনই শ্রেষ্ঠ, ধৃতরাষ্ট্রের অতি প্রিয় অর্থাৎ মনের প্রিয় হইতেছেন কামনা, কারণ মন দেহরাজ্যে কামনা শূন্য হইয়া থাকিতে পারেন না। সূতরাং ধৃতরাষ্ট্র রাজা হইলেও তাঁহার জ্যেষ্ঠ পুত্র দুর্ঘ্যোধনও রাজ উপাধিতে ভূষিত। ইনি এখন যাহা করিয়াছেন, ইহার পিতা তাহাই অনুমোদন করিয়াছেন। এদিকে মনরাজ্যের ইনিই প্রধান সেনাপতি। ইহার ইচ্ছা হইতে উদ্ভূত ক্রোধ, লোভ, মোহ, মদ এবং মাৎস্যর্য অর্থাৎ হিংসা।

এই পাঁচটি ইহার সহকারী-সেনাপতি রূপে জীবের দেহক্ষেত্রে অতুলনীয় প্রতাপে প্রাধান্য বিস্তার করিয়া রাখিয়াছে। কারণ দুর্ঘোষন-রূপী কাম রিপূর অস্তিত্বে জীবের প্রতি ইহাদের অসহনীয় আক্রমণ। সে আক্রমণ হইতে অব্যাহতি লাভ করা অসম্ভব। তবে ইহুগিকে বিনাশ করিবার পূর্বে ইহাদের রাজা দুর্ঘোষনকে বিনাশ বা তেজহীন করিতে পারিলে ইহারাও তেজহীন অবস্থা প্রাপ্ত হয়।

কামনারূপী দুর্ঘোষন, দশ ইন্দ্রিয় এবং দশ ইন্দ্রিয়ের বিষয়গুলি এবং আস্থরিক সম্পদ বিশিষ্ট বিস্তার সেনার অধিপতি হইয়া দেহরাজ্য শাসন করিতেছেন। দশ ইন্দ্রিয় ও তাহাদের বিষয়গুলি যথা—চক্ষু, কর্ণ, নাসিকা, জিহ্বা এবং ত্বক; মুখ, হস্ত, পদ, গুহ এবং লিঙ্গ; দর্শন, শ্রবণ, স্পর্শ, আশ্বাদন এবং স্পর্শন; চলন, ধারণ, আহার গ্রহণ, বায়ু-মলত্যাগ এবং মূত্রত্যাগ ও মৈথুন এই কুড়ি সৈন্তের সহিত অসংখ্য আস্থরিক সম্পদ বিশিষ্ট সেনা মিলিত হইয়া ব্যূহ রচনা করিয়া, পাণ্ডবগণের সহিত যুদ্ধে অহরহ প্রস্তুত। তৎপূর্বে দ্রোণাচার্যের নিকট পাণ্ডব ও কুরুগণ অস্ত্রবিদ্যা শিক্ষা করেন। তবে কুরুগণ অপেক্ষা পাণ্ডবগণ যুদ্ধ বিদ্যায় অধিক পারদর্শিতা লাভ করিয়াছিলেন।

বাল্যকাল হইতে কুরুগণ পাণ্ডবগণকে অতিশয় হিংসার চক্ষে অবলোকন করিতেন। ভীম পবন পুত্র (আত্মানাং জায়তে পুত্র) সূতরাং ভীম পবনস্বরূপ বলবান ছিলেন; তাহা উপলব্ধি করিয়া হিংসায় জর্জরিত হইয়া ভীমকে নষ্ট করিবার উদ্দেশ্যে বিষ দান, এমন কি, অগ্নিতে দাহ করিয়া মারিবার চেষ্টা পর্যন্ত করিয়াছিলেন। কিন্তু নিরুত্তি পক্ষ পক্ষ পাণ্ডব ধর্মপরায়ণ বিধায় শ্রীকৃষ্ণের কৃপায় অব্যাহতি লাভ করেন। তৎপরে প্রচ্ছন্নভাবে পঞ্চ পাণ্ডব কুন্তীসহ বন গমন করেন।

পাঞ্চাল দেশে ইন্দ্রের পুত্র, যুদ্ধবিদ্যা-বিশারদ তৃতীয় পাণ্ডব অর্জুন

যুদ্ধবিজ্ঞায় দ্রোণাচার্যের নিকট লক্ষ্যভেদ কার্যে দক্ষ হওয়ায় ; সকল রাজাগণকে পরাস্ত করিয়া লক্ষ্যভেদ করিয়া দ্রুপদ রাজকন্যাকে পঞ্চ ভ্রাতা একত্রে বিবাহ করেন। ইহাতে ইহার দ্রৌপদী, অর্থাৎ অন্তর্ধানিত্ব শক্তি প্রাপ্ত হন। পঞ্চ পাণ্ডব নিরুত্তি-পক্ষ ধর্মান্ধ্রান্ত, জ্যেষ্ঠ ভ্রাতা যুধিষ্ঠির যিনি ধর্ম পুত্র, মধ্যম ভীম পবন পুত্র, প্রাণস্বরূপ মহা বলবান। অর্জুন ইন্দ্র পুত্র তৃতীয় পাণ্ডব, ইনি ধনুবিজ্ঞায়—শর চালনার মহাযোদ্ধা। নকুল, সহদেব, অশ্বিনীকুমার ইহাতে উৎপত্তি—ইহারাও যুদ্ধ বিশারদ। এই পঞ্চ পাণ্ডব শরীরের পঞ্চতত্ত্ব, ক্ষিতি, অপ, তেজ, মরুৎ, ব্যোম। মাটি, জল, তেজ, বায়ু এবং শূন্য।

দেখুন, এই পাঁচটি উপাদানে শরীর গঠিত হইয়াছে। ঈড়া, পিঙ্গলা, চঞ্চল বায়ুর বলে বলীয়ান হইয়া ধৃতরাষ্ট্র অর্থাৎ মন ও কামনারূপী দুর্ধ্যোধন আশুরিক সম্পদে বলীয়ান হইয়া পাঁচটি সহকারী সেনাপতি,—ক্রোধ, লোভ, মোহ, মদ ও মাৎসর্য অর্থাৎ হিংসার সাহায্যে নিরুত্তি পক্ষীয় পঞ্চ পাণ্ডবকে—ধর্ম-পরায়ণদিগকে কি অত্যাচার না করিতেছে। কিন্তু এ পর্যন্ত পাণ্ডবগণ নীরবে অত্যাচার সহ করিতেছেন, আত্মীয় বিধায়। কিন্তু ধৈর্যেরও একটা সীমা আছে।

পাণ্ডবগণের সহায়, দৈবীসম্পদ বিশিষ্ট সেনাগণ ; যথা—অভয় বা ভয়শূন্যতা বা চিত্ত প্রসন্নতা, আত্মজ্ঞানের উপায়ে নিষ্ঠা, আত্ম কর্মে নিষ্ঠা; দান অর্থাৎ সাত্ত্বিক দান, ইন্দ্রিয় সংযম, প্রাণযজ্ঞের অনুষ্ঠান করা। কারণ প্রাণযজ্ঞ ব্যতীত অপর যজ্ঞ সকল বাহ্যিক যজ্ঞ, আত্মধ্যান, তপস্যা বা তপোলোকে থাকা, সরলতা, অহিংসা, সত্য, অক্রোধ, ত্যাগ অর্থাৎ ফলাকাঙ্ক্ষা রহিত কর্ম, শান্তি অর্থাৎ কর্মের অতীত অবস্থায় স্থিতিক্রম অবস্থা, খলতা শূন্যতা অর্থাৎ অকুর-ভাব, সর্বভূতে দয়া, লোভ শূন্যতা, অহঙ্কার রাহিত্য, কুর্কর্ম প্রবৃত্তিতে লজ্জা, চাপল্য শূন্যতা, তেজ, ক্রমা, ধৈর্য, বাহ্যভ্যন্তর শৌচ, এবং

আপনাকে অতি পূজ্য বলিয়া যে অভিমান তাহার অভাব। এই সকল পাণ্ডবদিগের দৈবী সম্পদ বিশিষ্ট সৈন্য, ইহাদের বলে বলীয়ান হইয়া প্রবৃত্তি পক্ষের নেতা দুৰ্য্যোধনের সকল পত্যাচার সহ করিতেছিলেন।

দুৰ্য্যোধন-রূপী কামরিপু ঈড়া পিঙ্গলার চঞ্চল বায়ু বল প্রতাপাঘিত ও হতজ্ঞান হইয়া পঞ্চ পাণ্ডবকে বিনাশ করিতে ইচ্ছুক। কিন্তু দুৰ্য্যোধন ইহা বুঝিতেছেন না, শরীরের আধার পঞ্চতন্ত্রের বিনাশে প্রবৃত্তি পক্ষীয়গণ কোথায় অবস্থিত করিবেন। প্রবৃত্তির জ্ঞান-শূন্যতার পরাকাষ্ঠা প্রতীয়মান হয় না কি ?

ধৃতরাষ্ট্র দেখিলেন উভয় পক্ষীয় অর্থাৎ কুরু ও পাণ্ডব ভ্রাতাগণের অহোরাত্র বিবাদ ভাল নহে, তজ্জন্ম ইন্দ্রপ্রস্থে—যুধিষ্ঠির বড় বিধায়—রাজধানীতে রাজা করিলেন। তথায় তিনি সুন্দর রাজসভা নির্মাণ করিয়া রাজ্য করিতে লাগিলেন। (ইন্দ্র = মন, প্রস্থে = প্রকৃষ্টরূপে স্থিতি অভিপ্রায়ে অর্থাৎ আজ্ঞাচক্রে মনের স্থিতি উদ্দেশ্যে, তথায় জ্যোতির্ষ্ময় সভায় বিরাজ করিতে লাগিলেন,) এবং দুৰ্য্যোধনাদি ভ্রাতাগণকে ইন্দ্রপ্রস্থে নিমন্ত্রণ করিলেন। দুৰ্য্যোধন, ভ্রাতাসহ তথায় গমন করিয়া পাণ্ডবগণের সভা এবং ঐশ্বর্য্য সন্দর্শন করিয়া হিংসায় জর্জরিত হইয়া হস্তিনাপুরে প্রত্যাগমন করিয়া যুধিষ্ঠিরকে পাশাখেলা করিতে আমন্ত্রণ করেন। পাণ্ডবগণ তিন গুণের অধীন, তজ্জন্ম মন, গুণে থাকায় ঈড়া, পিঙ্গলা, সুষুম্নার পাশা খেলায় কামনার কৌশলে পুণে হারিয়া যান এবং বনে গমন করেন। দুৰ্য্যোধন কামরিপু, তাহার শক্তি ও উজ্জ্বল ক্রোধ, লোভ, মোহ, মদ এবং মাৎস্য অর্থাৎ হিংসা ইহাদের প্রলোভনে পাণ্ডব পক্ষ জর্জরিত।

দ্রৌপদী অর্থাৎ অন্তর্ধামিত্র শক্তিকে কামনা আশ্রিত চঞ্চল বায়ুর প্রতাপে হরণ করিবার প্রকরণ দ্রৌপদীর বস্ত্রহরণ; তাহা স্থির বায়ু শ্রীকৃষ্ণের সাহায্যে নিবারণ হয়। তাহার পরে পাণ্ডবগণের

বনু গমন বানপ্রস্থ কথিত হয়। বানপ্রস্থ অবস্থায় অর্জুনের নানা প্রকার যোগ-ক্রিয়ার কৌশল লাভ হয়।

পূর্বে দ্রোণাচার্য্য গুরুর নিকট অস্তরূপ, কৌশল অর্জুন শিক্ষা করিয়াছিলেন, এবং আহুরাজ্য লাভের জন্য জেদ হয়। তজ্জন্ম দৈবী সম্পদে ভূষিত হইয়াছিলেন, এবং আজ্ঞাচক্রে অবস্থিতির জন্য উৎ-যোগ পর্ব অর্থাৎ উপরে অবস্থিতির আয়োজন, তাহাই উদ্যোগ পর্ব বন্দিয়া অভিহিত হয়। দেহরাজ্যে প্রবৃত্তি-সূচক মনের অধীনে ছয়টি রিপূর প্রাধান্য উপলব্ধি করিয়া, নিবৃত্তি-পক্ষ অর্থাৎ পঞ্চ পাণ্ডব নিরুদ্ধেগে সাধন সমর করিয়া আজ্ঞাচক্রস্থিত ব্রহ্মযোনিতে শর (আত্মস্বরূপ বানলিঙ্গ প্রাণ) নিম্ন হইতে আজ্ঞাচক্রে মিলিত করিতে পারিবে কিনা, এই সন্দেহে যুধিষ্ঠির শ্রীকৃষ্ণকে প্রবৃত্তি-পক্ষের সেনাপতি দুর্ঘ্যোধন সমীপে প্রেরণ করেন এবং বাচনিক বলিয়া দেন, “আমরা মহারাজ পাণ্ডুর পঞ্চ পুত্র, আমাদের পিতা এই ক্ষুদ্র ব্রহ্মাণ্ডরূপ দেহে অনেক দিন রাজত্ব করিয়া গিয়াছেন। তাঁহার দেহান্তে আমাদের জ্যেষ্ঠতাত নামে মাত্র রাজা, কিন্তু দুর্ঘ্যোধনই প্রকৃত পক্ষে রাজকার্য্যে দেহরাজ্য শাসন করিতেছেন। আমরা অর্ধেক রাজ্যের গায়ত অধিকারী তাহা যখন দুর্ঘ্যোধন দিতে অনিচ্ছুক, আর যুদ্ধে কাটাকাটি মারামারি করিতেও আমরা অনিচ্ছুক। তবে আমাদের পঞ্চ ভ্রাতা সন্ন্যাসী থাকিবায় জন্য আমরা কেবল পাঁচখানি গ্রাম চাহিতেছি, তাহা প্রাপ্ত হইলে এবং নিরুদ্ধেগে বসবাস করিতে পারিলে, আমরা যুদ্ধে আত্মীয় বধ করিতে অনিচ্ছুক।”

এই প্রস্তাবনা লইয়া শ্রীকৃষ্ণ দুর্ঘ্যোধনের শিবিরে গমন করেন এবং শ্রীকৃষ্ণ পাণ্ডবগণের অভিমত প্রকাশ করিলে দুর্ঘ্যোধন উত্তর করেন, বিনা যুদ্ধে সূচ্যাগ্র ভূমি প্রদান করিবেন না। ইহা ভিন্ন শ্রীকৃষ্ণ বলেন, ঐযে পাঁচখানি গ্রাম চাহিতেছেন তাহা দেহের সম্মুখেও নহে, দেহের পশ্চাতে

মেরুদণ্ডের পশ্চাতে মূলাধার, স্বাধিষ্ঠান, মনিপুর, অনাহত এবং বিশুদ্ধাখ্য, ক্ষুদ্র ক্ষুদ্র পাঁচখানি গ্রাম। মহারাজ যুধিষ্ঠির ইহাও বলিয়া দিয়াছেন ঐ পাঁচখানি গ্রাম ব্যতীত আমরা কুত্রাপি যাইব না। দুর্ঘ্যোধন এই পাঁচখানি গ্রাম ব্যতীত সর্বত্র শাসন করুন, ভ্রাতাদের কোনই আপত্তি নাই। তাহাতেও দুর্ঘ্যোধন সম্মত হইলেন না।

কি আশ্চর্য্য! যে দুর্ঘ্যোধন সূতপুত্র কর্ণকে অঙ্গ, বঙ্গ, এবং কলিঙ্গ দেশ দিতে পারিলেন, তিনি কিনা অর্ধেক রাজ্যের অধিকারী পঞ্চ পাণ্ডবকে কেবলমাত্র পাঁচখানি গ্রাম দিতে পারিলেন না। দুর্ঘ্যোধন কি এতই নীচ ছিলেন যাহাকে সকলেই মানী দুর্ঘ্যোধন বলিয়া সম্বোধন করিতেন।

কেন তিনি এই ক্ষুদ্র পাঁচখানি গ্রাম দিয়া পাণ্ডবগণের সহিত সন্ধি করিলেন না, তাহার বিশিষ্ট কারণ এই,—দুর্ঘ্যোধন ভাবিলেন, যদি পঞ্চপাণ্ডব মেরুদণ্ড মধ্যে দ্রৌপদীসহ বসবাস করেন; দ্রৌপদী অন্তর্যামিত্র শক্তি। ভীম পথন পুত্র (আত্মনাং জায়তে পুত্র) সূতরাং মহাবলবান প্রাণ এবং অর্জুন বহিস্বরূপ শক্তিকে আশ্রয় করিয়া, ঐ পঞ্চগ্রামে যাতায়াতরূপ অর্থাৎ দ্রৌপদী পঞ্চস্বামীর নিকট যাতায়াত কর্মকরেন এবং পাণ্ডব দিগের প্রধান সহায় কৃষ্ণচন্দ্র, যিনি তাহাদের নিকটবর্তী আজ্ঞাচক্রে অবস্থিত রহিয়াছেন, এই ৬টি স্থানে যাতায়াত-রূপ উঠা নামা কর্ম সম্পাদিত হয়। সূতরাং ৬টি চক্রই পাণ্ডবদের আয়ত্বাধীন হইয়া যে কার্য হইবে তাহাই নিষ্কাম কর্ম। ঐ নিষ্কামকর্মের ফলে আমি দুর্ঘ্যোধন-রূপী কামনার প্রতাপ বলহীন হইয়া ক্রমে ক্রমে আমার ধ্বংস সাধন হইবে কারণ আমার প্রতাপ তো ঈড়া পিঙ্গলার জোর মাত্র। ঐ নিষ্কাম কার্যদ্বারা স্থির প্রাণের উদ্ভবে উদ্ভ নাসিকা মধ্যস্থিত চঞ্চল বায়ুর গতিহীন হইলেই আমার বিনাশ অবশ্যস্তাবী এবং চঞ্চল প্রাণ হইতে আমার পিতা সূতরাষ্ট্রের উৎপত্তি সূতরাং মন নিঃশূল অবস্থা প্রাপ্ত হইয়া দেহ মন কামনা শূন্য হইলে দেহরাজ্য ধ্বংস হইবে।

আমার প্রতাপ নষ্ট হইলে আমার যে পাঁচ জন সহকারী-সেনাপতি ক্রোধ, লোভ, মোহ, মদ এবং মাৎসর্য অর্থাৎ হিংসা, যাহাদের সাহায্যে দেহরাজ্যে জীবকে মায়ায় আবদ্ধ করাইয়া রাজত্ব করিতেছি ; ঐ জীব মায়াহইতে মুক্ত হইলে আত্মরাজ্য প্রাপ্তি সুগম হইবে । এইরূপ ভবিষ্যৎ চিন্তা করিয়া ঐ ৫ খানি গ্রাম পাণ্ডবগণের বাসের জন্ম দেন নাই । দুর্ঘ্যোধন ভাবিলেন, আমি তো বসবাসের জন্ম ৫ খানি গ্রাম দিলাম না, তত্রাচ যদি উহারা জোর করিয়া ঐ পাঁচখানি গ্রাম অধিকার করিয়া নিষ্কাম কৰ্ম করি, ঐ প্রাণ কৰ্ম করিবার সময়ে আমি এবং আমার সহকারী-সেনাপতি পঞ্চ-রিপু এবং আশ্বরিক সম্পদ বিশিষ্ট সেনাগণ, পাণ্ডবদিগের নিষ্কাম কৰ্ম কালিন আমাদের বল প্রয়োগে তাহাদের সাধনে বিঘ্ন করিবু তাহা হইলে তাহাদের আত্মরাজ্য স্থাপন হইবেনা ।

এই চিন্তা করিয়া, যাহা হইলে কামরূপ দুর্ঘ্যোধনের মৃত্যু সংঘটন হইতে পারে, তাহা অনুমোদন না করিয়া শ্রীকৃষ্ণকে ঐ ৫ খানি গ্রাম— মূলধার, স্বাধিষ্ঠান, মণিপুর, অনাহত এবং বিশুদ্ধাখ্য চক্রে বসবাস করিতে অসম্মতি প্রকাশ করিয়া সন্ধি প্রত্যাখ্যান করিয়াছিলেন । শ্রীকৃষ্ণ পাণ্ডব শিবিরে প্রত্যাগমন করিয়া দুর্ঘ্যোধন এই সন্ধি অগ্রাহ করিয়াছেন যুধিষ্ঠিরকে জ্ঞাপন করিলেন । এই সংবাদ শ্রবণ করিয়া পাণ্ডবগণ দৈবী-সম্পদ বিশিষ্ট সেনা-বৃহৎ রচনা করিয়া যুদ্ধসজ্জায় ব্রতী হইলেন অর্থাৎ কৃষ্ণ চৈতন্যরূপী কৃষ্ণচন্দ্রের প্রাপ্তি মানস অর্থাৎ উৎসোগ ; আজ্ঞাচক্রে প্রবৃত্তি-সূচক মনের স্থিতির নিমিত্ত নিষ্কাম কৰ্মরূপ সাধন সমরে ব্রতী হইলেন । গুরু প্রদর্শিত কৌশলরূপ অন্তর্মুখীন প্রাণায়ামরূপ সাধন সমুর আরম্ভ করিলেন ।

তাহা নিরীক্ষণ করিয়া দুর্ঘ্যোধনরূপী কামনা উভয় পক্ষের গুরু-রূপী দ্রোণাচার্য্য অর্থাৎ জেদের নিকট উপস্থিত হইয়া নিবেদন করিলেন, গুরুদেব ! আপনি আমাদের সেনাপতি এবং বিশারদ হইলেও আমি

দেখিতেছি আমাদের অর্থাৎ প্রবৃত্তি-পক্ষের সৈন্য নিবৃত্তি-পক্ষের সৈন্য অপেক্ষা অধিক হইলেও, নিবৃত্তি পক্ষে এই যুদ্ধে যাহারা সমবেত হইয়াছেন তাহারা সকলেই বলশালী। ৩ ভীম, অর্জুন, নকুল, সহদেব, যুধিষ্ঠির, কাশীরাজ - দীপ্তবান, সাত্যকি = সুমতি, বিরাট - যাহা অভিপ্রায় করে তাহা সমুদয় কূটস্বের সন্মুখে দেখায়, ধৃষ্টকেতু = স্বপ্রকাশ অনুভব, চেকিতান = ওঁকার ধ্বনি; যাহা শ্রবণে আমাদের সৈন্য হতজ্ঞান হইবে, শিখণ্ডি = শক্তির কর্তৃত্ব-পদজ্ঞান, পুরুজিত = অবরোধ সামর্থ, কুন্তিভোজ = আনন্দ, শৈব্য = ব্রহ্মজ্ঞ, যুধামন্যু অর্থাৎ ক্রান্তি, অভিমন্যু অর্থাৎ মনোরথ ধরার পর হওয়া। শ্রীকৃষ্ণের পাঞ্চজন্ম শব্দ অর্থাৎ ভৃঙ্গ, ষেণু, বীণ, ঘণ্টা এবং মেঘের শব্দ, যাহা শ্রবণ করিলে আমাদের চঞ্চল প্রাণের নিস্তরক করণ হয়; সূর্যোষ, মণি পুষ্পক অর্থাৎ বিমল শব্দ, অর্জুনের গাণ্ডীবধনু, সুষুম্নার উত্থান মেরুদণ্ড হইতে গলার পশ্চাৎ ভাগ পর্য্যন্ত এবং ইহা তিন ত্রিবিংশ দৈবী সম্পদ সৈন্য সমবেত হইয়াছে।

এখন বিবেচনা করিয়া দেখুন, পাণ্ডবদের সৈন্য সংখ্যায় কম হইলেও প্রবৃত্তি-পক্ষীয় সৈন্যদিগকে পরাভব করিবার তাহাদের সামর্থ্য কম নহে। তবে যদি আপনারা ব্যুহ প্রবেশ দ্বারে ভীষ্মকে বাঁচাইয়া রাখিতে পারেন, তবে যুদ্ধে অর্থাৎ সাধন সময়ে পাণ্ডবগণ ভীষ্ম-রূপী ভয় ও ভেদ জ্ঞানকে দেখিয়া অর্থাৎ পিতামহ এবং গুরু-রূপী দ্রোণাচার্য্য জেদকে যাহাদিগকে বরাবর মান্য ভক্তি করিয়া আসিতেছে, তাহাদিগকে বিনাশ করিতে হইবে চিন্তা করিয়া যুদ্ধ করিতে অপারগ হইবে। যে পর্য্যন্ত ভয় নষ্ট না হইবে, তাহাদের মনে আমি-তুমি আত্মীয় স্বজনের মায়া দূরীভূত না হইবে, ভীষ্মবধ হইলে অর্থাৎ ভেদজ্ঞান নষ্ট হইলে সাধন সময়ে আমাদিগকে চূর্ণ বিচূর্ণ করিয়া প্রবৃত্তি-পক্ষকে পরাজয় করিয়া দেহ রাজ্য ধ্বংস করিয়া আত্মরাজ্য স্থাপন অর্থাৎ

আজ্ঞা চক্রে প্রাণের স্থিতি করিলে ঈড়া পিঙ্গলারূপী চঞ্চল বায়ুর নাশ
করিয়া সাধন সমরে জয়লাভ স্বগম হইবে । . .

অতএব যাহাতে ভীষ্ম বধ না হয় প্রাণপণে চেষ্টা করিবেন ।
দেখুন, ভীষ্ম অর্থাৎ স্থির প্রাণ দেহকে রক্ষা করিতেছে, সূতরাং মহা
বলবান এবং অর্জুন তেজস্বত্ব, যাহার শক্তিতে তেজ সঞ্চার করিয়া
দেহের জীবনী শক্তি দ্বারা, প্রাণের সহিত সংমিলিত হইয়া অস্তমুখীন
প্রাণায়াম অর্থাৎ সাধন সমর করিতেছে, তাহার ফলে চঞ্চল প্রাণের
স্থিরত্ব হয়, আমরা পিতা মন এবং আমরা একশত ভ্রাতা ভোগীকান্ত বায়ু
চঞ্চল প্রাণ হইতে উৎপন্ন । ভীষ্ম অর্জুনের স্থির বায়ুর সাধনে আমাদের
জীবের উপর যে প্রতাপ অক্ষুন্ন রহিয়াছে তাহা অর্থাৎ আমাদের আধি-
পত্য হীন হইবে এবং তৎসহ স্থির বায়ুর উদ্ভব হওয়ায় আমরা
পিতা পুত্র দিন দিন দুর্বল অবস্থা প্রাপ্ত হইব । সূতরাং পাণ্ডবগণ
স্থির প্রাণের বলে বলীয়ান হইয়া পরিণামে আমাদের দেহরাজ্য ধ্বংস
করিবে এবং আত্মরাজ্য স্থাপন করিয়া অভীষ্ট সিদ্ধ করিবে । তজ্জন্ম
বলিতেছি, যাহাতে পাণ্ডবগণের মনে ভয় নষ্ট না হয় তাহাই করুন,
অর্থাৎ ভীষ্মকে সম্মুখে স্থাপন করিয়া পাণ্ডবগণের মনে ভয় সঞ্চার করিয়া
রাখুন । তাহা হইলে আর যুদ্ধে অগ্রসর হইবে না, অর্থাৎ সাধন-
সমর করিবে না । এই কথা বলিয়া দুর্ষ্যোধন সমরে ব্রতী হইলেন,
অর্থাৎ আত্মরিক সম্পাদে বিভূষিত হইয়া—কাম, ক্রোধ, লোভ, মোহ,
মদ ও মাৎস্য্যাকে চক্ষু, কর্ণ, নাসিকা, জিহ্বা এবং হৃৎ ও পাঁচটি
কর্মেন্দ্রিয়কে মিলন করাইয়া নিবৃত্তি-পক্ষকে আক্রমণ করিলেন ।

পাণ্ডব পক্ষের সেনাপতি গম্ভীর-ধারী অর্জুন,—ভীষ্ম, দ্রোণ, কর্ণ
এবং মনের শতপুত্র ও তাহাদের আত্মীয় স্বজনকে নিরীক্ষণ করিয়া,
'তাহাদিগকে এই যুদ্ধে নিধন করিতে হইবে' এই ভেদ জ্ঞানের বশবর্তী
হইয়া অবসন্ন মনে সাধন সমর করিতে নিবৃত্ত হইলেন । পরে সাধনা

দ্বারা আত্মা-নারায়ণের দর্শন করিয়া তজ্জনিত তৃপ্তি লাভ করিয়া-
ছিলেন।

প্রথম প্রথম পূর্ব সংস্কার বশে মায়িক জীবের এইরূপ বিষাদ
হইয়া থাকে—যে ইন্দ্রিয়গণকে অর্থাৎ কামনার দ্বারা কত আনন্দ
উপভোগ করিয়া সংসার ক্ষেত্রে সুখে জীবন অতিবাহিত করিয়াছি এবং
তাহার অধীনস্থ রিপুগণকে আশ্রয় করিয়া কত সুখে বিভোর ছিলাম।
তাহাদিগকে এই সাধন-সমরে বিনাশ করিলে ইন্দ্রিয়গণ বিকল হইয়া
যাইবে এবং আমরা জড়ে পরিণত হইব। ইন্দ্রিয় বৃদ্ধিগণ ধ্বংস হইলে
শরীর রক্ষা ও বংশ রক্ষার ব্যাঘাত ঘটবে; তাহা হইলে আত্মরাজ্য
পাইয়া আমাদের কি সুখ হইবে। এই ভাবিয়া গুরুজন ও আত্মীয়
দিগকে বধ করিতে পারিব না চিন্তা করিয়া স্থির হইয়া বসিয়া সাধন-
সমর বন্ধ করিলেন।

কিন্তু নিকাম কর্মের সাধন সুরুতি বলে হয় এবং প্রাণায়াম ত্যাগ
না করিয়া যথাযথ ভাবে করিয়া চলিলে মন উল্লাসিত হইয়া উৎসাহিত
হয় এবং চঞ্চল প্রাণের স্থিরতা উপলব্ধি হওয়ায় সাধন-সমর বন্ধ
করিতে ইচ্ছা হয় না। কিন্তু তাহা করিতে করিতে মনে ভয়ের
সঞ্চার হয় অর্থাৎ ভীষ্মের আক্রমণ উপলব্ধি হয়। প্রবৃত্তিপক্ষের
কামনারূপ দুর্ব্যোধন সাধন বিষয় উদ্দেশ্যে নানারূপ বিভীষিকা
হৃদয়ে প্রকাশ করে,—হয়ত এই ক্রিয়ার ফলে প্রাণের উন্টা
গতিতে মৃত্যু হইবে। সাধন কালীন মনের প্রতারণায় ভয়ানক
আকৃতির মূর্তি হৃদয় পটে উদয় হয়, তাহাতে সাধক ভীত হয়,
প্রকাণ্ড অস্বাভাবিক মূখ দেখিয়া • আতঙ্কে অভিভূত হয়, সর্প
প্রভৃতি আসনের চারিদিকে, ঘুরিয়া বেড়াইতেছে দৃষ্টিগোচর
হয়। কখনও কখনও চক্ষু কটমট করিয়া পুচ্ছ আঞ্চালন করিয়া
ভয়ঙ্কর কেশর-যুক্ত সিংহ যেন গ্রাস করিতে আসিতেছে অনুভূত হয়।

কখনও কখনও ভূতযোনী আকারে কাতারে কাতারে সন্মুখে দাঁড়াইয়া নৃত্য করিতেছে দৃষ্টিগোচর হয়।

কিন্তু যে সাধক গুরু আদেশ মত, শরে মস্তপুত করিয়া কুটস্থে লক্ষ্য করিয়া অন্তর্মুখীন প্রাণায়াম করিতে পারেন, প্রাণমন চক্রছাড়া না করিয়া সমর করেন, তিনি ঐ সকল বিভীষিকা তুচ্ছ করিয়া অর্থাৎ ভীত না হইয়া, সাধন বন্ধ না করিয়া গুরুপদে মতি রাখিয়া সাধন-সমর হইতে বিচ্যুত হন না। তাঁহারা নিষ্কাম কৰ্ম ত্যাগনা করায় আনন্দই পাইয়া থাকেন, হৃদয়ের ভয় অর্থাৎ ভীষ্মের আক্রমণকে তুচ্ছ করেন এবং আজ্ঞা চক্রস্থ কুটস্থ দর্শনে আনন্দ প্রাপ্ত হন। প্রাণায়াম-রূপ সমর করিয়া চঞ্চল প্রাণের স্থিরত্ব হইলে, কুটস্থে সম্মিলিত হওয়ায় সাধকের মনপ্রাণ এক হইয়া যায় তৎকালীন সর্বং ব্রহ্ম ময়ং জগৎ জ্ঞান হওয়ায় অদ্বৈত অবস্থা প্রাপ্ত হয় এবং আমি, তুমি, আত্মীয়-স্বজন ভেদজ্ঞান নষ্ট হয়। স্মতরাং তখন ভীষ্ম অর্থাৎ ভেদজ্ঞানের বিনাশ হয়; ইহাই ভীষ্ম বধ।

ভীষ্মের ইচ্ছামৃত্যুর কথা শাস্ত্রে লিখিত আছে। ভীষ্ম প্রবৃত্তি পক্ষ অবলম্বন করিয়াছিল সত্য, কিন্তু প্রবৃত্তিপক্ষের অগ্নায় সমরের জন্ম অনেকবার ধৃতরাষ্ট্র এবং দুর্ষোধনকে বলিয়াছিলেন; কেহই সে কথায় কর্ণপাত না করায় স্মিয়মান ছিলেন। তজ্জন্ম আপনা হইতে অনিচ্ছায় ইচ্ছায় অর্জুনের শরে দেহরূপ রথ হইতে পতিত হন। যদি কাহারও ভয় হয়, তাহা হইলে অপরে কেহ ভীতব্যক্তির ভয় ভাঙ্গাইতে পারে না, আপনা হইতেই ভয় তিরোহিত হয়। ইনি ভীষ্ম-রূপী ঔয়,— প্রবৃত্তি-পক্ষের প্রধান সেনাপতি—অর্জুনের শরে নিপতিত হন।

দুর্ষোধন দেখিলেন, পিতামহ ভীষ্ম যুদ্ধক্ষেত্রে নিপতিত হইলেন; তজ্জন্ম দ্রোণাচার্যকে সেনাপতি পদে অভিষিক্ত করিলেন। দ্রোণাচার্য—জেদ, কুরু ও পাণ্ডব উভয় পক্ষের গুরু; স্মতরাং উভয় পক্ষই জেদের

শিষ্য । কুরুদিগের জেদ—প্রবৃত্তির আক্রমণ দ্বারা নিবৃত্তি-পক্ষের, পরাজয় করিব, আর নিবৃত্তি-পক্ষের জেদ নিকাম-কর্ম-রূপ সাধন-সময়ে প্রবৃত্তি পক্ষকে পরাজিত করিয়া আত্মরাজ্য স্থাপন করিব ।

দ্রোণাচার্য্য বলেন,—“কুরুদিগের মতাবলম্বী হইয়া, যাহা চানিয়া আসিতেছে তাহাই চলুক ।” “সাধন না করিয়া কুলগুরুর মন্ত্র জপ করিলেই হয়”—ইহাই দুর্ঘোষন ও তাহার ভ্রাতাগণের ইচ্ছা ; দ্রোণাচার্য্যও সেই মন্ত্র পোষণ করিয়াছিলেন । দ্রোণাচার্য্য ভাবিলেন না, শিশুকালে বালকগণ অ-আ-ক-খ আবৃত্তি করে, কিন্তু বয়ঃপ্রাপ্ত হইলে উচ্চ শ্রেণীতে যখন বড় বড় গ্রন্থ পাঠ করে, তখন কি ঐরূপ বাল্যকালের স্বর-ব্যঞ্জন-বর্ণ আবৃত্তি করিয়া উচ্চ শ্রেণীতে পাঠের আবশ্যকতা হয় ?

মুখে কুলগুরুর মন্ত্র আওড়াইলে কি তাহার ফলে উদ্ধার হয় ? পিপাসায় কাতর হইয়া মুখে জল জল বলিয়া উচ্চারণ করিলে কোন ক্রমেই পিপাসার শান্তি হয় না, চীৎকার করার আরও পিপাসা বৃদ্ধি হয় ।

সুতরাং কুলগুরুর মন্ত্র উচ্চারণে এবং ঐ মন্ত্র পাঠ কালে মন বাহির্বিষয়ে থাকায় অগ্ন্যাশ্রু কার্য্যে মন যায় । মন সংযম না করিয়া মুখে মন্ত্র পাঠে কোনই ফল হয় না । কুলগুরুর বীজ মন্ত্রের অর্থ করিলে তাহাতে নিকাম কর্মের যোগ ক্রিয়া নিহিত আছে বুঝা যায় । সেই কার্য্যের গুরু অভাবে সনাতন হিন্দুধর্ম্ম মেকিতে পরিণত হইয়া রহিয়াছে । আর্ধ্য ঋষিগণের ধর্ম্মের এই দুর্দশা !

দ্রোণাচার্য্য কর্ণের পোষকতা করিয়া, ধৃতরাষ্ট্র এবং দুর্ঘোষনের এই অগ্নায় সময়ে কত বাধা দিয়াছিলেন, কিন্তু দুর্ঘোষন-রূপী কাম এবং মেকহই আক্রান্ত হইয়া নিবৃত্তি-পক্ষের বিরুদ্ধে সময়ে প্রবৃত্ত হইলেন । দ্রোণাচার্য্য প্রবৃত্তি পক্ষের আশ্রয়ে থাকায় এবং কামনা কর্তৃক হতজ্ঞান হইয়া পাণ্ডবগণের বিরুদ্ধে জেদ বজায় রাখিবার অগ্নি যুদ্ধ করেন ।

কিন্তু মনে মনে তিনি অর্জুনকে শ্রীতির চক্ষে দেখিতেন। তিনি যুদ্ধে বিশারদ থাকায় তাঁহার যুদ্ধে পাণ্ডবগণ অস্থির হইয়া পড়েন।

সমরে ক্লান্ত হইয়া অর্জুন নিজ রথ হইতে নামিয়া দ্রোণাচার্যের নিকট উপস্থিত হন এবং কাতরে তাঁহাকে মিনতি করিয়া তাঁহার অন্তর্দ্যানের জন্ত প্রার্থনা করেন। তখন গুরুর আদেশ মত একগুঁয়ে ভাবে নষ্ট করিবার জন্ত তাঁহার প্রণব ধনুতে আত্ম স্বরূপ শর যোজনা করিয়া, সাধনে চঞ্চল প্রাণের স্থিরত্ব-করণ কার্যদ্বারা জেদ বিনাশ প্রাপ্ত হইল।

দ্রোণের যে কামনা প্রসূত জেদ ছিল, নিকাম শরে দ্রোণাচার্যের জেদ অন্তর্দ্যান হইল। দ্রোণাচার্য ভাবিলেন, নিরুত্তি-পক্ষের অন্তর্মুখীন নিকাম সমরে প্রবৃত্তি-পক্ষের বিনাশ অবশ্যজ্ঞাবী। আমি কামনার বশে কতদিন থাকিতে পারিব? সুতরাং স্ব-ইচ্ছায় যাওয়াই প্রশস্ত। দ্রোণাচার্য নিজের পুত্র অশ্বখামার অলীক মৃত্যু সংবাদে মায়াব বশতাপন্ন হইয়া যুদ্ধক্ষেত্রে ধনু-শর ত্যাগ করেন, সেই অবসরে অর্জুনের গাণ্ডীব সংযোজিত শরে বিনাশ প্রাপ্ত হন।

দ্রোণাচার্য অর্থাৎ জেদকে বিনষ্ট হইতে দেখিয়া কাম-রূপী দুর্ঘোষন কর্ণকে সেনাপতি পদে বরণ করেন। কর্ণ = কানে শুনিয়া বিশ্বাস; সেই বিশ্বাস কতদিন থাকিতে পারে। কর্ণের নিজের কোন ক্ষমতা নাই, প্রবৃত্তি-পক্ষের মনের সহায়ক মাত্র। তবে কানে শুনিয়া জগতে অনেকে অনেক কার্য করিয়া থাকে। মন চঞ্চল বায়ু হইতে জাত সুতরাং কর্ণের নিজের ক্ষমতা নাই, কানে শুনিয়াই কোন কার্য করিতে চাহে। সত্যাসত্য নির্ণয় করিয়া যদি ঐ কার্য করিত তবে তাহার ফলে জগতে অনেক কার্য হইতে পারিত। ক্ষণভঙ্গুর বিধায় সেই বিশ্বাস স্থায়ী হয় না; হৃদয়ঙ্গম করিয়া বিশ্বাসের উপর নির্ভর করিয়া যে কার্য করা যায়, তাহাই স্থায়ী হয়।

মনে করুন, কোন ধর্মপ্রাণ লোক কোন সাধু পুরুষের অনুসন্ধান পাইয়া তাঁহার নিকট দীক্ষিত হইবার জন্য তাঁহার আশ্রমের নিকটবর্তী হইল। ঐ সাধু-পুরুষ ঐ সময়ে তাঁহার আশ্রমে আছেন কিনা, দুই একজন লোককে জিজ্ঞাসা করিল। লোকগুলি বলিল, হাঁ মহাশয় তিনি এখন তাঁহার আশ্রমে আছেন। দেখিতেছি আপনি অনেক দূর হইতে আসিতেছেন, কিন্তু ঐহার নিকট যাইতেছেন তাঁহার বিষয়ে সমস্ত অবগত আছেন ত? তিনিও একজন মস্তবড় বুজরুক, কত লোকের যে সর্বনাশ করিতেছেন তাহার ইয়ত্তা নাই।

“আপনি এতদূর হইতে এত টাকা খরচ করিয়া আসিলেন এবং মনে বিশ্বাস করিয়া আসিলেন, আমাদের বলা অণ্ডায়,—তত্রাচ আপনার মঙ্গলের জন্য বলিতেছি,—সে দিন মহাশয় আমরা তাঁহাকে মন্থপানে উন্নত অবস্থায় একটা বেণ্ডালয় হইতে বাহির হইতে দেখিয়া আশ্চর্যান্বিত হইয়াছি। এই কথা শুনিয়া ঐ ধর্ম-পিপাসু ব্যক্তি ঐ সাধুর আশ্রমের নিকট আসিয়াও ফিরিয়া যাইলেন।

তজ্জন্ম বলিতেছি, কাহারও কথা শুনিয়া যে বিশ্বাস হয় তাহা প্রায়ই মনে দৃঢ় হয় না। সুতরাং, ঐ কর্ণের ক্ষমতা কম নহে। তাঁহার কার্যে ণ্ডায় অণ্ডায় সিচার শূন্য হইয়া লোকে কার্য করিয়া থাকে, সেজন্ম অনেক স্থলে অপদস্থও হয়।

যে পর্যন্ত মায়িক জীবের বিগত শ্বাস না হয়, তাবৎকাল নিজেকে বিশ্বাস করা উচিত নহে। যখন প্রকৃত বিশ্বাস হইবে, সাধন-সমর দ্বারা দুই নাসিকার শ্বাস প্রশ্বাস বিনা অবরোধে স্থির হইবে, তখন সেই বিশ্বাসে ভগবৎ সমীপে উপস্থিত হওয়া যায়। যখন সে বিশ্বাস হৃদয়ঙ্গম হইবে, তখন বিনা কর্ণের সাহায্যে প্রণব-ধ্বনি শ্রুতিগোচর অর্থাৎ অনুভূত হইবে।

সাধনরূপ নিষ্কাম কর্মের সমরে অর্জুন-রূপ তেজস্বত্ব অর্জুন ও

প্রাণের স্থিতি-করণ কার্যে প্রবৃত্তিপক্ষের সেনাপতির বিনাশ সাধন হয়। নিকাম কৰ্ম দ্বারা অর্থাৎ অন্তর্মুখীন প্রাণায়াম দ্বারা নাসিকার চঞ্চল প্রাণের গতিরোধ করিয়া, বিগত-শ্বাস হয়, তাহার ফলে প্রবৃত্তি-পক্ষের যোদ্ধা কর্ণের বধ হয়।

ইহার পরে কামরূপী দুর্ঘোষন শল্যরাজকে সেনাপতি পদে বরণ করেন। শল্যরাজ নকুল সহদেবের মাতুল। তিনি নিবৃত্তি-পক্ষের সাহায্যার্থে আগমন করেন, কিন্তু কামনাক্রান্ত হইয়া প্রবৃত্তি-পক্ষের আশ্রয় গ্রহণ করেন। অবশেষে যুধিষ্ঠিরের অর্থাৎ ব্যোমতত্ত্বের বাণাঘাতে বিনাশ প্রাপ্ত হন।

দুর্ঘোষন প্রায় সকল সেনাপতি বিনষ্ট হইয়াছে দেখিয়া, নিজেই সেনাপতি হইয়া তাঁহার আত্মরিক সম্পদে বিভূষিত হইয়া; যথা,— দম্ব, দর্প, অভিমান, অতি-পূজ্যত্যাভিমান, ক্রোধ, লোভ, মোহ, মদ, মাৎস্য, অহঙ্কার, ইচ্ছা, হিংসা, ঘেব, তৃষ্ণা, প্রভৃতি সম্পদে বিভূষিত হইয়া নিবৃত্তি-পক্ষের বিরুদ্ধে সংগ্রাম আরম্ভ করিলেন।

ইহাদিগের সাহায্যে জীবের দেব-ভাবকে নষ্ট করিতে উদ্যত হইয়া থাকে। তমগুণ আলস্য, নিদ্রায় অভিভূত করাইয়া, আবদ্ধ করাইয়া কামনাক্রান্ত করে এবং নিকাম ধর্মে অনাস্থা জন্মাইয়া দিয়া থাকে।

দুর্ঘোষন-রূপী কামরিপু, ভীম-রূপী প্রাণ (যে রুদ্রাস্তে খলু প্রাণা * * *) প্রধান প্রতিদ্বন্দ্বীর সহিত সমরে প্রবৃত্ত হন। প্রাণের সাধনে অর্থাৎ নিকাম-কৰ্ম-রূপ অন্তর্মুখীন প্রাণায়ামে (প্রাণের আয়াম অর্থাৎ বিস্তার হইয়া) সাধক প্রাণের স্থিরাবস্থা প্রাপ্ত হন। তাহার ফলে চঞ্চল প্রাণ হইতে উৎপত্তি প্রবৃত্তি-সূচক মন এবং চঞ্চল প্রাণ হইতে জাত কামরিপু শতভাগে বিভক্ত হইয়া, সন্মুখে—কর্ণ যিনি অবস্থিতি করিতেছেন, তিনি তাঁহার চঞ্চল বায়ুর শক্তি দান করায় দশ ইন্দ্রিয় কার্য করিতেছে।

এখন বিচার করিয়া দেখিলে বুঝা যায়, কামনা কত বলশালী হইয়া মায়িক জীবকে ধ্বংসের পথে ধাবিত করাইতেছে। এই দুর্ঘটনা দুর্ঘোষনকে হীনবল করিয়া ধ্বংস করা সহজ সাধ্য কি ?

“ মহাভারতে দেখিবেন ভীমের অর্থাৎ প্রাণের কোশলেই শতভাই-সহ দুর্ঘোষন নিহত হন। নিরুক্তি-পক্ষের ভীম ভিন্ন আরও বড় বড় সেনাপতি ছিলেন। ” কাশীরাজ, বিরাট, সাত্যকি, অর্জুন, নকুল, সহদেব, অভিমন্যু ইত্যাদি অনেক সেনাপতি ছিলেন। কোন সেনাপতি কি দুর্ঘোষনের সর্ব কনিষ্ঠ ভ্রাতাকেও বিনাশ করিতে পারিলেন না। ”

অন্তর্লক্ষ্যে এই হৃদয়ঙ্গম হয়—কামরিপু একশত ভাগে বিভক্ত হইয়া মায়িক জীবের দশ দশ দিকে আক্রমণ করিয়া কার্য্য করায়, জীব সদা ব্যতিব্যস্ত হইতেছে। ইহাদিগের হস্ত হইতে মায়িক জীব ভীম অর্থাৎ প্রাণের সাহায্যে অন্তর্মুখীন প্রাণায়াম ব্যতীত নিস্তার পাইবার অন্য কোন উপায় নাই।

চণ্ডীতে রক্তবীজ বধের উপায় লিখিত আছে। রক্ত অর্থে অন্নরক্ত অর্থাৎ আসক্তি, তাহাই কামরূপী দুর্ঘোষন, তাহাকে কি উপায়ে কালী-রূপী শক্তি বিনাশ করিয়াছিলেন। জীব মাঝেই শিব ইহা সর্ব শাস্ত্রে লেখা আছে। প্রাণের সাধন মূলাধার হইতে বিশুদ্ধাখ্য-চক্র পর্য্যন্ত, যাহা রজঃ ও তমগুণের স্থান। কাম, রজতম-গুণ আশ্রয় করিয়া জীব হৃদয়ে বাস করে, ভীমরূপী নিষ্কাম কাম অর্থাৎ অন্তর্মুখীন প্রাণায়াম সাধনের ফলে মূলাধার হইতে বিশুদ্ধাখ্য-চক্র পর্য্যন্ত স্থিরকরণের সঙ্কেত—কালীর একপদ উরুর উপরে, উরু মূলাধারের অন্তর্গত (বৈজ্ঞানিক যোগ-ক্রিয়া দ্রষ্টব্য) কালীর অন্তর্গত কণ্ঠদেশে সংলগ্ন দেখা যায়। অর্থাৎ জীবের চকল প্রাণ স্থির হইয়া যখন উভয় পদের মধ্যে চকল বায়ু অপসারিত করিয়া স্থিরত্ব

সম্পাদন করা যায় এবং জিহ্বাগ্রস্থি ছিন্ন করিয়া তালু গহ্বরে রক্ষা করা যায়; ঐ প্রক্রিয়ার বিষয় কালীর জিহ্বা বাহিরে লক্ষ্যমান দেখান হয় ; কিন্তু প্রকৃতপক্ষে উহা বাহিরে নহে—ভিতরে। ভিতরে জিহ্বা রাখিলে লোকে বুঝিতে অক্ষম, তজ্জন্য বাহিরে লক্ষ্যমান দেখান হয়। তালু গহ্বরে জিহ্বা প্রবিষ্ট হইলে কামনার ভ্রাস হয় সত্য, কিন্তু যে পর্য্যন্ত হৃদয়গ্রস্থি ভেদ না হয়, তাবৎ কামনার অসহনীয় প্রতাপ একেবারে নষ্ট হয় না। (সংগুরু উপদেশ গম্য)

এখন পার্থক্য ভাবিয়া দেখুন,—কামরূপী দুর্ঘোষনের সহিত প্রতিদ্বন্দী রূপে ভীমরূপী প্রাণ যুদ্ধে ব্রতী হইলেন। ভীমের ঋষি প্রভঞ্জন-রূপ গদা ; (চঞ্চল প্রাণের আধার নিকাম কর্ম অর্থাৎ অন্তর্মুখীন প্রাণায়ামের ফলে স্থির প্রাণের উদ্ভব হয়, তাহার দ্বারা প্রবৃত্তি-সূচক মনের স্থির ভাব হয়।) কাম কর্ত্তের নিম্নে অবস্থিতি করে, সাধক প্রাণের গদাঘাত বারম্বার হৃদয়ে করিতে থাকে। [গুরু উপদেশ গম্য]

স্থিরবায়ু সাহায্যে বজ্র-স্বরূপ গদার আঘাতে ঈড়া পিঙ্গলার চঞ্চল বায়ুর প্রতাপে রজঃ তমগুণের উৎপত্তি। তাহার বলে বলীয়ান হইয়া জীব হৃদয়ের কামনায় জর্জরিত ছিল ; সুতরাং দুর্ঘোষনের যাহা কিছু শক্তি ঐ ঈড়া পিঙ্গলার চঞ্চল বায়ুর সঞ্চালন, ঐ দুইটি পদ ভীমের প্রভঞ্জন-রূপ গদার আঘাতে ভগ্ন হয় ; ইহা প্রাণের স্থির ভাব হইতে উৎপত্তি।

সুতরাং ঈড়া পিঙ্গলার চঞ্চল বায়ুর বিনা অবরোধে স্থির হয় তাহাতে দুর্ঘোষনের হৃদয়ে যুক্তনা ও পদদ্বয়ের অকর্মণ্যতায় দ্বৈপায়ন হৃদে আশ্রয় লন, ঐ হৃদ মেরুদণ্ডের মধ্যে সংশ্রিত, তাহাতে স্ক্রায়িত হন। এতবড় যোদ্ধার এই দুর্দশা শুনিলেও হৃদয় বিদীর্ণ হয়। যাহার মান সমগ্র পৃথিবীতে প্রচার, যাহারি প্রভাবে জীব-জগৎ ধরহরি কম্পমান,

যিনি ভূমণ্ডলের প্রত্যেক জীব-হৃদয়ে বিরাজ-মান থাকিয়া নাকে রজ্জু লাগাইয়া জীব-জগতে কিরূপ প্রভাব বিস্তার করিয়াছিলেন ; তিনি কি না ভীমের গদাঘাতে ভূতলে পতিত হইলেন ।

ঐড়া পিঙ্গলা নাসিকা ছিদ্রদ্বয়ের চঞ্চল বায়ুর প্রভাবে গায় অন্য়ায় সমস্ত কার্য করিয়াছেন । এখন ঐ পদদ্বয় অকর্মণ্য হওয়ার সকল প্রতাপ হারাইলেন । ইহার পূর্বে ভীমেন অর্থাৎ অন্তর্মুখীন প্রাণায়াম স্বরূপ প্রভঙ্কনের আঘাতে দুর্ঘোষনের অপর নিরানন্কই জন্ম ভ্রাতা পঞ্চত্ব প্রাপ্ত হন ।

“ স্থির বায়ুই বিষ্ণু (“প্রাণঃ বিষ্ণু পিতামহ, প্রাণেন ধার্ষাতে জগৎ * *) ।” সূত্রাং ভীমরূপী প্রাণই সাক্ষাৎ নারায়ণের অংশ ; যে রুদ্রাস্তে খলুঃ প্রাণা—ইহা ঋষি বাক্য,—শাস্ত্রে লিখিত আছে । এই সংবাদ শ্রবণে ধৃতরাষ্ট্র রূপী অন্ধমন নিদারুণ স্ত্রনার কম্পমান হইয়া মুচ্ছিত হন ।

কামরূপী দুর্ঘোষন সকাম কর্মের ফলাকাঙ্ক্ষায় মোহিত করাইয়া, চঞ্চল বায়ুর সাহায্যে জগতের মায়িক জীবকে প্রতিমূর্ত্তে অঙ্গু ধ্বংস করিয়া কামনার আশ্রয়ে রাখিতেন । মায়িক জীব সংগুরু কৃপায় আত্মকর্মের উপদেশ পাইয়া কামের সহচর মোহকে বিদূরিত করিয়া নিষ্কাম কর্মের আশ্রয় লইয়া, ঐ কামনার প্রতাপকে নষ্ট করিয়া স্থির প্রাণে তন্ময় লইয়া, ভগবৎ ভাবাপন্ন হইতে পারেন । সাধক কামকে অর্দ্ধমৃত করিয়া রাখেন, তবে তখনও তাহার জীবন শেষ হয় নাই । শর-বরূপ প্রাণকে সাধন কৌশলে ব্রহ্মযোনীতে অর্থাৎ আজ্ঞাচক্রে স্থিতি করিতে পারিলে, সাধক ভগবানের অবস্থাপন্ন হইতে পারেন । এ সম্বন্ধে উপনিষদে একটি শ্লোক আছে,—“প্রণবো ধনু শরাহাত্মা ব্রহ্ম তল্লক্ষ্যম্চ্যতে—” পূর্বকালে সমস্ত ঋষিগণ ভগবান উপাধি প্রাপ্ত হন নাই । যিনি সাধন-সময়ে বাণলিঙ্গ শিবকে

ব্রহ্মযোনি অর্থাৎ আজ্ঞাচক্রে স্থিতি করিতে পারিয়াছিলেন, তিনিই ভগবান উপাধি প্রাপ্ত হইয়াছিলেন। তৎপূর্বে কণ্ঠস্থিত ভৌগীকান্ত বায়ুকে অর্থাৎ দুর্ঘোষনকে, স্থির বায়ু—যাহা সাধনের ফল, তাহার দ্বারা ধ্বংস করিবার উপায়ই, মন্ত্রপূত করিয়া লক্ষ্য স্থির করিয়া বাণক্ষেপ করিতে হয়। (গুরু উপদেশ গম্য)

অশ্বখামা—দ্রোণপুত্র, দুর্ঘোষনের উরুভঙ্গে ভূতলে পতন নিরীক্ষণ করিয়াছিলেন, দুর্ঘোষন যুদ্ধশেষে দ্বৈপায়ন হৃদমধ্যে বহ্নিনায় কাতর হইয়া আশ্রয় গ্রহণ করিয়া লুক্কায়িত ছিলেন। অশ্বখামা দুর্ঘোষনকে ব্যারম্বার আহ্বান করিতে লাগিলেন এবং বলিতে লাগিলেন, মহারাজ, আমাকে ত কখনও এইযুদ্ধে সেনাপতি পদ দেন নাই, উখিত হইয়া আমাকে সেনাপতি পদে বরণ করুন, আমি অচ্যুত রাত্রেই পাণ্ডব শিবিরে গমন করিয়া আপনার চিরশত্রু পঞ্চ পাণ্ডবের মস্তক ছিন্ন করিয়া আপনাকে উপহার দিব। তাহা হইলে আপনার অসহনীয় জ্বালা নিবারণ হইবে। দেখুন, আমি আপনার গুরুপুত্র, আমার প্রতাপ পরীক্ষা করুন। আমি প্রতিজ্ঞা করিয়া কহিতেছি,—সে কাৰ্য সাধনে বিঘ্ন হইবে না।

জলমধ্য হইতে অশ্বখামার এই আশ্বাস বাক্য শুনিয়া দুর্ঘোষনের হতাশ চিত্তের যন্ত্রনার কথঞ্চিং লাঘব হইল। তখন তিনি হৃদ হইতে উঠিয়া আনন্দ চিত্তে হৃদের বারি দ্বারা অশ্বখামাকে সেনাপতি পদে বরণ করিলেন।

অশ্বখামা কল্পবৃক্ষ স্বরূপ, কল্পনা সত্যও হইতে পারে, মিথ্যাও হইতে পারে; পাণ্ডবগণের শিরচ্ছেদন করিবেন কল্পনা করিয়া, খড়্গ লইয়া পাণ্ডব শিবিরভিমুখে ধাবিত হইলেন। শিবির মধ্যে দ্রোপদীর পুত্রগণ শয্যায় নিদ্রিত ছিলেন, ঈহারা দেখিতে ঠিক পঞ্চ পাণ্ডবের স্মৃতি, অশ্বখামা অন্ধকারে শিবিরে প্রবেশ করিয়া দ্রোপদীর পঞ্চ পুত্রকে

পঞ্চ পাণ্ডব কল্পনা করিয়া তাহাদের শিরচ্ছেদন করিলেন এবং উক্ত ছিন্নমুণ্ড হস্তে লইয়া হৃষ্টান্তঃকরণে দুর্ঘোষনের নিকট উপস্থিত হইলেন। ঐ পাঁচটি মুণ্ড দুর্ঘোষনকে উপহার দিয়া আনন্দ চিত্তে কহিলেন,— “কার্য্য সিদ্ধ হইয়াছে, এই পঞ্চ পাণ্ডবের মাথা লউন।” কিন্তু অশ্বথামার কি ভ্রম—ঐ দিবস যুদ্ধ অন্তে পাণ্ডবেরা পঞ্চ ভ্রাতায় মিলিয়া অশ্রুত গিয়াছিলেন। অশ্বথামা কল্পনায় কি সর্ধনাশ করিলেন।

মুণ্ডগুলি অক্ষুণ্ণে দৃষ্টিগোচর করিয়া দুর্ঘোষন অশ্বথামাকে কহিলেন,—“আমার প্রধান প্রতিদ্বন্দী ভীমের মস্তকটি দিন।” ঐ মস্তক পাইয়া মহানন্দে যেমন তিনি চূর্ণ করিলেন, তাহা সহজেই চূর্ণ হওয়ায় আর্তনাদ করিয়া শোকে বিহ্বল হইলেন এবং অশ্বথামাকে বলিলেন,—“গুরুপুত্র, সর্ধনাশ করিলেন? পূর্বেই আমার বংশ ধ্বংস হইয়া গিয়াছে, আবার খুল্লতাতে বংশও ধ্বংস করিলেন? এখন বুদ্ধিতে পারিতেছি এ পঞ্চমুণ্ড পাণ্ডবদিগের নহে, ইহা তাহাদের বংশধরদিগের।” “কি করিলেন, গুরুপুত্র?” বলিয়া আর্তনাদ করিয়া জীবন শূন্য অবস্থায় ভূতলে পতিত হইলেন।

শাস্ত্রে উল্লেখ আছে, হরিষে বিষাদে দুর্ঘোষনের মৃত্যু হয়। এখন জিজ্ঞাস্য হইতে পারে, হরিষে বিষাদের অবস্থা কিরূপ? তাহার উত্তরে এই বলা যাইতে পারে, প্রথমে হরিষে অর্থাৎ আনন্দে দুর্ঘোষন রূপ কামনা উৎফুল্ল হন; তৎপরে যখন কামনার ধারণা হয়, ঐ মুণ্ডটি ভীমের নহে, তখন ভয়ানক বিষাদ হইল অর্থাৎ তখন আনন্দ নিরানন্দে পরিণত হইল অর্থাৎ সুখ দুঃখ প্রবৃত্তি-সূচক মনের সমজ্ঞান হইল। ইহাতে সাধকের যখন এই অবস্থা হয়, সাধক মহা গরিব হইলেও হঠাৎ ধন প্রাপ্তিতে উৎফুল্ল হয় না এবং একমাত্র জ্ঞানবান পুত্রের নিধন সংবাদ শুনিয়াও কাতর হন না। অথচ সংসারে থাকিয়া নির্নিপুণভাবে যাবতীয় কার্য্য করিয়া থাকেন; ইহা নিজবোধ রূপ অবস্থা। মহা

মহা ঋষিগণ, ব্যাস বশিষ্ঠ যোগীগণ এবং জনক রাজা এইরূপ ভাবাপন্ন ছিলেন।

দুর্যোধন-রূপ কামনার বিনাশে, তাহা হইতে উদ্ভূত ক্রোধ, লোভ, মোহ, মদ, মাৎস্যর্ঘ্য অর্থাৎ হিংসার বিনাশ সাধন হয়। দুর্যোধনের নিধনের পূর্বে তাহার নিরানন্দের জন ভ্রাতা ভীমের প্রভঞ্জনস্বরূপ গদায় মৃত্যুমুখে পতিত হয়। রক্ত বীজের অর্থাৎ আসক্তির ধ্বংস যেকোন চঞ্চল বায়ুর অন্তর্ক্যানে নিধন প্রাপ্ত হয়, কালী প্রতিমায় দেখান হয় তাহাই সংঘটন হইল। চণ্ডীতে রক্তবীজের এবং মহাভারতে দুর্যোধন-রূপী কামের বিনাশ একই ভাবাপন্ন। ইহার পরে সাধকের মন কামনা শূন্য হওয়ায় পবিত্র হইল।

প্রবৃত্তি-সূচক মনরূপী ধৃতরাষ্ট্র বীতরাগ প্রাপ্ত হইলেন। এত সাধের তাহার জ্যেষ্ঠ পুত্র, যাহার মন্ত্রনায় মায়িক জীবের নাসিকায় রক্ত সংলগ্ন করিয়া এবং প্রতি মূহুর্ত্তে জীবের আয়ু ধ্বংস করাইয়া এই বিশাল দেহরাজ্য শাসন করিতেছিলেন, তাহার বিনাশে শোকমগ্ন হইলেন।

দুর্যোধনাদি একশত ভ্রাতার পত্নী-গণ স্বামীগণের মৃত্যু সংবাদে মহাশোকে বিভোর হইলেন। তাহা শ্রবণে ভগবান ব্যাসদেব তাঁহাদিগের ললাটে স্বামীগণের স্মরণ-দেহ যোগবল প্রভাবে প্রদর্শন করান এবং বুঝাইয়া দেন, তাঁহাদের বিনাশ হয় নাই—ভগবানে মিলিত হইয়া রহিয়াছেন। কুরুমহিলাগণ শ্রদ্ধ অস্ত্রে সহগামিনী হইলেন।

যাহারা সাধন সময়ে জয়ী হন এবং ক্ষিত্তিতত্ত্ব অর্থাৎ মূলধার গ্রহি ছিন্ন করিয়া তথা হইতে স্থির বায়ুকে আজ্ঞাচক্রে নীত করেন অর্থাৎ “পিণ্ডং কুণ্ডলিনী শক্তি” উর্দ্ধে স্থিত হয়; শ্রদ্ধাপূর্বক বিষ্ণু পাদ-পদে অর্থাৎ আজ্ঞাচক্রে অর্পণ করিলে, ঐ সাধকের উর্দ্ধতন এবং অধতন সপ্ত-পুরুষ উদ্ধার প্রাপ্ত হন। ঈড়া, পিঙ্গলা—রক্ত ও তমোগুণ, যাহা উভয় নাসিকাহিদ্র হইতে চঞ্চল বায়ু প্রবাহিত হইয়া থাকে, তাহা সাধন

দ্বারা আজ্ঞাচক্রে স্থিত হইলে প্রবোধ রূপ পুত্র উৎপন্ন হইয়া থাকে।
কামজ পুত্রের দ্বারা পিতা মাতার মুখে অগ্নি প্রদানে উদ্ধার হয় না,
তাহা যদি হইত তাহা হইলে লোক সংখ্যা কেন বৃদ্ধি হইতেছে।

“সৃষ্টিকৌশল হৃদয়ঙ্গম করিলে বুঝিতে পারা যায়, পিতার কুটস্থ হইতে একটু সূক্ষ্ম অংশ শুক্ররূপে—“শুক্র ধাতু ভবেৎ প্রাণঃ” সেই স্থির প্রাণ পিতার কুটস্থ হইতে শুক্রাকারে মাতৃ-জরায়ুতে সংস্থিত হয়; তজ্জন্ম মাতাকে জায়া বলা হয় অর্থাৎ পিতাই পুত্ররূপে স্ত্রীর গর্ভে জন্ম-গ্রহণ করেন। সত্য, ত্রেতা এবং দ্বাপর যুগে, প্রথম পুত্র জন্মগ্রহণ করিলে, পুনরায় ধান্মিকগণ পুত্র কন্যা উৎপাদন করিতেন না। এখন দেশে নিকাম ধর্মের অবনতি হওয়ায় তাহা প্রতিপালিত হয় না।

এখন প্রশ্ন হইতে পারে, “মাতৃগর্ভে যে মূর্ত্ব শিশু ভ্রূণরূপে জন্মগ্রহণ করে এবং প্রতিদিন জরায়ুতে বৃদ্ধি প্রাপ্ত হইতে থাকে, তাহা কোন্ শক্তিতে?” তাহার উত্তর এই—তাহা স্থির প্রাণের সাহায্যে হয়, যাহা শুক্রের মধ্যে অবস্থিত ছিল। ঐ স্থির প্রাণ ভ্রূণের মেরুদণ্ডে ৬টি চক্রদ্বারা উর্দ্ধ নিম্ন ভাবে অর্থাৎ পূরক রেচক দ্বারা সঞ্চালিত হওয়ায়, মাতার শরীরস্থ রক্ত—যাহা ফুলের দ্বারা ভ্রূণ প্রাপ্ত হয়; তাহা মেরুদণ্ডস্থ স্থির প্রাণের সঞ্চালনে ভ্রূণের সর্বশরীরে সঞ্চালিত হওয়ায়, ভ্রূণ দিন দিন বৃদ্ধি প্রাপ্ত হইতে থাকে। ভ্রূণ ভূমিষ্ঠ হইবার পূর্বে পর্য্যন্ত জরায়ু কোনে চঞ্চল বায়ু প্রবেশের পথ বন্ধ থাকে। ভ্রূণের নাসিকাছিদ্র হয় ও মাতৃগর্ভে সৃষ্টি হইলেও, বাহিরের চঞ্চল বায়ুর অভাবে শ্বাস প্রশ্বাসের কার্য বন্ধ থাকে। মেরুদণ্ডের মধ্যে সুষুম্না দ্বারা ভিতরে নিকাম কৰ্ম অর্থাৎ স্থির প্রাণের কার্য বরাবরই হয়, ভ্রূণ মাতৃগর্ভে ‘যোগে’ তন্ময় হইয়া আনন্দে অতিবাহিত করে। তাই রামপ্রসাদ সেন লিখিয়া গিয়াছেন, “গর্ভে যখন যোগী তখন, ভূমে পড়ে খেলাম মাটি। এ সংসার ধোকার টাটী ॥”

• ভূমিষ্ঠ হইবামাত্র, ধাত্রী ক্রণের গলার ঘড়ঘড়ি ভাঙ্গিয়া দেয়, অর্থাৎ ক্রণের জিহ্বা তালুমূলে—উর্দ্ধে সংলগ্ন থাকে, তাহাকে নামাইয়া দিলে, শিশু মাতৃ-গর্ভ-পথ হারা হইয়া অস্থির হইয়া পড়ে। ধাত্রী জলে মুখ ধোত করাইলে, তখন চঞ্চল বায়ু নাসিকা দ্বারা প্রবাহিত হওয়ায় কাঁদিয়া উঠে; তাহার একটু পরে ক্ষুধা বোধ করে। কারণ নাসিকা দ্বারা বাহিরের কার্য্য হওয়ায় তখন মনের উৎপত্তি হয়, সেই জন্ত মন ক্ষুধা বোধ করায় কাঁদিতে থাকে; পলিতার দ্বারা দুগ্ধ পান করাইলে কান্না নিবৃত্তি হয়।

• এতদিন মাতৃগর্ভে ক্ষুধা কোথায় ছিল? বাহিরের এই চঞ্চল বায়ু হইতে মন ও কামনার উৎপত্তি হয় এবং কামনা গত হইয়া মায়ায় আবদ্ধ হওয়ায় যত দুঃখ কষ্ট। দুঃখ কথার অর্থ—দুঃ শব্দে দূরে এবং খ শব্দে খং স্বরূপ ব্রহ্ম, মন খং স্বরূপ ব্রহ্ম হইতে দূরে থাকিলেই দুঃখ। সংগুরু রূপায় যখন মাতৃগর্ভের রাস্তা জীব প্রাপ্ত হয়, যে পথ ভূমিষ্ঠ হইবামাত্র হারাইয়া যায়, তাহা পাইয়া অন্তরের স্থির প্রাণের অর্থাৎ সুষুম্নার রাস্তায় প্রাণের গতি হয়। চঞ্চল বায়ু হইতেই মন ও কামনার উৎপত্তি, অন্তর্মুখীন প্রাণায়ামের সাহায্যে কামনার হস্ত হইতে নিষ্কৃতি পাইয়া, মূলধারস্থ স্থির প্রাণকে উর্দ্ধে আজ্ঞাচক্রে—ব্রহ্মযোনিতে সংমিলিত করিয়া ভগবান পদ বাচ্য হইতে পারা যায়। এই নিষ্কাম কৰ্ম দ্বারা পূর্বকালের ঋক্ষিগণের মধ্য অনেকেই ভগবান উপাধিতে ভূষিত হইতেন।

• কুরুগণ মায়িক জীবকে কামনার আশ্রয়ে রাখিয়া, বিষয়মদে মত্ত করাইয়া কতই সাংসারিক আনন্দ প্রদান করিত। ঐ রিপুগণের বিনাশে অর্থাৎ তাহাদের অন্তর্দ্ব্যানে প্রথম প্রথম কষ্ট হইবার কথা, যাহাঁ সংস্কার গত। কিন্তু চঞ্চল মন কামনা হীন হওয়ায়, মন নিবৃত্তি ভাবাপন্ন এবং নিশ্চল হওয়ায় আজ্ঞাচক্রস্থ কুটস্থ চৈতন্য স্থিতি হইল। চঞ্চল বায়ু

হইতেই মায়া, তাহার অভাবে স্থির প্রাণের কার্যো—“মনস্থিরঃ যশ্চ
বিনাবলম্বনম্, বায়ুস্থিরঃ যশ্চ বিনাবরোধনম্, চক্ষুস্থিরঃ যশ্চ বিনা-
বলোকনম্” এই খেচরীসিদ্ধ ‘অবস্থা প্রাপ্ত’ হুণ্ডায়, উদ্বোধিনী শক্তিতে
ব্রহ্মানন্দে নিমগ্ন হওয়ায় সাধনার পুরস্কার প্রাপ্ত হইলেন।

পূর্বে সাধক ঈড়া পিঙ্গলার মোহে আচ্ছন্ন ছিল, এখন তাহারা উদ্ধে
লয় হওয়ায় মায়া হইতে অব্যাহতি লাভ করিল। সে অবস্থা সুখজনক,
স্ব অর্থে সুলভ, ঋ অর্থে ব্রহ্ম ; মন নিবৃত্তি উপাধী প্রাপ্ত হওয়ায় ব্রহ্মে
‘অবস্থিত হইল। প্রাণের চঞ্চল গতির বিরোধিতা হওয়ায় মন স্থখে
স্থিতিলাভ করিল। তখনও কিন্তু সত্ত্বগুণে মন রহিয়াছে, রজ তমগুণে
নামিতেছে না, কারণ ঈড়া তম ও পিঙ্গলা রজগুণ, তাহারা যে উদ্ধে
স্থিতিলাভ করিয়াছে। ঐ সময়ে মন সুষুম্নায় স্থিতিলাভ করিয়াছে,
সুষুম্নার স্থান বিশুদ্ধাখ্য চক্র হইতে আজ্ঞাচক্র পর্যন্ত বিস্তৃত। আজ্ঞাচক্রে
বিষ্ণুর অবস্থিতি, ‘সুতরাং মন সত্ত্বগুণাবলম্বী, তৎকালীন সংসারের সমস্ত
কার্য করিয়াও আশক্তি শূন্যতা ; আশক্তি কামনার অংশ, তাহাত বিনাশ
প্রাপ্ত হইয়াছে, সুতরাং শান্ত ভাবে অবস্থিত। মন, প্রাণ, চক্ষু, কৃষ্ণচন্দ্রে
অর্থাৎ কুটস্থে সংমিলিত, সে অবস্থায় অহঙ্কারযুক্ত মনের অস্তিত্ব
বর্জিত। সমস্ত কার্য—যাহা দেহ দ্বারা সম্পাদিত হয়, তাহা নিজস্ব
বলিয়া জ্ঞান থাকে না ; মন ভগবানে মিলিত রহিয়াছে সুতরাং যত
কিছু কার্য ভগবানই করিতেছেন, সুতরাং সাধক দায়িত্ব শূন্য হন।

এই অবস্থাই প্রকৃত শান্তি। এই অবস্থা পাণ্ডবগণ প্রাপ্ত হইলেন।
সদাই তাঁবে তন্ময়, তজ্জন্ম এই অবস্থায় অভাব থাকে না ; যখন যাহা
প্রয়োজন, তৎপূর্বেই তাহা প্রাপ্ত হন। যাহার এই অবস্থা হয়, তিনিই
ক্লময়ক্লম করিতে পারেন, সুতরাং নিজবোধরূপ। সাদা ব্রহ্মানন্দে
কালান্তিপাত করিয়া, সহস্রার পদ্য হইতে চ্যুত অমৃত পানে মুখ মিষ্ট
আনন্দ যুক্ত, সে অবস্থায় কুধা বোধ থাকে না, তবে যৎকিঞ্চিৎ খাইতে

হয়, তাই ভোজন করেন। সদা কৃষ্ণের বংশীধ্বনি শ্রবণ করেন, অনাহত-ধ্বনি শ্রবণ করেন, যাহা দৃষ্টিগোচর করেন, আজ্ঞাচক্র হইতে দর্শন করেন।

ঈড়া পিঙ্গলার আশ্রয়ে যখন ছিলেন, তখন বাহিরের রূপ, রস, গন্ধ, স্পর্শ এবং শব্দে প্রবৃত্তি-সূচক মনের আগ্রহ ছিল। এখন মনের বীতরাগ হওয়ায় দেহের অভ্যন্তরস্থিত রূপ অর্থাৎ সর্বদা কৃষ্ণচন্দ্র দর্শন, সহস্রাব চ্যুত অমৃত রস পানে ব্রহ্মানন্দ নেশায় বিভোর, দূরস্থিত গন্ধের আত্মান, ব্রহ্মানন্দে পুলক শিহরণ, এবং অনাহত-ধ্বনি শ্রবণ করেন। মন এই সকল বিষয় অন্তরে প্রাপ্ত হইলে বাহিরের রূপ, রস, গন্ধ, স্পর্শ এবং শব্দে কেন মোহিত হইবে। সে এক পরমানন্দের অবস্থা, এই অবস্থা—সাধন সময়ে কামনাকে পরাজয় করিলে প্রাপ্ত হওয়া যায়। শ্রীকৃষ্ণ সাধকের ভক্তিতে সदा বদ্ধ থাকেন।

এই নিষ্কাম ধর্মের প্রচার উদ্দেশ্যে পাণ্ডবগণ অর্থাৎ নিরুক্তি-পুঙ্খীয় ধর্মপরায়ণ গণ অশ্বমেধ যজ্ঞ করেন। অশ্ব অর্থে ব্যাপ্ত, অর্থাৎ প্রাণই সর্বত্র ব্যাপ্ত। সেই প্রাণের সাধন প্রচার করিয়া বিধর্মীগণকে এই নিষ্কাম-ধর্মাবলম্বী করা হয়। ইহাই অশ্বমেধ যজ্ঞ।

দুর্যোধন-রূপী রজগুণ-জাত কামরিপু, যাহার অবস্থিতি মনুষ্যের কণ্ঠদেশে, যাহাকে ভোগীকান্ত বায়ু বলে, তাহার বিনাশ হইলে অর্থাৎ স্থির প্রাণ মূল্যধার হইতে বিশুদ্ধাখ্যচক্র পর্যন্ত স্থির হইলে, সাধকের মন সহগুণে অবস্থিতি করায় নির্মল হয়। তখন বিশুদ্ধাখ্য-চক্র হইতে আজ্ঞাচক্র পর্যন্ত প্রাণ চঞ্চলতা শূন্য হওয়ায়, মন্দাকিনী-রূপে ধীরভাবে উর্দ্ধে যাতায়াত হয়। তৎকালীন কুটস্থ হইতে কামরাগ হীন কামদেবের উৎপত্তি হয়, যাহাকে মদন কহে; তাহা হইতে অনিরুদ্ধের উৎপত্তি অর্থাৎ অতি সূক্ষ্মতম গতি সৃষ্টি হয় অর্থাৎ অনুভূতি হয়।

বিশুদ্ধাখ্য হইতে আজ্ঞাচক্র পর্যন্ত দৈব ভাব, পূর্বে যাহা উল্লেখ

করা হইয়াছে। কামদেব এবং দ্বারকাপুরী অর্থাৎ পরাস্বর্গ, যাহাকে সহস্রার পদ্ম বলা হয়, তাহার দ্বারকে দ্বারকাপুরী কহে। সেইস্থানে দৈবী-সম্পদ-জাত যদু বংশ, যাহারা প্রবল প্রতাপে সবুগুণে কার্য করিতেছিলেন, তাঁহাদের মধ্যে সংকর্ষণ-রূপী বলরাম, যাহার হস্তে লাক্ষ্মী দেখা যায়, যাহার দ্বারা কর্ষণ-রূপে দেহরূপ ক্ষেত্রে প্রাণায়াম রূপ কাশ হইতেছিল। প্রাণের চঞ্চলতা বিনাশে গুরুপ্রদত্ত একটা ক্রিয়াদ্বারা আজ্ঞাচক্র হইতে মুষল আকারে, (তাহা স্থিরপ্রাণে গঠিত) সহস্রারে উর্দ্ধগত হইল। নিবৃত্তি-মন-জাত যে সকল স্ত্রী পুরুষ উপাধিধারী, কুটস্থ চৈতন্যের প্রতি প্রগাঢ় ভক্তি, শ্রদ্ধা, দয়া দাক্ষিণ্য এবং ভক্তিমান দ্বারকাবাসী ও ভক্তিমতি দ্বারকাবাসিনীগণ ছিলেন, বলরামের দেহত্যাগ অর্থাৎ সংকর্ষণের কার্য বন্ধ হওয়ায়, (প্রাণের সাধন বন্ধ হওয়ায়) যদুবংশ শূন্য হইল। স্থির প্রাণের চলারমান অবস্থার অন্তর্দ্ব্যান অর্থাৎ বলরামের অন্তর্দ্ব্যানে যদুবংশ শূন্য হইল।

সংকর্ষণের অন্তর্দ্ব্যানে, কৃষ্ণ অর্থাৎ কুটস্থ চৈতন্য, (কৃষ্ণ ধাতু কর্ষণ করা ন নিবৃত্তি বাচক,) শ্বাস প্রশ্বাস রূপে প্রাণের যে কর্ষণ ক্রিয়া হইতেছে, ইহার নিবৃত্তি রূপ স্থির অবস্থাকে, স্থির-প্রাণ-রূপ কৃষ্ণ কহে। ঐ কৃষ্ণচন্দ্র, যাহাতে তনয় হইয়া সাধনার প্রথম অবস্থা হইতে সাধক জ্যোতির্ঘনী পরা প্রকৃতি সহ, নবঘনশ্যাম মূর্তি দর্শন করিয়া মহা আনন্দে নিমগ্ন ছিলেন, ঐ কৃষ্ণচন্দ্র অন্তর্দ্ব্যানে হইলেন।

ইহার পূর্ব পর্য্যন্ত সাধক বৈতভাবে ছিলেন, এখন আমি তুমি ভেদজ্ঞান শূন্য হওয়ায়, আর কুটস্থকে দেখিতে পাইলেন না; অর্থাৎ মহাভারতের মতে কৃষ্ণচন্দ্র দেহরূপ অশ্বখ ষ্কে শরে সংযোজিত হইলেন। কারণ, মুষল-রূপী সুষুম্না আজ্ঞাচক্রের মধ্য দিয়া সহস্রারে অর্থাৎ স্থির সমুদ্রে মিলিতেছে; চক্ষের দৃষ্টিহীন অবস্থা হওয়ায়, আভাস মাত্র কুটস্থের দৃষ্টিগোচর হয়। “দৃষ্টিস্থিরঃ যন্ত বিনাবলোকনম্” অবস্থা সাধকের হয়।

সাধকের তখন কি প্রকার অবস্থা হয়? যথা,—“ন তদ্ভাষয়তে সূর্য্য, ন শশাঙ্ক, ন পাবক । যদ্ বর্ত্তা নিবর্ত্তন্তে তদ্ধাম'পরমং মনঃ ॥” সাধকের এই অবস্থায় এইরূপ কুটস্থ দর্শন হয়, তাহা অব্যক্ত, অনির্কচনীয় । আঞ্জাচক্রের উপর স্থিরবায়ুর ক্রিয়া আছে, তাহা সমাধা হইলে কৃষ্ণচন্দ্রের সদৃশ হয় । সাধক কৃষ্ণচন্দ্রে মিলিত হইয়া জীবন্মৃত অবস্থা প্রাপ্ত হন এবং অহোরাত্র ব্রহ্মানন্দে নিমগ্ন থাকেন ।

পূর্বে উল্লেখ করা হইয়াছে, অকাম স্বরূপ কামদেবই নিরাত্ত-মাগের প্রবোধ রূপ পুত্র, তাহা দ্বারাই সাধক উদ্ধার প্রাপ্ত হন । ইন্দ্রিয়ে আসক্ত থাকাই পাপ, তাহা হইতে মুক্ত হইতে পারিলেই সাধনার উদ্দেশ্য পূর্ণ হইল । বাহিরের চঞ্চল বায়ু, যাহা দুই নাসিকা দ্বারা সঞ্চালিত হওয়ায় জীব মায়ায় আবদ্ধ হয়, তাহার কাঁধা উর্দ্ধে লয় হওয়ায়, কৃষ্ণচন্দ্রে বিলীন হয় ; তাহাতেই রজগুণ-জাত কামরূপী দুর্ঘোষনের বিনাশ সাধন হয় । তাহার পরে সত্ত্বগুণাশ্রিত অকাম অন্তর্হিত হওয়ায়, সহস্রারে মনের সংমিলনে, আমিহারা অবস্থায় অনির্কচনীয় আনন্দ অহোরাত্র উপভোগ করেন ; তখনই জীবন্মৃত অবস্থা প্রাপ্ত হন । এই অবস্থায় সূক্ষ্ম শরীরে সাধক অনেক স্থানে জীবের মঙ্গল উদ্দেশ্যে বিচরণ করেন ।

দ্বারকাপুরী স্নায়ু মণ্ডলের আধার সহস্রারে সমুদ্রে প্লাবিত হয় । জ্যোতির্ময় শত শত সূর্যের প্রকাশ, যাহা সাধনার প্রথম অবস্থা হইতে কুটস্থ চৈতন্যের দীপ্তি দৃষ্টিগোচর করিতেন । এখন ঈড়া পিঙ্গলা ও সুষুমা সহস্রারে মিলিত হওয়ায় অর্থাৎ চন্দ্র, সূর্য্য এবং অগ্নির অভাবে, চন্দ্রকে ঈড়া কহে, যাহা বাম নাসিকায় প্রবাহিত হয় ; সূর্য্যকে পিঙ্গলা কহে, যাহা দক্ষিণ নাসিকায় প্রবাহিত হয় ; উক্ত উভয় নাসিকার মিলন স্থানে সুষুমা-রুধিনী স্থিরবায়ু যাহাকে অগ্নি কহে । এই তিনটা মাড়ীর উর্দ্ধে মিলন হওয়ায়, সাধক গুণাতীত অবস্থা প্রাপ্ত হন ।

ঈড়া তমগুণ, পিঙ্গলার কার্য্য রজগুণ এবং সুষুমার কার্য্য সত্ত্বগুণ ।

এই তিনটি কার্য রহিত হইলে কৃষ্ণচন্দ্রের অদর্শন হয়, আত্মবিষয়িনী জ্ঞান দ্বারা হৃদয়ঙ্গম হয়। 'মায়ার কার্য ঈড়া পিঙ্গলা হইতে উৎপত্তি, ঐ রজ-তমগুণের অন্তর্দ্ব্যানে পিতা, মাতা, দোরা, পুত্র, পৌত্র, আত্মীয় স্বজনগণের সুখে দুঃখে মনের যে বিচলিত ভাবের অনুভূতি ছিল, মান অপমানে পূর্বে মনে আঘাত লাগিত। এখন যে মন কৃষ্ণচন্দ্রে সংমিলিত হইয়াছে, সূতরাং আর বিচলিত হইবার কিছুই নাই। সাধক এখন নিলিপ্ত, অদ্বৈত ভাবে সংমিলিত, সূতরাং সুখ দুঃখ বোধ করিবার ক্ষমতা বর্জিত হন।

“স্বাহা নাই, তাহার অস্তিত্ব স্বীকার করার নাম মায়ী, সেই মায়ী অন্তর্দর্শা প্রাপ্ত হন। এই অবস্থায় সমজ্ঞান প্রাপ্ত, ভালমন্দ বিচার করিবে কে? এই অবস্থায় সাধক অনিচ্ছার ইচ্ছায় ভারী জিনিষ স্বরূপ নিজের দেহ, ত্যাগ করিতেও পারেন অথবা কিছুদিন রাখিতেও পারেন। এই সংক্ষেপে একটা কথা প্রচলিত আছে, যথা—“বিনা সে কে গব, আঁধার এসব, হ'লাম শব প্রায়। কি ছার রাজ্য, অতুল ঐশ্বর্য, সুখেতে কার্য নাই।” এই অবস্থা প্রাপ্তিতে ক্ষিতিতত্ত্ব অর্থাৎ মূলাধার ভেদ হইয়া, কুণ্ডলিনীর চৈতন্য হইয়া বিষ্ণু পাদপদ্মে পিণ্ডান করিলে উদ্ধার প্রাপ্ত হন।

এখন ক্ষুদ্র ব্রহ্মাণ্ডরূপ দেহ শত্রু শূন্য হইয়াছে, সাধক নারায়ণে মিলিত হইয়াছেন, এত বিমল আনন্দ ভোগ করা স্বর্গেও সশরীরে স্বর্গে যাইতে অভিলাষী হইলেন। মন কামনা হীন হইয়া নিকাম হইল, পূর্বে মন কামনা সহবাসে নানা খেয়ালে জড়িত হইত, এখন কামনা হইতে অব্যাহতি লাভ করিয়া পূর্ণ নিকাম হওয়ায় স্বর্গগামী হইবার নিমিত্ত প্রস্তুত হইল। সাধক পঞ্চতত্ত্ব ও শক্তিসহ উর্দ্ধগামী হইতে উত্তোগী হইল। মূলাধারস্থ সহদেব, স্বাধিষ্ঠানস্থিত নকুল, মণিপুরস্থিত অর্জুন, অনাহতস্থিত ভীম এবং বিশুদ্ধস্থিত যুধিষ্ঠির স্বর্গে অর্থাৎ সহস্রার পদে অবস্থিতির জগৎ প্রস্তুত হইলেন।

তৎকালীন সাধক মহা স্থির বায়ুর একটি ক্রিয়া সংগুরু রূপায় প্রাপ্ত হইয়া জীবন্মৃত অবস্থা প্রাপ্ত হন . অর্থাৎ জীবিত থাকিয়া মৃত্যু লক্ষণগুলি উপলব্ধি করেন । দ্রৌপদী—শক্তি অন্তর্হিত হয়, মূলাধারস্থিত সহদেব সাধিষ্ঠান চক্রে মিলিত হওয়ায়—সহদেবের প্রাণ উর্দ্ধগত হওয়ায় জীবন শূণ্য হইল । সাধিষ্ঠানে নকুল বিদ্যমান ছিলেন, তথাকার জীবনী শক্তি মণিপুরে সংমিলিত হওয়ায় নকুল বিনাশ প্রাপ্ত হইলেন । মণিপুর চক্রস্থিত অর্জুন, অনাহত চক্রে উর্দ্ধগত হওয়ায় জীবনী শক্তি নষ্ট হইল । অনাহত চক্রস্থিত ভীম মহাবলবান প্রাণশক্তি, বিশুদ্ধাখ্য-চক্রস্থিত যুধিষ্ঠিরে সংমিলিত হওয়ায় জীবন শূণ্য হইলেন ।

উল্লিখিত চারিটি ভ্রাতা এবং দ্রৌপদীর প্রবল কাণ্ডকারিতা শক্তির তেজ হীন হইল । মূলাধার হইতে স্থির বায়ু পরম্পর শূণ্যভিমুখে বিষ্ণুর পাদপদ্মে—আজ্ঞাচক্রে পিণ্ডরূপে অপিত হয় । এখন যুধিষ্ঠির-শূণ্যত্ব পরাস্বর্গে অর্থাৎ সহস্রার-চক্রে সশরীরে অর্থাৎ দেহ থাকা অবস্থায় মিলিত হইয়া লয় হইলেন । সে অবস্থা নিজবোধরূপ ।

এই অবস্থা প্রাপ্ত হইলেই যে দেহত্যাগ করিতে হয় এমত নহে, অনিচ্ছার ইচ্ছায় অনেক দিন তথায় ব্রহ্মানন্দে অব্যক্ত-ব্রহ্মে মিলিয়া থাকিতে পারেন । মৃত্যু নিজের আয়ত্ত্বাধীন থাকে । এই অবস্থা প্রাপ্ত হইলে মৃত্যুভয় তিরোহিত হয়, যখন অনিচ্ছার ইচ্ছা হয়, সর্পের খোলসের মত দেহত্যাগ করেন । এই অবস্থা প্রাপ্ত হইলে দেহান্তর প্রাপ্ত হয় না, প্রকৃত পক্ষে ইহাকেই জীবন্মৃত্যু অবস্থা কহে । এই অবস্থায় সাধক বিমল আনন্দে থাকিয়া, নির্লিপ্ত অবস্থায় সংসারে থাকিয়া সাংসারিক দাবতীয় কার্য করিতে পারেন । ইহাকে চৈতন্য সমাধি কহে ।

পূর্বকালে জনক, বশিষ্ঠ প্রভৃতি মহা মুনি আর্ধ্য ঋষিগণ এই অবস্থায়

অবস্থিতি করিতেন। এই অবস্থা প্রাপ্ত হইলে বি-দেহ অর্থাৎ বিগত দেহ, যেন তাঁহার দেহ নহে, অপরের দেহ বলিয়া ধারণা হয়। যেমন একজন লোক অপরের দেহ স্পর্শ করিবামাত্র অপরের দেহ বলিয়া উপলব্ধি করেন, বিদেহ অবস্থা প্রাপ্ত হইলে নিজের হস্ত দ্বারা নিজের শরীরের যে কোন অঙ্গ স্পর্শনে অপরের দেহ বলিয়া অনুভূত হয়, ইহাকেই বিদেহ লক্ষণ কহে। ইহা অব্যক্ত, নিজবোধ-রূপ। এই অবস্থায় সাধক নাশ্চায়ণ স্বরূপ অদ্বৈত অবস্থা প্রাপ্ত হন, এবং সূক্ষ্ম দেহ লইয়া স্কুলদেহে বিরাজমান। সে অবস্থায় অনিচ্ছার ইচ্ছায় যথা তথা বিচরণ করিয়া, জগতের মঙ্গলের জন্য শ্রদ্ধাবান ভক্তের হৃদয়ে উদ্ভিত হইয়া, তাঁহাদের ইচ্ছা পূর্ণ করেন। ইহাই স্বর্গারোহণ-পর্ব, নিজবোধ-রূপ।

এইরূপ মহাভারতের ভাবার্থ, যাহা গুরু কৃপায় লিখিত হইল, ইহা শরীরস্থ নিবৃত্তি-পক্ষের সহিত প্রবৃত্তি-পক্ষের সংগ্রাম।, মানবগণের দেহরূপ ক্ষেত্রে অহোরাত্র এইরূপ সংগ্রাম চলিতেছে, যাহা সাধন করিলে জ্ঞানের দ্বারা উপলব্ধি হয়। কখনও একটা মন্দকার্যের বিষয় হৃদ-পটে উদ্ভিত হইল, আরার সেই মুহূর্ত্তে বিবেকের সাহায্যে নিবৃত্তি-সূচক মন, কামনাকে মন্দকার্য হইতে নিবৃত্ত করিল। কিন্তু মন যদি রজ-তমগুণে দৃঢ় হয়, তাহা হইলে সত্ত্বগুণকে পরাস্ত করিয়া মন্দ কার্য করিয়া বসে। আর নিজাম কৰ্ম করণে মন যদি সত্ত্বগুণে স্থিতিলাভ করে, তাহার ফলে রজ-তমগুণের মন্দ কার্যকে অপসারিত করিয়া সমরে জয়লাভ করে। এইরূপ তিনগুণে মন অহোরাত্র বিচরণ করিতেছে। কিন্তু নিজাম কৰ্ম করিলে যত অনর্থের মূল কামনা, তাহাকে পরাস্ত করিয়া সৎকার্যে মনের ধারণা হয়।

মহাভারতে বহুস্থলে লিখিত আছে, যখন সাধকরূপী অর্জুন যুদ্ধে ব্যাপ্ত, শত্রুগণ চতুর্দিক হইতে আক্রমণ করিতেছে, তৎকালীন কি না

শ্রীকৃষ্ণ পার্থকে যোগী হইতে উপদেশ দিতেছেন। ইহা কি সম্ভব কথা? শ্রীকৃষ্ণ অনেক সময়ই অর্জুনের নিকট অবস্থিতি করিতেন, যুদ্ধের পূর্বে কি তিনি পার্থকে যোগী হইবার কথা বলিতে পারিতেন না। যখন অর্জুন মহাব্যস্ত, তখনই কি শ্রীকৃষ্ণ উপদেশ দিবার প্রশস্ত সময় নির্ণয় করিলেন। গীতাতে লিখিত আছে, ঐ সময়ে শ্রীকৃষ্ণ অর্জুনকে উপদেশ দিতেছেন,—“তস্মাৎ যোগী ভবাজ্জুন।” ইহাতেই প্রতিপন্ন হয়, এই যুদ্ধ সাধন সময় ভিন্ন বাহিরের সংগ্রাম নহে। সনাতন হিন্দু ধর্ম দুই ভাগে বিভক্ত, একটা অন্তর্লক্ষ্য অপরটি বহির্লক্ষ্য।

অর্জুন দেহরূপ রথে গাণ্ডীব ধারণ করিয়া আছেন, “প্রণবোধস্ত শরোহায়া ব্রহ্ম তল্লক্ষ্যমুচ্যতে।” যাহার শরক্ষেপে শরীরস্থ রিপুগণ বলহীন হইয়া মৃত্যুতুল্য হয়, শ্রীকৃষ্ণ দুই ক্রদেশের উর্দ্ধে দণ্ডায়মান হইয়া ঈড়া পিঙ্গলা, চঞ্চল বায়বীয় শক্তিকে উর্দ্ধে ধারণ করিয়া, অশ্ব অর্থে ব্যাপৃত, “বায়ুঃ সর্বত্রগো মহান্” ঐ চঞ্চল বায়ুকে আকর্ষণ করিয়া, দেহরূপ রথ চালনা করিতেছেন। ঈড়া পিঙ্গলা, যাহা রুজ-তমস্রণের প্রবাহ, তাহাদিগকে সংযত করিয়া শ্রীকৃষ্ণ সাধকরূপী—জীবাশ্বরূপী অর্জুনকে, দেহরূপ ক্ষেত্রে সমর করিয়া জীবাশ্বা পরমাশ্বায় সংমিলন করাইয়া যোগী হইতে বলিতেছেন।

যে পর্য্যন্ত শরীরস্থ রিপু এবং ইন্দ্রিয়গণের প্রতাপ নষ্ট না হয়, তাৎকাল এই সাধন সময় করিতে হয়। তাহার ফলে ইন্দ্রিয়গণ বিক্রমহীন হওয়ায় সাধকের আজ্ঞাবীন হয়। এই কুরু পাণ্ডবের যুদ্ধে অর্থাৎ প্রবৃত্তি ও নিবৃত্তি-পক্ষের সমরে, প্রবৃত্তি-পক্ষ যেহেতু হইয়াছিল তাহা নহে, তাহাদের প্রতাপ নষ্ট হইয়াছিল, প্রতাপ নষ্ট হইলে মৃত্যুতুল্য অবস্থাই হয়।

শারীরিক বৈজ্ঞানিক ধর্ম

নিকাম বা অন্তর্মুখীন প্রাণায়াম ক্রিয়া

মেরুদণ্ডের মধ্যে ছয়টি চক্র আছে, তাহাদিগকে “প্নেক্সাস্” বলে। তান্ত্রিকগণও তাহা বলিয়া থাকেন, তবে তাহারা চক্রের স্থলে পদ্ব বলিয়া বর্ণনা করেন।

শব ব্যবচ্ছেদে প্রতীয়মান হয়, মেরুদণ্ডের শেষ অংশ, যাহা মণ্ডুক গহ্বরে মিলিত হইয়াছে, ঐ মিলন স্থানে “মেডুলা অফ লঙ্গেটা” বিদ্যমান। ঐ “মেডুলা অফ লঙ্গেটা” একটি ত্রিকোণাকার স্নায়ু কেন্দ্র। দেখা যায়, তথা হইতে স্নায়ু-সূত্র বহির্গত হইয়া, দুইটি চক্ষু, দুইটি কর্ণে, দুইটি নাসিকা ছিদ্রে, একটি জিহ্বাতে এবং একটি সূত্র বৃক্কে সঞ্চালিত হইয়াছে। তন্নিম্নে আর একটি প্নেক্সাস্ বা স্নায়ু কেন্দ্র গোলাকার দৃষ্টিগোচর হয়, যাহা ঘাড়ের বিদ্যমান। তন্নিম্নে বক্ষের মধ্যস্থলের সমসূত্রে পশ্চাৎ ভাগে মেরুদণ্ডের মধ্যে একটি, তন্নিম্নে অর্থাৎ নাভির সমসূত্রে পশ্চাৎ ভাগে মেরুদণ্ডের মধ্যে একটি, তন্নিম্নে লিঙ্গের উৎপত্তি স্থলের সমসূত্রে পশ্চাৎ ভাগে মেরুদণ্ডের মধ্যে একটি এবং আর একটি প্নেক্সাস্ বা স্নায়ু কেন্দ্র, গুহ্বারের এক ইঞ্চি উর্দ্ধে পশ্চাতে মেরুদণ্ডের মধ্যে অবস্থিত। সর্ব উর্দ্ধ কেন্দ্র ত্রিকোণাকার, নিম্নের পাঁচটি কেন্দ্র গোলাকার দেখা যায়। মেডুলা অফ লঙ্গেটা হইতে একটি মজ্জা, সূক্ষ্ম ছিদ্র বিশিষ্ট নলাকারে বহির্গত হইয়া, নিম্নের পাঁচটি কেন্দ্রকে ভেদ করিয়া সর্বনিম্নের কেন্দ্রে শেষ হইয়াছে। এই ছয়টি স্নায়ু কেন্দ্রই ষট্চক্র বলিয়া যোগীগণ নাম দিয়াছেন।

আয়ুর্বেদ মতে স্নায়ুকে বায়ু বা প্রাণ বলিয়া ব্যাখ্যা করিয়া থাকে।

তাহার কারণ, স্নায়ুর কার্য শক্তি ও স্পর্শশক্তি, ইহা চিকিৎসা শাস্ত্রে উল্লেখ আছে। মনে করুন, সমস্ত শরীরে জালের মত স্নায়ুগুণী রহিয়াছে অথচ জীবের মৃত্যু ঘটিল, তাহা হইলে কি তখন মৃত ব্যক্তির জীবন ফিরাইয়া আনিতে পারা যায়? তাহা কখনই নহে। প্রাণের সঞ্চালন প্রভাবে স্নায়ু কার্য করিতে সক্ষম হয়, সেই নিমিত্ত স্নায়ুগণকে আয়ুর্বেদীয় পণ্ডিতগণ বায়ু বা প্রাণ বলিয়া অভিহিত করিয়াছেন। যোগ বা তন্ত্রশাস্ত্রে ঐ ছয়টি চক্র বা পদকে মেরুদণ্ডের নিম্ন হইতে মূলাধার, সাধিষ্ঠান, মণিপুর, অনাহত, বিশুদ্ধাখ্য এবং সকলের উর্দ্ধে ত্রিকোণাকার ত্রকোণীকে আজ্ঞাচক্র নাম দিয়াছেন। আর দুইটি স্নায়ু বা বায়বীয় শক্তি, মেরুদণ্ডের মধ্যে নলাকারে মূলাধার পর্যন্ত শেষ হইয়াছে। উহা মধ্যপ্রবাহ বা স্থির বায়বীয় শক্তির দুই পার্শ্ব দিয়া উর্দ্ধে প্রবাহিত হইতেছে। বাম দিক দিয়া যাহা উর্দ্ধে উঠিয়াছে তাহাকে ঈড়া নাড়ী কহে এবং দক্ষিণ দিক দিয়া যাহা উর্দ্ধে উঠিয়াছে, তাহাকে পিঙ্গলা নাড়ী কহে। প্রথমে মেডুলা অফ লঙ্গেটা হইতে নলাকার মজ্জা, যাহা ষট্চক্র ভেদ করিয়া মূলাধারে শেষ হইয়াছে, তাহাকে সুষুমা নাড়ী কহে।

এই তিনটি স্নায়ু বা প্রাণশক্তির কার্যে জীবের দেহ ধৃত রহিয়াছে এবং জীব দেহের প্রত্যেক কার্যই সম্পাদিত হইতেছে। ঈড়া ও পিঙ্গলার কার্য দ্বারা বাহিরের চঞ্চল বায়ুর প্রবাহ নাসিকা দ্বারা সঞ্চালিত হইয়া থাকে, সুষুমার—স্থির বায়ুর কার্যকরণ শক্তি। জীবদেহে যত প্রকার বায়ুর কার্য হয়, এই তিন বায়ু ঈড়া, পিঙ্গলা ও সুষুমা শক্তি-দায়িনীরূপে মেরুর মধ্যে অবস্থিত। ইহাদের শক্তি নষ্ট হইলে জীব শবে পারিণত হয়।

এই যে ছয়টি চক্র বা কেন্দ্র, ইহার মধ্য দিয়া পূর্ননিখিত সুষুমা নাড়ী, মূলাধার হইতে আজ্ঞাচক্রের উর্দ্ধ পর্যন্ত গমন করিয়াছে। দুইটি

নাসিকার দ্বারা অর্থাৎ ঈড়া পিঙ্গলা দ্বারা যে বাহিরের চঞ্চল বায়ু, যদ্বারা আগম নিগম কার্য হয়, ঐ বায়ু প্রবাহের দ্বারা মন, কাম, ক্রোধ, লোভ, মোহ, মদ এবং মাৎসর্ষ্যের উৎপত্তি। ইহারা চক্ষু, কর্ণ, নাসিকা, জিহ্বা ও ত্বক এই পাঁচটি জ্ঞানেন্দ্রিয় এবং মুখ, হস্ত, পদ, গুহ ও লিঙ্গ এই পাঁচটি কর্মেন্দ্রিয় এবং ইহাদের পাঁচটি বিষয় যথা,—চক্ষুর বিষয় দর্শন, কর্ণের বিষয় শ্রবণ, নাসিকার বিষয় জ্ঞান, জিহ্বার বিষয় আস্থাদন, ত্বকের বিষয় স্পর্শন, জ্ঞানেন্দ্রিয়ের এই পাঁচটি বিষয়। কর্মেন্দ্রিয়ের পাঁচটি বিষয় যথা,—মুখের দ্বারা আহার, হস্তের বিষয় ধারণ, পদের বিষয় চলন, গুহের বিষয় মনত্যাগ ও বায়ু নিঃসরণ এবং লিঙ্গের মুত্রত্যাগ ও মৈথুন, দশ ইন্দ্রিয়ের সাহায্যে জীব এই সকল কর্ম সম্পাদন করিয়া থাকে।

ইন্দ্রিয়ের রাজা মন, তিনি অন্ধ। তাঁহা হইতে উৎপন্ন কাম বা কামনা, ইনি একশত ভাগে দশদিকে ধাবিত হইয়া মায়িক জীবকে পাঁচটি জ্ঞানেন্দ্রিয় এবং পাঁচটি কর্মেন্দ্রিয় এই দশ ইন্দ্রিয়ের বিষয়ে ধাবিত করাইয়া সদস্য কার্যে প্রলোভিত করিয়া বিষয়মদে মত্ত করিয়া রাখিয়াছে। ইহার মূলে ঈড়া ও পিঙ্গলাস্থিত চঞ্চল বায়ুর কার্যের প্রতাপে জীবকে প্রতি মূহুর্তে ময়লা জিনিসের সংশ্রবে রাখিয়া, আয়ু কমাইয়া রোগ শোকে জর্জরিত করিতেছে; সেই নিমিত্তে মায়িক জীব অকালে ধ্বংসের পথে ধাবিত হইতেছে। ফুস্ফুস্ যন্ত্রটি হাপর বিশেষ, যতগুলি চঞ্চল বায়ুর শ্বাস প্রশ্বাস উহাতে থাকিতে পারে, তাহারা সকলে বাহিরে যাইয়া জীবদেহকে দুর্বলতায় পরিণত করিতেছে।

যোগশাস্ত্রে লিখিত আছে, জীবসৃষ্টি কালিন প্রজাপতি স্থির বায়ুরূপী রেতঃ দ্বারা পিতার কুটস্থ অংশসহ মাতৃগর্ভে প্রদত্ত হয়। উহা দিন দিন সঞ্চালন দ্বারা, অণু বৃদ্ধিপ্রাপ্ত হইয়া গঠিত হয়। মাতার প্রদত্ত রক্ত, যাহা প্রতি মূহুর্তে অণুর নান্যদেশে দেওয়া হয়, তাহা

যদি মাতার শারীরিক অবস্থা সুস্থ থাকে, তবে ঐ রক্ত ক্রণের মধ্যস্থিত স্থিরবায়ুর সঞ্চালনে দিন দিন ক্রণদেহের লাভণ্য বৃদ্ধি হইয়া শারীরিক গঠন অতি স্বাস্থ্যযুক্ত হয়। মাতার শরীরস্থ রক্তের ব্যতিক্রম হইলেও ক্রণের মেরুদণ্ডের মধ্যস্থিত স্থিরবায়ু, যাহা পিতার রেতঃসহ জন্ম হইয়াছিল, তাহা পুরক দ্বারা ঐ দূষিত রক্ত শিশুর মস্তিষ্কে নীত হয় এবং প্রুথাস রূপে মেরুর মধ্যে মস্তিষ্ক হইতে রেচক কালিন ঐ দূষিত রক্ত পরিশুদ্ধ হওয়ায় ক্রণের শরীর নিরাময় হয় এবং দশম মাসে ভূমিষ্ঠ কালিন লাভণ্যযুক্ত দেহ দেখা যায়।

এখন বিচার করিয়া দেখুন, মেরুमध्ये স্থিরবায়ুর উঠা নামা রূপ কার্যে অর্থাৎ অন্তর্মুখীন প্রাণায়াম শক্তিতে নিরোগ দেহে ভূমিষ্ঠ হয়। চঞ্চল বায়ু, যাহা বহিঃপ্রাণায়ামে জীব দক্ষিণ ও বাম নাসিকা দ্বারা প্রবাহিত করে, তাহাতে জীবের প্রতি মূর্ত্তে আয়ুশক্তির ধ্বংস সাধন করাইয়া, অকালে জীবদেহ হইতে প্রাণ নির্গত করে অর্থাৎ দেহান্তর ঘটাইয়া থাকে। যদি অন্তর্মুখীন প্রাণায়াম করা যায়, তাহার ফলে উর্দ্ধে আজ্ঞাচক্রে চঞ্চল প্রাণের স্থিতি হয়। স্থির প্রাণই বিষ্ণু,— “প্রাণ বিষ্ণু পিতামহ, প্রাণেন ধার্যতে জগত।”

যেমন বহিঃজর্গতে পৃথিবী হইতে এককোশ উর্দ্ধে স্থির বায়ু আছে এবং স্থিরবায়ুর আধার চঞ্চল বায়ুর কার্য সম্পন্ন হইতেছে, তেমনই ক্ষুদ্র ব্রহ্মাণ্ডরূপ জীবের দেহের উপরে অর্থাৎ আজ্ঞাচক্রে উর্দ্ধে স্থিরবায়ু রূপে ভগবান বিরাজ করিতেছেন। তিনি মেরুদণ্ডের মধ্যে মূলাধার পর্যন্ত বিস্তৃত রহিয়াছেন, পুরুষ রূপে অর্থাৎ শয়ন করিয়া আছেন। সেই স্থিরবায়ুর সাধনই অন্তর্মুখীন প্রাণায়াম।

পূর্বে উল্লেখ করা হইয়াছে, গুহদ্বারের এক ইঞ্চি উপরে মেরুর মধ্যে মূলাধার গুহ যাহার কার্য,—বায়বীয় শক্তি বা স্পায়ু-সূত্র তথা হইতে নির্গত হইয়া গুহদেশ ও তল্লিকটবর্তী মাংসপেশী, উরুদেশ, পদ,

পুদাঙ্গুলি ও উভয় পদের নখ পর্যন্ত বল প্রদান করিতেছে এবং তাহার বলে জীব চলশক্তি প্রাপ্ত হইয়াছে।

মূলাধার-পদের উর্ধ্বে সাদিষ্ঠান-পদ, যাহা লিঙ্গের পশ্চাতে মেরুদণ্ডের মধ্যে অবস্থিত। তাহার বায়বীয় শক্তিতে স্নায়ুসূত্র নির্গত হইয়া লিঙ্গ, অণ্ডকোষ, মূত্রাশয়, জরায়ুকোষ এবং মূত্রপিণ্ডদ্বয়কে কার্যকারিতা শক্তি প্রদান করিতেছে এবং তন্নিকটবর্তী অস্থি, মাংস ও চর্মকে শক্তি প্রদান করিতেছে।

সাদিষ্ঠান-পদ বা চক্রের উর্ধ্বে মণিপুর-পদ বা চক্র। তথা হইতে বায়বীয় শক্তিতে স্নায়ুসূত্র নির্গত হইয়া পাকস্থলী, পাকনাশী, যকৃত, প্লীহা, প্যাংক্রিয়াস প্রভৃতি অঙ্গগুলিকে কার্যকারিতা শক্তি প্রদান করিতেছে।

মণিপুর-চক্র বা পদের উর্ধ্বে অনাহত-চক্র। যাহার বায়বীয় শক্তিতে স্নায়ুসূত্র নির্গত হইয়া দুইটি ফুস্ফুস যন্ত্র, তাহার আবরণ, হৃৎপিণ্ড ও তাহার আবরণ এবং তন্নিকটবর্তী মাংস, চর্ম, অস্থিকে কার্যকারিতা শক্তি প্রদান করিতেছে।

অনাহত-চক্রের উর্ধ্বে মেরুর মধ্যে, কণ্ঠকূপের পশ্চাতে আর একটি বায়বীয় কেন্দ্র আছে, তাহার নাম বিশুদ্ধাখ্য-চক্র বা পদ। যাহার বায়বীয় শক্তিতে স্নায়ু-সূত্র নির্গত হইয়া গুলুমধ্যস্থ যন্ত্রকে এবং তাহার নিকটবর্তী মাংস, চর্ম, অস্থিকে এবং দুইখানি হস্ত, তাহার অস্থি, মাংস এবং অঙ্গুলিগুলিকে কার্যকারিতা শক্তি প্রদান করিতেছে।

বিশুদ্ধাখ্য-চক্রের উর্ধ্বে মস্তকের পশ্চাদ্দেশে যে স্থানে মেরুদণ্ড শেষ হইয়াছে তথায় ত্রিকোণাকার একটি স্নায়ুকেন্দ্র বিद्यমান আছে, যাহার নাম আজ্ঞা-চক্র বা পদ। এই পদ হইতে বায়বীয় শক্তিতে স্নায়ুসূত্র নির্গত হইয়া, দুইটি সূত্র দুই নাসিকায়, দুইটি দুই কর্ণে, দুইটি দুই চক্ষুতে, একটি জিহ্বাতে এবং একগুচ্ছ সূত্র সমস্ত ত্বকে কার্যকারিতা শক্তি প্রদান করিতেছে।

আজ্ঞা-চক্রের উর্ধ্বে সহস্রার-চক্র বা পদ্ম, যাহা মস্তকেই নীৰ্বদেশের স্নায়ু-মণ্ডল, সঁচরাচর যাহাকে মাথার 'ঘি' বলে। মূলাধার হইতে আজ্ঞা-চক্র পর্যন্ত এই ছয়টি স্তরের সর্বসমেত উনপঞ্চাশটি দল আছে। প্রত্যেক দলে ভিন্ন ভিন্ন নামীয় বায়ু বিद्यমান আছে।

এখন বিচার্য যে, দুই নাসিকার সাহায্যে আগম নিগম কার্যে মান্নিক জীব ঈড়া পিঙ্গলার চঞ্চল বায়ুর প্রতাপে, (গর্ভাবস্থায় ভ্রূণ, বিনা ঈড়া পিঙ্গলার সাহায্যে কেবল স্থির বায়ুর অর্থাৎ সুষুম্নার স্থির বায়ুর সঞ্চালনে, বায়ুর বিকারহীন অবস্থায় নিরাময় অবস্থা প্রাপ্ত হইয়া স্থির থাকিত। ভূমিষ্ঠ হইয়া ঈড়া পিঙ্গলার চঞ্চল বায়ুর প্রতাপে) আগম নিগমে বহির্বিষয়ে আবদ্ধ করাইয়া, জীবকে গায়ত্র মুক্ত করাইয়া ধ্বংস পথে লইয়া যাইতেছে। তাহা হইতে জীব উদ্ধার পায় কোন্ উপায় দ্বারা? জীবের আয়ু বৃদ্ধি কিরূপে হয় এবং রোগ শোক হইতে কি প্রকারে অব্যাহতি লাভ করে? তাহা "বৈজ্ঞানিক যোগক্রিয়া"।

অন্তর্মুখীন প্রাণায়ামে অর্থাৎ মেরুদণ্ড মধ্যস্থিত সুষুম্নার উর্ধ্বেগতি পুরক রেচক কার্য, যাহা সংগুরু রূপার প্রাপ্য, ঐ কার্যের ফলে ঈড়া পিঙ্গলার যৎকিঞ্চিৎ সাহায্যে উঠা নামা রূপ কার্যের ফলে ক্রমে ক্রমে বাহিরের বায়ু লইবার আবশ্যক হয় না। এই ক্রিয়া করিতে করিতে, ঈড়া পিঙ্গলার কার্য বন্ধ হইয়া, তাহাতে অবস্থিত চন্দ্র সূর্যের কার্য রহিত হয়। তখন প্রাণ স্থিরবায়ুর সুষুম্নায় গতি হয়, তৎক্ষণ একটা তৃপ্তি ও আনন্দে সাধক ভাসিতে থাকে।

যোগশাস্ত্রে বলে, এই প্রাণায়াম-রূপ যোগ সাধনে সর্ব রোগ নাশ হয়, শরীরে লাবণ্য ও জ্যোতিঃ প্রকাশ হয়। "প্রাণায়াম সর্বরোগ নাশনম্" এইরূপ ঋষিগণ কর্তৃক লিখিত আছে। পূর্বে লেখা হইয়াছে মেরুদণ্ড মধ্যে ছয়টি প্লেক্সাস বা চক্র আছে, যাহার নাম-পদ্ম। নিম্নের প্লেক্সাস অর্থাৎ মূলাধার হইতে প্রাণশক্তি বা স্নায়বীয় শক্তিতে উভয়

পদের অঙ্গুলি হইতে কোমর পর্যন্ত এবং গুহদেশ ও তল্লিকটবর্তী মাংসপেশী, অস্থি প্রভৃতিকে কার্যকারিতা শক্তি প্রদান করিতেছে। কিন্তু স্বভাবের বশে প্রতি মূহর্তে ঐ সকল স্থান বিকারপ্রাপ্ত হইয়া শক্তিহীন হইতেছে। অস্তমুখীন প্রাণায়াম কৌশলের পুরকের আকর্ষণে পদাঙ্গুলি হইতে বিকৃত জিনিষ, কোমর ও গুহদেশ দিয়া মূলাধার চক্রে আনাইয়া উর্দ্ধদিকে গমন করাইতেছে।

মূলাধারের উর্দ্ধে সাধিষ্ঠান-চক্র, যাহা হইতে প্রাণ শক্তির সাহায্যে স্নায়ু নির্গত হইয়া লিঙ্গ, অণুকোষদ্বয়, জরায়ু-কোষ, মূত্রাশয়, মূত্রপিণ্ডদ্বয় এবং তল্লিকটবর্তী মাংস, অস্থিকে কার্যকারিতা শক্তি প্রদান করিতেছে। কিন্তু স্বভাবের নিয়মে প্রতি মূহর্তে ঐ সকল যন্ত্র ও স্থান বিকৃত ও হীনবল হইতেছে। একমাত্র পুরকের সাহায্যে ঐ সকল বিষয় পরিশুদ্ধ উদ্দেশ্যে স্নায়ুসমূহের উর্দ্ধদিকে আকর্ষণ করিলে বিকৃত অংশকে সংশোধিত করা যাইতে পারে।

মণিপূর-চক্র—যাহা মেরুমধ্যস্থিত সাধিষ্ঠানের উর্দ্ধে অবস্থিত, তাহা হইতে বায়বীয় বা স্নায়বীয় শক্তি প্রভাবে সমস্ত অঙ্গগুলি এবং লিভার, প্লীহা, পিত্তাশয়, পাকস্থলি এবং তাহার পশ্চাৎস্থিত প্যাংক্রিয়াস্ যন্ত্র ও অন্যান্য সমস্ত যন্ত্রগুলির আবরণকে কার্যকারিতা শক্তি প্রদান করিতেছে। স্বভাবের নিয়মে ঐ সকল যন্ত্র প্রতি মূহর্তে বিকৃত ও হীনবল হইতেছে, কিন্তু পুরকের আকর্ষণী শক্তিতে ঐ সকল যন্ত্রের বিকৃত অবস্থার সংশোধন হইয়া পরিশুদ্ধ হইতেছে।

মণিপূর-চক্রের উর্দ্ধস্থিত প্লেক্সাস্ বা পদ্ম, যাহার নাম অনাহত চক্র; উহার বারটি দলে স্থিরবায়ু আছে। তথা হইতে বায়বীয় শক্তি সঞ্চালিত হইয়া দুইটি ফুস্ফুস, তাহার আবরণ, হৃৎপিণ্ড ও তাহার আবরণ, উদর ও বক্ষগহ্বর-স্থিত মাংসকে কার্যকারিতা শক্তি প্রদান করিতেছে। বাহিরের দূষিত বস্তুর সংস্পর্শে ঐ সকল যন্ত্র বিকৃত হইয়া

ধ্বংস পথে ধাবিত হইতেছে, কিন্তু পুরকের আকর্ষণে পুনরায় সংশোধিত হইতেছে।

অনাহত-চক্রের উর্দ্ধে নবিশুদ্ধাখ্য-চক্র, ইহা ষোড়শ দল বিশিষ্ট। তাহা হইতে বায়বীয় শক্তি সঞ্চালিত হইয়া দুইখানি হস্ত, পৃষ্ঠদেশ, গলদেশ, গ্রীবা, স্বরযন্ত্র এবং তন্নিকটবর্তী মাংস ও অস্থিকে কার্যকারিতা শক্তি প্রদান করিতেছে। স্বভাবের নিয়মে প্রতিনিয়ত ঐ সকল যন্ত্র বিকৃত হইয়া হীনবল হইতেছে, ঐ সকল যন্ত্রকে নব বল প্রদান উদ্দেশ্যে পুরক কার্য দ্বারা উর্দ্ধগত করিতে হয়।

এই প্লেক্সাসের উর্দ্ধে আর একটা ত্রিকোণাকার প্লেক্সাস আছে, যাহাকে মেডুলা অফ লম্বেন্টা বলিয়া পূর্বে উল্লেখ করা হইয়াছে। উহা দুইটি দল যুক্ত পদ, এখান হইতে প্রাণ-শক্তির প্রভাবে কয়েকগুচ্ছ স্নায়ুশূত্র নির্গত হইয়া দুইটি দুই চক্ষুকে, দুইটি দুই কর্ণকে, দুইটি দুই নাসিকা ছিদ্রকে, একটি জিহ্বাকে এবং কতকগুলি স্নায়ুশূত্র সমস্ত ত্বককে কার্যকারিতা শক্তি প্রদান করিতেছে। স্বভাবের নিয়মে ঐ সকল যন্ত্র প্রতি মূর্ত্তে বিকৃত হইয়া হীনবল হইতেছে, কিন্তু পুরকের আকর্ষণে উহা সংশোধিত হইতেছে।

উক্ত চক্র বা পদের বায়বীয় শক্তিতে উল্লিখিত দেহের সমস্ত অংশ, মাংস, অস্থি ও যন্ত্রগুলিকে কার্যকরণের শক্তি, প্রাণের প্রভাবে পরিচালিত করিতেছে। কিন্তু হুঃখের বিষয় ঐ সকল যন্ত্র প্রতি নিয়ত কার্য করার ফলে স্বভাবের নিয়মে Wastage of Tissue অর্থাৎ ধ্বংস পথে ধাবিত হইতেছে। ঐ ধ্বংস যত নিবারণ করা যায়, ততই আয়ু বৃদ্ধি হয়। ইহা কেবল মাত্র অন্তর্মুখীন প্রাণায়ামের সাহায্যে সম্ভব হয়।

পূর্বে লিখিত হইয়াছে, পুরক দ্বারা প্রত্যেক চক্রস্থ ধ্বংস-বিশিষ্ট অণু পরমাণুকে সংশোধন উদ্দেশ্যে আঙ্গাচক্রে লওয়া হয়। তাহা

স্নায়ুগুণে প্রদান করিয়া স্থিরপ্রাণের শক্তিতে সংশোধিত হইয়া, স্নায়ুগুণ হইতে নবশক্তি দ্বারা রেচক করিলে অর্থাৎ অন্তমুখীন প্রাণায়াম করিয়া প্রত্যেক চক্রে নিম্নদিকে সঞ্চালন করিলে প্রত্যেক চক্রস্থ যন্ত্র, মাংস ও অস্থিকে নববল দ্বারা অর্থাৎ স্থিরবায়ু দ্বারা শিক্ত করিলে ধ্বংস অণু পরমাণুগুলি নবশক্তিতে সতেজ হইয়া নিরাময় হয়। ইহা দ্বারা অর্থাৎ মাংস, চর্ম ও অস্থি প্রভৃতি নিরাময় হইয়া সতেজ হওয়ায় আয়ুর্বাধি হয় এবং মনে শান্তি ও চঞ্চল প্রাণের স্থিরতা বৃদ্ধি প্রাপ্ত হয়।

এই অন্তমুখীন প্রাণায়ামে চঞ্চল প্রাণ দ্বারা বিকার হইয়া যে রোগী শোকে মায়িক জীব কাতর হইত, তাহা নিবারণ হয়। প্রাণের স্থিতিতে শরীরে লাবণ্য প্রকাশ হয়, অহোরাত্র ভগবৎ নেশায় বিমল আনন্দে থাকিয়া এই নিষ্কাম কর্মদ্বারা প্রত্যেক কার্য করিয়াও আশক্তি শূন্যতা হয়। ইহা নিজ বোধরূপ।

কেবলমাত্র এই অন্তমুখীন প্রাণায়াম করায়, যন্ত্র সর্কলের ময়লা— যাহা হইতে ব্যাধির উৎপত্তি হয়, তাহা পরিশুদ্ধ হইয়া অসাব্য রোগাক্রান্ত জীব সম্পূর্ণ আরোগ্য লাভ করিয়াছেন, তাহার দৃষ্টান্তের অভাব নাই। যে ক্ষয়কাশ এবং যক্ষ্মা কোন চিকিৎসায় আরোগ্য হয় নাই; এমন কি “ঐ রোগগ্রস্ত রোগী ৭ দিনের মধ্যে মৃত্যুমুখে পতিত হইবে।” কলিকাতা মেডিকেল কলেজে বিশেষরূপ পরীক্ষা করিয়া ডাক্তারগণ রোগীকে বাটিতে পাঠাইয়া দেন। ঐ রোগী কেবলমাত্র এই ক্রিয়ায় সম্পূর্ণ নিরাময় হইয়া, আমাকে বক্ষস্থল পরীক্ষা করাইয়া হৃষ্টান্তঃকরণে বি, টি, পাঠ করিতে কলিকাতায় যান। যিনি জীবনে হতাশ হইয়াছিলেন—আমি আশ্চর্যান্বিত হইয়াছি, তাঁহার বক্ষস্থল পূর্বাগেকা উন্নত এবং দেহ হৃষ্টপুষ্ট হইয়াছে।

এই ব্যাধিগ্রস্ত তিনজন লোক এই কার্য করায় আরোগ্য হইয়া-

ছেন। একজন এখনও সম্পূর্ণ আরোগ্য হন নাই, তবে শীঘ্রই যে আরোগ্য হইবেন সে বিষয়ে আশা আছে এবং রোগীরও দৃঢ় বিশ্বাস হইয়াছে। ইনি যে রোগমুক্ত হইবেন, পূর্বে সে আশাই ছিল না।

যে এ্যাপেণ্ডিস্-সাইটিস্ দূরারোগ্য, তাহা একজন খ্যাতনামা হোমিওপ্যাথ বি, এ, এম, ডি, এই কণ্ঠের জন্ত জীবন পাইয়াছেন। সিভিল সার্জন এই ডাক্তার বাবুর এ্যাপেণ্ডিস্ পরীক্ষা করিয়া বলিয়াছিলেন, এখন পাকে নাই, তবে পাকিবে। থাকিলে, তাহা অস্ত্রপ্রয়োগ ভিন্ন উপায় নাই এবং তাহার ফলাফল বলা সুকঠিন। তিনি উক্ত স্থানে যন্ত্রণাসহ ক্রমে শয্যাগত অবস্থায় আমাকে রোগ বৃত্তান্ত লিখেন। আমি তাহাকে তাহার গুরু-প্রদত্ত এই অস্তমুখীন প্রাণায়াম, যাহা তিনি পাইয়াছেন, শয়ন অবস্থাতেই সাধন করিতে লিখি। আমার উপদেশ মত কার্য্য করিয়া এবং অন্ত কোন ঔষধ সেবন না করিয়া সম্পূর্ণ রোগ-মুক্ত হন।

শরীরের কোন স্থানে ফোটক হইবার পূর্বে সেই স্থান রসের আধিক্যে ক্ষীণ হইয়া, তৎপরে পুঁজে পরিণত হইলে পাকিয়া যায়। এই প্রাণায়ামে নাভিপদ্ম হইতে মণিপূর চক্র হইতে (যাহা তেজের আধার) এবং হির বাবুর সঞ্চালনে ঐ রোগাক্রান্ত স্থান পর্য্যন্ত প্রাপ্ত হওয়ায়, ফোমেন্টেশনের গায় কার্য্য দ্বারা পক্ষাবস্থা প্রাপ্ত না হইয়া শোধন ক্রিয়া দ্বারা নিরাময় হইয়া যায়।

সাধারণ লোকের ধারণা অক্সিজেন ভিন্ন জীব দেহের রক্ত পরিপূর্ণ হয় না। শ্বাস গ্রহণে অক্সিজেন লওয়া হয়, তদ্বারা ক্রমক্রমে রক্ত পরিষ্কার হইয়া ঐ রক্ত সর্ব শরীরে সঞ্চালিত হওয়ায় জীব জীবিত থাকে এবং শরীর মধ্যস্থ কার্বনিক এসিড বাষ্প প্রশ্বাসরূপে বিষাক্ত জিনিস নির্গত হওয়ায় বিমূর্ণ হইয়া জীবনীশক্তি প্রাপ্ত হয়। কিন্তু একথা আমি বিশ্বাস করি না, ভারতে অনেক সাধু খুঁজিলে পাওয়া যাইবে,

যাহাদের খাস প্রখাস নাই অথচ দীর্ঘ জীবন লাভ করিয়া লাভগ্যুক্ত দেহ লইয়া স্থলে বসবাস করিতেছেন। (স্থ. অর্থে স্থলভ, থ অর্থে ব্রহ্ম, ব্রহ্মে সদা অবস্থিতি করিতেছেন)।

মন, জ্ঞানেন্দ্রিয় এবং কর্মেন্দ্রিয়ের দ্বারা দর্শন, শ্রবণ, ভ্রাণ, আশ্বাদন এবং স্পর্শন শক্তির আক্রমণ দ্বারা বহির্বিষয়ে ধাবিত করাইয়া মায়িক জীবকে অহোরাত্র প্রলোভিত করাইতেছে। কিন্তু এই অস্তমুখীন নিষ্কাম কর্ম সদগুরুর আদেশ মত যদি সাধক বিধিপূর্বক করেন, তাহার ফলে মন বাহিরের রূপ, রস, গন্ধ, শব্দ এবং স্পর্শে আসক্ত হয় না। প্রবৃত্তিসূচক মনের ধর্ম, যদি অন্তরে ঐ রূপ, রস, গন্ধ, শব্দ এবং স্পর্শ-গুণ বিশিষ্ট জিনিষ উপভোগ করিতে পায়, তাহা হইলে মন বহির্বিষয়ে ধাবিত না হইয়া শরীর অভ্যন্তরস্থ বিষয়ে মুগ্ধ হয় এবং তজ্জন্ম মন বাহিরের বিষয় লালসায় ধাবিত হইতে পারে না। ভিতরে মন পরমানন্দে অবস্থিতি করে। উপসংহারে বিচারে এই স্থিরীকৃত হইল।

এই বৈজ্ঞানিক ধর্মে আয়ুক্ষয় নিবারণ এবং ব্রহ্মানন্দে সংসারে থাকিয়া নির্লিপ্তভাবে অতিবাহিত করা যায়। পূর্বকালের ঋষিগণ এই বৈজ্ঞানিক ধর্মের অনুশীলন করিয়া সিদ্ধমুক্ত অবস্থা প্রাপ্ত হইয়া আমাদের গায় অজ্ঞানী মানবের মঙ্গলের জন্ত রামায়ণ, মহাভারত, পুরাণ, উপনিষদ, দর্শন, বেদ, বেদান্ত, স্মৃতি এবং শ্রুতি প্রভৃতি মহান ধর্মগ্রন্থগুলি প্রণয়ন করিয়া গিয়াছেন। ঐ সকল গ্রন্থগুলির আধ্যাত্মিক অর্থ, কিন্তু আধ্যাত্মিক কর্ম অভাবে গলে পরিণত হইয়া রহিয়াছে। কারণ ঐ সকল গ্রন্থের বিখিত বিষয়গুলি যোগান্তর্গত।

ঋষিগণের ধর্ম প্রাপ্ত হইলে এবং তাহার অনুশীলন করিলে, তাহার ফলে যে যে অবস্থা অনুভূতি হয়, সাধকের উৎসাহ বর্দ্ধনের জন্ত উল্লিখিত গ্রন্থগুলি অক্ষর মত পঠ করিলে আত্মকর্মের অসম্বন্ধগুলির সহিত মিলিয়া যাইবে এবং তাহাতে মনের আনন্দ বর্দ্ধিত হইবে। এই

উদ্দেশ্যে ধর্মগ্রন্থগুলি লিখিত হইয়াছে। নিষ্কাম কर्म করিয়া তাহা হইতে উদ্ভূত অবস্থাগুলি হৃদয়ঙ্গম হয়। যদি ঋষিগণের ধর্মগ্রন্থে ঠিক ঐরূপ অবস্থাগুলি লিপিবদ্ধ থাকে, তাহা অনুধাবন করিয়া সাধকের কি বিমল আনন্দ হয়, এমন কি তাহার সত্যাসত্য নির্ণয়ের জন্য অপরের নিকট ঘাইতে হয় না।

যেমন ডাক্তারি “শরীর বিজ্ঞা” গ্রন্থে যে সকল চিত্রাদি দৃষ্ট হয়, শব্দে কালিন মৃতের অঙ্গ কর্তন করিয়া ঐ এ্যানাটমি গ্রন্থস্থিত চিত্রের এবং মনুষ্য দেহস্থিত শির, ধমনী, মাংসপেশী, অস্থি ইত্যাদি কোথা হইতে আরম্ভ হইয়া কোথায় শেষ হইয়াছে সামঞ্জস্য করিয়া মিনাইয়া লইলে কত সুবিধা হয় এবং মনেও দৃঢ় ধারণা হইয়া যায়। তদ্রূপ সাধন অবস্থায় ভিন্ন ভিন্ন অবস্থাগুলি যাহা প্রতীয়মান হয়, তাহা পুরাণ, উপনিষদ, স্মৃতি, শ্রুতি ইত্যাদি গ্রন্থে লিখিত আছে, তাহা অনায়াসে মিনাইয়া লইতে পারা যায়। এখন ঋষিগণের এই নিষ্কাম যোগক্রিয়া—যাহা উপদেষ্টা অভাবে মেকিতে পরিণত হইয়া প্রকৃত প্রাণধর্মের এই দুর্বস্থা হইয়াছে। ঋষিগণের এই নিষ্কাম ধর্ম মহাজ্ঞানী উপদেষ্টা অর্থাৎ সংগুরুর অভাবে সিকাম ধর্মে পরিণত হইয়াছে।

সকলেই যে নিষ্কাম ধর্ম প্রাপ্ত হইবেন তাহা নহে, কারণ পূর্ব জন্মের কিছু সংস্কার না থাকিলে এই নিষ্কাম যোগক্রিয়া পাওয়া যায় না। ফলাকাজ্জ্বল সহিত কর্ম বা নিষ্কাম ধর্ম অবিধি নহে, কারণ এই ধর্ম অনুশীলনে চিত্তশুদ্ধি, ভক্তি, শ্রদ্ধা, যাহা মনে ধারণা হয়, তাহা মনের ভাল। সিকাম ধর্মাবলম্বিগণ ভগবানকে অসংখ্য ভাগে বিভক্ত করিয়া তাঁহার অর্চনা করেন। তাঁহার যে অংশই নাই, তাহা কয়জন অনুধাবন করেন। তাঁহার কি মূর্তি আছে? যদি তাহা থাকিত, তবে ভগবান ব্যাসদেব মহাভারত গ্রন্থ শেষ করিয়া চারি চরণযুক্ত একটি শ্লোক রচনা করিতেন না। যথা:—

রূপং রূপ-বিবর্জিতশ্চ ভবতো ধ্যানেন যৎ কল্পিতং,
স্বত্যান্নির্বচনীয়তাখিলগুরো দূরিকৃতা যন্ময়া ।
ব্যাপিত্বঞ্চ নিরাকৃতং ভগবতো যত্তীর্থযাত্রাদিনা,
ক্ষন্তব্যং জগদীশ ! তদ্বিকলতাদোষত্রয়ং মংকৃতম্ ॥

এই শ্লোকে প্রমাণ হইতেছে, তাঁহার হস্তপদ বিশিষ্ট কোন রূপ নাই । তবে যে তাঁহার ভিন্ন ভিন্ন রূপ কল্পনা করিয়া, মূর্ত্তি গঠন করিয়া সকাম ধর্মাবলম্বিগণ পূজা করিয়া থাকেন, তাহা গোণ পূজা, মুখ্য পূজা নহে ।

মনে করুন, একজন সামান্ত মানবের কত উপাধি হইতে পারে । সেই একই ব্যক্তি পিতা, খুল্লতাত, জ্যেষ্ঠতাত, জ্যেষ্ঠ ভ্রাতা, কনিষ্ঠ ভ্রাতা, শ্যালক; ভগ্নীপতি, শশুর, স্বামী, পুত্র, ভ্রাতৃপুত্র, ভাগিনেয়, মেসৌ, পিসে, ডেপুটি ম্যাজিস্ট্রেট, চেয়ারম্যান প্রভৃতি নানা উপাধিতে ভূষিত হন । যিনি বিশ্বরাজ্যের অধীশ্বর, তাঁহার তো অনন্ত প্রকার উপাধি হইবার কথা । শিব, কৃষ্ণ, ব্রহ্মা, ব্রহ্ম, কালী, জগদ্ধাত্রী, দুর্গা, লক্ষ্মী, সরস্বতী, কার্ত্তিক, গণেশ, মনসা, শীতলা ইত্যাদি অনন্ত উপাধি ধারণ করিয়া, “প্রাণ বিষ্ণু পিতামহ, প্রাণেন ধার্য্যতে জগৎ ; সর্বং প্রাণময়ং জগৎ ।” সেই স্থির প্রাণ আধার স্বরূপ হইয়া সর্ব মূর্ত্তি উপাধিতে বিরাজমান রহিয়াছেন । সকাম ধর্মাবলম্বিগণ ভিন্ন ভিন্ন রূপ কল্পনা দ্বারা অবিধি পূর্বক তাঁহার পূজা করিয়া থাকেন । পূজা শব্দের অর্থ প্রকৃতি পুরুষের সংমিলন । সে পূজা কয়জন লোক করেন ?

চঞ্চল প্রাণ দ্বারা স্থির প্রাণের মিলন প্রকরণই যোগক্রিয়া । একটি জিনিষ এবং আর একটি জিনিষ একত্রিত করিলেই যোগ হয় অর্থাৎ যুক্ত হয় । তবে যাহারা সংস্কৃত প্রদত্ত কার্য্য না পান, তাঁহাদের পক্ষে এই মূর্ত্তি গঠন করিয়া গোণ পূজা অকরণীয় নহে । ইহা হইতে সময়ে সংস্কৃত বাত করিয়া সিদ্ধমুক্ত অবস্থা প্রাপ্ত হইতে পারেন । কোন না কোন জন্মে এই নিকাম কর্ম্মের উপদেশ প্রাপ্ত হইয়া বারম্বার দেহান্তর

প্রাপ্তি না হইয়া সিদ্ধ মুক্তাবস্থা প্রাপ্ত হইয়া প্রকৃত মৃত্যুর অবস্থা প্রাপ্ত হইতে পারেন। তাহা সাধন সাপেক্ষ। প্রকৃত মৃত্যু—যাহা হইলে সংসারে যাতায়াত বন্ধ হয়, তাহা দশ হাজারের মধ্যে একজনের হয় কিম্বা সন্দেহ। তখন সাধকের বিজ্ঞান অবস্থা হয়।

পূর্বে উল্লেখ করা হইয়াছে, সকাম ধর্মাবলম্বিগণ নানা দেবদেবী মূর্তি গঠন করিয়া তাঁহাদের পূজা করিয়া থাকেন। কিন্তু পূর্বে মূর্তি পূজার প্রকরণ ছিল না, ঋষিগণের নিকাম ধর্মেরই প্রচলন ছিল। তাহার পরে বঙ্গদেশে সুবিখ্যাত মহাপণ্ডিত আগম-বাগীশ প্রথমে কালীমূর্তি গঠন করিয়া পূজা করেন; তাহার পরে নবদ্বীপের রাজবাটিতে জগদ্ধাত্রী মূর্তি গঠন করিয়া পূজা হয়।

কালী যে তাঁহার স্বামীর বুকের উপর বসিতে না পারিয়া দুইখানি পদ দ্বারা চাপিয়া পরে জ্ঞান হইলে লজ্জায় ত্রিহা বাহির করিয়াছিলেন, ইহা কি সম্ভব! কালী মহাশক্তি, কালেতে ঈকার শক্তি সংযোজনায় 'কালী' কথার উৎপত্তি। সেই শক্তির অন্তর্দ্ব্যনে মহাপ্রলয় সংঘটন হয়। আবার 'জীব মাত্রেই শিব' শাস্ত্রে উল্লেখ আছে। তাহা হইলে কালীর এইরূপ আচরণ, ইহা কি সম্ভবপর? ইহার গূঢ় আধ্যাত্মিক অর্থ আছে। (মং.প্রণীত 'ভক্তি-সঙ্গীত' দ্রষ্টব্য)। কালীপূজা সম্পূর্ণ যোগান্তর্গত। যতপ্রকার মূর্তি গঠন করিয়া পূজা করা হইয়া থাকে, তাহার উদ্দেশ্য মহান; সকলই নিকাম কর্ম প্রসূত।

এই নিকাম কর্ম রত্নাকর দস্যু প্রাপ্ত হইয়া গুরু উপদেশ মত উন্টা নাম জপ করিয়া ব্রহ্মজ্ঞ হইয়াছিলেন, অর্থাৎ মরা মরা অজপা রূপ করিয়া ব্রহ্মপ্রাপ্ত হইয়াছিলেন। 'ম' মণিপুর চক্রের সাত্ত্বিক চিহ্ন এবং 'র' আজ্ঞাচক্রের সাত্ত্বিক চিহ্ন। মণিপুর চক্রস্থিত প্রাণকে আকর্ষণ করিয়া আজ্ঞাচক্রে লইলে মরা কথা হয়। সেই জন্ম কথিত হয়,—“উন্টা নাম জপত জগ জা'না, বাল্মিকী হয়া ব্রহ্ম সমানা।”


এই প্রক্রিয়া গুরু উপদেশ গম্য। গুরু উপদেশ-মত প্রাণের কোশল মত কার্য অর্থাৎ যোগকর্ম কোশলম্। কোশল্যা হইতে রামের জন্ম হয়, রাম শব্দের অর্থ “স্থির প্রাণ”। বারম্বার মরা মরা করিলে অর্থাৎ প্রাণের সহিত অন্তর্মুখীন প্রাণায়াম করিলে, প্রাণ আজ্ঞাচক্র স্থিতি লাভ করে। সমস্তই গুরু উপদেশ গম্য, সাধনায় প্রাপ্তব্য।

উপনিষদের একটি শ্লোকে লিখিত আছে,—“প্রণবোধনু শরোহ্যাত্ম ব্রহ্ম তল্লক্ষ্যমুচ্যে ইত্যাদি”। প্রণব ওঁ কারের ত্র্যয় ক্লিকিং বক্র আকার বিশিষ্ট মেরুদণ্ড। শরই আত্মা, শরকে বাণ কহা যায়, অর্থাৎ বাণলিঙ্গ স্বরূপ প্রাণ, যাহা মূলাধার হইতে আজ্ঞাচক্রস্থিত ব্রহ্মযোনি পর্য্যন্ত বিস্তৃত রহিয়াছে। এই বাণস্বরূপ শিবলিঙ্গ নিম্ন হইতে, ব্রহ্মযোনিতে প্রবেশ করিতেছে এবং উর্দ্ধ হইতে নিম্নে মূলাধারে নামিতেছে। যখন এই প্রাণের উর্দ্ধে গতি হয়, তখন তাহাকে পুরুক কহে এবং ঐ স্থির প্রাণ যখন নিম্নে মূলাধারে নামে, তখন তাহাকে রেচক কহে। এই আত্ম-মৈথুন করিতে করিতে নিম্নস্থ প্রাণ ব্রহ্মযোনিতে স্থিতি লাভ করে, তাহার ফলে প্রকৃষ্ট জ্ঞানরূপ পুত্রলাভ হয়। ইহা মুখে উচ্চারণ করিলে হয় না, সম্পূর্ণ সংগুর উপদেশ সাপেক্ষ।

পাঠক! একবার ভাবিয়া দেখুন, এই বৈজ্ঞানিক ধর্ম অনুশীলন করিলে ভগবান উপাধিতে ভূষিত হওয়া যায়। ভগ অর্থে ব্রহ্মযোনি, বান অর্থে বাণলিঙ্গ শিব—প্রাণ। সেই প্রাণ ব্রহ্মযোনিতে সংমিলিত অবস্থাপন্ন সাধকই ভগবান ভাবাপন্ন। আজকাল আবার অনেকে বলিয়া থাকেন, প্রাণের কর্ম অর্থাৎ যোগকর্ম করিলে বায়ু বিকৃত হইয়া অনেকে মৃত্যুমুখে পতিত হন। ইহা কি সঙ্গত কথা? অহোরাত্র-বহিঃপ্রাণের কার্যে বায়ু বিকৃত হইয়া রোগ-শোকে জীবের আয়ু ধ্বংস হইতেছে। যাহা আহা করি তদ্বারা প্রতি মুহূর্তে জীবের আয়ুক্য় হইতেছে, ক্ষতির পূরণ হয় না। প্রতিদিন জীবের ২১৬০০

বার প্রাণ বহির্গত হইয়া যাইতেছে, যদি আহার দ্বারা তাহার পূরণ হইত, তাহা হইলে অকালমৃত্যু ঘটিত না। শাস্ত্রে ঋষিগণ লিখিয়া গিয়াছেন,—“প্রাণায়াম সর্বরোগনাশনম্ ইত্যাদি”।

“অতএব প্রতিপন্ন হইল, এই বৈজ্ঞানিক যোগক্রিয়া গুরুর উপদেশ মত বিধি পূর্বক করিতে পারিলে, দীর্ঘায়ু লাভ এবং আনন্দে নিমগ্ন থাকিয়া সাংসারিক সমস্ত কার্য নিলিপ্তভাবে করা যায় এবং রোগ-শোক হইতে নিষ্কৃতি লাভ করিতে পারা যায়।



আরতি

আ = ক্ষ, রতি = কামনা

যদিও নিষ্কাম অবস্থা লাভ হয়, তাহাকে আরতি' কহে। প্রত্যেক পূজায় প্রায় আরতি করা হইয়া থাকে অর্থাৎ ব্রহ্ম-গায়ত্রীর কাণ্ডী করা হয়; তাহা অন্তর্মুখীন প্রাণায়ামের কার্য্য ভিন্ন অণ্ড কিছুই নহে। আজকাল পুরোহিতগণ ঐ কার্য্যে অনভিজ্ঞ; তজ্জন্তু পুষ্প, জল, পঞ্চপ্রদীপ, চামর এবং শঙ্খের দ্বারা আরতি করেন। তবে উহা ব্রহ্ম-গায়ত্রী জানিবেন।

• যে কার্য্য করিলে আ-রতি হয়, অর্থাৎ নিষ্কাম অবস্থা হৃদয়ঙ্গম হয় অর্থাৎ মনোরতি নষ্ট হয়, তাহাই প্রকৃত আরতি জানিবেন। মূলধার অর্থাৎ ক্ষিতি-তত্ত্ব, ক্ষিতির বিষয় গন্ধ; সাধিষ্ঠান = জলতত্ত্ব, যাহার গুণ রস বা জল; মণিপুর, যাহার গুণ তেজ; অনাহত, যাহার গুণ বায়ুদ্বারা স্পর্শ এবং বিশুদ্ধাখ্য, যাহার গুণ শব্দ। • এই কয়টি দ্বারা উঠা নামা করিলে অর্থাৎ রেচক পুরক করিলে প্রাণায়াম হয়।

পুরোহিত মহাশয়গণ না জানার জন্তু, ধারাবাহিকরূপে পঞ্চতত্ত্বের বিষয়গুলির সঞ্চালন করেন না। হস্তের পঞ্চ অঙ্গুলির সাহায্যে মূলধারস্থ পদ্য হইতে—পুষ্প, যাহা মূলধারের বিষয় গন্ধ; সাধিষ্ঠানের বিষয়—যাহা শঙ্খের মধ্যস্থিত জল; মণিপুরের বিষয়—পঞ্চ প্রদীপস্থ তেজ অর্থাৎ আলোক; অনাহতের বিষয়—স্পর্শ, যাহা চামররূপে বায়ু এবং বিশুদ্ধাখ্যের বিষয় শব্দ, যাহা শঙ্খ বা ঘণ্টার, বনিম্বাদ। ইহা-দিগকে লইয়া হস্তের সাহায্যে একবার উর্দ্ধদিকে, একবার নিম্নদিকে

সঞ্চালন করা হয়। এইরূপ করিলেই আরতি হয় অর্থাৎ মনের রতি অর্থাৎ ইচ্ছার নাশ হয় বা আ-রতি হয়!

পুরোহিতগণ অনভিজ্ঞতার জন্ম এইরূপ করিয়া থাকেন, কিন্তু পূর্বকালে ঋষিগণ মূলাধারস্থিত স্থিরপ্রাণকে প্রতি চক্রে বিষয়গুলিকে আকর্ষণ করিয়া উর্দ্ধে লইয়া অর্থাৎ আজ্ঞাচক্রে লইয়া গিয়া পুরক করিতেন এবং ঐ সকলকে প্রতিচক্রে মন সংযত করিয়া নামিতেন অর্থাৎ রেচক করিতেন। এই প্রকরণ একবার দুইবার করিলে আরতি হয় না, অনেকক্ষণ এই ভিতরের আরতির প্রকরণ করিয়া, প্রাণ মনের স্থিরতা সম্পাদন করিয়া আনন্দে নিমগ্ন থাকিতেন।

পুরোহিতগণ যদি সদগুরুর নিকট দীক্ষা গ্রহণ করিতেন, তাহা হইলে বাহিরের প্রকরণ ত্যাগ করিয়া ঠিকপথে প্রাণের গমনাগমন করিয়া প্রকৃত আ-রতির অবস্থা হৃদয়ঙ্গম করিতেন এবং বিমল আনন্দে মগ্ন হইতেন। ব্রহ্ম-গায়ত্রী যথা--মেরুমধ্যে স্থিরবাহুকে আকর্ষণ করিয়া ভূ, ভুব, স্ব, মহ, জন, তপ; এই ষটচক্র ভেদ করিয়া তপোলোকে থাকিতে পারিতেন। ইহাই প্রকৃত আ-রতি অর্থাৎ নিষ্কাম অবস্থা প্রাপ্তির প্রকৃষ্ট সোপান।

গীতাতে—“ত্রৈগুণ্য বিষয়া বেদা নিস্তৈগুণ্য ভবাজ্জুন।” এই শ্লোকটি লিখিত আছে। এখন বিচার করিলে এই বুঝা যায় যে তিনগুণ ব্রহ্ম হইতে উৎপন্ন, গুণে মন থাকিলে ঐ মন প্রবৃত্তি-বাচক হয়। তিনগুণ যথা—ব্রহ্মা, বিষ্ণু, মহেশ্বর, ইহারা তিন দেবতা; সকাম ধর্মাবলম্বীরা প্রবৃত্তি-সূচক মন দ্বারা বিষয়ে আবদ্ধ হয়। এই তিন গুণের উর্দ্ধে না যাইলে পূর্ণ নিষ্কাম অবস্থা হইবার উপায় নাই। কারণ, গুণের মধ্যে প্রবৃত্তি-সূচক মন বিচরণ করে, সুতরাং কামনা মনের প্রধান সহচর। মার্বার শাস্ত্রে কথিত আছে, সত্ত্বগুণ বিষ্ণু, রজগুণ ব্রহ্মা এবং তমোগুণ মহেশ্বর। যোগশাস্ত্রে বর্ণিত আছে, সত্ত্বগুণ—সুষুপ্তা নাড়ীতে

যখন প্রাণের গতি হয় তখন বুঝিতে হইবে মন সত্ত্বগুণে আছে ; রজোগুণ, পিঙ্গলা নাড়ীতে মনের গতি থাকিলে রজোগুণের প্রকাশ এবং ঈড়ানাড়ীতে মনের গতিতে, তমগুণে মন, রহিয়াছে বুঝিতে হইবে । এই তিন গুণের উর্দ্ধে মনের স্থিতি বা প্রাণের স্থিতি না হইলে মনুষ্য বিষয় হইতে অব্যাহতি পায় না ।

এখন দেখা, যাউক তমগুণ শরীরের মধ্যে কোন স্থান অবলম্বন করিয়া রহিয়াছে । তাহার উত্তর এই যে, মেরুদণ্ডের মধ্যে ছয়টি চক্র বা পদ আছে ; তমগুণের স্থান মূলাধার-চক্র হইতে মণিপুর-চক্রের নিম্ন পর্য্যন্ত । ইহাতে মন থাকিলে নীচ কার্যের প্রতি মনের আশক্তি হয়, যথা—মৈথুন, অথাচ্ছ ভোজন, চোরকার্য, মিথ্যা, প্রবঞ্চনা ইত্যাদি বিষয়ে প্রবৃত্তি । জীব এই সকল কার্যে ব্যাপৃত হয় এবং ঈশ্বরের অস্তিত্ব অস্বীকার করে ।

মণিপুর-চক্র হইতে বিশুদ্ধাখ্য-চক্রের নিম্ন পর্য্যন্ত রজগুণের স্থান । যখন মন এই গুণের মধ্যে প্রাণের সহিত বিচরণ করে, তখন মায়িক জীব অহঙ্কারে উন্নত হয়, যেন নিজেই সর্বময় কর্তা । রজগুণের আহার মাংস, মৎস্য, পেঁয়াজ প্রভৃতি ; এতদ্ব্যতীত কাম-রিপুর প্রাবল্য খুব বেশী হয় । তখন মনে হয়,—“খাও নাও উড়াও কঞ্চল, মুরেঁ যাবার সময় ঘোড়ার ডিম সঞ্চল ।” সর্বদা পরের অনিষ্ট কামনা, যামলা মোকদ্দমা করিয়া প্রতিবাসীর সর্বনাশ, পরস্রী হরণ প্রভৃতি দুষ্কার্যে রত হয় এবং অর্থকেই শ্রেষ্ঠ মনে করিয়া তাহার বলে লোকের অনিষ্ট সাধন করে ।


বিশুদ্ধাখ্য-চক্র হইতে আজ্ঞাচক্র পর্য্যন্ত সত্ত্বগুণের স্থান । যখন মন ও প্রাণ বিশুদ্ধাখ্য-চক্র হইতে আজ্ঞাচক্রে গমন করে তখন সংকামনার আবির্ভাব হয়, কোন প্রকার দুষ্কার্যে মতি না হয় । ধর্মকর্মের আশ্রয় গ্রহণ করে । ভাল মনের বিচার-শক্তি হয়, বিনয়ী হয় এবং

ভগবৎ প্রেমে মগ্ন হয়। কিন্তু সত্বগুণে মনের অবস্থিতি হইলেও তখন সংকাম বর্তমান থাকে, নিষ্কাম হয় না। আজ্ঞাচক্রের উর্দ্ধে অর্থাৎ সহস্রারে মনের স্থিতি হইলে, ঠিক নিষ্কাম অবস্থা হয়। নিজের কর্তৃত্ব নষ্ট হয়, তখন যত কিছু কার্য হউক না কেন, ইন্দ্রিয়গণ নিজ নিজ কার্য করিতেছে আমি কুটস্থ চৈতন্যে আছি, ঐ সকল কার্যের জন্য আমি দায়ী নহি, এইরূপ ভাব হয়। 'ভগবৎ নেশায় আনন্দে সময় অতিবাহিত হয়, সে অতি দুর্লভ অবস্থা; চক্ষু বাহিরা যাহা দর্শন করে তাহা প্রত্যক্ষ অনুভূত হয়, কুটস্থ যে দেখিতেছি—আমি নহি, এইরূপ বোধ হয়। কিন্তু তখনও মন থাকে, তবে সত্বগুণের উর্দ্ধে থাকায় গুণের অতীত অবস্থায় অবস্থিত হয় বলিয়া গুণাতীত অবস্থা বলিয়া বর্ণিত হয়। তখন মেরুদণ্ডের মধ্যে স্থিরভাবে প্রাণের গতিবিধি হয়, তাহা না হইলে জীব মৃত্যুমুখে পতিত হয়।

এখন জিজ্ঞাস্য এই যে, তমগুণ ছাড়িয়া রজগুণে থাকিলে তাহার লক্ষণ কিরূপ হয়? তাহার উত্তর এই, তখন ভিতরে প্রাণের সঞ্চারণ নাভিদেশ হইতে উর্দ্ধদিকে যাতায়াত করে, তাহা প্রত্যক্ষ অনুভূত হয়। যখন মন প্রাণ রজ হইতে সত্বগুণে অবস্থিতি করে, তখন প্রাণ মন কণ্ঠের উর্দ্ধে আজ্ঞাচক্র পর্যন্ত গমন করে এবং তখন বিশুদ্ধাখ্য-চক্র হইতে আজ্ঞাচক্র পর্যন্ত টান থাকে, ইহা নিজ বোধরূপ। তাহার প্রমাণ,—কালী বা প্রাণ শক্তি; মূলাধার-চক্রে কালীর এক পা এবং অপর পা কণ্ঠের নিম্নে রক্ষিত হয়, ইহা কালীমূর্তিতে দেখান হইয়াছে। ইহার অর্থ—মূলাধার হইতে বিশুদ্ধাখ্য-চক্র পর্যন্ত প্রাণের ধারণা দেখান হইয়াছে।

জীব মাত্রেই শিব—তখন উর্দ্ধনেত্র হয়। সহস্রার হইতে সূক্ষ্মরূপে রশতঃ নেশায় ভোর হইয়া আছেন; নিম্নস্থ শিবমূর্তিতে তাহা দেখান হইয়াছে। তখন মন প্রাণ আনন্দে নিমগ্ন; এই অবস্থা হইলে শ্বাস

প্রশ্বাস রুদ্ধ হওয়ায়, জীব উদ্ধার প্রাপ্ত হয়, অর্থাৎ ঈড়া পিঙ্গলার উর্দ্ধে ধারণ হয়। সুষুম্না সহস্রারে মিলিত হইয়া যোগের চরম অবস্থায় উপস্থিত হয়। তখন জীবাগ্নী পরমাগ্নায় সংমিলিত হয়, ইহাই “নির্ভৈশ্বৰ্য্য” অবস্থা। ইহাতে দৃষ্টির স্থিরতা হয়, তজ্জন্য চক্ষের পলক পড়েনা।



বৃন্দাবনে শ্রীকৃষ্ণ কর্তৃক বৈষ্ণব-ধর্ম প্রচার

বৈষ্ণব-ধর্ম অর্থাৎ “শাস্ত্রোক্ত বৈষ্ণব-ধর্ম কি?” তাহার নির্ণয়, যথা—“প্রাণ বিষ্ণু পিতামহ, প্রাণেন ধার্যতে জগৎ।” বিষ্ণু অর্থে প্রাণ, সেই প্রাণ নিষ্কাম, সেই নিষ্কাম কর্মই যোগ কর্ম। তাহার প্রচার, কৃষ্ণচন্দ্র নামধারী, যিনি অবতার হইয়া আত্মধর্মের প্রচার করিয়াছিলেন, যিনি মথুরা হইতে বৃন্দাবনে শিশু অবস্থায় তাঁহার পিতা কর্তৃক আনীত হন। ক্রমে ক্রমে বয়ঃপ্রাপ্ত হইয়া রাখাল বালকগণের সহিত মিলিত হইয়া খেলা করিয়া বেড়াইতেন এবং সময়ে এক মুনির নিকট আত্ম-ধর্মে দীক্ষিত হইয়া কালিয় দমন অর্থাৎ কাল-রূপ নাগ, যাহা শরীরের মধ্যে অহোরাত্র ফোস ফোস করিয়া বহিঃ-প্রাণের আলোড়ন অর্থাৎ শ্বাস প্রশ্বাসরূপে জীব দেহে থাকিয়া জীবের আয়ু কমাইয়া থাকে।

যে চঞ্চল বায়ু-রূপী শ্বাস, কালীয় দহ-রূপী মেহদণ্ডের ভিতরের গহ্বরে অবস্থিতি করে, তাহাকে দমন করিবার উদ্দেশে প্রাণের বহিমুখী গতিকে অন্তর্মুখী করিয়া (প্রাণায়াম সাধন করিয়া) চঞ্চল বায়ুকে হীনবল করিয়াছিলেন এবং মানবের শত্রুরূপী কাম, ক্রোধ, লোভ, মেহ, মূদ ও মাৎস্যকে স্তম্ভকরণ উদ্দেশে কাল-স্বরূপ নাগকে মর্দন করিয়া, মস্তকে অন্তরের কৃষ্ণচন্দ্রকে তাহার উপর দণ্ডায়মান

করেন। তাহাই কালিয়-দমন। কালিয় নাগের এই দুর্দশা দেখিয়া, তাহার সমস্ত সঙ্গি-নাগগণ কৃষ্ণচন্দ্রের বশ্বতা স্বীকার করেন, অর্থাৎ অরশিষ্ট ৪৮ বায়ুর স্থিরাবস্থা হয়। ইহাই প্রাণায়ামের ফল।

তৎপরে শ্রীকৃষ্ণ দেখিলেন, নন্দ ও উপানন্দ ইন্দ্রদেবের পূজা কুরিতেছেন, তাহা দেখিয়া তাঁহাদিগকে বলেন,—“আপনারা ইন্দ্রের পূজা করিবেন না।” তদুত্তরে নন্দ ও উপানন্দ বলেন,—“আমরা গোপ জাতি, গোগণকে রক্ষা করাই আমাদের ধর্ম; ইন্দ্রের বৃষ্টিপাতে গোগণ ভাসিয়া যায় এবং মৃত্যুমুখে পতিত হয়। তাহা নিবারণ উদ্দেশ্যে ইন্দ্রের পূজা করিলে ঐ বিপদ হইতে গোগণ রক্ষা পাইয়া থাকে; তজ্জন্ম আমরা ইন্দ্রের পূজা করিয়া থাকি।” তদুত্তরে শ্রীকৃষ্ণ বলেন, “কোন চিন্তা নাই, আমি গোবর্ধন ধারণ করিলে গো রক্ষা হইবে।” অতঃপর বৃন্দাবনে ইন্দ্রের পূজা বন্ধ হয়। ইন্দ্র, বরুণ, বায়ুর পূজা সকাম ধর্ম, ইহা কামনা প্রসূত, শ্রীকৃষ্ণ এই বৈদিক ধর্ম বন্ধ করিয়া দেন।

এখন দেখা যাউক শ্রীকৃষ্ণ কিরূপে গোবর্ধন ধারণ করিয়া গো রক্ষা করেন। গোবর্ধন ধারণ, গো = জিহ্বা, বর্ধন = যদ্বারা বৃদ্ধি প্রাপ্ত হয়, ধারণ = তালু গহ্বরে ধরা, অর্থাৎ তালু গহ্বরে জিহ্বার প্রবেশ লাভ। এই কার্যের দ্বারা, গো অর্থাৎ জিহ্বা বাহিরে থাকিয়া নানা কথা বলায় জীব নানা কামনায় ভাসিয়া বেড়াইত, তালুমূলে প্রবেশ করায় অনেক সময় মৌন থাকায় বাক্যশ্রোতে নানা কামনা হইতে অব্যাহতি লাভ করে। এই গোবর্ধন ধারণে কামনা কমিয়া যায়, জিহ্বার সংযম হয়।

শ্রীকৃষ্ণ বৃন্দাবনে বৈদিক ধর্ম বন্ধ করেন। ঐ সময়ে তথায় তান্ত্রিক ধর্মও প্রবলরূপে অল্পশীর্ণ হইত। আয়ান ঘোষের বাটীতে কালীমূর্তি স্থাপন করিয়া, আয়ান ঘোষ, তাহার ওপরি ঝটীলা এবং তাহাদের মাতা কুটীলা কালীর উপাসনা করিয়া পশুবলি দিতেন।

কিছু আয়ানের পত্নী রাধিকা শ্রীকৃষ্ণ কর্তৃক নিষ্কাম ধর্মের পোষকতা করিয়া তাঁহার নিকট গোপনে দীক্ষিতা হইয়া নিজেই তাহা সাধন করিতেন। তজ্জন্ম আয়ানের ভগ্নী ও মাতা শ্রীকৃষ্ণের ধর্মে হতব্রহ্ম হইয়া রাধিকার কলঙ্ক প্রচার করেন এবং যে সমস্ত গোপিনীগণ শ্রীকৃষ্ণের নিকট আত্মধর্মে দীক্ষিতা হইয়াছিলেন, তাহাদের সকলকে ব্যাভিচারিণী আখ্যা দিয়া জনসমাজে তাহাদের কুৎসা করিয়া বেড়াইতেন।

শ্রীকৃষ্ণ যোগবলে জটিল ও কুটিল বুদ্ধি বিশিষ্টা জটীলা ও কুটীলাকে দেখাইয়াছিলেন কালী কৃষ্ণ বিভিন্ন নহে। সেই জন্ম আয়ান ঘোষণা করিয়া রাধিকা একদিন শ্রীকৃষ্ণের উপাসনা করিতেছিলেন, আয়ান ঘোষণা বাটী আসিবামাত্র তাহার ভগ্নী ও মাতা বলেন, “দেখ, তোমার শ্রীর বিষয় আমাদের কথায় বিশ্বাস করিতে না, এখন দেখ, রাধিকা কালীর উপাসনা না করিয়া কৃষ্ণের উপাসনা করিতেছে।” তখন আয়ান দেখিলেন, কালী কৃষ্ণমূর্তি ধারণ করিয়া আছেন, রাধিকা তাঁহার সম্মুখে বসিয়া ভজনা করিতেছেন। সেই জন্ম কথায় বলে,—“কালী হল মা রাসবিহারী।” এখনও বঙ্গদেশের অনেক স্থলে ঐ মূর্তির পূজা হইয়া থাকে।

যখনই জীবের মঙ্গলার্থ কোন ধর্ম প্রচারকের আবির্ভাব হইয়া থাকে, এমন কি সত্য, ত্রেতা, দ্বাপর যুগেও ধর্মবিদ্বেষীগণ ধর্ম প্রচারকের কুৎসা করিয়া আসিতেছেন, এখনও ঐরূপ হইয়া থাকে। ভাবিয়া দেখুন, শ্রীকৃষ্ণ ১৩ বৎসর বয়স্ক বালক, বৃন্দাবনে ধর্মপ্রচার শেষ করিয়া মথুরা গমন করেন। তাঁহার চরিত্রে দোষারোপ অস্বাভাবিক নহে কি? তিনি যখন দেহত্যাগ করেন, তাঁহার প্রপৌত্র ব্রহ্মকৈ রাধিয়া ৭৫ বৎসর বয়স্ক কালে দেহত্যাগ করেন।

বৃন্দাবনের শ্রী পুরুষ গোপ জাতিয় নহেন। গো রক্ষা অর্থাৎ সাধন দ্বারা জিন্মাকে তালুম্লে রাখিতেন এবং গোপনে আত্মধর্মের উৎকর্ষ

করিতেন। তজ্জন্তু বিধর্মীগণ অর্থাৎ বৈদিক ও তান্ত্রিক ধর্মাবলম্বীগণ কলঙ্ক ও কুৎসা করিতেন।

১৩ বৎসরের বালক কৃষ্ণ হইতে সাধিকাগণকে গোপন স্থানে লইয়া গিয়া ধর্ম উপদেশ দিতেন তাহাতে বিধর্মীগণ শ্রীকৃষ্ণ ও গোপিনীগণের চরিত্র সম্বন্ধে কুৎসা করিতেন। শ্রীকৃষ্ণের একটি বংশী ছিল, কোন স্থান হইতে ঐ বংশীধ্বনি করিলে গোপীগণ স্বামী পুত্র নিজ ভবনে রাখিয়া কৃষ্ণ সমীপে গমন করিতেন। তাহাতে তাঁহাদের স্বামী কেন আপত্তি করিতেন না, ইহা ভাবিবার বিষয় নহে কি? মন্দ অভিপ্রায়ে যাইলে স্বামী নিশ্চয়ই বাধা দিতেন। শ্রীকৃষ্ণ বৃন্দাবনে বৈষ্ণব ধর্ম প্রচার করিয়া মথুরায় গমন করিয়া কংশ বধ করেন। তাহা পূর্বে লিখিত হইয়াছে।

ছিন্নমস্তা

নিম্নে পুরুষ অর্থাৎ বাণলিঙ্গ প্রাণ, উর্দ্ধমুখে ব্রহ্মযোনীতে অর্থাৎ স্ত্রী লিঙ্গের মৈথুন কারণ ইহাই বিপরীত বিহার, যখন মৈথুন করিতে কুরিতে ব্রহ্মযোনীতে বীৰ্য পতন হয় অর্থাৎ সহবাসের উদ্দেশ্য সমাপন হইয়া, তখন পরমানন্দে ব্রহ্মযোনীতে প্রাণের স্থিতি হয়; তখন ঈড়া পিঙ্গলা সুষুম্নাস্বরূপ সাধকের রক্ত—অনুরক্ত উর্দ্ধগত ভাবে ত্রিধারায় সহস্রারের নিম্নে ঈড়া পিঙ্গলার কার্যে যোগিনী পান করিয়া থাকে, সুষুম্না স্বরূপ মধ্য রক্তপ্রবাহ কালী স্বরূপ সাধকের মস্তকের সহস্রারে উর্দ্ধগত হয়, তজ্জন্তু নিজে পান করিয়া থাকে। মস্তক বলিয়া কিছুই থাকে না, মস্তকই সকল খেয়ালের যন্ত্র, তখন মস্তক থাকিয়াও মস্তক হীন হয় অর্থাৎ মনের বিলয় হয় ইহাই ছিন্নমস্তার উদ্দেশ্য।

কালিয় দমন

কালিয় সর্প স্বরূপ, যাহা নরদেহে চঞ্চল রূপে জীবকে সদা দংশন

করিতেছে। প্রাণের বিশেষ আলোড়ন হইলে মন ভীষণ ভাবে হিতাহিত জ্ঞান শূন্য হয়। প্রাণের চঞ্চলতা হইতে মনের উৎপত্তি। সেই প্রাণ স্বরূপ কাল—কালকে যম কহি যায়, সেই কাল স্বরূপ প্রাণ জীবদেহে মিনিটে ১৫ বার গড়ে সঞ্চালিত হয়, সেই প্রাণের চঞ্চলতার আধিক্যে হিতাহিত শূন্য করাইয়া যথেষ্টাচার করাইয়া থাকে এমন কি তাহার প্রভাবে ক্রোধ, সংমোহ, বুদ্ধিনাশ—এমন কি মৃত তুল্য হয়, পশুবৎ আচরণ, এমন কি মৃত্যু পর্য্যন্ত সংঘটন করাইতে পারে। শ্রীকৃষ্ণ সেইজন্য ঐ চঞ্চল প্রাণের মর্দন করিয়া অর্থাৎ প্রাণায়াম দ্বারা তাহার দমন করিয়া তাহার মস্তকের উপর আরোহন করিয়া তাহাকে মর্দন করিয়া তাহাকে স্থিতি করিয়া তদুর্দ্ধে দণ্ডায়মান হইয়া, তাহার দর্পচূর্ণ করিয়া তাহার ফণার উপরে দণ্ডায়মান হইয়া সাধকের মুক্তি কামনায় প্রাণায়াম প্রকরণের উপায় দেখাইয়াছিলেন। ইহাই কালিয় দমন। তাহার অন্যান্য সঙ্গিগণ শ্রীকৃষ্ণের নিকট করজোড়ে উপাসনা করিয়াছিল। (গুরু-বক্তৃগম্য।)

গোবর্দ্ধন ধারণ

শ্রীকৃষ্ণ দেখিলেন নন্দালয়ে নন্দ উপানন্দ ইন্দ্রের পূজা করিতেছেন কারণ তৎকালে বৃন্দাবনে বৈদিকধর্মের প্রচলন। ইন্দ্র, বায়ু, বরুণের পূজা বৈদিক ধর্মের অন্তর্গত, যাহা সকাম ধর্ম। শ্রীকৃষ্ণ বলিলেন, পিতা! ইন্দ্রের পূজা করিবেন না। তদুত্তরে নন্দ কহিলেন, ইন্দ্রের পূজা না করিলে অতিশয় বৃষ্টিপাতের দ্বারা গোগণ ভাসিয়া যাইবে। আমরা গোপ, গরু আমাদের প্রধান অবলম্বন। তদুত্তরে শ্রীকৃষ্ণ কহিলেন,— তজ্জন্ম চিন্তা নাই, আমি গোবর্দ্ধন ধারণ করিলে গোরক্ষ হইবে; অর্থাৎ ঐ পর্য্যন্ত জিহ্বা অর্থাৎ ধো তালুমূলে—ত্রিভুতে স্থাপিত না হয় তৎপূর্বে জীব কামনার অধীন থাকে, গো তালুমূলে স্থিতি করিতে

পারিলে অর্থাৎ গো = জিহ্বা, বর্ধন = ক্রিয়ার দ্বারা লক্ষ্যমান করা, ধারণ = ত্রিকুট পর্বতে রাখা। এই গো-বর্ধন ধারণ হইলে গোরক্ষা পায়। অনবরত জিহ্বা সঞ্চালনে কামনাকে প্রস্রয় দেওয়া হয়, জিহ্বা তালুমূলে প্রবেশ করিলে তখন সাধকের কামনা সকল কমিয়া যায়। এই উদ্দেশ্যে সাধক সাধিকাগণের ইন্দ্ৰিয় ছাড়া কালী প্রতিমায় তাহার জিহ্বা বহির্ভাগে লক্ষ্যমান দেখান হইয়াছে। তালুমূলে উহা লক্ষ্যমানা করিয়া রাখিলে সাধক সাধিকা বৃষ্টিতে পারিবেন না বলিয়া বাহিরে লক্ষ্যমানা দেখান হইয়াছে। শ্রীকৃষ্ণ বৃন্দাবনে ক্রিয়ার দ্বারা জিহ্বাগ্রস্থি ভেদ করেন। ইহার বহির্লক্ষ্য গোবর্ধন ধারণ, অন্তর্লক্ষ্য উপরে লিখিত হইল।

যজ্ঞোপবীত ধারণ

যিনি ঐড়া পিকলা আদিত্য হৃদয়ে ক্রিয়ার অতীতাবস্থায় ধারণ করেন, তিনি প্রাণ, মন, হৃদয়, এই তিন দণ্ড ধারণ করেন, তখন তিনি ব্রাহ্মণ পশ্চাৎ হন। এই ব্রহ্মসূত্র ধারণই পৈতাধারণ তখনই প্রকৃত পবিত্র হন অর্থাৎ ব্রহ্ম ভাবাপন্ন হন।

শিখা ধারণ

মস্তকের পশ্চাৎভাগে যে স্থানে শিখা রাখা হয়, ব্রাহ্মণ অর্থাৎ ব্রহ্মকে যিনি জানেন, তিনি ঠিক মস্তকের পশ্চাতে একটা অনুভব করেন, সেই স্থানে মনে হয় একটা Sensation বোধ হয়। ব্রাহ্মণের মস্তক মুগ্ধন করিয়া শিখা ধারণের ব্যবস্থা আছে, সেই শিখায় গাঁট দিয়া বুলাইয়া রাখার ব্যবস্থা আছে। সেই গাঁটটি কূটস্থ বা আজ্ঞা-স্থানে স্পর্শ করে, তাহা হইলে ঐ ব্রাহ্মণের সর্বদা তথায় মন

থাকে। এখন আর স্পর্শ হয় না, সমস্ত মাথায় চুল রাখার জন্তু তাহা এখন লোপ পাইয়াছে।

রাধার মান ভঞ্জন

রাধা পরা-প্রকৃতি অর্থাৎ শ্বাসের বহির্ভাগে আগম নিগমের কার্য ইনিই রাধা বাচ্য। এই রাধা অর্থাৎ স্থির প্রাণের অধীন। এই রাধার সম্বন্ধনা দ্বারা অর্থাৎ প্রাণের বৃদ্ধিকরণ-রূপ অন্তর্মুখীন প্রাণায়াম দ্বারা নির্বাণ অর্থাৎ শরই বাণ বাণলিঙ্গ আত্মা, চঞ্চল প্রাণবায়ু যাহা বাহিরে চলে, তাহা স্থিরপ্রাণে ব্রহ্মযোনীতে মিলন হয়। ইহাই নির্বাণ অর্থাৎ বাণ থাকে না। বাহিরের প্রাণের আগম নিগম রহিত হয়, রাধিকার পদদ্বয় ঈড়া পিঙ্গলা স্থির প্রাণই শ্রীকৃষ্ণ ধারণ করেন। ইহাই মান ভঞ্জন, কারণ রাধার পদ ধারণ করা হইল।

গোপিনীর বস্ত্র হরণ

বস্ত্র স্ত্রীলোকের ধর্ম; স্ত্রী পুরুষের ধর্মই প্রাণশক্তি। যখন সেই প্রাণ সাধন দ্বারা নিম্প্রাণ অর্থাৎ প্রাণহীন অবস্থা হয় তখনই ধর্ম থাকে না। শরীরের প্রত্যেক কার্যই বহিঃপ্রাণ শক্তির দ্বারা সম্পন্ন হইয়া থাকে। তাহার অভাবে অর্থাৎ ঐ প্রাণ বাহিরে না পড়িয়া ভিতরে ভিতরে কার্য হইতে থাকে, তাহাতে মনুষ্য মৃত্যুমুখে পতিত না হইয়া অন্তর শক্তির দ্বারা সকল কার্যই সম্পাদন অনাশক্ত ভাবে হয়। শাস্ত্রে বর্ণিত আছে, কদম্ব বৃক্ষের উপরে গোপিনীদের বস্ত্র হরণ করিয়া শ্রীকৃষ্ণ বংশী ধ্বনি করিতেছিলেন। গোপিনীগণ জল বিহার করিতেছিলেন। বিহার অস্ত্রে নদীকূলে বস্ত্র না দেখিয়া যমুনার কূলে কদম্ব বৃক্ষের উপরে দৃষ্টিপাত করিয়া দেখিলেন, বস্ত্র হরণ শ্রীকৃষ্ণ হরণ করিয়া লইয়া বসিয়া বংশী বাজাইতেছেন। গোপিনীগণ জলে

দাঁড়াইয়া হাত জোড় করিয়া শ্রীকৃষ্ণের নিকট বস্ত্র চাহিতেছেন। তদ্বস্ত্রে শ্রীকৃষ্ণ বলিতেছেন, বৃক্ষতলে আসিয়া বস্ত্র চাহ, আমি তবে দিব। উলঙ্গ অবস্থায় শ্রীকৃষ্ণ সমীপে যাইতে লজ্জিত, যাইতে পারিতেছে না। শ্রীকৃষ্ণ দেহের উপরে দৃষ্টিগোচর হইতেছে, মন ইন্দ্রিয়াদির বিষয়ভূত থাকায় মোহাচ্ছন্ন। তখনও গোপিনী অর্থাৎ সাধিকাগণ ভেদজ্ঞান কাটাইতে পারেন নাই। তাহার পরে এক ভাবাপন্ন হইলে বস্ত্র প্রদান করেন।

কংস রথ

কংস শব্দে কামকে বুঝায়। মন, কামনা গত হইয়া ভোগিকাস্ত্র বায়ুর সাহায্যে জীবদেহে কর্তা সাজিয়া রাজত্ব করিতেছে। সাধক সংগুরু প্রদত্ত নিষ্কাম কর্ম প্রাপ্ত হইয়া কামনাকে বিংশ করিবার জন্য কুটস্থ অর্থাৎ কৃষ্ণচন্দ্রের সাহায্যে প্রাণায়াম পরতন্ত্র হইয়া মন-রাজ্য উচ্ছেদ করা হয়। কামনা তিন গুণের অন্তর্গত। প্রাণের চঞ্চলতা, আবস্থা হইতে জাত, আবার প্রাণের চঞ্চলতা হইতে মনের উৎপত্তি। পূর্ববর্ণিত সাধক কালীয়দমন অর্থাৎ প্রাণায়াম করিয়া এবং গোবর্ধন ধারণ করিয়া কংস অর্থাৎ কামকে সাধক হতবল করিলে কামনা আশ্রিত মন চতুর্দিকে কৃষ্ণকে দেখিতে পায় অর্থাৎ যখন কামনা শূন্য মনের অবস্থা সাধকের ঘটে তখন সাধকের মন চতুর্দিকে কৃষ্ণকে অর্থাৎ কুটস্থকে দেখিতে পান। বাহিরে কংস বধের সময় কংসের ঐ রূপ অবস্থা হইয়াছিল। শেষে কৃষ্ণ বাহু দ্বারা কংসকে ধ্বংস করেন। বাহু নামক বায়ু দ্বারা কামনা সংযুক্ত মনের বিশেষ সংঘটন হয় এবং কুটস্থে লীন হয়, তখন কামনা থাকা না থাকা সমান হয়। যেমন দুর্জয়ন অর্থাৎ কামনা স্বর্ষ্য দুঃখের স্বধ্যগত অবস্থায় মৃত্যুমুখে পতিত হয়। হরিশে বিষাদের সন্ধিক্ষণে।

জগদ্ধাত্রী পূজা

কুণ্ডলিনী = যিনি প্রাণ শক্তির আধার—কমলে বিরাজিতা ; তাঁহার চৈতন্য—সাধন ভিন্ন অন্য কিছুই নহে । সেই কুণ্ডলিনীর চৈতন্য হইলে কুটস্থ পুরুষে সংযোজন হয় । তাহা হইলেই সিদ্ধাবস্থা প্রাপ্ত হওয়া যায় ।

রামায়ণ রহস্য

দশরথ—আদিত্য, তাহা হইতে স্থির প্রাণ অর্থাৎ রাম । যে লক্ষণ হইলে রাম ভাব হয়—যে লক্ষণ রামের ছায়া স্বরূপ । মন, জনক অর্থাৎ মায়িক জীবের পরিণাম দেহের ঠিক রাজা বা কর্তা মন । ঐ মন মৃত-গুরুদত্ত নিকাম কর্মের উপদেশ পাইয়া দেহরূপ কৃষিক্ষেত্র ঈড়া, পিঙ্গলা ও সুষুম্নার সাহায্যে ঈড়া পিঙ্গলা দুইটি বলদ ও সুষুম্না লাঙ্গল স্বরূপ ও গুরুমন্ত্র ফালের সাহায্যে উঠা নামা রূপ কর্ষণ করিতে করিতে জ্যোতির্ময়ী পরাপ্রকৃতি স্বরূপিনী সীতা, দুই ক্রম মধ্যস্থলে উল্লিঙ্গ হয় । তৎপরে ব্রহ্মানন্দে নিমগ্ন অবস্থায় নানারূপ ক্রিয়া সাহায্যে নিগম শক্তি স্থির হয় । ঐ সীতাদেবী স্থিরপ্রাণে সংমিলিত, তাহার অর্থ ই রাম । সীতার বিবাহ—বহ নামক বায়ুর সাহায্যে ব্রহ্মযোনীতে স্থির বায়ুর সহিত মিলন, ইহাই রামের বিবাহ । সাধক প্রতিদিন কৌশলরূপ ক্রিয়ার দ্বারা জ্ঞানরূপী সীতাকে সন্দর্শন লাভ হয় । প্রতিদিন দৃষ্টিগোচর হওয়ায় মোহ হয় । সহজ উপায়ে যখন দর্শন হয়, ইহাতো আমার হস্তগত । এই অহং যুক্ত মোহ রাবণ কর্তৃক সীতা হরণ হয় অর্থাৎ জ্ঞান হারায় । তাহার পরে যে কৌশলে দর্শন হইতে ছিল তাহা দ্বারা আর কিছু মাত্র দর্শন হয় না, পুনরায় আত্মবিশুদ্ধি

হইয়া যাইলে সীতামেষণ ও সাধকের নানারূপ মনকষ্ট, তৎপরে উত্তমের সহিত সাধনায় মেরুশিখরে পঞ্চ বানরের সহিত মিলন। তন্মধ্যে প্রধান বায়ুরূপী হনুমান ও সূগ্রীব। তাহাদের সাহায্যে ক্রুর বায়ু বালীবধ, লঙ্কাপুরে এই দেহের হনুমান কর্তৃক সীতার উদ্দেশ। সেতু পার হইয়া যুদ্ধ উত্তোগ। রাক্ষস অর্থাৎ প্রবৃত্তিপক্ষের সহিত যুদ্ধ। ইন্দ্রজিত অর্থাৎ মনের হতবল করণ। কুম্ভকর্ণ অর্থাৎ তমোগুণের বিনাশ সাধন। সর্বশেষে মোহরূপ রাবণ অর্থাৎ রজগুণের উচ্ছেদ, যাহা সুষুম্নার গুঁজা ক্রমান্বয়ে ৩ দিন, ৩ রাত্র সাধনের দ্বারা অর্থাৎ মন্ত্রপূত করিয়া লক্ষ্য করিয়া শর-দ্বারা মোহের হৃদয় ভেদ করণ। মোহ রূপ রাবণ যখন বিনাশ প্রাপ্ত হয়, তখনই প্রকৃত পক্ষে বিজয় হয়। মোহ কাটিয়া যাইলে “সর্বং ব্রহ্মময়ং জগৎ” জ্ঞান হয় তখন শত্রু মিত্র ইতর ভদ্র এক ভাবাপন্ন বলিয়া সাধকের জ্ঞান হয়। সেই মোহ বিনাশের পরে দুর্গার নিরঞ্জন হইলে কোলাকুলি করিয়া সকল একাকার দেখায়। তখন সাধকের ভগবৎ নেশা ও মুখ মিষ্ট বোধ হয়। তৎপরিবর্তে আজ-কাল বিজয়ায় দিনে কোলাকুলি, সিদ্ধি খাওয়া, মিষ্টান্ন দান হয়। কিন্তু প্রকৃত বিজয় হয় না। কোলাকুলির সময়ে শত্রু মিত্র খুবই জ্ঞান থাকে। ইহার পরে সীতা উদ্ধার অর্থাৎ সাধকের উপরে, আজ্ঞাচক্রে জোতির্ময়ী পরা প্রকৃতির দর্শন লাভ, পুরুষের সহিত একত্রিভূত দর্শন হওয়ায় ব্রহ্মানন্দে নিমগন।

কুণ্ডলিনী

শাস্ত্রে উক্ত আছে যে—বাসুকি পৃথিবী ধারণ করিয়া আছেন। তাহার মর্ম এই যে—দেহরূপ-ব্রহ্মাণ্ডই পৃথিবী; কুণ্ডলিনী-শক্তি-রূপী বাসুকি-মূলধার-রূপ ক্ষিতিকে ধারণ করিয়া আছেন, তজ্জন্ম জগদ্ধাত্রী প্রতিমার ঝঙ্ক দেবে একটি সর্প দেখা যায়।

জগদ্ধাত্রী, মূলাধারে সর্পরূপী প্রাণশক্তি বা বাসুকি। কুণ্ডলিনীকে গুরুদত্ত কৰ্ম দ্বারা চৈতন্য করিলে মনসাদেবী কল্প-যাইতে পারে ; কারণ প্রাণশক্তির চঞ্চল অবস্থা হইতে মনের উৎপত্তি। মনসাদেবী সর্পের উপর অবস্থিত দেখা যায় অর্থাৎ চঞ্চল প্রাণ হইতে মনের উৎপত্তি। প্রাণ না থাকিলে মন কোথা হইতে উৎপন্ন হইবে।

জীবের উদ্ধার

সকাম অর্থাৎ কামজ পুত্র হইতে পুংনামক নরক হইতে উদ্ধার হওয়া যায় না। নিকাম কৰ্ম দ্বারা প্রবোধ অর্থাৎ প্রকৃষ্ট জ্ঞানরূপ পুত্র উৎপন্ন হয় ; সেই পুত্র হইতে উদ্ধৃতন সপ্ত পুরুষ এরং অধতন সপ্ত পুরুষের উদ্ধার সাধন হয়। বহুলক্ষ্যে যেমন পুং লিঙ্গদ্বারা যোনীতে আলোড়ন করিলে অর্থাৎ একবার লিঙ্গ উঠাইয়া পুনঃপ্রবেশ কাৰ্য্য দ্বারা স্থখের সময় সময় উভয় লিঙ্গের একত্র সংমিলন হয় ; তদ্রূপ বানলিঙ্গ স্বরূপ প্রাণকে অন্তর্মুখীন করিয়া সুষুপ্ত পথে উর্দ্ধে আত্মাচক্রস্থিত ব্রহ্ম-যোনীতে আলোড়ন অর্থাৎ পুরক করণ, তৎপরেই বাণলিঙ্গকে মূলাধারে নিম্নগামী অর্থাৎ রেচক করিয়া, পুনঃপুনঃ পুরক ও রেচক করিয়া ব্রহ্মানন্দ স্বরূপ অশুভূত হয়। যখন ব্রহ্মযোনীতে পুংলিঙ্গ স্বরূপ বাণ-লিঙ্গের সহবাস অর্থাৎ প্রাণের স্থিতি হয়, তখন ঈড়া ও পিঙ্গলা (যাহা দুই নাক দিয়া যাওয়া আসা করিতেছে তাহা) স্বতঃ অবরোধ আপনা আপনি হইয়া ঐ দুই নাকের খাস, যাহা রজ ও তমগুণ—উদ্ধার (অর্থাৎ উৎ = উপরে, ধার = ধারণ) হয়, ইহাই জীবের উদ্ধার। (প্রকৃষ্ট বিবরণ ছিন্নমস্তায় লিখিত হইয়াছে, তাহা দ্রষ্টব্য)। যে সাধক ক্রিয়া দ্বারা আপনা আপনিই ব্রহ্মযোনীতে সদা বানলিঙ্গ অর্থাৎ সুষুপ্তাবায়ুকে রাখিতে পারেন তিনিই ভগবানু উপাধিধারী। এ রহস্য সাধকের নিজ বোধগম্য। সাধনায় উন্নতি করিলে বুঝিতে পারা যায়।

